

DE VITA.
ET MORIBVS
IGNATII LOIOLE,
QVI SOCIETATEM
IESV FVNDAVIT.
LIBRI III.

Auctore Ioanne Petro Maffeio, presbytero
Societatis eiusdem.

CVM PRIVILEGIO.



SUPERIORVM PERMISSV.

MEDIOLANI,
Apud Pacificum Pontium. M. D. LXXXVI.

DE VITA
ET MORIBUS
IGNATII LOIOLE
OAI SOCIETATIS
FESTA LUNDIVITATI
1617
LIBRI III.

Auguste Joanne Petri Maffei... illustratio
Societas editio eiusdem

CVM PRIVILEGIIS.



SUPERIORVM PERMISSA.

MEDIOEAV.

Fondo librario antico dei Gesuiti italiani
www.fondolibrarioantico.it



CLAVDIO
AQUAVIVAE,
PRAEPOSITO GENERALI
SOCIETATIS IESV.

Ioannes Petrus Maffeius S. D.



V AE parens, & conditor
nostræ Societatis Ignatius,
auctore ac duce Deo gessit in
terræ, ea profecto digna sunt,
in quibus commendandis immortalitati, scri-
ptorum omnium certet industria. Id scilicet
fuit causæ, cum in eo munere alij non sine
pietatis, & ingenij laude versati sint, cur ego
quoq; delatam olim ad me à Patre nostro
Euerardo nonnullam huiuscè prouinciae par-



tem , neq; ita grauate receperim , & rece-
ptam , si minus cum apparatu , & copia , cer-
te cum fide , curaq; , Deo adiuuante confe-
rim . Nec sanè dubium , quin , qui talem
mihi laborem iniunxerat , huic potissimum
laboris eius , & opera & fructus , ac prima liba-
mina deberentur . Nunc , quando , priusquam
in vulgo exirent lucubrations meæ , ad bea-
tos ipsius Ignati complexus , uti speramus ,
ille decessit ; ei nempe , qui in utriusq; Præpo-
siti locum , et curas nutu diuino succedit , opti-
mo iure dicandæ fuerint . Ac tibi quidem ,
Pater humanissime & optime , in præclarum
illud exemplar dies , noctesq; intuenti , mini-
mè dubito quin opus hoc qualecunq; , gratum
acceptumq; futurum sit . Cæteris ut perinde
iucundum , ac fructuosum accidat ; nimirum ,
ab I E S V , tuis incensis officio , & caritate ,
precibus , & sacrificijs impetrabis . Vale .
Romæ . Kal . Ianuarijs . M . D . L X X X V .



INDEX CAPITVM OPERIS.

LIBR I P K I M I	120
R T V S Ignatij, & educatio. Cap. 1.	1
Conuersio eius ad Christum. Cap. 2.	5
Ad Montem serratum religionis causa profici- scitur. Cap. 3.	14
Acta eius in Monte serrato. Cap. 4.	19
Ardores eiusdem in studio pœnit entia. Cap. 5.	22
Molestia scrupulorum, & tentationum eiusdem. Cap. 6.	24
Ignatij profectus in spiritu. Cap. 7.	31
De studio collato ad proximos adiuuandos. Cap. 8.	35
E graui morbo pericitatur. Cap. 9.	37
De inanis gloria nitio superato. Cap. 10.	39
De profectione Hierosolymitana. Cap. 11.	40
Nauigat in Italiam. Cap. 12.	42
Nauigat in Palæstinam. Cap. 13.	48
Palæstinæ loca sancta perlustrat. Cap. 14.	51

— 3 — In

INDEX CAPITVM.

In Hispaniam redit . Cap. 15.	55
Barcinone ad studia litterarum aggredi tur . Cap. 16.	62
Eiusdem commoratio Complutensis . Cap. 17.	67
Lutetiam proficiscitur . Cap. 18.	81
Extremæ in opere incommoda superat . Cap. 19.	84
Varie propter Christum exercetur . Cap. 20.	87
De socijs ad Ignatium adiunctis . Cap. 21.	93

L I B R I S E C V N D I.

A EGER Hispaniam repetit . Cap. 1.	101
Venetias ingenti labore contendit . Cap. 2.	107
Venetias ad Ignatius socij ueniunt .	
Cap. 3.	112
Sacris initiantur Ignatium , & de rebus ab eodem , & socii in Veneta ditione gestis . Cap. 4.	118
Ignatio Romam appropinquanti Christus appetet : & un- de Societati I E S V nomen inditum fuerit . Cap. 5.	123
Ignatius Romæ Christianæ rei dat operam : in Casinati monte animam Hozij cælum intrantem uidet .	
Cap. 6.	127
Romam Patres vniuersi conueniunt : ueterem plebis eru- diendæ morem , & frequentem usum Confessionis , & Eu- charistiae restituunt . Cap. 7.	131
Falsis criminibus circumuenitur Ignatius , & absoluitur .	
Cap. 8.	132
Ignatius & cæteri Patres de consti tuenda Societate deli- berant . Cap. 9.	144
Patres in varia loca Pontificis iuslu discedunt .	
Cap. 10.	148
Ignatius plebi fame periclitanti succurrit . Cap. 11.	153
Confirmatur à Pontifice maximo Societas . Cap. 12.	156
Præpositus Generalis creator Ignatius . Cap. 13.	158
Gene-	

INDEX CAPITVM,

Generalis Ignatius denuo Catechistæ munere fungitur.		
Cap. 14.	166	
Societas augetur, distribuuntur prouincie.	Cap. 15.	168
Varia in Ignatiū tempētates excitantur.	Cap. 16.	170
Regimen fēminarum à Societate depellit Ignatius.		
Cap. 17.	173	
Honoribus in Societatem nostrām Ignatiū aditum obstruit.	Cap. 18.	175
Confirmatur à Iulio III. Societas.	Cap. 19	186
Magistratu sese abdicare conatur Ignatius.	Cap. 20.	187
Societati in Hispania ualde laboranti succurrit.		
Cap. 21.	190	
De Iulij III. obitu, & de Marcelli II. in Ignatiū nostrosque benevolentia.	Cap. 22.	194
Ignatii obitus.	Cap. 23.	196

LIBER TERTII.

D E orandi assiduitate, & studio pietatis:		
Cap. 1.	200	
Quod eius fuerit de perfectione iudicium.		
Cap. 2.	206	
De caritate ipsius in Deum.	Cap. 3.	208
De caritate in proximos.	Cap. 4.	210
Mansuetudo eiusdem & comitas.	Cap. 5.	217
Grauitas eiusdem, & in custodia disciplinæ seueritas.		
Cap. 6.	220	
Eiusdem animi submissio, & quid de virtute Obedientiæ senserit.	Cap. 7.	225
Paupertas eius, & castimonia.	Cap. 8.	232
Aequitas animi, & constantia eiusdem.	Cap. 9.	233
Eiusdem ratio gubernandi.	Cap. 10.	243
Eiusdem ratio proximos adiuuandi.	Cap. 11.	225



4

Vita

Andreas

INDEX CAPITVM.

- Vita eius quotidiana, & domestica. Cap. 12. 255
Pietatis opera publice per eum instituta. Cap. 13. 258
Quædam de Ignatio mira. Cap. 14. 263
Eiusdem forma, & statura corporis. Cap. 15. 276

Rerum quædam in Ignatio & Sociis illustratae & expeditae. 277

Habituus in Societatem Ignatianam adhuc non solumm opere
finiti. Cap. 18. 184

Constitutio & statuta Societatis. Cap. 19. 182

Mitigatione & reliefatione pauperium. Cap. 20. 182

Societas in Hispanias nata & in America. 292

Cap. 21. 180

Descriptio III. Ordinum Ignatianorum. 292

Historia & progressus Ignatianus. 292

Iter Venetum. 292

Index opusculorum Ignatianorum. 292

Sacra missa & orationes. 292

in Venerabilem Terram Sanctam. 292

Ignatio Romanus & socii. 292

de Societate. 292

Ecclesiasticæ & litterariæ & huiusmodi pietatis. 292

Cap. 22. 290

Constitutio & statuta Societatis. 290

De constitutio & statuta Societatis. 290

INDEX

¶ + Avis

INDEX RERVM MEMORABILIVM, QVAE IN HOC VOLVMINE CONTINENTVR.

Bdicare sese magistratu conatur Ignatius.	187.
Abstinentia & sobrietas eiusdem. 22.29.236.	
Accusatoribus qua obseruatione aures præbere consueuerit Ignatius.	249
Adrianus V I. Pont. Max.	
Aegrotorum curandorum lex.	44
Aenobarbus archipirata.	258
Agni cœlestis cærea effigies.	107
Alexandri Card. Farnelij pietas, et magnificentia. 167.275.	205
Alexander Petronius medicæ artis laude præstantissimus. 229.265.	
Alfonsus Fonseca, Toletanus Archiepiscopus.	74
Alfonsus Salmeron Toletanus Ignati socius.	97
Ad montem Celsum sedecit.	119
Ambitio & auaritia, due perniciosissimæ mortalium pe- stes.	189
Andreas Foxius, cognomento Asparotus.	5
Andreas Gritus, Venetorum Dux.	49
Andreas Lipomanus, vir pietate & genere nobilis. 216.173	

1

Andreas

I N D E X.

Andreas Ouedus, Aethiopæ Patriarcha.	185
Animorum curatio diffcilis.	36
Antonius Araozius Hispanę præponitur.	169
Eius litterę.	268
Apostolorum limina, et præcipue religionis templa nostri Romæ obeunt.	117
Arbensis Episcopus Ignatium ad sacerdotium euehit.	118
Ardebalus Ignatii præceptor.	63
Artiaga se ad Ignatij institutum aggregat.	66
Eius motus.	106
Augustinus quidam Augustinianus hæreticus nostros Romæ infestatur.	132
B	
Biona, olim Aquæ Augustæ.	103
Baptista Viola Parmensis.	272
Barcinone ad studia litterarum Ignatius aggreditur.	62. 210. 264.
Barptolomæus Guidicionius Cardinalis.	157
Barrera Hispanus Romæ cum aliis in nostros conspi- citat.	137
hæreticus comprehenditur.	143
Bassanum, oppidum agri Patauini.	120
Bellum inter Gallos & Hispanos.	5
inter Venetos & Turcas.	118
inter Paulum I V. & Regem Philippum,	196
Benedictus Conuersinus, urbis Romæ gubernator.	137
Benevolentiam suorum erga se quomodo aleret Ignatius.	248
Bernardinæ cuiusdam Romanæ filiæ sanitati resti- tuitur.	267
Bernardinus Maffeius Card.	179
Bertramus Loiola.	103
Bisinianum opidum.	159
Bona spei promontorium.	148
Bononiam Ignatius peruenit.	108
Bononiam veniunt Xauerius, & Bobadilla.	124
Bra-	

IX N^o D^o E^o XI.

- Brasilia ora 148
 Brixiam mittitur Claudio Iaius 148
Callistus se ad Ignatij ductum aggregat 66
 Carcerem in Societatem induci nunquam per-
 misit Ignatius 224
 Caritas Ignatii in Deum 208
 in proximos 210
 Castitatis laude insignis Ignatius 232
 Castitatis virtutem in Societate magno studio custodiri
 voluit Ignatius 232
 Catechesi Christianæ operam dat Ignatius 167
 Catechumenorum ædes, curante Ignatio, paratæ 261
 Cazeres Segoviensis Ignatii socius 67
 in patriam reuertitur 106
 Christus tentationum iustissimus arbiter 26
 Christi patientiæ studiosus Ignatius 58
 Circus Flaminius Romæ 153
 Claudio Iaius Gebennenfis Ignatii socius 97
 Bassanum secedit 119
 Brixiam abit 148
 Tergestinorum Episcopatum reijcit 177
 Collegium Montis acuti Parisiis 83
 Collegium S. Barbaræ Parisiis 86
 Collegium Hispanicæ nationis Bononiæ 109
 Collegium Germanicum Romæ 262, 274.
 Collegium Lauteranum 266
 Compluti artium curriculum init Ignatius 67
 Concionantur Parauit Codurius, Hoziusque; Ferrariæ
 Rodericus & Iaius; Bononiæ Xauerius, & Bobadilla
 Senis Paschasius, & Salmeron 124
 Vicetiæ Ignatius, Faber, & Laines 121
 Concordia nihil valentius ad res arduas moliendas 145
 Confessio totius anteactæ vitæ Ignatii 19
 iterum, iterumq; ab eodem repetitur 28
 quotidiana cuiuslibet omissionis 203
Ecclesiæ
Fundatæ
Secundæ
Tertiaræ
Vicariæ
Workæ



6

Con-

IXNI DI E XI.

Confessio generalis P. Fabri.	95
& aliorum sociorum Ignatij;	97
Confessionis frequens usus ab Ignatio & sociis Romæ restitutus.	132
commendatur ab Ignatio Barcinone.	211
Crucem pauci ex animo amplexantur.	104

D AEMON Ignatium ab incepto reuocare conatur.	25
Ignatio difficultates representat.	26
Ignatium a litterarum studio remouere nititur.	64
Detractiones, & susurri animos disiungunt.	163
Didacus Guias Cantaber.	109
Didacus Lasius Ferdinandi Regis orator.	178
Dignitatis gradus perfectos viros requirunt.	180
a Societatis instituto valde alieni.	180
D. Dionysij Areopagitæ tutela.	98
Discretio spirituum, consumata sapientiæ virtus.	12
Doctrinæ Christianæ præceptis plebē imbutit Ignatius.	66
68. 104. 109. 131. 154. 167.	
Doctrinam Christianam professi tradere debent.	147.
Dominicani fratres Salmanticæ Ignatii doctrinam ex-	
pendunt.	75.
Domus professæ egestati Romæ mirabiliter subuenitur.	
234. 241. 242.	

E.

E Cclesia primitiuæ Ignatij quæ.	125.
Ecclesia Rom. Princeps, magistraq; orbis terrarū.	132.
Eleemosyna Ignatii in pauperes.	57.
Bleemosynis vndiq; cōquilitis alios subleuat Ignat.	68. 214.
Elisabetha Rosella Ignatium victu benigne alit.	63.
Pecunia eundem iuuat.	109.
Romam venit.	173.
Emendicat victimum Ignatius Compluti.	68.
Guipuzcoæ.	103.
& socii Romæ.	118. 131.
Erasmi libros abiicit Ignatius, & in Societate legi vetat.	65.
Eucha-	

I N D E X.

- Eucharistiam octauo quoque die sumit Ignatius. 83.
 idem quotidie. 128, 124.
- Eucharistiae frequens usus Romæ ab Ignatio, & sociis
 restitutus. 132.
 commendatur ab Ignatio Barcinone. 211.
- Examen conscientiæ bis quotidie habetur ab Ignatio. 83.
 item in singulas horas. 202, 256.
- Examen conscientiæ P. Fabri. 95
- Exemplo vitæ ac morum nihil efficacius ad animos
 permotiendos. 181
- Exercitiorum spiritualium liber ab Ignatio conscriptus. 12
- a Rom. Pontifice comprobatus. 36.
- Salmanticæ examinatur. 78.
- a sacro Inquisitore Parisijs receptus. 88.
- item in Hispania. 237.
- Exercitijs spiritualibus perpolitur Faber. 95.
- Xauerius. 96.
- & alij socij Ignati. 97.
- item multi Venetijs. 109.
- Romæ. 128.
- Nouitij probandi. H 146.
- F.**
- Ferdinandus Rex Rom. 175.
- Ferrariam venit Ignatius. 57.
- Rodericus & Iaius. 124.
- Fiduciaæ diuinæ innixus Ignatius. 42, 45, 108.
- ad Fossam Clodium Ignatius peruenit. 45.
- Fœminarum regimen à Societate depellitur. 173.
- Fœminarum consuetudo periculosa. 174.
- Franciscanæ familiae fratres Hierosolymis. 52.
- Franciscus Borgia Gandiensu dux, Societati se addicit. 185.
- Franciscus Mendoza. 78.
- Franciscus Michaelius, Vrbis præfensus. 172.
- Franciscus Strata Ignatio se adiungit. 130, 204.
- Franciscus Xauerius Cantaber Ignati socius. 96.
- primus in Iaponiorum terras Euangelium intulit. 96,
 Bono-

L N D E X.

- Bononiam proficiscitur, 124.
- ad montem Celsum secedit. 119.
- in Lusitaniam tendit. 119.
- in Indiam mittitur. 152.
- India Provincialis. 169.
- in Sinarum aditu obit. 97.
- Francisci Xauerij per somnum visio. 152.
- Frias, Vicarius Salmanticensis Episcopi. 77.

- G** Aspar Contarenus Card. 128, 156.
- Gaspar Doctus pro Ignatio & socijs. 142.
- Genuam proficiscitur Ignatius. 58.
- Georgius Nauerius, insignis doctor. 72.
- Germanicum Collegium in Urbe institutum. 262.
- Giennium urbs Bæticæ. 71.
- Grammaticæ rudimenta discit Ignatius. 63.
- eadem Parisijs repetit. 83.
- Grana piacularia. 205.
- Gregorius XIII. Pont. Max. 261, 275.
- Guipuzcoa prouincia. I. 103.

- H** Aereticorum fastus. 134.
- Hæretici ab Ignatio cum Ro. Ec. in gratiâ restituti. 94.
- Hercules II. Dux Ferrar. Ignatij & sociorum innocentia testimonium tribuit. 142.
- Hieronymo Arzio ægrotanti frequens adest Ignatius. 216.
- Hieronymi Arzij liberalitas. 234, 236.
- Hieronymus Verallus Legatus A postolicus Vener. III. 118.
- Hierosolymitana profectio ab Ignatio decernitur. 40.
- a Paulo III. iur petratur. 117.
- Hierosolymam venit Ignatius. 51.
- Honoribus in Societatem aditus obstruitur. 179, 185.
- Hortatur homines Ignatius ad odium peccatorum amoremque probitatis. 76, 78, 87, 104.
- Hospitium S. Iacobi Parisijs. 85, 88.
- ad Hospitalem domum diuertit Ignatius. 67, 103.
- Hozius

INDEX.

- Hozius Hispanus Venetiis Ignatio iungitur. 110.
 Taruisium secedit. 119.
 Patautum proficisci tur. 124.
 eius mortui animā cēlos penetratē videt Ignatiū. 129.
 Humilitas Christiana cæterarū parēs, cultosq; virtutū. 22.
 Humilitatis spiritum profiteretur Societas. 180.
- I**
 Acobus Gouea Lusitanus. 89. 153.
 Iacobus Laines Seguntinus Ignatiū socius. 97.
 Romæ sacras litteras profiteretur. 127.
 cum Petro Fabro Parmam contendit. 148.
 Italiaz prouincialis. 169.
 Ieunium P. Fabri. 95.
 P. Xauerii. 96.
 & aliorum Ignatiū sociorum. 98.
 I E S V nomen vnde Societati ineditum. 126.
 Ignatius etiam ante conuerionem ab omni impietate atque
 auaritia alienus. 3.
 in Pompelonensi obsidione vulneratus. 7.
 grauiter ægrotat. 8. 38. 49.
 vībanæ munditiæ apprime deditus. 9.
 lectione librorum spiritualium conuersus. 10.
 ad Montem serratum proficisci tur. 14.
 singulis noctibus se acerrime verberat. 16.
 singulis diebus ter se fæcili旗 cædit. 23.
 M A R I A E Virginis voto castitatis obstringit. 17.
 in Maurum quendam irritatus. 17.
 de peregrinatione Hierosolymitana sollicitus. 19. 40.
 quo anno militiae Christianæ nomen dederit. 21.
 excelsū quodam raptus. 34.
 magistram rerum spiritualium peritiam nactus. 31. 32.
 cur interdum ab aliis ad prandiu invitatus, accèderet. 37.
 inanem gloriam superat. 40.
 a diuina prouidentia totus pendens. 41. 42.
 in Italianam nauigat. 42.
 Roman ingreditur. 43.

TODIE

Adriani

INDEX.

Adriani VI. pedes exosculatur.	44.
Venetias ire parat.	44.
a comitibus destitutus.	46.
Venetias perductus.	46.
nauigat in Palæstinam.	48.
Palæstinæ loca sancta perlustrat.	51.
in Hispaniam reddit.	55.
ab Hispanis militibus contumelia affectus.	59. 60.
artium curriculum init Compluti.	67.
in carcerem conicitur.	72. 77.
Salmantice examinatur.	76. 78.
extremam inopiam superat.	84.
Philosophiæ studia aggreditur Parisiis.	86.
sacram Theologiam amplectitur.	87.
varie propter Christum exercetur.	87.
ad sacrum Inquisitorem Parisiis defertur.	88.
ab eodem Inquisitore absolvitur.	88.
virgarum periculo liberatus.	92.
multos à turpi vita conuerit.	94.
xeger Hispaniam repetit.	101.
Venerias contendit.	107.
sacris initiatur.	118.
plebi Romæ periclitanti succurrit.	153.
in culinæ ministeriis versatur.	162.
Generalatu se abdicare conatur.	187.
prophetiæ dono præditus.	267.
Ignatii ortus & educatio.	I.
acta in Monte serrato.	19.
Minoreffæ.	22.
in Guipuzcoa.	103.
Venetius.	110. 111.
Vicetæ.	120.
Romæ.	127.
animi altitudo.	4.
submissio.	225.
æquitas.	233.
	ardor

I. X. D. C. E. M. I.

- ardor in studio pœnitentia.
 caritas in Deum
 in proximos
 castimonia
 cautio in negotijs gerendis
 constantia
 conuersio ad Christum
 Confessarius Dominicanus Salmantica
 alter ex ordine Minorum Romæ
 clementia & lenitas
 fiducia in Deo
 forma & statura
 grauitas & in custodia disciplinæ severitas
 gubernandi ratio
 mansuetudo & comitas
 maturitas ac dexteritas in tractâdis hominum ingeniorum
 bicus
 opera liber Exercitiorum
 Qlibellus de rebus Christi & sanctorum præclare gestis
 pag
 liber de Trinitate
 epistola ad socios Lusitanos de Obedientia
 epistola ad Præpositum prouincie Lusitanie
 commentarij de religione
 carmina Hispanica de B. Petri laudibus
 scripta de spirituum discretione, & de moderandis affectibus
 paupertas
 persecutio Lutetia
 Romæ
 pietatis studium
 profectus in spiritu
 ratio proximos adiuuandi
 scrupuli
 sermo de contemptu rerum humanarum
 studium ad proximos iuuandos
 35. 70. 72. 75. 94.
 virtus

I N D E X .

- virtutes.** 163.
 - vita quotidiana & domestica. 255.
 - Ignatio nocte vigilanti M A R I A Virgo una cum paruulo IESV fese palam ostendit. 13.
 - + eidem Romam appropinquanti Christus a 125.
 - Ignatium socij oēs, vt parentem diligunt ac reuerantur. 99.
 - Inanis gloriæ vitium superat Ignatius. 40.
 - Indica expeditio nostrorum studijs apta 349.
 - Innocentij III. Papæ lex de curandis ægrotis. 258.
 - Ioannes Borgia Philippi Regis legatus. 203.
 - Ioannes Codurius Ignatij socius. 97.
 - Patauium proficiscitur. 124.
 - Trauism secedit. 120.
 - gravi morbo laborat. 272.
 - Ioannes Cruceius, rei domesticæ curator. 241.
 - Ioannes Figheroa Vicarius Archiepiscopi Tolet. 69. 141.
 - Ioannes Gallus Ignatij socius. 67.
 - monastice se vita addicit. 106.
 - Ioannes Moronus Card. 262.
 - Ioannes Lusitanus Rex. 96.
 - Ioannis tertij Lusitanus Regis curæ: iper de Tridicasse 149.
 - Ioannes Pena Ignatij in philosophia præceptor. 87. 89.
 - Ioannes Siliceus Toletanus Archiepiscopus, nostrorum in- fector. 190.
 - Ioannes Vega Hispanus. 169.
 - Iudæi multi versantur in Hispania. 73.
 - Julius III. Pont. Max. Societatem confirmat. 186.
 - eius mors. 194.
- L**
- L** Oiolarum familia. 1. 103. 105.
 - Ludit trudiculis Ignatius. 217.
 - Ludouicus Consalvius domus Romanæ minister. 221.
 - Lusitani Brasiliac & Indicam oram aperiunt. 148.
 - Lutetiæ proficiscitur Ignatius. 81.
 - Lutetiæ Parisiorum descriptio. 84.

Magnates

I. N. D. E. X. I.

M

- M** Agnates in Hispania qui vocentur. 21.
 Male nuptarum cœnobium ab Ignatio insti-
 tutum. 25.9.
 Marcelli II. Pont. electio, atque obitus. 194. 195.
 Margarita Austriaca, Octauij Farnesij uxoris. 155. 183.
M A R I A Virgo Ignatio noctu apparet. 13.
M A R I A E Virginis patrocinium. 98. 124.
M A R I A E Virginis ad Niues, ædes Romæ. 123.
 S. M A R I A E à Strata templum. 166.
 in M A R I A E Virginis honorem sabbata obseruat
 Ignatius. 73.
 Martinus Garzia Ignatii frater. 15.
 Marthinus Luther hæresiarcha. 21.
 Martinus Olaius excellenti vir ingenio. 195. 237.
 Matthæus Ori, Dominicanus. 88. 141.
 Medicis valde dicto obediens Ignatius. 229. 230.
 Mendicitas maximum affert detrimentum studiis. 84.
 Meretriculas ab impuritate auocat Ignatius. 209.
 Michael quidam Hispanus. 266.
 Michael Hispanus Romæ nostros accusat. 135.
 idem exilio multatur. 143.
 Michael Turrianus in Lusitaniam destinatur. 245.
 Minorella oppidum, hodie Manresa. 22.
 Mira de Ignatio. 263.
 Misæ sacrificium Ignatij socii Vicetiae primum faciunt. 122.
 Ignatius autem postea Romæ. 122. 255.
 Missionis Pontificiæ exordium nostris. 153.
 Modestiam scholasticis nostris commendat Ignatius. 223.
 Mons serratus. 14.
 Mons aureus Romæ. 272.
 Mons Casinas. 128.
 Mons Celsus, vicus agri Patauini. 119.
 Mons Martyrum extra Lutetiam. 99.
 Montis acuti Collegium Parisis. 83. 86.
 Mores nouos in Societatem induci non est passus Ignatius.

I N D E X.

- ius. 223
 Mortificationis spiritus, speculationis spiritui atefertur. 207
 Moyses Puiatus sacerdos. 211
 Mudarra Hispanus nostros Romæ criminatur. 137
 hæreticus deprehensus sibi fuga consultit. 143
 Muliebris sexus ad pietatem propensus. 70
 N
N Eglientem in quodam ministerio quendam arguit
 Ignatius. 222.
 Neophytorum ædes Romæ. 261.
 Nicolaus Bobadilla, Valentinus, Ignatij socius. 97.
 Veronam proficiscitur. 120.
 Aenariam insulam petit. 148.
 in Brutios discedit. 159.
 in Indiam destinatus impeditur ischiade. 152.
 Nouitij Societatis quibus exercitationibus probandi. 146.
 Nouitios quosnam legere soleret Ignatius. 250.
 O
O Bediens apprime magistratibus Ignatius. 70.
 summo Pontifici. 226.
 Obedientiæ sacrificio nullum Deo suauius est. 146.
 Obedientiæ nexus nostri Christi Vicario mancipati. 147.
 Obedientiæ virtuté ceteris omnibus antefert Ignatius. 226.
 Obedientiæ præclarum exemplum. 229. 230.
 Oliuetus mons. 54.
 Orationi multum temporis tribuit Ignatius. 64.
 Orandi assiduitas in Ignatio. 200.
 Otium, ut omniū yitiorū somitē, detestatur Ignatius. 222.
 P
P Alæstinæ loca sancta perlustrat. 51.
 Parisij in D. Dionisij Areopagitæ tutela sunt. 98.
 Parthenonē S. Catherinę à Funarijs instituit Ignatius. 260.
 Paschasius Broetus, Ignatij socius. 97.
 Veronam tendit. 120.
 Senas. 148.
 Galliz Provincialis. 169.
 Pata-

I N D E X.

Patauium ingreditur Ignatius :	46.
Patres de societate constituenda deliberantur .	144.
Pauli III. Pontificis maximi laudes .	117.
Paulus IV. Pont. Max.	196. 274.
in D. Pauli æde, extra Vrbem, nostri solemnis professione suæ religionis vota suscipiunt .	162.
Paupertas voluntaria religionis murus est .	232.
Paupertatis spiritum profitetur Societas .	177.
Paupertatis amor summus in Ignatio .	163.
Peregrinatione probandi nouitij .	146.
Peregrinationis initium Societati .	148.
Perfectionis studium .	206.
Peruigilium armorum, quid .	20.
Petronius Pisaurensis tres germanos fratres ad Societatem perducit .	244.
Petrus Apostolus Ignatio sanitatem affert .	8.
Petrus Canisius Germaniæ Provincialis .	169.
Petrus Codatus Laudenensis nomen dat Societati .	166.
Procurator domus professæ Romæ .	259.
eius domus .	239.
Petrus Contarenius nobilis Venetus .	110.
Petrus Faber Allobroxi Ignatum primus sequitur .	94.
alij socijs præponitur ab Ignatio .	102.
Scholasticam Theologiam Romæ profitetur .	127.
in Germaniam dicitur .	159.
Petrus Faber & Laines rerum spiritualium administri Rationis Card. Farnesio dati .	148.
Petrus Mascarenias, Regini Lusitaniae orator .	150.
Petrus Ortizius, Cæsaris Legatus, Ignatum & socios ad Pontificem maximum introducit .	117.
Petrum Fabrum in Germaniam ducit .	159.
exercitijs spiritualibus ab Ignatio eruditur .	128.
Petrus Ribadeneria Toletanus .	73.
Philippus Archintus, Salassiorum Episcopus .	167. 172.
Pietatis opera publice per Ignatum instituta .	258.
Pontifici Romano suam operam defert Ignatius .	127.
	Præ

I N D E X.

- Præpositus Generalis creatur . 158. 160.
 Principum Hispanorum filii qui nam in patrimonio succedant. 20.
Q Væditorum sacra tribunalia . 94.
 Querimonias suorum perbenigne audit Ignatius. 252.
 Quirinus Garzonius Romæ Ignatium & socios teclo recipit . 131.
R
 Rainutius Cardinalis Farnesius legatus Parmensis. 148.
 Rauennæ quid acciderit cuidam ex Ignatii sociis. 116.
 Realdus Columbus egregius Anatomiæ magister. 198.
 Regulas perscribit Ignatius . 147.
 Rodulphus Pius Carp. Card. Societatis protector. 186. 266.
 Roma yrbs, totius æquitatis par ens . 140.
 Romam ingreditur Ignatius . 43.
 iterum . 125. 127.
 Romam Patres vniuersi conueniunt . 131.
 Romam, quotquot Iudices Iguatii extitissent diuinitus conuenerunt . 141.
 Romæ Faber & Laines sacras litteras profitentur . 127.
 Romæ Confessionis & Eucharistiae frequens usus restitutus . 132.
S
 Almanticam ad sua prosequenda studia migrat Ignatius . 74.
 Salmanticæ in carcerem coniicitur . 77.
 Scrupulorum molestiis agitatur . 24.
 Seminarium Clericorum in Vrbe conditum . 262.
 Senas proficiuntur Paschalius & Salmeron . 124. 148.
 Septem Vrbis templa Ignatius & socii obeunt . 161. 205.
 Sequana fluuius . 85.
 Simon Rodericus Lusitanus Ignatij socius . 97.
 Bassanum secedit . 120.
 in Indiam destinatus . 152.
 in Lusitaniam proficiuntur . 152.
 item Ferrariaim . 124.
Lusita-

IXNEDUXI

- Lusitanæ prouincialis. 169.
 Bassani grauissima febri correptus. 269.
 Sinæ ultimi. 148.
 So brietas moderata animum vegetar. 38.
 Socii priores Ignatii. 68.
 inconstantes. 106.
 Socii posteriores Parisiis ad Ignatium adiuncti. 95. 97.
 Romæ factis criminibus circumueniuntur, & absoluuntur. 132. 170. 172.
 Socii & Ignatius de constituenda Societate deliberant. 144.
 Socii in varia loca Pontificis missu discedunt. 148.
 Sociorum Ignatii inter se mira concordia. 100.
 Societas I E S V unde dicta. 126.
 minima ab Ignatio vocatur. 126.
 confirmatur a Paulo III. Pont. max. 156.
 item a Julio III. 186.
 augetur, & distribuuntur prouinciez. 168.
 humilitatis & paupertatis spiritum profitetur. 177.
 quibus artibus conseruanda. 180.
 variis locis exercetur. 190.
 Societas dignitati in posterum prouidet Ignatius. 139.
 Spectaculis publicis adesse nostros non facile permittitur. 23.
 Stephanus Baroelius Nouocomensis. 273.
 Stephanus Guia Cantabér. 109.
 Submissio plurimum valet ad conciliandos homines. 160.
 Sudarium sacrum, in oppido Giennio celebratum. 274.

T

- T**Aruisium sedent Codurius & Hozius. 119. 120.
 Tentatur a dæmonie varijs artibus Ignatius. 24.
 27. 29. 32.
 Tentatione patriæ ac domesticorum nulla fere periculofior. 102.
 Terentium in scholis nostris explicari vetat Ignatius. 233.
 Theodosius frater ex ordine Minorum, a confessionibus
 Ignatii Romæ. 161.
 Theologiam sacram Ignatius Parisiis aggreditur. 87.
 Timore

INDEX

- Timore humano agitatur Ignatius. 39. 60.
 de Trinitate liber Ignatius. 33.
 Trinitatis mysterium Ignatio diuinitus innotescit. 33.
 .88
VAletudinarii publici ministeriis probandi nouitii. 146.
Venetiast Ignatius perducitur. 46.
 credere. 57.
Venetiarum urbis descriptio. 46.
 Verba suspensa & ambigua, uti subdola mendacij tegumenta semper est detestatus Ignatius. 252.
 Veronam contendunt Paschalias & Bobadilla. 120.
 Vicetiam Ignatii socii conueniunt. 122.
 Viceriam petunt Ignatius, Faber, & Laines. 120.
 Vicerinorum liberalitas erga Ignatium & socios. 122.
 Vigilia immoderata vires frangit. 28.
 Virtutis pulchritudo, & virtutis fœditas explicatur ab Ignatia. 16.
 Visionibus diuinitis illustratur Ignatius. 13. 30. 32. 34.
 Voto se obstringunt Parisijs Ignatius & socij. 99. 123.
 Vorum idem renouant. 99.
 Votum Ignatij perpetuæ castitatis & paupertatis nuptiatus. 118.
 Votis tribus solemnibus, quartum addunt nostri. 147.
 Vota suæ religionis nostri in Petri & Pauli solemnni profissione suscipiuntur. 162.
 Vulgus pluma & folio leuius. 171.

X

- Ad Xenodochium publicum diuertit Ignatius. 67. 103.
 Xenodochij ministeriis probandi nouitij. 146.

FINIS.

- Tenebraria in legoies olofis velutini veste levigata. 103.
 Tenebrionis testis ex olofis. 133.
 Testimoniis in consuetudine. 15.
 Tenuis Roma. 178.
 Tenuis Regio. 178.
 Tenuis Regio. 178.



D E I G N A T I I
L O I O L A E
V I T A , E T M O R I B V S .
L I B E R P R I M V S .



Ortus eius, & educatio.

Cap. I.



N EA HISPANIAE regio-
ne, quæ ad Pyrenæum pertinet,
ac vulgi sermone Guipuzcoa no-
minatur, in primis clara est Lo-
iolarum familia. Eius familiæ
princeps Bertramus, Ognis, &
Loiolæ dominus, quæ loca sunt in finibus urbis
Aspeithiæ, in matrimonium ducta Marina Sone,
æquè clari generis fœmina, quinque suscepit ex ea
filias, filios octo: quorum minimus natu fuit
Ignatius, is quem Societas I E S V parentē agno-

A scit;

scit; cuius de vita & moribus, quæ nobis fuerint comperta, in vnius Dei gratiam gloriamque, litteris mandare decreuimus. Hisce ergo parentibus natus Ignatius est anno post Virginis partum M. C D X C I. regnantibus in Hispania Ferdinandō, & Elisabetha, cognomento Catholicis. Adeo prima ipsius pueritia id vnum constat, haud ita seuera disciplina educatum à suis fuisse; atque ab ipsis incunabulis, ut in opulenta domo, profanos admodum hausisse spiritus: deinde litteris vixdum à limine salutatis, cum esset eximia, & animi, & corporis indole, continuò in Ferdinandi regiam à patre missum, veteri Hispaniæ more; quo in Regno principum liberi ea fere conditione, ac iure nascuntur, ut maximus ētate dum taxat in patrimonio, imperioq. succedat; reliqui siue ad acuendam gentis industriam, siue ad familiae splendorem in uno capite retinēdum, portiūcula quadam hæreditatis aspersi, quæ tenuem in victum, cultumq. sit satis, vel studiis doctrinæ, militiæ dant operam, vel aulæ, Regumq. præsidio ad opes, gloriamque nituntur. Hic ille cum in ephebis honorariis Regi aliquandiu ministrasset, aulicis imbutis moribus, ad Antonium Māricum sese contulit Naiarensium Duce, ex iis quos in Hispania Magnates appellant; quo cum Loioleiæ genti necessitudo vetus intercedebat. Atque apud hunc domi forisq. in honore habitus, rei militaris tyrocinia posuit: & quod iis
ferme

fermè v̄su venit, qui nondum cœlestes delitias degustarunt, id ipsum Ignatio contigit, vt ardentia laudis humanæ studio, & communis consuetudinis impetu abreptus, cum esset in corporis ornatu elegantissimus, equorumq. & armorum v̄su præcelleret; quod sibi datum fuerat temporis ad negociationem salutis æternæ, id ille miserabiliter, vt pleriq. mortalium, partim in factionum, rixarumque periculis, partim in amatoria vœsania, & cetera sæculi vanitate consumeret. Verumtamen inter eit̄modi vitia, & cæcos errores, præclara quædam emicabant bonæ, ac religiosæ mentis indicia. Primum enim in tanta licentia militari, tāq. corruptis hominum moribus, quāuis animo consternatus esset interdum, & multis vndiq. cinctus angustiis; nulla tamen ipsius atrocior vñquam audita vox est, quales multæ à nefariis hominibus in Deum, ac Dei prouidentiam vulgo iactantur. Nec solum ab omni verborum impietate semper abhorruit, sed etiam sacra omnia, sacrorumque Antistites naturæ perpetuo instinctu admodum religiose reueritus est. Erat præterea intactus ab avaritiæ sordibus, & à luxuri cupiditate vehementer alienus; quod cum aliâs, tum verò in expugnatione vrbis Naiaræ, quę in Cantabrię finibus est, perspici potuit: quācum ob defectionis crimen Dux militi diripienda deditset; Ignatius, quamuis ad ipsum victoriæ pars non exigua pertineret, tamen nec præsentis

A 2 præde

prædē dulcedine, nec ceterorum exemplo adduci potuit, vt sese alienæ rei contactu pollueret; non Christiano solum, sed etiam ingenuo homine id indignum existimans. Quæ ipsius altitudo animi in priuatis quoq. dissidiis, ac simultatibus eminebat; vt si quando ex certamine dignitatis (vt fit) ad manus pugnamque uenisset, si locus reconciliationi daretur, illico vnâ cum armis odiū omne deponeret, & cum inimicis in gratiam plane bona rediret fide. Neque vero eidē in magnis, arduisque negotiis, vel capessendis alacritas, vel gerendis consilium, & cautio deerat. quocirca inter quosdam Cantabrię populos graui orta seditione, legatus ad eos à Duce Naiaræ, breui controuersias omnes magno partis vtriusque consensu, & approbatione diremit: ac licet iuuenis admodū esset ætate, in agendo tamen tractandisque hominum ingeniis iam tum senilis quedam in eo maturitas apparebat; prorsus, vt negotium nullum fermè suiceperit, quod non ad optatum extitum sua lenitate, ac virtute perduxerit. quamquā ob imperitiam rerum diuinarum hæc tam egergia animi bona, & quasi talenta non optime collocabat interdum; ad hominum videlicet gratiā, ac sui ipsius incrementa iis artibus utens, quas ad unius Dei honorem, & gloriam omnino referri oportuerat.

Con

Conuersio eius ad Christum.

Cap. II.

HVNC maximè in modum adolescētia, atque ipso ætatis flore consumpto, cum annum ageret iam nonū circiter, & vigesimum, à miserabili errore, certoque æternæ vitæ periculo in rectum salutis iter summo Dei beneficio reuocatus est. Tota autem eius conuersionis ratio fuit eiusmodi. Ardebat eo tempore Hispania intestini belli tumultibus; quam nactus occasionem Franciscus Galliæ Rex, Nauarræ Vasconum, quæ Guipuzcoam attingit, Henrico Alibreto cognato suo recuperandæ (cuius pater ex eo Regno Ferdinandi Catholici armis olim exactus fuerat) Andream Foxium, cognomento Asparotum, cum exercitu iussit in eas regiones impetum facere. qui celeritate vius, cum aliquot loca improviso aduentu cepisset; cumque nobilitas Henrici cupida ad Gallum sese quotidie adiungeret; Naiaræ Dux, qui Nauarræ summo cum imperio præterat, eius rei fama commotus, in ulteriorem Hispaniam ad auxilia contrahenda profectus est, Ignatio, paucisque præterea Pompejone custodiæ causa relictis. Ac ceteri quidem appropinquante Gallorū exercitu, magnitudine pedestrium, & equestrium copiarum exterriti, & simul diffisi oppidanorum animis, tempori cedere, & urbem relinquere.

A 3 omni-

omnino decreuerant: Ignatius verò multis verbis homines ab eo consilio reuocare conatus, vbi se nihil proficere hortando perspexit, ardentibus oculis detestatus ignauiam perfidiamq. spectantibus omnibus in arcem solus introiit, paratus illam cum aliquot in eo præsidio relictis omni operi tueri. quo virtutis exemplo permotus alius quidam Ignatii in studio bellicæ laudis æmulus, eadem aleam subiit: reliquis verò salus, quam aut fides, aut gloria fuit antiquior. Ventum deinde in consilium est à custodibus de summa rei: cumque in tanta propugnatorum paucitate contra tantas hostium copias negarent plerique locum obtineri posse diutius, ac seniorum præsertim lententia ad profecitionem inclinarent; Ignatius, quod erat animi, & corporis robore, quam acerrime sese rursus oppouit, remq. disiecit. Interea Galli, resistente nemine, proprius ad urbem accedunt, & magna ciuium voluntate admissi, castris ad arcem politis, Præfectum præsidii ad colloquiū euocat. Ille accepta fide, cum tribus dumtaxat egreditur, in quibus erat Ignatius; qui cum ab hostibus proponi cōditiones iniquiores vidisset; exarbitur nimium, easq. conditiones tam acri, ac vehementi oratione commilitonibus dissuasit, ut ad extrema omnia perpetienda potius, quam arcem deserendam cunctos accenderit. Nec mora: Galli omisso colloquio acrius instare, tormentis mœnia quatere, atque diruere; vndiq. ascensum tentare:

Hispa-

Hispani contra, Ignatii præsertim exemplo, atque adhortationibus incitati fortiter sese defendere, subeuntem hostem gladiis, telis, contis arcere; quoad Ignatio ante alios dimicanti, globi vi excussus è muro lapis læuam haud ita grauiter læsit tibiam; globus vero ipse, quamquam impetu refracto subsiliens, dextram adeo labefactauit atque, confregit, vt è vestigio semianimis alienata mente corruerit. Tum verò debilitati animis ceteri, & deditio facta; Ignatum porrò stratum, vel ad colligendam clementiæ famam, vel etiam virtutem in hoste admirati Galli benignè suscipiunt, & in urbem ex arce translatum, in pristino hospitio collocant, medicisq. adhibitis, & rebus omnibus necessariis diligenter curant. Huic Gallorum benigitati, pro sua animi magnitudine egregiè respondit Ignatius, quippe tantum aberat, vt eos odisset, à quibus in illam calamitatem, vitaq. discrimen erat adductus, vt cum in lecto decumberet, singulos blandè, comiterque compellans, omnia ferè sua in eos amoris causa diuiserit; atque hunc clypeo, illum pugione, alium thorace donarit. Interiectis deinde aliquot diebus, cum grauius laboraret, quàm vt breui tempore sanari posse videretur; ad ceteram humanitatem illud etiam additum à Gallis, vt Ignatum lectica Loiolā usque (neque enim longe aberat) deportandum curarent. qui peramitter à suis acceptus, cum ingrauescente in dies mor-

A 4 bo pe-

bo periculosius ægrotaret, accersiti confessim vndiq. medici, crure inspecto, seuerè pronunciant, ossa illa, siue id prioris chirurgi vitio, siue itineris agitatione contigerit, nequaquam esse benè locata: neq. verd, nisi ea coagmentatione denuo resoluta, frustisq. suo loco repositis, posse villo modo fieri vt coalescant. Quia tamen acerba denuntiatione Ignatius minimè exterritus, non modo statim æquo animo sese paratum ostendit ad omnia subeunda, sed etiam inter ipsam curationem, quamuis esset asperrima, nullum aliud indicium dedit doloris, nisi vt coactos in pugnum digitos valde constringeret. Ex eo die morbus maiorem in modum est auctus; cumq; iam Ignatius omnes ferè cibos, haustusque stomacho fastidente respueret, aliaq. in eo cernerentur lethalia signa, suorum admonitu, sacris, quæ ad expiandum animum pertinent, rite procuratis, ipso B. Petri Apostoli peruigilio, cunctis mœrentibus, eò deductus est, vt medici prorsus actum affirmarent, nisi ante medium eam noctem uis morbi remitteret. Venerabatur iamdudum Ignatius præcipue quodam cultu Principem Apostolorum: quin etiā eius laudes militariter olim carmine Hispanico celebrauerat: cuius profectò pietatis fructum non exiguum tulit. siquidem illa ipsa decretoria nocte per quietem videre sibi visus est eundem Apostolum, optatam sibi valetudinem diuinitus afferentem. nec sane in irritum ea visio recidit:

quip-

quippè continuò leuari doloribus , ciboq[ue] refici
est cœptus . Iamq[ue] Dei beneficio periculum mor-
tis euaserat , magna[re] suorum gratulatione me-
lius habebat in dies : cum repente animaduertit
os quoddam genu sib[us] ipso fœdius prominere :
quod , quoniam præter cætera incommoda impe-
dimento etiam sibi videbat fore , quo minus gra-
phicè quam soleret , ac vellet , ocreatus incederet ;
vt erat idem , & patientiæ militari , et urbanae mun-
ditiæ , & elegantiæ apprimè deditus , perconta-
tus est medicos , possetne ullo pacto deformitas
tolli . qui cum respondissent posse utique , sed do-
lore omnium , quos ad eam diem sensisset , ma-
ximo , & acerbissimo ; propterea quod in eam se-
dem fragmenta iam firmiter coaluerant : non
dubitauit Ignatius ingenti omnium , vel admirati-
one , vel metu , concinnum , ac decorum corpo-
ris habitum anteferre manifesto vitæ discrimini :
secarique de sententia medicorum os iussit , cla-
riore etiam quam artea , fortitudinis , ac patien-
tiæ documento ; quandoquidem in ea carnificina
(qua[re] quod lentior , eò fuit horribilior) non modò
ligari , teneriue se non est passus , verum etiam iis
qui aderant , patiore propemodum exsanguibus ,
ab omni prorsus querimonia , gemituque se ipse
continuit . Post hæc doloribus magna iam ex par-
te mitigatis , nondum tamen gressu recuperato ,
nec pedibus ad insistendum idoneis , interea , dum
iacentis corpus terrestres medici persanare co-

nantur,

nantur , eiusdē animi uulnera curare medicus cœlestis aggreditur. Cum enim affixus lectulo Ignatius fallendi temporis causa profanum quempiam librum poposcisset ex iis , quos antea per otium lectoritate consueuerat : diuino planè consilio factum est , nullus ut eo tempore domi liber esset eiusmodi : at uero longè meliores alii duo reperti sunt , Hispanico sermone conscripti ; quorū alterius, Vita C H R I S T I , alterius (quo selecta uirtutum exempla continebantur) Sanctorum flores , erat inscriptio . Ea uidelicet lectio salutis initium attulit homini . Dum enim oblatos sibi libros , uariis locis , quasi aliud agens , delibat , sensim capi cœptus est pulchritudine eorum , quæ scripta reperiebat ; atque adeò inter ipsam lectionem , ubi quidpiam insigne cognouerat subsistere , secum ipse deliberans : Quid si præclarum hoc Sancti Dominici facinus , quid si hoc Sancti Francisci Deo fretus aggrediar ? Neque vero , cum hæc , & alia sibi multa proponeret , res occurrebat nulla tam ardua , tamquæ difficilis , quam non perficere se posse generosa quadam alacritate consideret . Quæ cum apud se diutius agitasset , emergebant rursus rerum inanum voluntates , & secularia desideria , quorum se nonnullis adeo manciparat , vt dum eorum , vel adipiscendi rationem exquirit , vel potiundi spem animo concipit , pluries interim horas per imprudentiam in ea cogitatione defixus hæreret . Iam-

que

que priora illa propemodum exciderant , accen-
sosque nuper igniculos pietatis , voluptatum ille-
cebræ , & perniciosa rerum fluxarum blandimen-
ta restinxerant : cum periclitanti seruulo diuina
bonitas opem celeriter afferebat , ex eorum vide-
licet recordatione quæ legerat , meliorem ei men-
tem , & consilia saniora submittens , atque in hac
item commentatione tamdiu morabatur , donec
interuentu cuiuspiam , aliò mentem , animumque
conuerteret . Hac ille vicissitudine , & quasi con-
flietu dies aliquot mirum in modum exagitatus ,
cum in eius pectore voluptas , & virtus penè ex
æquo certarent ; contrarias in partes magna sua
perturbatione distrahebatur , incertus animi ,
hanccine viam , an illam , cum primum posset ,
insisteret . Verumtamen inter alternas fluctuan-
tes animi propensiones illud intererat , quod blan-
dis illis rerum fluxarum imaginibus , quamdiu
præsentes obseruabantur , tamdiu titillabatur
Ignatii mens : abeuntibus vero , succedebat illico
amarus quidam torpor , & ægritudo , & sibimet
duplicentis animi tedium . At contra , præclari
illi ad Christianam laudem impetus , cogitatio-
nesque de adæquanda vigilantia , & sobrietate
Sanctorum , de votiis peregrinationibus , de vi-
etu , cultuque in primis horrido , & aspero , non
modò cum aderant , animum insolita quadam iu-
cunditate mulcebant , sed in recessu quoq , tristitia
subeunte nulla , securum hilaremq . præstabant .

Sed

Sed enim tantum hoc ille discriminem , seculi tenebris occæcatus adhuc , hebesq. ad subtiliora hominis interni iudicia , quasi ignotum quidpiam præteribat , quoad clariore deitum oborta sibi luce, mentis aciem accuratius in eam varietatem cœpit intendere: ac deniq. non sine admiratione quadam animaduertit, ab illis cogitationibus, ut erant inanes ipsæ , sic se ieunum , & aridum ; ab his autem velut à pabulo salutari , lētum vegetumq. discedere : liquidoq. perspexit , fucata , & insidiosa voluptas, quantum à vero , & solido gaudio, ac suavitate distaret . Atq. hanc primam de intimis animi sensibus, motibusque ratiocinatio- nē habuisse fertur Ignatius : ad quā vbi maior deinde rerum diuinarum usus accessit , tantā in spirituum discretione (quę consumatę sapientię virtus est) solertiam, atque peritiam est consecutus, ut egregia etiam illius generis præcepta in eo libro , qui Exercitorum appellatur , posteritati reliquerit . His ergo obseruationibus , & assiduis libroru monitis è lethali animę veterno excitat^o, anteactæ vitæ peccata, & infinitam in se Dei clementiam aliquando cœpit agnoscere : nec solū de mutandis in posterum moribus , verū etiam de expiandis omni ratione delictis , placandoq. numine , serio cogitare . Atque in hanc deliberationem ingressus , denuò sese ad Christi Domini, Sanctorumq. sectanda vestigia occulto quodam instinctu acriter sentiebat impelli , & eorum præcipue,

cipuè, qui in se ipsi quām maximè duri, ac seueri extitissent, artium quippè spiritualium, & Christianæ Philosophiæ rудis, & ignarus adhuc, omnem ferè sanctitatis, & officii perfectionem, in asperitate vitæ, & in voluntaria corporis afflictatione statuerat. quo circa iam tum agitabat animo, simul atq. per valetudinem liceret, nudis pedibus Hierosolymam petere, ac frequenti verberatione, longoq. iejunio tantas peccatorū pœnas vltro suscipere, quantas videlicet ab excelsō magnoq. animo, salutare odium sui, & ardens diuinæ gratiæ promerendæ studium, exigebat. Iamq. rectis euntē sensibus, & optima quæque expetentem, longè vehementius incitauit diuina visio. Etenim, nocte quadam vigilanti, augustinissima specie, ac beatissimo lumine fulgēs M A R I A Virgo vnā cū paruulo I E S V, non modò sese palam ostendit, verum etiam incredibili benignitate spectandam aliquamdiu præbuit: quo viso mirificè recreatus Ignatius, tantum repente odium fastidiumq. concepit eorum, quæ apud cęcos mortales prima putantur, ac præsertim quæ cum inhonesta voluptate coniuncta sunt, vt omnes rerum illarum, quamvis diuturno vſu, ac vertestate corroboratas imagines, ex hominis memoria confessim aspectus ille deterserit. Accessit ad hæc illud quoq. nō leue Dei beneficium, quod ei in omnem deinde vitam proprium, ac stabile māsit: vt quotiescumq. sublati in cœlum oculis astra susci-

suspiceret (quod sanè sape faciebat, ac diu) mortalia cuncta illi repente sordescerent; & miro quodam æternæ patriæ desiderio raperetur.

Ad Montem serratum religionis causa proficiscitur. Cap. III.

INTEREA simul, & animo, & corpore contialescens, è lectulo surge-re, & intra cubiculi fines paulatim crura explicare, atque ingredi cœperat; nihilque longius ei videbatur, quam ut de cognatione sua, & de domo patris exire, & præteritæ vitæ peccata quam acerrimè vindicare sibi liceret. Sed quia nondum erat ad iter faciendum idoneus, constituit interim præclarissimas quaq. CHRISTI Dñi, Sanctorumq. res gestas memoriæ causa describere: atq. ad id ipsum exquisiti cuiusdam nitoris, & elegantiæ codice comparato, quæ de virtutum exemplis præcipue admirabatur, in eum codicem vario picturæ genere quam compositissimis, & quam clarissimis litteris ordine referebat. Atque huic operi dum insistit ardentius, quamquam sua de instituendo novo genere vitæ consilia mortalium nulli aperuerat; hæc tamen tanta scribendi, ac legendi assiduitas, contemptus corporis, frugalitatis amor & parsimonia, sermo quotidianus non ad vrbana-

nitate in, vel ad ambitionem, vt antea, sed ad modestiam pietatemq. compositus, hæc igitur, & alia non obscura immutati animi indicia, celeriter illum domesticis prodiderunt. In iis Martinus Garzia frater natu maximus, qui demorato iampridem Bertramo in dominatu, reique familiaris administratione successerat, suspicatus id quod erat, Ignatum vel morbi vexatione, vel eoru, quæ legerat, admonitione cōpunctum, ac peritæsum vitæ prioris, nouum aliquid ac magnum moliri, atque etiam fortasse nuncium rebus humanis velle remittere; commotus animo vehementer hominem seuocat, variisq. interrogationibus blandè pertentas, ad extrellum per communes parentes, perque fortunas omnes obtestatur, & obsecrat, videat etiam atque etiam quid agat, quò progrediatur, neu quid noui consilii capiat, quod vel ipsi munitum, & exploratum ad gloriam, & opes iter impedit, vel sempiternam Loioleæ familiæ dedecoris notam inurat. Ad quæ Ignatius breuiter, quò se quām primum à fratre expediret, satis memorem fore sese respondit officii: & simul, quoniam de recuperata propemodum eius valetudine ad Naiaræ Ducem nuncii venerant, in oppido finitimo, cui Nauarretto nomen est, eo tempore commorantem; veniam à fratre petiit, Ducis pro amicitia reuifendi; ac per eam causam, duobus dūntaxat aſſumptis famulis, eques in viam se dedit, ac bre-

ui

ui Nuarretum peruenit incolmis. Ibi Duce amicisq. ita salutatis, vt arcana consiliorum suorum quām accuratissimè tegeret, simul etiam certa pecuniae summa in usus pios insumpta, Barcintonem petere, vt Hierosolymas inde contende-ret, famulosq. dimittere statuit, quò liberius remo-tis arbitris, in suum sœuire corpus, & debita vi-tæ licentius actæ supplicia à se metipso posset exi-gere. Solus ergo per summam dissimulationem Nuarreto profectus, primum omnium religio-nis causa celeberrimam Beatæ Virginis ædem adire decreuit, quæ in Monte serrato a Monachis Benedictinis incolitur, estq. Barcintonem è Na-uarra potentibus minime deuia. Deinde reputans apud animum suum partim voluptates, quibus antea indulserat, partim etiam periculosum, & graue bellum, quod sibi rursum à carnis illeceb-bris, atque ab inferioris animæ viribus immine-bat; omni ratione se contra domestici hostis insi-dias muniendum est arbitratus. Ergo non solum institutam, ex quo die Loiola discesserat, consuetu-dinem obfirmato retinuit animo, vt singulis noctibus pœnæ nomine se accerrimè verberaret, sed etiam ratus nullum continentie præsidium posse firmius inteniri, quām Dei Matris, eiuf-demque Virginis perpetuæ patrocinium, recenti præsertim illius in se clementia, ac benignitate inuitatus, in eius maximè clientelam, fidemque configit, ac studio virtutis incensus, illico fecit vt eidem

eidem Virgini sacratissimè sese irreuocabilis voto
castitatis obstringeret. Quod religiosi animi ob-
sequium , & sacrificium pro sua infinita bonitate
ratū & gratum Deus ipse videtur habuisse ; quan-
doquidem Beatissima Virgine deprecante videli-
cet , ex eo tempore ad extremū usque diem Ignatius
plane omni sensu libidinis caruit. Ceterum
quo facilius omnes intelligent , quam sit pericu-
losum , & anceps in Christianę Philosophię cur-
riculo sine rectore ac magistro versari ; non omit-
tam hoc loco quod ambulanti in fenuore spiritus
per eos ipsos dies Ignatio contigit. Erant eo tempore
in Hispanię stiribus Maurorum multę reliquię :
quos nefarię superstitioni Mahometis addictos ,
Ferdinandus Catholicus haud ita pridem ē suo
pepulerat regno . Ex ea igitur fæce quidam
infidens mulo , Ignatium fortè asscutus , comi-
tem sese illi adiunxit : ac nonnulla primum (ut
fit) de itinere sciscitantur , variis deinde sermo-
nibus eō deuentum est , ut de singulari M A R I Ā
virginitate dissererent . quam cum nefarius ille
ante partum quidem integrā illibatamque fuī-
se fateretur , à partu vero nequaquam ; contra
Ignatius ab eiusmodi errore quibuscumque pote-
rat rationibus hominem reuocare contenderet :
post multam altercationem magis magisque ob-
stinatus impius ille , cum oblatam sibi veritatis
lucem intueri nollet , repente non sine rabie qua-
dam subditis mulo calcaribus antecessit , seque-

B celeri-

celeriter ex Ignatii conspectu proripuit. Quo factō vehementius irritatus ignatius, parum absfuit quin citato gressu persequeretur abeuntem, & pugione confoderet; facinus indignum existimans, non tam contemptum relictumque superbe se quam de summa castimonia, & sanctitate Reginę Angelorum ausum fuisse vilissimum caput ore polluto detrahere: cumq. militari etiam tum spiritu Religionis officiique momenta penderet, sese vix pietati satisfacturum putabat, si tantas blasphemias pateretur inultas, neque ab impuro dæmonis mancipio pœnas petulantis linguae reposceret. Verumtamen incitatū iam generosi pectoris impetum retardabat suspicio latenter in tam speciosa cogitatione piaculi; metusque probabilis, ne per hanc animaduersionem, & cœleste numen, & eam ipsam quam defendere conabatur, Virginem offenderet. Cum igitur multa secum agitasset, motu corporis pariter atque animo varius, ad extremum, sane quam præcipiti consilio statuit ad biuum usque procedere, vnde Maurum ex habito colloquio ad proximum pagum nouerat diuertisse. in eo biuio laxatis omnino mulæ, qua vehebatur, habenis, ita de re tota interpretari, ut si bestia ipsa per se Mauri vestigiis insisteret, non dubiatret quin accepta futura esset vltio Maiestati diuinæ: sinminus, pro certo putaret nequaquam id à se officii Deum, Beatamq. Virginem postulare. Hac ille

ille mente processit ad biuum: cumq. pagus ille, quem diximus, abesset diuerticulo passuum non amplius X L. via facili ac spatiofa, planè diuinatus factum est, vt spontè sua iumentum angustiore via Barcinonem versus iter arriperet. Atque hunc in modum Ignatius in re tam graui, nullo pia ipsius studia regente periclitatus, letalis noxae crimē fœlicius effugit, quàm sapientius. Inde progressus ad vicum à Monte serrato haud longe distante, de peregrinatione Hierosolymitana, deque asperiore vita quamprimum ineunda mire sollicitus, viatorium ibi coemit ornatum, sparteos videlicet calceos, talarem è sacco tunicam, funemque pro balteo, tornatilem baculum, & in usum aquę cucurbitam. Quę omnia ut CHRISTI paupertatem non erubescere, & peruersam recti verecundiam deponere paulatim assuereret, suspensa propalam ex ephipiis ad montem usque lētus aduexit.

Acta eius in Monte serrato.

Cap. IV.

VO simul atque peruenit, Templum ingressus, ac Numine salutato, nihil antiquius habuit, quàm vt per sacram totius anteactę vitę confessionem, contractas animi sordes elueret, qua confessione

B a in

in primis fideliter atque accuratè de scripto peracta per triduum, summa deinde cum venerazione ad Sacramentum altaris accessit. Contulit etiam cum eodem patre, qui sibi confitenti aures dederat, omnia sua consilia cogitationesque de imitatione Sanctorum, quæ ad eam usque diem prorsus memini patefecerat. præterea quidquid habuit pecunie, totum id in C H R I S T I Domini gratiam pauperibus benigne diuusit. Dein silentio noctis eius, cui dies festus Angelice salutationis illuxit, præciosa vestimenta quibus erat ornatus, quam occultissime potuit, panoso cuidam ex infima plebe largitus; confessim optato illo sacco se alacer induit, ac fune præcinxit: dextro pedi quod ex reliquiis morbi singulis etiam tum noctibus, intumesceret, calceum induxit è sparto; sinistrum utique nudum relinquere, & capite item nudo prorsus decreuit incedere. Sed quia non ignorabat plurimos Palliotenus esse Philosophos, vestemque facilius multo mutari quam mente; omni ope sibi enitudu existimauit, ut illa exterioris amictus insignia, ad intimos animi sensus occulta quadam affinitate pertingeret. cumq. accepisset in more positum olim fuisse, ut nobiles Equites antequam in ordines referrentur, in sacrī aedibus noctem unam armati excubarent (quod in Hispania per uigilium armorū appellant) militarem illum ritum ad rudimenta Christianæ perfectionis in semetipso trasfer-

re,

re constituit. Igitur gladio ac pugione quibus antea mundo meruerat, è tholo suspensi nouo instructus armorum genere², totam eam noctem perugil ante arā sanctissimę Virginis modo stás, modo nixus genibus, prēteriorum venia demisse precari, diuino cultui deuouere sese; ac Beatam præcipue Dei Matrem intenta supplicatione propitiare non destitit. Atque hunc in modum Christianæ militiae nomen ex animo dedit Ignatius anno post Christum natum M. D. XXII. quo ferme ipso tempore, ut à multis non sine admiratione quidem animaduersum est, Martintus Luther infamis hæresiarcha, magnis in Germania motibus excitatis, iussus à Carolo Quinto Imperatore adesse Vormatiæ, male pressum ad eam diem virus opinionum suarum effudit in illo cōuentū palam, sediq. Apostolicæ & Catholicæ veritati nefarium atque impium bellum temulētus indixit: ut satis appareat, cum maximè furiam illam contra omnia diuina, & humana iura, legesq. sacratas obarmaret Sathanas: tum ex altera parte, præter alia militantis Ecclesiæ robora, nō uum etiam hunc ducem excitatum diuinæ prouidentiæ nutu, quē C H R I S T V S Imperator, & ipsum, & sectatores ipsius, obligatos religionis arctissimæ sacramento, adactosq. nominatim in verba Romani Pontificis, furori ac libidini hæreticæ prauitatis opponeret.

Ardores eiusdem in studio pœnitentiae.

Cap. V.

SACRA igitur vigilia, quemadmodum dicebamus, exacta, quo celebritatem hominum, famamque sanctitatis vitaret Ignatius, nondum certa luce, relicto monachis iumento, pedes ipse, obuoluto etiā tum fasciis altero crure claudicans, per summum laborem à Monte serrato discesit, & è via militari paulo post deflexit primum ad deserta in vicino loca, dein ad oppidum Barcinoenesis agri Minorensiam (hodie Manresam vulgus appellat) nouem fere millibus passuum à Monte serrato: ubi antequam longinquæ, & periculosa peregrinationi Hierosolymitanæ sese cōmitteret, sœuiente præsertim Barcinone per id tēpus pestilentia, deuio, & obscuro loco aliquamdiu delitescere, & humilitatis Christianæ, quæ cœterarum est parens custosq. virtutum, solida iacere fundamenta decreuerat. Interea mendicus ille, quem Ignatius pridie suis vestimentis induerat, cum ex insolito ornatu in furti suspicionem venisset, illicò à loci magistratibus comprehenditur, & diuinam humanamq. frustra implorans fidem in vincula coniicitur. Cumque inter quæstionem ea sibi à viro quodā nobili clam donata iure iurando affirmaret, notasq. corporis, ignarus nominis, ederet;

ederer; conquiritur extemplo diligenter Ignatius. cum nusquam appareret, mittitur ad eum in sequendum festine viator, qui ægre procedentem facile consecutus, querit ex eo num cui quidpiam in Monte serrato donauerit? Ad eam vocem, id quod erat suspicatus Ignatius, substitit; coactusq. innocentis periculo, pauperi cuidam vestimenta sese pridie largitum esse confessus est: cumq. viator porro instaret, quis tu aut cuias? nullum omnino ad ea verbum Ignatius reddidit, sed itinere cœpto perrexit tacitus, casum insontis apud se miserans, ac semetipsum incusans, qui ne benefacere quidem sine ipsius cui benefaceret damno, vel certe descrimine, didicisset. Ut igitur Minoressam accessit, oppidum ingressus quo dicebamus amictu, ad publicum infimæ plebis hospitiū precario sese contulit, ibique sanctæ paupertatis ac pœnitentiæ studio, inter egentes ac sordidos quam exequemur vitâ exorsus est. Victum ostiatim precibus infimis emedicare quotidie; totam hebdomadam, excepto die Dominico, iejunare; in ipso cibatu simplici pane contentus, atque ubi sitis urgeret, aqua profluente; somni parcissimus humo nuda cubare, auctoque suppicio, singulis diebus ter sese flagellis quam acerrime cädere. Ad hæc horas quotidie septenas genibus nixus in oratione vocali persistere; nam eius quæ mentalis dicitur, usum, & consuetudinem adhuc ignorabat. Præterea sacrificio Matutino; Vesperarum,

& Completorii officiis attentissima cura semper intererat. obibat etiam octauo quoque die sacra Confessionis, & Eucharistiæ mysteria. Et quoniam superioribus annis (vt diximus,) & humanae laudis famæq. appetentior, & munditiarum, ornatusq. fuerat studiosior; vt vitiū vtriusque diligentie pari neglectu rependeret, natalium suorum generisq. splendorem, ne quis illi honos habere tur, studiose cœlare, & capillum, quem pro eius seculi more promissum imp̄suis comere curareq. consueuerat, relinquere cœpit impexum, & squallidum: quinetiam vngues ipsos excrescere per diuturnam incuriam pati: atque in hoc tam asperro, tamque horrido vitæ instituto, constanter id omne refugere, quod villam posset afflictæ carni delectationem aut leuamen afferre. Itaque cum esset decoro vultu, & egregia totius corporis firmitate; detractis paulatim viribus, omnis ille vigor accerrimi bellatoris, & forma viridis iuuentus prorsus elanguit.

*Molestia scrupolorum, & tentationes
eiusdem. Cap. VI.*

IIV S M O D I vitæ cursum aliquamdiu securus Ignatius magno animi fructu si ne villa offensione tenuerat, nondum grauiora prelia, & occultas dæmonum artes expertus, quibus incauta mens hominum

ad preclara tendentium, si presertim suis viribus ipsi confidant, facile in fraudem inducitur: cum repente quædam illi obiicitur species, cuius, quamuis identidem apparentis, formam, & figurā satis explicare non posset, multis distincta lumenibus, & grato quodā splendore collucens, q̄ spectrum diabolicum postea, vt dicemus, agnouit; iisdemq. fere diebus cum se illuuiet, & squalore obsitum animaduerteret, atrox illa cogitatio nec opinantem inuasit: Quæ, malum, ratio te, miser, impulit, vt relicta patria, cognatis amicisque potentibus, pedore ac dira macie deformatus, tristissimo, & obsoletissimo vestitu, vel stipem in triuīs corrogares, vel inter infimas plebis minutæ quisquiliā lateres inglorius? non ne intermissa militiæ honoratæ stipendia, dulcissimosq. æqualium conuictus, & pristinæ fortunæ cultū, victūq. maiore cū tua tuiq. sanguinis dignitate repeteres? Hæc, & alia id genus vbi animo vehementer obiecta; auctorem sensit Ignatius illicò: & quamuis initio paulisper ea recordatione commotus, tamen ut se collegit, illam ita constanter ab se reiecit ac repulit, vt vltro etiā familiarius quam antea, sese cōtibus atque colloquiis egentium, & mendicorum insereret. quia submissione victus princeps auctorque superbie, rursus Ignatio templum ingredienti ad officia diuinâ celebranda, quibus mira cum attentione ac perseverantia quotidie dabat operā (vt diximus)

incœpti

incepti operis molem ac difficultatem ita repræsentauit, quasi eius ærum nas, & incommoda miserans diceret: Hem infelix Ignati, & anni utique septuaginta, quot ætas tua recipit, in tantis tibi laboribus, in tanta vitæ asperitate degendum est: quos tu, præsertim urgente senio, tolerare qui poteris? Tum ille fortiter, nec sine contemptu: Quasi vero, inquit, mihi tu vel vnius diei spatium præstare possis. Hæc duo prima post conuersionem Ignatius de summa rerum certamina subiit: quorum utroque turpiter superratus humani generis hostis, ubi se irruptione, & aperta vi nihil proficere intelligit, longè diuersa bellandi ratione, dolo, cuniculisque grassari constituit. Neque abnuit C H R I S T V S, pugnarum eiusmodi iustissimus arbiter: qui ut nemini supra id quod potest, oppugnari permittit, sic militibus suis, quos gratia diuinæ præsidio, & liberæ voluntatis arbitrio ad omnem virtutem exercet, ne parta semel victoria, per otium torpeant, nouam in dies gloriofi triumphi materiam deesse non patitur. Est igitur in dæmonis artibus, quas ad bonorum perniciem assidue meditatur, illa vel pessima; ut quos ita videt studio virtutis ac religionis adictos, ut inde terrestrium vel bonorum spe, vel commodorum, & voluptatum illecebris auelli non possint; hos per speciem ipsiusmet honesti quod adamarunt, ad immoderatam inediam, & carnis macerationem acrio-

acrioribus incitamentis impellat, eosdemq. præteriti temporis piacula reputantes, ac cœlestis iræ seruili mœtu percussos, in singula momenta misero quodam angore solicitet. id autem eo consilio, vt vel planè defecti viribus, per causam recuperandę valetudinis paulatim ad facordiam atque ad ignauiam delabantur; vel assidua scrupulorum agitati molestia, dum se ipsi calumniari nō desinunt, si minus inertia, certè defatigatione ac lassitudine ab incepio desistant. cuius utriusque cladis vtinam ne tam multa nobis quotidie exempla suppeterent. Hæc igitur eadem fraus Ignatium quoque in discrimen adduxit. Obtinebat ille (quemadmodum dicebamus) ex quo sese ad CHRISTVM adiunxit, in summa vitæ austерitate perpetuam animi tranquillitatē atque lœtitiam: quam ne ex quotidiana copia vilem duceret, nēu suis ipse meritis per insolentiam adscriberet; ab iis quas diximus, temptationibus cœpit illi pater cœlestis vniuersā repente subtrahere, sic, vt interdum cum maxime gaudens exultaret in Domino, tunc subito nulla præcedente significazione, prorsus exui nudarique se omni gaudio, & iucunditate sentiret; nec iam in precibus, neque in psalmis, neque in cœteris, quibus assuerat, pietatis officiis ullam inueniret omnino delectationem aut requiem. idque cum ei frequenter accideret, attonitus rei nouitate animo suspenso, ac mire sollicito, causas eius varietatis, & immuta-

tionis

trionis inquirere, ac dubitare apud se, recte ne cōfessionē in Mōte Serrato quā diximus, peregisset? quidquā ne omisisset, q; ad integrā criminū accusationē attineret? ac proinde num idcirco fortasse Deū adhuc iratum experiretur? Quę ille dum anxius agitat, arrepta occasione diabolus perturban-
 di hominis, deque suo statu deiiciendi, hanc ip-
 sam suspicionem atque fornidiinem institit illi
 vehementer etiam atque etiam incutere. Ex eo
 tēpore tyro vanis agitari terroribus, dies noctesq.
 fletibus iungere, nullam capere partem quietis.
 Itaque dum amissam recuperare conscientię pacē
 & hērentem visceribus pestem omni ratione co-
 natur eueller; non satis habuit peccata vetera,
 quorum de confessione ambigebat iterum, ite-
 rumq. apud sacerdotem exponer; sed etiam cu-
 iusdam concionatoris monitu, qui Minoreffe per
 eos dies agebat, totius vitę noxas, quotq; not reuo-
 care in memoriam potuit in libellū relatas, quod
 ad Montem Serratū antea fecerat, quām accu-
 ratissime rursus explicuit. Sed (q; s̄pē contingit)
 quod sibi adiumento fore putabat, id erat ei con-
 trarium maxime. si quidem ipsa cōmemoratione
 rerum quas aliquando obliuisci oportuerat, fie-
 bat vt etiam si quid ipsa die mitigatum fuerat, re-
 crudeceret. Nec iam tantummodo superiorum
 annorum delicta occupatum animū amarissima
 superstitione torquebant, sed ēt presentis tempo-
 ris cura paucorū ne inuisa. C H R I S T O sua ef-
 sent

sent studia, neu Dām suis omnibus dictis, factis,
 cogitatis offenderet. Quo circa multis iam rebus
 frustra tentatis, vnum dumtaxat occurrebat illi
 remedium, nec sane spernendum; vt sacerdos pro
 potestate omnino sibi posthac eiusmodi suspicio
 nibus ac recordationib. interdiceret. Sed id ipsum
 consilii ad eum deferre non audebat, peruer
 sa videlicet ratiocinatione delusus, ac veritus ne
 sibi minus ea in medicina prodesset, cuius auctor
 ipse met extitisset. Inter has ergo curas, graui
 pressus mœstitia cum ita iaceret, vt nulla iam res
 mitigare dolorem posse videretur; inuasit homi
 nem atrox, & saeva cogitatio, vti ad luctus mife
 riasque finiendas, è fenestra cubiculi (Domini
 canorum hospitio tum forte vrebatur) semetipse
 præcipitem daret. Quam ille cogitationem, ope
 diuina cum accerime repulisset, subiit animum
 firmitas, & constantia, cuiusdam anachoritæ,
 quæ in Patrum historia legerat, impetrandi gra
 tia nescio quid, quod vehementer optaret, omni
 cibo tamdiu abstinuisse, quoad per eam abstinen
 tiam propitiato numine voti compos existeret.
 & quamquam periculosa admodū ea ratio vide
 batur, metusq. suberat, ne tam audaci incepto
 Deum irritaret potius, quam reconciliaret sibi;
 tñ tota re apud se diu multumq. agitata, ne quid
 omnino intentatum relinquerset, illum ipsum ri
 gorem perseverantis inediæ sine vlla dubitatione
 experiri constituit, atq. ita experiri, vt nihil inte

rea

rea de quotidiana præcatione ; verberibus, & cœ-
tera corporis maceratione remitteret . Dies igi-
tur vñus , duo , tres , quatuor , nec tamen aut lin-
qui animo , aut molestia liberari . itaque ad septi-
mum vsque diem , obfirmata mente iejunium ex-
tendit , extendissetq. porro , ni sacerdos idem ,
cui sua non modo vitia , sed etiam bona , & inti-
mōs omnes animi recessus ac latebras diuino quo
dam instinctu nudas , & apertas habebat , pro im-
perio vetuisset eum longius progredi , minis insu-
per additis , m̄ paruissest , illum à sacra corporis
CHRISTI communione prohibendi . Hac
igitur tam seuera denunciatione deterritus , ci-
bū sumpsit Ignatius , & illo quidem , ac postero
die fuit illi quies : tertio vero eadem illa peccata-
rursum occursare memoriæ . quarum cogitatio-
num initia dum admittit incautius , ac species (vt
fit) speciem adducit , sensim in pristinos fluctus ,
estusq. solicitudinum reuolutus ; cum ex vna par-
te prorsus instaurandum confessionis mysterium
iudicaret , ex altera vero id sibi non modo non-
profuisse verum etiam nocuisse antea cerneret ;
ex vehementi fluctuatione tā graue tedium præ-
sentis miseriæ mentem eius inuasit , non quidem
vt de morte oppreſeda , sed vt de abiicieſda seuerio
re disciplina , & ſeculi cōmodis repetēdis magno
quodā impetu cogitauerit . Verū in tantis tenebris
ac procellis nutāti , & in magnum adducto pe-
riculum , peropportune tunc radius diuinę boni-
tatis

tatis astulſit, cuius beneficio diabolica discussa caligine, totius tentationis exordia progressusque attente considerans, liquido comperit, omnes illos conscientiae ſtimulos, vanasque ſuſpitiones à malo ſpiritu fraudolenter immiffas, ac proinde ſine vlla dubitatione conſtituit, præteritæ vitæ labes, quod ad confeſſionem attineret, perpetua obliuione conterere. Atque in hunc modum ſingulari Dei beneficio, non modo infelicem illam ſui calumniandi miseriam ac poenam euafit ipſe, verum etiam alios curandj, qui eadem ægritudine laborarent miram à patre luminum facultatem, & ſcientiam eſt confeſcutus.

Ignatij profectus in ſpiritū.

Cap. VII.

HI S C E igitur periculis perfunctus Ignatius, ac veluti auulsus ab ubere; maiores quotidie efficiebat in solidavirtute processus. & quo acrior ac diu- turnior probatio fuerat, eo magis idoneus euafit ad noua omnipotentis D E I charismata capienda: in quibus fuit illud eximium. Cum enim religionis cauſa ædem Pauli Apostoli extra oppidum peteret, & in ipſo itinere ad Rubricatum amnem, qui Minoreſlam interfluit conſtitifset; nec opinanti repente diuina quædā oborta lux

lux est tanta , tamq. mirifica , vt momento pene
temporis nullo magistro quā plurima clare per-
spexerit non solum de fidei Christianæ mysteriis ,
verū etiam de aliis vel subtilissimis Philosopho-
rum questionibus , atque decretis : quasi nitidissi-
mo quodā in speculo perspicue cerneret ea , quæ
post multam , accuratamq. lectionē , maximosq.
labores , ac vigilias , vix demum solent homines
intelligentia comprehendere : atque in eo cœlesti
prosperus intuitu , non sine summa animi volunta-
te diutius acquieuit . Quo tanto , tamq. insi-
gni accepto beneficio , cum ad agendas Domino
gratias accessisset ad Crucem in propinquuo defi-
xam ; oranti sese denuò in aere spēctrū illud obie-
cit , de quo diximus antea , sed (quę nimirum vir-
tus , ac potestas est Crucis) nequaquam pari splen-
dore , vel pulchritudine . itaque quod suspicatus
pridem Ignatius fuerat , tūm denique clare perspe-
xit esse dæmonium . eodemq. deinde sepius appa-
rente , tantum abest ut moueretur , ut illud etiam
baculo per contemptum abigeret . Atque eius
ferè generis per id tēpus plane diuinitus alia mul-
ta percepit . Quodam die , dum indicta publi-
ca supplicatione Minoresq; religiosum agmen in-
struitur ; & Ignatius interim Beatissimæ Virgini
psallit , insistens gradibus templi Dominicanī ; su-
bitò in Deum ita raptā mens eius est , quasi per ap-
posita quedam , & maximè illustria symbola , Tri-
nitatis ipsius numē augustissimum cerneretur di-
stinctum

stinctum personis, vnum essentia. Qua visione tanto gaudio est delibutus, vt neque in ipso mox agmine lacrymis, & singultui crebro temperare valuerit, neque verò totum eum diem alia vlla de re, nisi de sanctissimo illo fidei Christianæ mysterio disputare: idque tanta similitum, & exemplorum varietate, & copia, vt cuncti obstupecerent. quinetiam per eos ipsos dies non dubitauit homo litterarum propemodum ignarus librum de Trinitate conscribere quoquo potuit stylo: usque adeo cœlestes typi quos diximus, in eius memoria, atque intelligētia diuinās illas rerum altissimarum notiones impresserant. Ac licet antea quoque & monadem in triade, & in monade triadē sanctissimè coleret, suaq. & naturę diuinę cominuniter, & separatim singulis personis preces, hymnosq. persolueret; ab hoc tamen raptu longè studiosior, & ardenter euasit in eodem officio pietatis; eamq. laudabilem consuetudinem ad extremum usque vitę retinuit, sic, vt præcipuam caperet voluptatem, & proprio quodam sensu rerum cœlestium afficeretur, quotiescumq. Sanctissimę Trinitati sacra perageret. Neque verò fuit hic finis mirabilium visionum: siquidem rursus per significationes arcanas, & mystica quedam exempla, oblatus est eius menti modus ipse, quem in huius vniuersitatis molitione summus ille rerum opifex tenuit: quas illustrationes atque doctrinas, vt omnino vires naturales excedunt, sic po-

C stea

steà negabat Ignatius posse verbis adumbrari, nedum exprimi. Præterea cum sacrificio Missæ in eodem templo Dominicanò interesset, dum à Sacerdote de more hostia salutaris attollitur, aperi-
tissimè vidit Ignatius illa specie C H R I S T V M
Deum eundem, & hominem verissimè contineri.
Factum est etiam aliquando (idq. ipsimet qui in-
terfuere, testati sunt) ut alienatus à sensibus, à
Completorio Sabbati ad alterum usque proximi
Sabbati Completorium in altissimo quodam ex-
cessu persistenter; qua ipsa hora, multis adstantibus,
qui rei totius euentum attentè exspectabant, qua-
si è profundo somno excitatus, repente susulit
oculos I E S V M perquam suauiter inuocans.
atque interim pii quidam homines mortuum ra-
ti, utique terrè mandassent, nisi contemplati om-
nia diligentius, ac pertentato corpore, latentem
in eo vitâ ex tenui cordis palpitatione sensissent.
Ad hæc, intento præcationi, sese non semel tum
C H R I S T V S Dominus, tū Virgo mater ostendit.
quibus, & aliis id genus clemetię diuinę sub-
fidiis in recta fide usque adeo confirmatus est, ut
etiam si nulla extitissent Christianę religionis mo-
numenta, vel testimonia, nequaquam tamen du-
bitasset, ex iis tantummodo quę Deo sibi aperien-
te cognouerat, mortem pro defensione catholice
veritatis oppetere. & qui paulo ante vix vocalis
nosset orationis usum paucis mensibus tantam re-
rum spiritualium peritiam, ac tantam Dei fami-
iliarita-

litteratem est natus, ut quidam, eius omnia, vel dicta, vel facta curiosè obseruantes, intempesta nocte supplicantem animaduenterint (eleuante spiritu sarcinam corporis) quatuor circiter cubitis à terra sublimem: & quidem ex consortio sermonis Domini (quod de Moysi scriptum legimus) tota facie mirum in modum radiante.

De studio collato ad proximos adiuuandos.

Cap. V III.

VÆ omnia, quamquam egregia, atque expetenda per se, tamen eò pluris erant in Ignatio facienda, quò magis erant cum aliorum fructu, & utilitate coniuncta. Nam in cæteris ornamentis, ac beneficiis, quæ in eum Deus plena manu congesit, illud equidem vel præcipuum duxerim, quòd in tanto perfectionis ardore non dedit illi spiritum solitudinis, animumq; unius sibi vacantem, sed Christianæ propagandæ fidei cupidissimum, ac mirè studiosum diuinæ gloriae, salutisque communis. Cum igitur acta eius in Monte Serrato (quamquam ea ipse occultissima voluerat esse) institutamq; vitę asperitatem, ac sanctimoniam vicinis locis fama vulgaret, ac nobilitatem viri præcipue, rumor (vt fit) etiam in maius attoleret, ingens hominum concursus ad eum fieri cœptus, partim

C 2 visendi

visendi gratia, partim etiam consulendi; quos ille
 ut omni conatu quam acerrimè ad CHRISTVM
 adiungeret, neu squalor ille nimius, & diutina
 illuuius ad se adeuntibus terrorem incuteret, pri-
 mum deponere fôrdes, & externum corporis ha-
 bitum cœpit aliqua ex parte componere; deinde
 cum intelligeret difficilem in primis, & ancipitê
 esse curationem animorû; quô cautius, rectiusq.
 in re tanta procederet, ope diuina suppliciter etiâ
 atque etiam implorata, suę conuersionis originę,
 ac seriem, variaſq. temptationum procellas, ac te-
 nebras, & subsequitam mox tranquillitatem ac
 lucem, quam accuratissimè secum expendens. de-
 mun ex iis quæ partim cœlesti magistro dictante
 perceperat, partim etiam ipsem experiendo co-
 gnorat, de fructuosa ratione meditandi, oran-
 dique, præclaras obseruationes, & saluberrima
 præcepta conscripsit. qui liber (vt antea dictum
 est) Exercitiorum spiritualium titulo, tempore
 procedente deinceps ab eodem actus, atque recon-
 gitus, & Romani Pontificis iudicio, ac testimo-
 nio comprobatus, ità multos omnis ætatis, atque
 ordinis homines, tum in eligendo genere vitæ,
 tum in componēdis moribus perturbationibusq.
 sedandis, ac præsertim in retinēda cōstantia salu-
 tari, mirum in modum iuuit, iuuatq. quotidie;
 vt iure optimo videatur hoc non in postremis nu-
 merandum esse remediis, quæ diuina bonitas hac
 hominum ætate, vel ad corrigenda seculi vitia,
 vel

vel ad renouandam veterem Ecclesię disciplinam clementer adhibuit. His ergo meditationibus, quos ad bonam perfectę virtutis frugem Ignatius reperiebat idoneos, paulatim, & quasi per gradus cœpit excolere: cæteros interim precibus, monitisque, prout sese dabat occasio, à vitiorum fœditate deterrens: atque ad studium æternæ beatitudinis incitans: idq. eo libentius, atque securius, quod communicandis iis, quæ à Domino acceperat, nihil interim sibi religionis, ac spiritus deperire sentiret. Nec solum venientes ad se benigno excipiebat alloquio: sed etiā invitatus interdum ab aliis ad prandium, minimè recusabat accedere; nimurum eo consilio, ut ex re, & ex tempore sumpta occasione, qui se in Dei gratiam terrestri paucifert cibo, eosdem ipse vicissim spiritualibus epulis, & opportuna quapiam adhortatione reficeret. Atque in hunc ferè modum adiuuante Domino permultos ad arctam salutis semitam, à via lata, & spatiofa traduxit.

E graui morbo periclitatur. Cap. IX.

SED in eiusmodi curam dum incumbit ardenter, nec tamen interea fere quid quā de assiduitate precandi, ac de quotidiana vīte asperitate diminuit, morbum ex ingenti labore contraxit adeò periculoso, & grauem, vt sequente atrociter febri proxi-

C 3 mē

mè ad mortem accesserit. quo tempore, & oppidi magistratus periculo viri permoti, publicè diuerforium illi curarū necessariis rebus instructū; & præter aliam amicorum turbā, honestæ matronæ, quæ vitandæ pestilentia causa Barcinonē fese eò receperant, certatim ægrotanti assidere, & nocturnas agere excubias, perinde quasi in vnius vita salis oīum verteretur. Atq; his populi officiis, ac pia sedulitate bonorum, eruptus è præsenti vita discrimine, in id ipsum iterum, ac tertio recedit ob eam causam, quod nondum planè confirmatis viribus (blandimenta videlicet carnis, & veteris hominis malitiam veritus) præpropera festinatione ad pristinas occupationes corporis animiq. redierat: quarum pondere oppressus, denique didicit ipse, aliisque dinde præcipere solitus est, imbecilla valetudine minuendos labores, curandumq. tali tempore, ut quantum de consuetis exercitationibus infirmitas demat, tantum ad Dei gloriam, & proximorum edificationem æquitas animi, & exemplum Christianæ fortitudinis addat. Verabat idem etiam corpus debito somno, ciboque fraudari, multis eo tempore doctus experimentis, ut moderata sobrietate vegetatur animus, sic immoderata vigilia, vel inedia vires adeò frangi, ac debitori, vt mens earum ministerio destituta, vix munere suo fungi, aut ad contemplationem rerum diuinarum possit exsurgere. Venatus igitur, vt dicebamus, diuturna, & periculosa

losa ægritudine, demum ità conualuit, vt ex reliquiis morbi, dolore stomachi molestissimo subinde cruciaretur: quapropter calceos induere, & panni crassioris tunica cinerea, & capitis tegumento contra sœ uitiam hyemis munire fese piorū hominum benignitate precibusque coactus est.

De inanis gloriæ vitio superato.

Cap. X.



CCESSIT ad illa corporis ægrotantis incommoda, grauis etiam animi cruciatus, ab importuna quadā inanis gloriæ temptatione profectus. Dum enim, ingrauescente morbo, conscientiam suam diligentius excutit, seq. ad extremum comparat mortis agonem, subiit illi repente se iustum esse, neque ullo pacto sibi de sempiterna beatitudine dubitandum. Cui suasioni dum resistere vi summa conatur, intelligens vt quisque sibi maximè placet, ità Deo maximè displicere; diuturnum, & anceps intra fese certamen tanta temptatione, metuque sustinuit, vt miris modis quotidie torqueatur, maioremq. ex offensionis diuinæ formidine, quā ex ipsa grassantis morbi vehementia metum, ac sollicitudinem caperet. Versabat vide licet in omnes partes hominis animum dæmon callidus, CHRISTI permisso; & quem de-

C 4 spera-

sperationis iaculis paulo ante superare nequie-
rat , eundem rursus nimia confidentia , ac vani-
tatis elatione supplantare , & euertere niteba-
tur . Sed contra eiusmodi cogitationes Ignatius , & in ipso (vt diximus) morbo , & recuperata postmodum valetudine , cum diutius dimicaret : partim agendis identidem Domino gratiis ,
partim naturæ humanae fragilitatem apud se re-
putando ; denique diuino præsidio detestabile
hoc ingrati animi vitium ita debellauit , euulsitq.
radicitus , ut posteà quotiescunque salus animarū ,
aut Dei gloria postularet , sua non minus bona ,
quam mala sine vlla prorsus cenodoxiæ titillatio-
ne palam , & ingenuè expromeret .

De profectione Hierosolymitana.

Cap. XI.

NTER hæc anni ferè spatio exacto ,
partim spiritualium rerum scientia in-
structus , partim etiam arte quadam , &
consuetudine regendarum animarum
imbutus , cum nihil vulgare , aut exiguum agita-
ret animo : sed egregia quædam , & ardua in Dei
gloriam ab ipso conuersationis initio concepisset ;
Hierosolymam , quod iam dudum habebat in
votis , petere omnino constituit , non tam , *vt*
CHRISTI Domini sacratissima incunabula
cerne-

cerneret (tametsi id ipsum vehementer optabat)
quam ut in conuertendis ad Euangeli lucē infi-
delibus, qui ea tenent loca ; vel operæ pretium fa-
ceret ; vel certè martyrii palmam ; cuius audiissi-
mus erat , acquireret . Sed hoc suum de prædi-
cando Euangilio consilium , vitandæ scilicet hu-
manæ laudis causa, nemini prorsus aperiebat : pe-
regrinationis verò propositum , cum necessariò
amicis patefecisset, multi primum id ei multis ra-
tionibus dissuadere , obtestari etiam , & orare ne
populum ab se nuper è summo vitiorum excitatū
ad studia virtutis pietatisq. repente desereret, neu
se ipse , affecta præsertim valetudine , itineri tam
longinquo , ac tam periculoſo committeret . de-
inde cum nec precibus , nec suasionibus eum dæ
sententia demouere possent, instare saltem , & vr-
gere , ne incomitatus abiret ; multa posse in tam
remotis ignotisq. sibi regionibus , ac tanta rerum
humanarum varietate contingere , quæ præsentē
cuiuspiam fidelis opem , solatiumq. requirerent .
Omnino probabilia videbantur afferre , & huma-
no iudicio rem æstimantibus , etiam necessaria :
nec verò deerant homines impigri , peritiq. lin-
guarum, qui sese illi comites laboris, ac periculo-
rum libenter offerrent . Verùm Ignatius , qua
erat animi altitudine, in cœlum semper intentus,
atque à diuina prouidentia usquequaque pende-
re mirabiliter cupiens , amicis omnia sua in eum
studia profitentibus ita remisit, vt diceret, in pre-
cipuis

cipuis hominis Christiani virtutibus, non modo fidem, & caritatem esse, verum etiam spem. Eius porro comparanda gratia, certum sibi esse non modo sine viatico, sed etiam sine comite iter id ingredi, quod clare perspiceret, si, qualia multa possunt homini accidere, peregrinanti præser-
tim, sibi quidpiam euenisset, fieri non posse, quin aliqua saltem ex parte comitis præsidio, fideique consideret: proinde quicquid in eo spei locasset, id utique ex ea detracatum iri fiducia, quam tota in uno Deo clementissimo parente, ac rectore vellet esse repositam.

Nauigat in Italiam.

Cap. XI.

ACigitur mente sub initium anni M. D. XXIII. magno omnium dolore Minorella profectus, venit Barcino nem, ut in Italiam ex eo loco traiiceret. cumq. per opportunè paratam ibi nauem offendisset, egit cù nauarcho suppliciter, ut se mendicum, egenteinq. gratis admittere, ac transpor-
tare ne grauaretur. cui naulum quidem ille se remissurum promisit: ea tamen conditione, ut nautici saltem panis, quod erat necessarium, secum inferret. Eo responso cum vehementer ange-
retur Ignatius, quod commeatus copiam, quam-
uis

uis exigiam , cerneret inopiae illius , quam sibi summam proposuerat , legibus aduersari ; post multas , anxiasq. cogitationes totam rem deniq. permittere statuit arbitrio sacerdotis , quem sibi paucis illis diebus Barcinone , tum suæ conscientie iudicem tum interpretem diuinæ voluntatis elegerat . Ille re cognita , Ignatio respondit , æqua postulare nauarchū , proinde non resistendum es-ſe , nec verò timendum , ne si cibaria , tam vilia præfertim , ac necessaria sibi parauerit , quidquam idcirkò contra consilium perfecte paupertatis admittat . Tum Ignatius quamquam soluto vix dum religione animo , tamen partim sacerdotis impulſu , partim etiam metu occasionis eius amittendę : emendicata de more pecunia , panes in nauem imposuit , & ne quid præterea secum inferret , paucos , qui superfuerant , nummos reliquit in ipso littore : deinde solutis anchoris die quinta Caetam non minus periculosa , quam celeri nauigatione delatus , Romam pedibus iter intendit ; ac prima nocte diuertit ad villam militibus refertam : quibus nefaria quædam , ac turpia molientibus tanto animi ardore , ac vociferatione se obiecit , ut illi partim verborum pondere , partim constantiae miraculo obstupefacti à flagitioso conatu destiterint . Inde laboribus maximis , cum sæuiente per eos dies pestilentia luridus ipſe , ac mācilentus , tectis ferè atque oppidis arceretur , denique in urbem Romam haud ita acriter custodi-

musum

tam,

tam, lassitudine, ac fame penè confectus, introiit ipso Dominico die Palmarum, cumq; venerabundus religiosissima quæq; loca obiisset, Adriani VI. Pont. Max. pedes exosculatur. Mox paranti Venetias ire, vt in Palæstinā inde transmittenet: rursum Hispani amici nonnulli, qui Romæ eo ipso tempore versabantur, profectionem dissuasere, cum aliis rationibus, tum præcipuè nauigationis longæ, & infestæ periculis proponendis, quippe. cum paulo ante per summum nominis Christiani æquè damnum, ac dedecus, Turca Rhodum insulam expugnasset, quo nuntio videlicet omnis Italia cohorruerat. Sed cum Ignatius ab instituta peregrinatione nullo terrore posset abduci; illud saltem hortari, & orare institerunt, ne se daret in iter eiusmodi sine pecunia, tum in alios usus necessaria, tum vtique ad nauum pro transmissione soluendum, nam, vt Venetias emendicato viatu peruenisset, quæ deinde ratio, quæ spes homini externo, & ignoto foret, in tam remotas regiones traiectum nanciscendi gratuitum? Proinde rectè, amiceque suadentibus ne resisteret, iuuarique in CHRISTI gratiam aliquo saltem viatico pateretur. Cum hec, & alia eiusmodi asseuerantes pariter, ac miserantes ingererent; sepius eadem iterando, cunctantem, ac tergiuersantem denique pepulerunt, vt in ipso discessu aureos aliquos nummos acciperet. Quo ille subsidio oneratus verius, quam instructus, non multum

multum processerat vię , cum rem totam attentè
contemplans , seque ipse accusans grauiter , quòd
de fiducia diuina humano metu se deiici , fixum-
que paupertatis propositum oblato auro passus
effet infringi ; parum absuit , quin omnem pecu-
niā illicò indignabundus abiiceret : sed quia id
prodigum , ac Deo ingratum forè videbatur , de-
crevit certè in obuios pauperes paulatim insume-
re . quod cum alacriter præstislet , breui , & num-
mis omnibus vacuus , & stimulis conscientiæ li-
ber euasit . Pergentem porrò Venetas , eadem ,
quæ supra memorauimus , incommoda , & diffi-
cultates itinere penè toto vexarunt . Sæuiebat
etiam tum locis aliquot fœda lues , atque conta-
gio ; dispositique custodes aditus oppidorum assi-
diuè tuebantur . Ignatium verò ex ipso corporis
habitu vel in summa cœli tépore metuisses . Ob-
sita erat squalore vestis , & horrida ; color exsan-
guis ; cauum macie caput ; conditi introrsum ocu-
li ; & inanes faucium finis . quo circa siebat , non
solùm vt exclusus à diuersoriis omnibus , perno-
ctare sæpe cogeretur in publico , sed etiam vt pal-
lore , & macie peremptum , rigentemque , præ-
tereunte aliquando nonnulli ceu monstrū quod-
dam , aut triste simulacrum horrerent . Ipse ve-
rò linguæ imperitus , ignarus itinerum , cum præ-
defatigatione sæpe deficeret : ad Fossam tamen
Clodium , Deo adiuuante peruenit , quo ex em-
porio breuis , & quotidianus Venetas traiectus
est .

est. Ibi certior factus à viatoribus, obseruari Venetiis omnia diligentissimè, & è suspectis præser-tim regionibus venientes accessu prohiberi; flexit inde itinere terrestri Patauium, quorumdam consilium sequutus, qui id ipsum periculi metuentes, faciliorem sibi ex ea vrbe Venetias transitum fore sperabant. iidemq. Ignatium adiunctum sibi comitem, præ imbecillitate haud ita æquante gradus, in campis circumpadanis repete de-stituunt, vnius ope C H R I S T I subnixum: qui sanè pro sua infinita clementia laboranti seruulo in tanta solitudine minimè defuit, sed proxima nocte se se illi, quemadmodum antea sæpe fecerat, visendum obtulit; recreatumq. mirificè, intra ipsa Patauina mœnia primùm, deinde Venetias sine vlo errore, aut difficultate perduxit. ne-mo quippè ex Patauinis custodibus ad portas, ne-mo ex Venetis exploratoribus ad insulas frequen-tiores appropinquantem (cum nauim ingressi de more singulos uestores diligenter excuterent) Ignatium nulla munitum ualetudinis tessera, ne appellauit quidem; mirantibus, cognita postmo-dum re, Clodianis desertoribus illis; quibus per adulterata uidelicet symbola introitus in urbem vtramq; non sine magna, uel solicitudine, uel con-tentione patuerat. Venetiarum vrbis, in recef-su intimo sinus Adriatici, ea regio, ac situs est, ut leuiter stagnantes ex alto aquæ, illam ex omni par-te circumluant. ea inclytæ urbi, & ad merces, co-piasq.

piasq. inuehendas opportuna receptacula, & contra hostiles incursus, munimenta firmissima sunt. Ex iis porrò æstuariis maiores, minoresq. euripi totā urbē intercursantes, variis mæandris, ac flexibus ità distinguunt, ut, quot in partes pedibus, in totide ferè mari aditus sit; egregio sanè uel artis, vel naturæ miraculo. Inde uicorum, insularum, ac pontiū ingens numerus: ut, qui diutius ibi uer-
sati non sunt, uiarum, locorumq. modo uarietate, modo similitudinē s̄pē fallantur. Sed contra eiusmodi ambages, certum, paratumq. remedium est maxima multitudo Cymbarum, quæ usque-
quaq; dispersæ nominatim ad omnia & publica, & priuata loca quemlibet haud ità magna mercede traiiciant. Ignatius naui Patauina, ex iis quæ per Medoacum flumen assiduè, commeant, in area Marciana sub nocte in expositus, cum neque uias ad publica xenodochia nossent, nec portitori conducendo suppeterent numimi; assuetus longo iam usu malè cubare, sub porticu Procuratoria, quam appellant, intendentibus iam se tenebris, uacuum opificis cuiusdam fulcrum elegit, in quo fessos artus utcumque reficeret. Tenet fama, litterisq. multorum est memoriæ traditum, dum ille ibi nocte exigeret, uicinum Senatorem cœlesti uoce excitatum, increpitumq. quod in multa ueste, molliq. strato decumberet ipse, cum interim Dei famulus peregrinus non longè à uestibulo illius ædium iaceret in publico pauper, & omni huma-

humana ope, ac solatio destitutus itaq. ingenti me tu, & horrore perfussum proſiliſſe confeſtim, & quæſitum diligenter Ignatium excepisse per hono rificè. Sed ille poſtridie cum in amicūm veterem Cantabrum incidiſſet, à lautiore hoſpitio ſe ad eum familiariter tranſtulit.

Nauigat in Palæstinam.

Cap. XIII.

VI cum aliquandiu moraretur in om nem nauigandi occaſionem intentus; ecce tibi nouæ amicorum pugnæ (quos illi vbiuſ breui conciliabat cognita viri virtus, atque modestia) eum variis ter roribus ab iſtituta peregrinatione reuocare conantium; quibus ille, Deo fretus, ita refiſte bat, ut diceret pro certo habere ſe, vt cetera cun etā deficerent, uel una ſolummodo tabula quò cupiebat utique peruenturum. Nec eum refelliit bonitatis diuinæ fiducia. Cum enim eo an no formidine Turcarum, ut diximus, ſolito mi nor eſſet in Iudæam peregrinantium numerus, & quotquot erant, ſimul omnes paulo ante ſoluif ſent: desperata iam à ceteris re; Ignatius repente fit certior, nauem in Cyprum parari patricio Ve neto, pretori eiusdem iſculę deſignato: cumq; inde non ignoraret breuem, atque facilem eſſe

tra-

traiectum in Palæstinam ; nullo adhibito deprecatore , cum tamen multi nec aspernandi susperterent , ad Venetorum Ducem Andreiam Gritum adiit ipsem , insigni non minus humanitate , quam prudentia Principem : ac , Deo fauente , facile ab eodem impetravit , ut gratis in Cyprum usque deueheretur . Sed int̄erēa dum prætoria ornatur nauis , in febrim Ignatius incidit , factūq; diuinitus est , probandæ scilicet eius constantiæ causa , ut quo die pharmacum hauserat , eo ipso nautæ signum profectionis ediderint . qua re minime conturbatus Ignatius veniam petit ab hospite ; qui pertinaciter ipsum etiam atque etiam retinere conatus , cum nihil omnino proficeret , consulitur medicus : ille verò sine cunctatione respondet , hominem ad interitum ruere . Attamen Ignatius nihilo magis immutatus , & cœlestis nimirum medici ductum sequutus , felici sanè consilio (quod tamen admirandum potius , quam imitandum aliis duxerim) fluctuante etiam tum in stomacho potionē conscendit : factumque est Dei beneficio , vt ora soluta , inter nauigandum , ex ipsa maris agitatione tantam uim pestiferi , ac vitiati humoris euomeret , vt morbo planè leuatum se se celeriter senserit . Recuperata valetudine institit suo more , quoscumque poterat factis , dictisq; ad virtutem , & pietatem adhortari . cumque in eadem naui per summam impudentiam committi grauia quædam flagitia comperisset , nō

D

du-

dubitauit apertum dedecus detestari palam; & impuros illos homines tanta orationis acrimonia reprehendere, ut ii, facta cum nautis coniuratione, molestum sibi monitorem in deserta quadam insula exponere, atque ab suo conspectu, & consuetudine procul amouere decreuerint: quam rem odorati e vectoribus quidam Hispani, ad Ignatium pro amicitia detulere, suadentes etiam atque etiam, ut in loquendo cautior esset, sibi que consuleret; sed ille nihilominus turpiter peccantes obiurgare perrexit, diuinæ prouidentiæ ope subnixus: cuius beneficio factum est, ut ad insulam sceleri destinataam appropinquantes nautæ aduerso repente uento reiecti, volentes nolentes Ignatium in Cyprum usque peruerxerint: ubi cum stare ad salinas peregrinam nauem, de qua supra diximus, audisset, illuc itinere terrestri se contulit: in eamque, gratis admissus, nihilo plus uatici secum intulit, quam in priores intulerat, CHRISTO uno videlicet fretus, qui tota illa nauigatione fese illi non semel ostendit; eumque magnoperè confirmauit; ac denique in columem ad portum palæstinæ perduxit.



dicitur

D

Palæstinæ

Palæstinae loca Sancta perlustrat.

Cap. XIU.

¶ ND E cum cætera peregrinorum tur-
ba progressus, vt ad conspectum sacra-
tissimæ vrbis, est ventum, incredibilē
ex ipso illius intuitu cepit animo uolu-
ptatem: ac deinceps partim in comitatu, partim
etiam solus, loca illa Christi Domini, Mariæ Vir-
ginis, & Apostolorum nobilitata vestigiis, exi-
mio quodam animi fructu venerabundus haud
semel obiit: modò inclyti quondam templi reli-
quias, modò sepulcra Prophetarum intuens: hic
nascentis, & vagientis, illic docentis, & miracula
patrantis Filii Dei monimenta considerans. Vbi
verò ad loca eiusdē acerbissimis pœnis insignia,
& morientis in cruce sanguine consecrata, atque
ad defuncti sepulchrum accederet; effusus in la-
crymas humo pia oscula imprimere, immortales
agere Domino gratias, incredibili quadam spiri-
tus dulcedine, & suavitate completi. Ad hæc
antiquū beatissimæ Virginis domicilium, itemq;
locum instituto primùm Eucharistiæ mysterio, &
Sancti Spiritus aduentu memorandum, & alia
eiusmodi quā plurima, quæ per otium deinde
reuiseret, à mystagogo quā accuratissimè addi-
scere. Erat Ignatio iamdiu deliberatum, vt dixi-
mus, in augustis illis Iudeæ sedibus pedem fige-

D 2 re,

re, atque ad conuertendos ad Euangelii lucem in-
fideles toto pectore incumbere; quod non repe-
rireret, vel ubi sanctius in terris vitam degeret, uel
in quo munere fructuosiùs operam collocaret.
Neque, plurimis iam experimentis diuinæ boni-
tati confidere, & in diem, paruoq. viuere assue-
tum, rerum, quæ ad corpus pertinent, habebat
cura vlla sollicitum. Id verò laborabat vnum, fra-
gilitatis humanæ videlicet conscius, ne spiritui
quotidie deficienti, & noxarum sordes aliquas
contrahenti, opportuna sacræ pœnitentia abluc-
tio, & cœlestis panis alimenta deessent. Quam
ad rem idoneum ratus ministerium fratrum è
Franciscana familia, qui loca illa religiosa tuen-
tur, & peregrinis aduenientibus præsto solent
esse: adit ille ad custodem cœnobii, ac litteras ei,
quas ex Italia commendatitias attulerat, reddit;
&, quod ad conuersione infidelium attinet, ni-
hil ei suorum consiliorum impertit; voluntatem
verò suam in eisdem sedibus commorandi, habi-
tandiq. demonstrat; rogat proinde, uti se fratres
dumtaxat testo recipiant, sibiq. confessionis, &
Eucharistiae sacramenta ministrent: se, quæ ad
victum, cultumq. spectent, nullo prorsus eorum
incommodo curaturum. Custos, partim com-
mendatione amicorum, partim postulati mode-
ratione permotus, benè sperare iubet Ignatium,
ita tamen, ut rem in aduentum Prouincialis mi-
nistri differret, qui per eos dies in Bethleem op-
pido

rido versabatur . nec dubitauit Ignatius , quin
æquè facilem Prouincialem esset habiturus, atque
custodem habuerat. itaque cum redditus iam pere-
grinorum instaret, litteras ad amicos in Occiden-
tem scribere aggressus est , quibus eos de suo statu
facetet certiores : Cum igitur maximè scribebat ,
quòd in posterū diem peregrinis erat indicta pro-
fectio ; ecce tibi à custode nuntius , adesse Pro-
uincialem , & Ignatum accersere . ad quem bo-
næ spei plenus cum exemplò adiisset , collaudat
ille primò piam hominis voluntatem: sed re apud
se diligentius deliberata , videri sibi ait satius , ut
recedat ; idq. cum alias ob causas, tum verò quòd
ante id tempus nonnulli eodem studio accensi ,
dum securius vagantur , à Turcis excepti , vel mi-
serè periissent , vel certè in acerbæ seruitutis cala-
mitatem incidissent ; quos deinde propter offi-
cium , ac vicinitatem Franciscani fratres , non sine
magno cœnobii detrimento redimere cogeban-
tur , proinde se in diem insequentem cum cæte-
ris peregrinis ad iter accingeret . Ad quæ cum ità
respondisset Ignatius , ut sibi certum fixumque
esset affirmaret , Hierosolymis omnino restare ; si-
mulque modestè significaret , se , quamvis aliter
sentiente Prouinciali , nequaquam , nisi aliqua
oblata religione , à proposito recessurum: tum ille
potestatem se à summo Pontifice habere subiun-
xit sacris interdicendi , si quis inuito se ibidem re-
manere conatus esset : iamque potestatis eius di-

D 3 ploma

ploma proferre paranti, confessim Ignatius, ut
 omnia ecclesiastica iura, & imperia valde reuere-
 batur, nihil prolato opus esse respondit, credere
 se quæ diceret; & quoniam ita iuberet, dicto au-
 dientem fore. Dum igitur ad hospitium tendit
 mœrens, ut se ad redditum compareret; acris illum
 incessit repente cupiditas montis Oliueti illius ce-
 leberrimi reuisendi, quo in summo cernuntur
 adhuc I E S V. C R I S T I ascendentis in cœlum
 expressa vestigia: ac ne quis forte in tantis tempo-
 ris angustiis impedimento sibi esset, re nemini pa-
 refacta, & (quod periculosius est) nullo propter
 inopiam Turca secum adhibito ex iis, qui merce-
 de cōducti peregrinis in ea regione præsidio sunt:
 solus ad montem excurrit; cumq. à custodibus nō
 admitteretur, cultellum è calamaria theca detra-
 ctum mercedis loco iis dedit, sacri montis cacu-
 men subiit alacer, & diuinorum pedum notas
 multa cum prece, & ingenti gaudio veneratus ad
 Bethphage properauit: ubi, dum singula curiosè
 perlustrat, subiit illius animum subito, minus
 diligenter in Oliueti fastigio sese animaduertisse,
 vtra ex cœli plaga dextrum, vtra finistrum esset
 C H R I S T I vestigium: qua dubitatione quasi
 quibusdam calcaribus incitatus, illico ad Monté
 recurrit, adnotauitque intentis oculis vel minu-
 tissima quæque, sic, ut locus in posterum dubita-
 tioni non esset: usque adeò inexplebile studium
 sacrosancta illa redēptionis humanæ monimen-

ta,

ta, & incunabula Christianæ religionis penitus etiam atque etiam cognoscendi, recolendi que mentem eius inuaserat. Interea cum abesset diutius, nec in turba peregrinorum appareret, ad Franciscanos defertur desiderari ex eo numero Ignatum. Franciscani suspiciati id, quod erat, ac veriti ne per eam solitudinem Ignatius in aliquod vitæ, vel seruitutis discrimen incurreret: Armenium quendam in eo cœnobio ministrantem, ad illum perquirendum celeriter mittunt, qui descendenti ex Oliueto commodum Ignatio factus obuiam, fuste primū, ac truci uultu acriter minitari, ac temeritatem asperè admodum increpare, deinde immissa manu, & brachio ferocius apprehensum ad diuersorium trahere minimè sanè renitentem, quin etiam nouo cœlestis gaudii rore perfusum, quod inter eas contumelias Christū sibi præsentē, & usque ad hospitium præeunte, incredibili quodā genere consolationis aspiceret,

In Hispaniam redit.

Cap. XV.

VT igitur postera dies illuxit, cum reliquo peregrinorū agmine Ignatius abiit præ desiderio tristior, & relictae prouinciam sine fine respiciens: nec tamē, quoniam præsenti necessitate victus inde recede-

D 4 ret.

ret, de muniendo in posterum sibi quandoq. reditu, ac mansione desperans. Cumq. primo tractatu Cyprus tenuisset incolimis, tres ibi onerarias in Italiam paratas offendit: quarum vna erat Veneti mercatoris maxima, & omnibus rebus instruta; altera minor, sed bene firma, Turcarum; tertia Christianorum, parua, & malè compacta. Ac cæteri peregrini, quod tempus erat hibernum, & obnoxium tempestatibus, pro se quisq. tendere, ac certa mercede pacisci, ut in primam illam ascenderent: cumq; Ignatius propter egestatem à nauarcho repudiaretur, iidem illum enixè precari, vt hominem sibi notum, probum, atque adeò sanctum ne recusaret admittere. quibus ille non minus amarè, quam ineptè facetus, Atqui sancto nihil opus est (inquit) naui: calcabit æquora multorum exemplo. neque umquam exorari se passus est: sed magno ei stetit cauillus, & contumacia. Cum enim Ignatius inde per contemptum exclusus, facile obtinuisse, iidem deprecatoribus, vt in illam debilem gratis admittetur: cumq. simul omnia nauigia vento secundo soluissent; repente cooritur atrox adeò, ac fœua tempestas, vt Turcica nauis in omnium conspectu miserandum in modum fluctibus hausta, nullo prorsus euadente perierit; Veneta verò in scopulos illisa naufragium fecerit, saluis tamen hominibus: tertia tantum, qua vehebatur Ignatius, minimè valida, ventis, ac fluctibus diu, multuq.

agi-

agitata, altero denique mense in Apuliam, lace-
 ra, ac valde fessa peruenit: quo ex loco ipse dein-
 de Venetias petiit, tam longa, & periculosa nau-
 gatione mirè vexatus. Etenim studio paupertatis,
 quæ fuit illi semper omnibus commodis, & emo-
 lumentis antiquior, nudis cruribus, hyeme se-
 uiente conscenderat, femoralibus tantum è tela,
 concisaque ad humeros aploide, ac scissili tunica
 breuiore semiamictus, cum è cœlo densa caderet
 nix, ac tristi gelu cuncta inhorrescerent. atque ad
 has cœli iniurias accedebant quotidiana vitæ di-
 scrimina, vigiliæq. & cætera maris incommoda:
 quibus ille penè confectus cum Venetias perue-
 nisset Ianuario mense anni M. D. XXIV. ab
 hospite Cantabro clementer acceptus, nummisq.
 aliquot ad iter faciendum, atque ad fouendum
 stomachum nimio frigore languétem panni quo-
 dam frusto donatus, Ferrariam uenit. ibi maxi-
 mum vrbis templum ingressus, dum religiosè nu-
 men adorat, mendicus quidam ex iis, qui sacrarū
 ædium vestibula conterunt, precationi apprimè
 intentum intuitus, confessim ad illum accedit,
 manumq. ad stipem porrigit supplex: cui, cum
 Ignatius ex ea, quam habebat, pecunia, nummu-
 lum hilari vultu dedisset, atque is (vt fit) rem ad
 cæteros pauperes detulisset; alius, aliusq. dein-
 ceps ad Ignatium accurrere: quos ille cum se per
 CHRISTVM obsecrantes frustrari fas esse
 vix duceset, à minoribus nummis ad maiores
 pau-

paulatim progressus, breui totam crumenam ita penitus exhausit, ut sibi deinde ad cibum illo die capiendum ostiatim emendicare necesse fuerit. quam rem pauperes iidem mox conspicati, & maxima quadam admiratione correpti: sanctum, sanctum illico exclamant, quibus plausibus, uocibusq. nequaquam inflatus ipse, cum uno bonae conscientiae testimonio niteretur, Genuam inde sine villa cunctatione profectus est. Graue per id tempus inter Christianos Reges uigebat bellū; & precipua quæque Cisalpinæ Galliæ loca, vel Hispanicis, vel Gallicis praesidiis tenebantur: cūque ob id ipsum valde infesta cædibus, ac latrociniis itinera esse constaret; admonitus à bonis quibusdam viris Ignatius est, ut per occultos tramites à uia Regia declinaret, ni cum ingenti uitæ periculo in manus militum vellet incidere. At ille, quæ ardens odiū sui, & amor imitandæ CHRISTI patientiæ intrepidum redderet; recta nihilominus ire perrexit; neque ita multum viæ processerat, cum ad oppidum nescio quod, in statione circumidentium Hispanorum incurrit, qui tam periculo, ac suspicio tempore exploratorem sine dubio rati, comprehensum Ignatum, & in domunculam quandam seductum, blandè primum interrogant: deinde omni uestimento, & ipsis denique calceis ferociter exuunt, singulas partes proterè simul, & curiosè pertractant, nūquid ad obsessos, vel nuntii, uel litterarum afferrat,

rat, diligenter exquirunt. Cum nihil eorum, quæ putauerant, neque percutiendo elicent, neque perscrutando inuenirent; ira commoti, Atqui te Præfecto sistemus, inquiunt, & confessionem, quam pertinaciter suppressimis, exprimemus: cum nihil recusaret Ignatius, ac tantummodo peteret, ut sua se tunica tectum incedere paterentur: illi vero, ludibrii, & ignominiae causa, brachatum per media castra, vulgo inspectante, atque iridente perducunt. quam ille tam insignem contumeliam excepit, ac subiit alacer, cum aliis nominibus, tu præcipue quod interea sibi species quædam est obiecta CHRISTI Domini, cum à Pilato per medium urbem ad Herodis tribunalia missus esset, ab eo per summam iniuriam, atque indignitatem spreti, & illusi; & uniuerso iridente, ac sibilante populo, per hominum ora semel, iterumq. traducti: cuius opprobrii se quoque factum esse vtcumq. participem, mirificè lætabatur. Sed ubi ad Præfecti diuersorium appropinquauit, repentinò quodam timore perfusus, cœpit subito cogitare apud se, quonam modo ipsum alloqueretur. Etenim Ignatius, quod olim in Regia, sermonis flosculos, & uerborum elegantiam nimium studiosè captasset, ad eam uanitatem expiandam, consultò, post conuersionem instituerat rudi, & agresti sermone cū ipsis quoque dynastis, ac principibus agere; & quod magis vulgo contemnentur, omne liberalioris educationis, & nobilitatis

indi-

indictum studiosè celare . Tum igitur subiit illius
animum, expediret ne tali tempore quidpiam de-
suscepta seu tarditate , seu rusticitate deponere .
Sed cum rem totam accuratius intuens, ab huma-
no timore profectam animaduertisset; usque adeo
in semetipsum animo concitatus est , ut nulla ha-
bita ratione periculi, non modò mutata consue-
tuine ad orationis lenocinia nō descendere , sed
nullū prorsus, neq. gestus, neq. verborum honorē
habere Prefecto decreuerit. Quę res cuipā fortas-
se temeritatis potius, quam consilii uideatur esse:
sed utiq. seruorum Dei, præfertim in ipso feroce
pœnitentię, facta, uel dicta, ad communē sensum,
ac normam exigenda non sunt . Cum igitur co-
ram illo stetisset , vt erat seminudus , & squali-
dus , ne aperto quidem capite , oculos humili defi-
git . multa , ac varia sciscitanti nullā omnino red-
dit vocem . tantum ad illam interrogationem . Es
ne speculator? non esse , respondit ; idq; ob eam
causam , ne si nihil contradixisset , silentio ipso ,
quod aiunt, rem affirmasse , & meritò quæsitorem
in suam perniciem efferasse videreur . Tum ille
insanum ratus Ignatium, acriter milites increpat ,
quod in conspectum suum , non bene cognitare ,
dementem adduxerint ; & simul Abigite hunc ,
inquit liberumque dimittite . qua reprehensione
magis , magisq. irritati , cum aduersus Ducem hi-
scere non auderent , sui doloris pœnas ab innocē-
te Ignatio repetunt . nec modo iurgia , & probra-
cer-

certatim ingerere, sed etiam, impetu facto, pugnis, cubitis, calcibus hominis latera, faciemq. contundere, mirabiliter in ipso verberum dolore lœtantis, q̄ aliquid innoxio sibi ad CHRISTI Domini exemplum perpeti contigisset. Cumq. verberando, & conuitiando fessi denique destitissent, miseratus aliis quidam miles excepit exanimem, ac fuit, ciboque recreatum infrequentiluce tutum abire permilit. Sed antequam Genuam accederet, rursus in statu Gallorum incidit, verūm euentu admodūm dispari. siquidem Dux, vt eum in Guipuzcoa natum audiuit, Vasco ipse eidem regioni finitus, quasi popularem clementer agnouit, ac benignè tractari à militibus iussum postridie dimisit incolumem. Inde cum Genuam peruenisset, Rodericum Portundū ibi offendit Cantabrum, Hispanensi classi præpositum, in Ferdinandi quondam regia sibi notum, cuius beneficio dum Barcinonem traiicitur, nihilo pacatori vñus est mari, quām terra paulo ante vius fuerat. Etenim à piratis conspecta nauis, qui valida per eos dies classe infestum habebant mare Ligusticum, ingenti nautarum labore, metuq. manus insectantium effugit.

Barcinone

Barcinone ad studia litterarum agreditur.
Cap. XVI.

INTEREA Ignatium Hierosolymitanum commemoratione prohibitum, grauis coquebat cura, quid ageret, quod nam potissimum vite genus eligeret, ac multa secum agitanti venerat illi dudum in mentem, cœnobium aliquod ingredi maximè dissolutum, ut ibi, dum lapsam religionis disciplinā, & verbo, & exemplo conaretur ad veterum instituta redigere; & cæteris aliqua re prodesset, & ipse interea (quod necessariò futurum videbat) ab iis, qui restringi se nollent, multa pro CHRISTI nomine pateretur. Sed incertus num id maximè ad DEI gloriam pertineret, quam videlicet unam in omni actione spectare consueuerat: multa, ac diligent prece, & iejunio explorat numeris voluntatem; ac diu perplexus, in eam denique mentem sese diuinitus planè sensit impelli, vt sine dubitatione statueret, primū operam suam qualis qualis esset, nequaquam intra unius familię cancellos includere: deinde, quò latius patet utilitas, ac fructus animorum, eiusdem consilii, ac propositi idoneos aliquot adlegere socios, atque adiutores: postremò, vt sine hominum admiratione versari in adiuuandis hominibus posset, ad Sancti Spiritus unctionē, doctrinę quoque sub-

subsidiūm , ac litterarum cognitionem adiunge-
re , pr̄esertim quòd ea commendatione facultatē
etiam repetendē , atque obtinendē Hierosolymitā-
nē prouincię (cuius illi cura viuebat in pecto-
re) facile se ab ecclesiasticis magistratibus aliquā-
do impetraturum sperabat . Et quidem , quod ad
litterarum studia pertinet , cum nondum intelli-
geret , quām illa sibi totum hominem ferè vindic-
ent , ratus posse interim se animis quōque adi-
uuandis vacare , Minoressam ad gregem illum-
suum reuerti decreuerat , ubi , & sparsa in homi-
num mentibus pietatis , uirtutisq. semina , ad bonā
frugem perducere , & Cisterciensis cuiusdam mo-
nachi , spectatę sanctitatis , ac doctrinę uiri , tum
consuetudine perfaci , tum industria eruditiri ma-
gnoperè cupiebat . Sed cum illum , contra quām
putarat , demortuum reperisset , Barcinonem sibi
studiorum idoneam sedem putauit fore , propter
eam maximē causam , quod cum paupertatem
perpetuō colere , nihilq. ab domo sua , & cognatis
accipere decreuisset ; in ea vrbe multos habebat
spirituali necessitudine sibi coniuctos : in iis Ar-
debalum quemdam peritum , ut locis , ac temporib-
us illis , ludi magistrum ; & Elisabetham Rosel-
lam primariam fœminam , quorum alter operam
illi gratuitam , in docendo , altera in quotidianos
v̄sus quidquid opus esset benignè detulerat . Ut
igitur Barcinonem reuertit , seq. Ardebalo dedit
in disciplinam , repueraſcere in gratiam C H R I-

STI

M 1390151

STI matura iam ætate vir (quippe tertium circiter , ac trigesimum agebat annum) & elementarius propemodum fieri non erubuit . Cæterum ad illa spinosa rudimenta grammaticæ capienda, ediscendasq; verborum inflexiones , & nominū, cum alia erant ei impedimento , tum illud præcipue, quod animum ad rerum cœlestium sensa concipienda longo iam vsu promptum , & agilem , si amandi vocabulum , uel alia quæpiam eiusmodi uox admonuisset eorum, que piè , ac religiose cogitare , & commentari consueuerat , subito penè abstractus à sensibus,in contemplationem diuinę caritatis , ac sempiternę beatitudinis tota mente raperetur . Ex quo siebat,non solum,ut nihil noui mandare memoriæ posset : sed etiam , vt si quid anteà impressum esset , id ipsum concursu nouarum , & præstatorum imaginum illicò deleretur . quam ipsam rem , quasi futura præfagiens , pro sua parte adiuuabat etiam vafer humani generis inimicus , eo maximè tempore crebra intelligentię lumiña eidē offerens & , recondita patefaciens scripture sacrę mysteria . Quod ille cum cerneret , cumque adhibito s̄epe conatu , euagationem hanc frustra cohibere tentasset ; pro ea discretione spirituum quam diuturna exercitatione parauerat , facile sensit diaboli fraudem , sese à litterarū studio reuocare conatis . ac quo consilio Barcino- nem sese contulerat,id ipsum labore,ac diligentia consequi maiorem in modū exoptans , hanc init rationem

rationem eius abigendæ molestiæ. Templum erat beatæ Virginis, cui à Mari cognomé est, gymnasio proximum: in id templum fusis ritè ad Deū, eandemq. Virginem precibus, Ardebalum pro amicitia accerlit; rem illi totam, vt erat, exponit; deinde se ad pedes abiicit homini, etiam atque etiam obtestans, ne ab incœpto desistat; se vtique, modò sibi panis, & aqua non desit, in proximum biennium, & eo amplius, si opus fuerit, ad scholas frequentem esse venturum: seduloq. daturum operam litteris; petere & rogare, vt ab se quotidie non minus, quām à ceteris pensum exigat; cesantem, quasi quemlibet vnum è grege puerorū, arbitratu suo, & verbis, & plagis accipiat. Miratus viri humilitatem, ac probitateim Ardebalus, bonum animum iubet habere, suamq. illi operā denuò pollicetur. Atque hac submissione victus denique dēmon abscessit, & importunis illustrationibus Dei beneficio recendentibus, operæ pretium Ignatius facere, & liberius in grammaticæ cognitione cœpit excurrere. Intereà discendi mirabiliter auido, & omnia studiorum compendia perquirenti, suasere nonnulli, ad pietatem vide-licet cum elegantiore doctrina iungendam, vt Erasmi Roterodami, qui ea tempestate Latinitatis auctor idoneus habebatur, Enchiridion militis Christiani studiosè perlegeret. quod ille facere cum cœpisset, celeriter sensit ea lectione spiritus feruorem in se, quasi frigida superfusa, restin-

Egui;

gui: consultoq. per preces Deo, ità librum illum
abiecit, vt neque in manus postea sumpserit ipse,
& multo post, Generalis creatus, omnia scripto-
ris illius opera in Societate I E S V legi vetuerit:
non quòd singula hæretico veneno infecta puta-
ret; sed ne quis forte captus facetiis, ac dicacitate
viri, sensim, vt fit, ab incorruptis ad vitiosa descé-
deret. Nec tamen eo tempore Ignatius, quàm
quam studio litterarum adeò intentus, consueta
caritatis officia, & studium pœnitentiæ omisit.
quinimmo cum Barcinonem valentiore, quàm
inde abierat, stomacho reuertisset, non ille quidē
ad saccum rediit, neque orationi ità multū tem-
poris tribuit; sed tamen vestitur admodum vili-
vus est, & calceos ad ostentationem vitandam
ità perforauit, vt soleis paulatim magis magisq.
discerptis, hyeme iam saeuiente, nudis humili plá-
tis incederet: atque etiam subsecuuis operis, ere-
pto è scholasticis exercitationibus tempore, insti-
tit pia passim colloquia serere; plebem insimam
doctrinæ Christianæ præceptis imbuere; quosdā
etiam spiritualibus exercitiis ad virtutem, ac per-
fectionem informare. Quarum rerum admirâ-
tione permoti præ cæteris viri quattuor, se se ad
Ignatii ductum, atque institutum aggregarunt
(quibus tamen, vt suo loco videbimus, in propo-
sito constantia defuit) Callistus quidam, qui au-
ctore Ignatio peregrinationem Hierosolymitanā
nuper obierat; alterum Artiagam cognomento
appel-

appellabant, tertius fuit è Gotholaniæ proregis familia, nomine Cazeres; ad quos vltimo loco Ioannes adolescens, natione Gallus accessit. His ille sociis auctus; tametsi studiorum metam quā-primum attingere optabat, quò liberius omnem curam, atque operam in hominum salute consumeret; tamen, quòd sibi nondum sat firma grammaticæ fundamenta iecisse videbatur, numquam adduci potuit, vt ab Ardebalii disciplina discederet (quamuis ad superiores artes vulgo idoneus haberetur) quoad insignis quidam Theologiae Doctor, cui sese excutiendum, examinandumq. tradiderat, facto periculo, ad reliquorum sententiam accessit. Cuius auctoritatem, & iudicium ne contemnere videretur, licet ipse fibi haud sanè placeret, ad grauiora studia Complutum unà cum sociis abiit.

Eiusdem commoratio Complutensis.

Cap. XVII.

IBI cum ad publicum xenodochium suo more diuertisset; artium, vt appellant, curriculum init non admodum felici successu: quippè qui eadem illa præpropera festinatione incitatus, nullo penè seruato, vel ordine, vel discrimine disciplinæ, multa, & varia uno, eodemq. tempore aggressus est: & in

E 2 Logi-

Logicis, terminos, quos appellant, in Physicis Albertum, in Theologia magistrum sententiarū (qui maximè libri tum in Hispania terebantur) euoluere, & plures quotidie in Scholis audire cœpit interpretes; quæ res in speciem utilis, & compendiaria, vel maximo ei, in id ipsum quod properabat, impedimento fuit. Etenim, quod in rebus humanis fere fit, cum audiē sequeretur omnia, nihil propemodum assequebatur, & ipsa varietas, ac multitudo rerum, tum intelligentiæ nebras, tum verò memoriarum perturbationem, & confusionem afferebat. Ad hæc illud etiam accedebat incommodi, quod in summa paupertate non solum ex emendicato viuebat ipse cū suis, verùm etiam aliorum inopiam, ac difficultates, conquisitis undique eleemosynis, magno labore, & corporis, & animi subleuabat. Præterea, quod eius cursum vel maximè retardauit in litteris, tanta cupiditate ardebat errantes animas ad bonam menteim, atque ad legem Euangelicam reuocandi, ut se, quamuis alieno tum tempore, contine-re non posset, quo minus & in Scholasticorum circulis de vera virtute, ac pietate sermones iniiceret, & in triuis pueros, plebemq. fideli Christianæ præceptionibus erudiret; & omnium ordinū homines passim ad cultum Dei, studiumq. religionis, acri, ac vehementi oratione incitaret. Quibus adhortationibus commoti multi cum ad sanctitatem, & officium redirent, & crebris, altisq. spiriis.

spiriis ueram cordis contritionem , ac pœnitentiam testarentur ; ab imperitis quibusdam Ignatius in suspicionem , & crimen ueneficii uocari est cœptus ; quasi homines oratione sua cardiacos red deret . Præterea cum insignes quædam in populo repente morum , ac vitæ mutationes existarent , & maior in dies hominum concursus ad Ignatium fieret ; breui rem ad sacros Inquisitores Toletum pertulit rumor . Gliscebat eo maximè tempore apud Germanos Lutheriana pestis , manabatq. malum quotidie latius . Quinetiam in Hispania ipsa , insani conatus eorum , qui sese Illuminatos ferebant , paulo ante magistratum diligentia oppressi fuerant . Quocirca Quæsitores in omne eiusmodi contagionis periculum excubantes animo , atque ex hac hominum frequentia , & inusitato agendi genere veriti ne quod nouum incendium existeret , Complutum celeriter aduolant , in Ignatii doctrinam , ac mores diligenter æquè , ac dissimulanter inquirunt . cum nihil neque in dictis , neque in factis à recta fide alienum inuenirent , Ignatium ne appellant quidem ; tota re delegata Vicario Archiepiscopi , Ioanni Figheroæ , qui deinde Regio consilio præfuit , Toleatum ipsi ad sua tribunalia reuertuntur . Neque ita multo post Vicarius ipse , magis usurpandi iuris causa , quam quod rem vlla animaduersione dignam putaret , ad Ignatii diuersorium adit quiete , & pauca quædam ab eo percunctatus , ad ex-

E 3 trenum

tremum exponit, inquisitum in ipsius, & sociorum vitam esse acriter, neque inuentum quidquam vitiosum; proinde more suo animarum saluti operam darent, cum eo tamen, ut non uno, eodemq. omnes habitu incederent; ne tali tempore nouam aliquam sectam inducere viderentur. Natiui coloris lanea ueste cuncti vtebantur. iussit ille Ignatium, & Artiagani Nigro, Callistum, & Cazerem rufo colore distinguui, adolescentem Gallum nihil mutare. nec recusauit Ignatius, vt erat magistratibus apprimè obediens. Interiecto deinde quattuor fere mensium spatio, cum nihil de instituta docendi ratione remitterent, nec persuadere sibi Vicarius posset, homines idiotas, in iis tractandis quæ ad Christianæ fidei dogmata pertinent, nusquam labi; rursus in eos clam instituit quærere. sed cum nihi lominus sana cuncta reperisset, rem totam sine ullo iudicii tumultu suppressit. Nec tamen ità multo post Vicarius idem tertiam in Ignatiū questionem exercuit, quorundam calumniis, ac suspitione compulsus. Confluebat ad nouum doctorem audiendum, ut diximus, populi turba promiscua. in iis fœminæ duæ honesto loco natæ, grandis natu mater, & filia forma eleganti. hæ publicis Ignatii adhortationibus incitatæ, vt est sexus ad pietatem propensus, adeò exarsere, vt cuncta Hispaniæ valetudinaria peragrare, & in CHRISTI Domini gratiam toto vitæ suæ té-

pore

pore pauperibus ministrare decreuerint. Hoc animi propositum Ignatio cum aperuissent; dissuasit ille magnoperè cum alias ob causas, tum ne cuius oculos, animumq. solicitaret aspectus adolescentulæ; non deesse Compluti pauperes, quos officii causa, si vellent, inuiserent; posse etiam operam dare sacro Eucharistiae ferculo prosequendo, & alia id genus obire permulta, utriusque sexus, alterius etiā aetati magis congruentia. Quibus rationibus, & simul auctoritate viri deterritę cogitatam quidem ille deposuere prouinciam; verumtamen eadem agitatę spiritus vi, temperare sibi posteā nequiuierunt, quominus inconsulto atque inscio prorsus Ignatio, pedibus, ac mendicantium specie aliud genus peregrinationis longæ, difficilisq. susciperent. Giennium in Baetica est vrbs, quam nonnulli Mentefam Oretanorum falsò putarunt, sacro Sudario in primis visenda, in quo crucem sibimet baiulantis expressa Christi Domini adoratur effigies. Ad id Sudarium venerandum, pedibus, ut dictum est, paucis admodum conscientiis profectæ, duodecim fermè dierum itinere, cum in in vrbe non apparerent, admiratio primùm affinium, ac vicinorum orta: deinde ubi à familiaribus cognitum est peregrinantiū habitu petiisse Giennium, variè pro suo quisq. sensu rem interpretari. nonnulli probare factum, plerique reprehendere, quod eo loco fœminæ sine comitibus, nullo apparatu se in iter periculo-

E 4 sum

sum dedissent. Doctor verò Cirolius, cuius in tutela erant mulieres, auctorem eius consilii suspicatus Ignatium, vehementer excanduit, facinus indignum exclamans, hominem externum, & ignotum, in aliena patria suis cōcionibus cuncta miscere, & ipsas matresfamilias à cura domesticarum rerum auocare, nubiles verò puellas in pudicitię discrimen adducere. Atque his querimoniis Vicarium perpulit, vt Ignatium in carcerem, missō repente viatore, coniceret. Erat æstiuum anni tempus, & satis laxa custodia. itaq. ad eum totis iam illis finibus celebrem, vel spectandi, vel audiendi causa plurimi ventitabant. quibus ille securitate mirabili tū Christianæ doctrinæ rudimenta, tum etiam, vbi res exigeret, spiritualium exercitationum præcepta more suo tradebat. Georgius quidam Nauerius, insignis ea tempestate doctor, & magna apud Carolum Cæsarem gratia, cum ad eum visendum accessisset, animi magnitudinem, & dicendi vim admiratus, vt primùm ad suos domum reuertit: Hodieerna die vidi Paulum (inquit) in vinculis. Iāq. septimumdecimum diem ibi transegerat non solum innoxius, verùm etiam prorsus ignarus cuius criminis nomine accerferetur; cum eius interrogandi gratia (multa quippe ad eum ab inquis delata fuerant) Vicarius ipse cum scriba publico in carcerem venit. Ac primùm (vt fit) variis questionibus versare in omnes partes Ignatii animū: deinde,

deinde, quoniam regis prohibiti edictis, tamen Hispania ferè tota, ementito corporis habitu, cultuq. Iudei multi versantur, maleficum genus hominum, & valde Christianis inimicum; sciscitur ex eo Vicarius, obleruet ne Sabbatho. cui ille, Vtique, in honorem Beatæ Mariæ Virginis (inquit,) nam cæteroquin, & Iudaicos ritus ignoro, & verò Iudeum patria mea fert nullum. Postremo, nostin, ait, mulieres quasdam duas, matrē, & filiam? Cum Ignatius annuisset, Numquid auctor illis fuisti (adiungit) peregrinandi Gienniū? Nihil vero minus, ait Ignatius: quinimmo credas mihi iurato velim, eiusmodi concursationes, & itinera in vniuersum vtrique dissuasisse me; & si profectæ sunt, me ignaro, atque adeò inuito profectas. Tum hilari vultu Vicarius, humeros Ignati leniter apprehendens, Atqui ob id ipsum, inquit, in custodiam te scito fuisse coniectum. His ita peractis, ac tota serie quæstionis per scribam in commentarios relata, Vicarius abiit. Interēa peregrinatione confecta, secundo, & quadragessimo denique die mulieres reuertuntur. è quibus Ignatii innocentia clarè perspecta, venit in carcерem scriba, & Vicarii sententiam Ignatio recitat: qua primū iubebatur ipse cum sociis cæterorū scholasticorū habitu incedere; deinde quadriennii præfiniebatur spatiū sacrae Theologiæ cognoscendæ, ante quod exactum spatiū, de fidei Christianæ mysteriis ad populum verba ne facerent.

rent. Quibus auditis, quod ad habitum pertinet, nihil sanè recusabat Ignatius, dummodo in id ipsum egenti sibi necessaria præberentur: illam vero tem poris finitionem ægrè admodum tulit, quòd ea re sibi viam ad procurandam animorum salutem obstrui cerneret. Itaque sine vlla dubitatione Salmanticam ad sua prosequēda studia migrare constituit; cum septimum non amplius mensem Compluti moratus, inter eas ipsas difficultates, & occupationes, non nihil tamen è Logicis, Physicisq. & ex ipsis Theologiae fontibus degustasset. Sed interim, ad gloriam Dei, ne quid in doctrina moribusq. suis resideret infamia, Toletanum Archiepiscopum (cuius in diœcesi Complutum est) sibi ex itinere adeundum, totamq. ei rem gestam, & omnem consiliorum suorum rationem explicandam existimauit. Is erat Alfonsus Fonseca, morabaturq. eo tempore Pintiae. à quo benignè acceptus; animatusq. ad cœpta strenuè promouenda, nec non instruetus viatico, Salmanticam venit, quòd comites iam ante præcesserant. quorum ille diuersorium ignorans, primum omnium sacram ædem ingreditur, vbi orantem conspicata pia quædam mulier, instinctu videlicet numinis, vlrò ad eum accessit, & sciscitata nomen, ad socios iam sibi notos læta perduxit. Verùm Ignatio ne Salmanticæ quidem quieto esse diutius licuit. Cum enim quod supererat à studiis otii, in cohortandis ad virtutem,

tem , ac pietatem , & priuatim , & publicè non modo plebeiis , verùm etiam principibus viris insumeret ; neque verò , adiuuante Domino , frustra operam collocaret ; omnium in se oculos repente conuertit , vrbeinq. totam celeriter eius nominis fama peruasit . Erat omnino inusitata res , & ipsa nouitate valde mirabilis ; laicos homines , & externa re nulla differentes à cæteris (etenim eos Figheroa suo sumptu Compluti scholasticorum vestimentis ornauerat) Apostolico , ac pastorali propemodum munere fungi palam , & sacerdotes ipsos ad partes suas ritè obeundas accendere . Et cum eiusmodi vite genus valde probarent , suspicere rentq. permulti ; tum verò non deerant qui totam rem secus interpretarentur , ac diligentius , cautiussq. examinandam putarent . In iis Dominicani fratres è diu Stephani præclaro cœnobio , quām quam eorum pro potestate nō erat eiusmodi quæstio , tamen , quo erant caritatis ardore , sat suum rati , quod communem ad rem totius Ecclesiæ pertineret ; Ignatium noscere , spiritumq. ipsius , & doctrinæ genus , & vitæ institutum expendere omnino constituunt . Interim ignarus huiusc consilii Ignatius confessarium ex ipso cœnobio sibi delegerat . Is igitur confessarius aduenam iussu Vicarii (nam Prior , seu cœnobiorcha tum aberat) in proximum Dominicum diem ad prandium invitat ; nec renuenti , Fac (inquit) paratus accedas : quærenda ex te non pauca . Ac nihilominus , ybi dies

dies aduenit, sine cunctatione promissa fecit Ignatius. Exceptus est cum uno è comitibus Callisto, comiter. Sublatis deinde mensis, utrumque Vicarius cum eodem confessario, & alio è fratribus in facellum quoddam seducit. confident omnes. Tum blando vultu Vicarius Ignatium intuens, gaudere se admodum inquit, ac valde probare, quod ille cum sociis Apostolicū in morem peregrinando populos doceat, atque ad cultum Dei, ac studium pietatis impellat. veruntamen auere se nosse quibus maximè litteris operam dederint. Cum id, quod erat, Ignatius, minimè doctos fateatur esse: Quid igitur, inquit, doctrinæ, ac rerum expertes, conciones de rebus diuinis habetis? Nos vero nequaquam concionamur, ait Ignatius; verum de virtutis pulchritudine, de vitii fœditate, cum occasio sese dat, familiariter, & ex æquo loco disserimus, atque homines ad odium peccatorum, amoremq. probitatis hortamur. Ad ea Vicarius: Sed vtique de virtutibus, vitiisq. sine liberalium artium cognitione disputari non potest, vel à magistris, & libris accepta, vel infusa diuinitùs: vos verò neq. litteris, neq. Doctoribus operam dedistis, vt ipsi fatemini: restat igitur, vt à Spiritu Sancto vobis hæc tradita sint. atqui hoc ipsum est de Spiritu Sancto, quod maximè querimus. Tum Ignatius, vt peti se vidit repentino dilemmate, cum aliquantulum substitisset, De his, inquit, haec tenus. Cum nihilominus instaret ille,

ac Spi-

ac Spiritus Sancti verbo hominē vrgeret ; oppres-
sus Ignatius tam perseveranti interrogatione , in
eodem tamen gradu cōstantiae perstittit, seq. nihil
præterea responsorum affirmauit , nisi quibus le-
gitimè interrogandi ius esset . Quo loco Vica-
rius : Ita ne vero ? inquit . Cum nouæ imposto-
rum sectæ quotidie pullulent , & in errorem , ac
fraudē ita multos inducant ; vos in reddenda ve-
stræ doctrinæ ratione tergiuersamini ? Atqui effi-
ciam , vt omnino reddatis . Triduum deinde in-
tra sacros cœnobii fines detinentur , atque huma-
nissimè tractantur à Fratribus . Eo spatio exacto ,
ecce tibi à Baccalaureo Fria Vicario Salmanticen-
sis Episcopi , notarius ambos perducit in carcerē ,
includitque separato à reliqua reorum turba con-
clavi , mirum in modum squalido , ac peruetusto ,
odorisq[ue] teterimi ; cuius tectum medium sti-
pes ligneus fulciebat , ac stipiti ferrea catena erat
affixa dodrantium longitudine circiter nouem ,
bifida ad extremum serie . huic ergo catenæ alte-
ro vtrumque pede adstringunt , sic , vt nusquam
alter sine altero progredi , aut loco penè mouere
se posset . Igitur tota ea nocte per summum cor-
poris incommodum nulla capta quiete , in hym-
nis , & canticis perstitere . postridie , vt per urbem
vulgata res est , continuò boni viri complures cū
stragulis , culcitrisq[ue] & ciboruui apparatu adfue-
runt , quorum benignitate recreatus Ignatius , ac
paulo clemētius haberi deinde in ea custodia cœ-

ptus

ptus est. Itaque , vt ante Compluti, sic eo tempore concursus ingens hominum ad eum fieri , ad quos ille admirabili tranquillitate, de contemptu rerum humanarum , de futuro extremo iudicio , deque sempiternis præmiis , atque suppliciis disferebat . In iis Francisco Mendozæ (qui postea S. R. E. Cardinalis , & Episcopus Burgensis est mortuus) miseranti casum ipsius , & amicè ex eo quarenti , grauiterne ferret custodiam , & vinculari : Tantum ne malum tibi videtur esse carcer ? inquit Ignatius : atqui , scito , vrbe Salmantica tota non ita multas esse compedes , manicasuè , quin ego plures C H R I S T I Domini causa vehe- menter exoptem .. Interea Baccalaureus Frias ad carcerem accedit , Ignatum , & Callistum diuersos interrogat , ac variis percontacionibus , quales haberi à Iudicibus solent , vtriusque sensus , & animum diligenter explorat . Cum illi congruentia responderent , nec modo sibi , sed etiam inter se mirè constarent , denique librum Exercitiorū , de quo inaudierat , poscit : nec recusat Ignatius ; quinetiam sibi præterea esse tres in eadem vrbe socios aperit , editq. diuersorii nomen , ac notas , quibus inueniri sine errore possint , neque verò supersedit ille missis lictoribus eos in carcerem tradere inferiorem ; ne quod iis colloquium cum Ignatio , neu qua communicatio consiliorum es- set . Post hæc , ablatum Exercitorum librum , & ipsemet accurate perlegit ; & examinandū pre-
terea

terea tradidit tribus Theologiæ doctoribus : qui dū singula diligenter expendunt , accidit interea res ad innocentiam Ignatii , & sociorum declarandam non leuis momenti . Cum enim cæteri , qui in vinculis tenebantur , per negligentiam custodū effracto carcere omnes repētē dilapsi essent : Ignatius comitesque soli in summa fugiendi licentia postridie ibidein inuenti sunt , & cunctis admirantib[us] approbantibusque , confessim in amplā domum , & commodam inde magistratum iussu traducti . Citatus præterea Ignatius ad Baccalaureum , & reliquos libri sui recognitores , cum & de Exercitiorum ratione ; & de præcipuis fidei Christianæ mysteriis multa ex eo quarerentur , paucis , ac demissè præfatis , neque se vacasse ad modū litteris , & quæcumque sentiret , diceretū , Ecclesiastico iudicio , & censure cuncta submittere ; ad singulas quæstiones de Sanctissima Trinitate , de Incarnatione Domini , de Sacramento Eucharistiae , aliasque , complures ita respondit , vt Iudices ipsi penè obstupescerent . Præterea è iure canonico proponitur ei difficilis quidā nodus , quem ipse , cum item responsa Doctorum se ignorare dixisset , illico soluit egregiè . Postremò iussus primum Decalogi præceptum , vti consueverat ad populum , sic ibidein repētē explicare : in eam sententiā usque adeò varie , & copiosè dixit , vt omnem illis præterea interrogandi cupiditatē exemerit . His rebus ita peractis , cum dies vinculo-

culorum esset secundus iam & vigesimus, vna cum sociis euocatur ad iudicium sententiam audiendam, cuius erat summa, innoxios eos, & ab omni heretica labe intactos videri, ac proinde posse arbitratu suo in adiuuandos homines, ac plebem erudiendam incumbere; tantum ne intra quadriennium in Theologię studio exactum, quę cogitatio lethali, quę veniali crimen teneretur (qui locus in toto penè iure Pontificio, ac Theologia difficillimus est) auderent ipsi per se definire, atque statuere: id autem propterea quòd in Exercitiorum libro signa quedam tradita viderant iudices ad peccata capitalia à venialibus dignoscenda: quę tamen, quòd nihil continerent à recta fide alienum, nominatim improbare non audebat. Recitata sententia, cum honorificè tractatum ab se Ignatium putarent iudices; ille verò suis rebus è conscientia apprimè confidens, vehementer indoluit, ab iis, quos verę, & Catholicę fidei tutores, ac pr̄sides agnoscebat, nullo in suis neque dictis, neque scriptis deprehenso vitio, tamen in re tanta, tamq. necessaria sibi silentium imponi; atq. iter ad excolendos, ac pro viribus adiuuandos homines impediri. Quę ipsa res inclinatum iam ante animum eius impulit, uti satius iudicaret ex hisce difficultatibus quas in Hispania obiici sibi sub inde videbat, ad scholas Parisienses in Galliam vltò se transferre: ubi tum ob suam nouitatem, & eius lingue inscitiam sibi minus interim negotii putabat

putabat fore , tum propter illius Academię celebritatem , atq. frequentiam, non defuturos deinde, quos ad suum institutum , atque ad Apostolica vestigia sectanda perliceret.

Lutetiam proficiscitur.

Cap. XVIII.

ET quonia[m] ad iter adeò longinquum , & anceps, non idem erat sociis animus; atq. etiā, vt maximè incolumes eò peruenissent, incertum erat , apud ignotas nationes quain copiam in studiis litterarū degendi essent habituri; communicato cum iis consilio , statuit Ignatius antecedere solus ipse Lutetiam: & si quidem res facultatem habitura videtur , vt eos ibide[m] alere posset , ipsos euocare per litteras : sin minus tota de re facere certiores : vt , quàmquam diuersis locis , eadem tamen coniunctione animorum , emenso interim philosophiæ , ac Theologiæ curriculo , intermissam ad tempus consuetudinem , Deo volente, deinde repeterent. Rebus igitur ità compositis , quàmquam è præcipua Salmanticensi nobilitate multis ægrè ferentibus , ac maiorem in modum renitentibus , vigesimo circiter die quàm è custodia exierat , in viam se dedit Ignatius , onustum libris asellum præ se agens ; ac Barcinonem deuenit . Hic verò , vt in-

F ter

ter veteres amicos, ac familiares, omni ope certandum illi fuit, ut se à lacrymis, atq. à complexu carorum auelleret etiam atque etiam deprecantium, ne patriam cum externa regione mutaret, neu se tali tempore in manifestum vitæ periculum vltro demitteret. Vigebat adhuc bellum inter Hispanos, Gallosque; & circa regni vtriusque præcipue limites infesta latrociniis loca, & recentes multorum cædes ad metum proponebantur. Sed ille nec terrore, nec precibus de suscepto consilio demoueri se passus, certè illud recusare non potuit, quominus, tum ad sumptus itineris, tum ad necessaria Parisiis comparanda, nummorum aliquid partim in numerato, partim in nominiibus ab Elisabetha Rosella, & aliis quibusdam amicis acciperet. Quibus ille subsidiis, ac præcipue diuinæ bonitatis ope munitus, hyeme summa, pedibus, vt solebat, nullo duce, uel comite inde profectus est sub initium anni 1528. cumq. Ianuarium ronum in itinere posuisset, Februario mensē *Lutetiam sospes* introiit. Ibi, quod ad studia pertinet, respiciens peregrinum præteriti temporis frustum, rationibus suis accurate subductis, ad Dei gloriam statuit in litteras toto pectori incumbere, cumq;que experiendo iam cognouisset, eam esse humanæ mentis imbecillitatem; vt in plura vno, eademque tempore vix, atque ægre sufficiat, damnata priore festinatione, post hac compendiis omittis, regia via procedere,

cedere, & studiorum suorum nouum initium ordiri decreuit. Igitur ad Montis acuti collegium itare quotidie; ibique inter procacium puerorum greges, matura iam ætate vir, grammaticæ rudimenta repetere non dignatus est. Simul etiam destato precationis tempore, & vexatione corporis sculi, quò plus otii, ac uirium studio supereret, multum imminuit; sic tamen, ut illa præcipue tria numquam omiserit: primum, ut quotidie sacrificio Missæ religiosè interesset; alterum, vt octauo quoque die post pœnitentiæ Sacramentum cœlesti pane sese reficeret: extreum, ut bis quotidie sua eius diei dicta, facta, cogitata, quām diligenter recognosceret; conferensque hodiernū cū hesterno die, hebdomadam cum hebdomada, mensemque cum mense; suos in spiritu vel progressus, vel regressus perquā accurate exploraret, atque perpenderet. Procurationem quoque alienæ salutis, & institutam consuetudinem agendi cum proximis, tantisper dum litteris, ac præsterim philosophiæ vacaret, aliqua ex parte remisit, numquam tamen omnino deposituit.

Extremæ inopie incommoda superat.

Cap. XIX.

A M verò, satis vsu ipso edoctus, quantum detrimentum studiis afferat mendicitas, & cura tolerandæ in singulos dies vitæ; & nihilominus optans Christi Domini, & Apostolorum exemplo nihil prorsus in hoc seculo possidere: piorum benignitate, ac facultatibus totam rem ita moderari constituit, ut neque in diem, vt anteā, precario visitaret, & nihil idcirco de voluntarię paupertatis proposito, meritoq. deperderet. Sed ea res primis utiq. mensibus minimè cessit illi è sententia. Cum enim se in Hispanorum aliquot contubernium contulisset, qui plurimi Parisiis ipso belli tempore versabantur, & exactam è sygrapha Barcinonensi pecuniam cuidam ex eadem natione custodiendam dedisset, eam ille clam suos in vſus non optimam fide conuertit; cumq. posteà reddendo non esset, reliquis iam nummis insumptis Ignatius, & à locupletibus amicis, quorum opere adiuuari posset, longo interuallo disiunctus, tanta subito rerū omnium inopia oppressus est, ut ei cibum ostiatim quæritare quotidie, & in Hospitalē Sancti Iacobi domum, infimis precibus exorato eius loci praefecto, demigrare necesse fuerit graui sanè incommodo. Quippe Lutetia Parisiorum, vrbis in-

pri-

primis Europæ totius, & magnitudine, & celebri-
tate uisenda, trifariam est diuisa, partem unam,
quam Sequana fluuius insulam efficit, regia vete-
re, foro, & tribunalibus nobilem, vulgo Ciuitatē
appellant. altera, quæ nouam regiam continet,
Oppidum dicitur. tertia pars, iam inde à Carolo
Magno dicata Musis, Vniuersitas nominatur, in
hac, præter ceteram incolarum turbam, scholasti-
ci maximè inhabitant; ac numerantur ibi colle-
gia permulta libero aditu, cū suis unumquodque
liberalium artium discipulis, & doctoribus, &
præfecto collegii, quem Primarium vocant. Igi-
tur ex ea vicinitate in Sancti Iacobi hospitium,
quod procul inde est in suburbio, extrema necessi-
tate compulsus Ignatius, in tanto locorum inter-
vallo, cum aliis afflatabatur incommodis, tum ve-
rò quod cum ante lucem in Academia inciperet
scholæ, nec nisi nocte desinarent; ipse, illius hospi-
tii legibus, nec manè ante solis ortum egredi po-
terat, & Vespere ante occasum regredi cogebatur,
sic, vt inter eundum, & redeundum, quamvis in-
dustrio, ac vigilanti discipulo multum, & de magi-
stri dictatis, & de tota scholarū exercitatione de-
periret. Cui tanto detimento cum in præsentia
nullum aliud remedium occurreret, consilium
cœpit more scholasticorum egentium ea condi-
tione locandi operam suam alicui ex Academiæ
Primariis, doctoribus uè; vt, quod sibi à rebus do-
mesticis otii superesset, id totum in scholastica di-

F 3 sci-

sciplina, studiisq. doctrinæ consumeret. Sed magis magisq. probante Deo constantiam, & patientiam viri, conditionem eiusmodi, quamvis magna adhibita diligentia, nactus est nullam. Itaque deiectus hac spe, cum id ærumnosè vitæ genus aliquandiu tolerasset; & quos in Hispania reliquerat socios de statu rerum suarum per litteras monuisset, hortatus ut ibidem ex condicto curriculum studiorum absoluissent; ratione initit multò commodiorem ut indicatis vacationum feriis, in Belgium, atque interdum etiam in Angliam, siue Brittaniam, ad Hispanos negotiatores excurreret: quorum benignitate cum facile obtinuissest annuam pecuniæ summam Lutetiæ toto studiorum tempore certis pensionibus exigendam, commodiùs multo cœpit in liberalium disciplinarum cognitione versari. Cumq. octodecim fere mensis Latinæ linguae tribuisset in Montis acuti collegio, in collegium cui à Sancta Barbara nomen est, ad philosophiæ studia transiit alacritate mirabili: ac primùm occursantes denuo rerum cœlestium importunas imagines, quāquam eximia cum animi delectatione coniunctas, eadem spiritus constantia, qua superiores illas, iterum ab se reiecit, ac repulit; deinde magistris attentè audiēdis, multa, ac diligenti eorum, quæ audierat, commendatione, quotidiani deniq. gymnasii exercitationibus, triennio, & mensibus sex (quod spatium temporis curriculo philosophiæ in Academia

mia illa tribuitur) ità profecit, ut honorifico magistri iudicio, ac testimonio (is erat Ioannes Penna Philosophus) post consueta certamina, ritu solemnī, laurea , ceterisq; doctrinæ insignibus decoratus sit. Post hēc in cœnobii Dominicanī gymnasio sacram Theologiam aggressus est, ingenti sāne labore, & industria , cum præter ceteras lucubrations, hyeme sāuiente , quotidie mane ante lucem ad scholas , quæ illa circiter hora ibi habebantur , accederet . atque ex eo studio tantum , Deo adiuuante, percepit, quod satis esset ad fidei, doctrinæq; sua rationem, sine suspicione vlla nouitatis, ex Patrum decretis, atque auctoritate redendam.

Variè propter C H R I S T V M exercetur. Cap. XX.

NEQUE verò , quamuis interim à plebis catechesi, atque à publicis actionibus abstineret , idcirco tamen , quoad per scholas licitum est, ab adiungendis ad C H R I S T V M hominibus , animandisq; ad studium veræ laudis , & gloriæ destitit . qua propter multi nec insimè sortis viri , priuatis ipsius colloquiis , ac monitis incitati , partim castigato vetere luxu , Christianæ discipline seueritatem induerunt ; partim etiam soleimni voto varia reli-

F 4 gio-

giosorum instituta professi sunt; partim denique ingenti Academię totius admiratione, in Christi gratiam pecunia egentibus distributa, pauperem vitam agere, atquē adeò ad conculcandum penitus omnem seculi fastum, & expienda superbiae crima, palam per uicos, & compita manum ad stipe in ipsi porrigerere, victumq; palam emendicare cōperunt. quos tamen amici rem indignè ferentes, cum neq; precibus, neq; minis à proposito reuocare voluissent, facta manu denique ab hospitali domo Sancti Iacobi quò fese contulerant, vi, armisq; in pristinum Academiæ diuersorium ad sua prosequēda studia retraxerunt. Ignatius verò tātam eiusmodi rerum inuidiam subiit, vt præter ceteras iniurias, & maledicta, falsis etiā criminacionibus ad sacrum Inquisitorem, semel, iterumq; delatus sit. Is erat ea tempestate Matthæus Ori, ex Dominicana familia Theologiae Magister, tum eruditione, tum probitate conspicuus; qui accusatorum frāude coimperta, Ignatiū non absoluit modò, sed etiam mitis ornauit laudibus, ipsumque Exercitorum librum, qui precipue in suspicionem, crimenq; vocabatur, tantū absfuit, vt damnaret, vt sibi etiam eiusdem exemplum Ignatii permisso desumpserit. prætereà ab solutionis, ac sententiae formulam, publici scribę Chirographo, & signo munitam, quam contra iniquorum calumnias quād docūmq; opus esset, proferret, tametsi minus gratū id potentibus qui-
busdam

busdam viris fore videbat Ignatio petenti conces-
fit. Neque verò pro C H R I S T I nomine so-
lū hac falsæ accusationis procella defunctus Igna-
tius est; sed eorum ipsorum opera, qui illum de-
inde vel maximè dilexerunt, virgarum quo quē
publicè periculum adiit. Mos est Parisis in
scholasticos improbos, ac seditiosos, ad sancien-
dam Academię disciplinam, hunc ferè in modum
animaduertere. Dissimulato consilio, ad con-
dictam diem in aulam collegii Primarius, magi-
strique nodosa instructi virga conteniunt: com-
prehensumq. repente noxiū, & in medio con-
fessu nudatum, certo plagarū numero singuli af-
ficiunt. Id supplicii genus Lutetię tum ad sen-
sum corporis peracerbū est, tum verò ad ignomi-
niā, ac dedecus longè turpissimū, deq. ipsius loci
nomine aula vulgò appellatur. Hūc igitur crucia-
rum, ac notā maleficis constitutā, Ignatio insonti,
quòd condiscipulos festis prēcipue diebus, à scho-
la ad oratorium, & sacra mysteria confessionis, al-
tarisq. traduceret, uehementer iratus magister
ipse Ioannes Penna parauerat, Iacobo Gouea Lu-
sitano collegii Primario in suam sentētiā facile
adducto; quippe qui iam ante priuatiū erat in-
fensus Ignatio, quòd familiarem quemdam suum
Amatorem nomine, seuerioris vitæ præceptioni-
bus imbuisset, atque (vt pietatem ferè interpre-
tatur homines) infatuasset abductum à curis ina-
nibus, & iucundo conuictu amicorum, atqué à
pri-

pristina consuetudine. Ut igitur dicta supplicio
 dies illuxit; aduentas iam ad scholas, ab amico fi-
 deli mature monetur Ignatius, ne intra collegii
 septa vtique illo die inferat pedem; concitatos in
 eum esse omnium animos; pœnas aulæ daturum
 exemplò, ni caueat. Ad cuius rei nuntium an-
 cipiti deliberatione distractus Ignatius, quod, &
 pro C H R I S T I nomine verbera, & contume-
 lias perpeti mirificè optabat, & supplicii apud ho-
 mines adeò turpis infamia, metuebat ne complures
 è iuuentute ipsius opera iam ad meliora con-
 uersos, nec dum in bono stabiles à sua consuetu-
 dine, atque auctoritate auocaret, iterque sibi ad
 alios etiam deinceps C H R I S T O lucrificati-
 dos abrumperet; totam rem ad ipsius Goueæ ar-
 bitrium, iudiciumq. reiicere statuit: quod ille re-
 cognita decreuisset, id ex diuina maximè gloria,
 & voluntate futurum; neque de eiusmodi senten-
 tia vllis amici denunciationibus, precibusne de-
 moueri se passus, quāquam horrenti pœnæ im-
 minentis acerbitatē, & renitenti carni vim forti-
 ter intulit: ingressusq. collegium, & recta Goueæ
 petens nondum è cubiculo egressum, placido, ac
 sereno vultu, & altam animi pacem, ac securita-
 tem indicante: Si meæ mihi (inquit) existima-
 tionis, & incolumentatis, quām diuinæ gloriæ,
 salutisque animorum cura prior esset, ac potior,
 nequaquam hodierno die pedem intra fines hu-
 iusce collegii posuissem. neque enim antequam
 huc

hoc venirem , ignarus eram Gouea , quantum è „
 vestra omnium indignatione dedecoris , quām „
 acerba tormenta me maneant . Sed quoniam „
 nihil omnino mihi , vel ad meritum optabilius , „
 vel ad veram dignitatem præclarius duco , quām „
CHRISTI Domini causa , tam grauia , tamq. „
 multa pro me perfuncti , vicissim probra , plagas , „
 mortem denique perpeti ; idcirco nimirū ad Icho „
 las accessi , & vltro memet in tantum , & corporis , „
 & famæ discrimen obieci . Verū enim verò mi- „
 hi non modò quid votis meis , ac desiderio , sed „
 etiam quid proximorum rationibus , & sempiter- „
 næ saluti conducat , caritatis lege considerandum „
 est . Multos habeo adolescentes Dei beneficio nu- „
 per è cœno flagitorum emersos , ac vix dum auul- „
 fos ab improborum pestilenti consortio . hos ego „
 vereor , ne si me in tam honesto conuentu publicè „
 vapulasse constiterit , à meo sermone , congressuq. „
 protinus auocet infamiæ metus ; ac proinde , vt „
 sunt flexibiles hominum voluntates , ad eadem illa „
 saxa , quibus paulo ante adhæserant , ingenti „
 dæmonum gaudio , & feroꝝ ætatis , & prauæ cō- „
 suetudinis æſtus abripiat . Simul etiam (verum „
 vt fatear) tui me Gouea , Doctorisq. mei Pehnæ „
 me miseret , qui Christianam pietatem , ac fidem „
 Sacramento professi , cæterisq. ad exemplum iti- „
 stitiae , virtutisq. præpositi ; **CHRISTI** famu- „
 lum , **CHRISTI** causam agentem adeò acerbè „
 infectamini . & qui , qua pœna lex affici iubet „
eos ,
 „

„ eos, qui scholasticos deprauare: magistris illudere,
 „ seditiones conflare voluerint; eadem dignum iu-
 „ dicatis eum, qui iuuentutem à vitiis, doctores à
 „ iurgiis, Academiam à tumultibus vindicare co-
 „ natur. quia quoniā mecum ipse reputans, non
 „ leuis momenti ducebam esse, quāmquā cupidus
 „ inimicorum odii vel meo sanguine explendi, ta-
 „ men pro nostra necessitudine deesse nolui, quo-
 „ minus eadem tibi quoque, integra etiamnum re,
 „ consideranda proponerem. Mihi, ut dixi, pro
 „ C H R I S T I nomine vexari, ac torqueri opta-
 „ tissimum est: iamque si videtur, sponte ad patibu-
 „ lum pergo. tu, Lutetiae Parisiorum, à Sanctae Bar-
 „ bare collegio, in eiusmodi causa tale documen-
 „ tum vel pietatis, vel aequitatis dari an expediat,
 „ pro tua sapientia, ac religione constitue. Vixdum
 „ Ignatius dixerat, cum Gouea, vir, & ni concitare-
 „ tur aliunde, suōpte mitis ingenio, & tum instin-
 „ ctu diuino valde compunctus; illico cœpta dam-
 „ nauit, ac maiorem in modum detestatus est; ap-
 „ prehensumq. amcissimè Ignatum deduxit in au-
 „ lam, quò iam collegæ cum reliqua turba parati
 „ conuenerant. Ibi silentio indicto, repente con-
 „ tra omnium exspectationem de Ignatii laudibus
 „ orationem instituit; viri fortitudinem, innocen-
 „ tiam, caritatem extollens; se ipsum, & cæteros,
 „ qui innoxio periculum struxerant, vehementer ac-
 „ cusans. quam insententiam cum multa dolenter,
 „ grauiterq. dixisset, ad extremum oboris lacry-
 mis,

mis, ad Ignatii genua procidit, precatusq. delicti veniam, & apud cæteros illum in admirationem, gratiamq. restituit, & ipse in omni deinde vita Ignatium, & socios præcipuo amore, studioq. complexus est.

De socijs ad Ignatium adiunctis.

Cap. XXI.

ASCE igitur, aliasq. eiusmodi infestationes, atq. pericula Ignatius Christi causa contraxit. attamen idem plurimorum quoq. sibi gratiam, ac benevolentiam optimis artibus peperit. Fuit enim in illo, præter diuinitus infusa charismata, mirum etiam, atq. efficax ingenium, & studium ad animos hominum demerendos. In principum amicitias opportunè insinuare se, easdemq. obsequio, & submissione tueri; pares facilitate, ac suauitate morum allicere; inferioribus & egentibus, auctoritate, opera, nec non è suis angustiis etiam pecunia presto esse; morbo aliquo laborantes, vel cum valetudinis, & contagionis periculo adire, solariq. amantissimè; eorum quibus cum viueret, ageretur, vel difficultatem naturę, & arrogantiam perpeti; vel ineptias, ac stultitiam, quoad ita res ferret, exsorbere dissimulatione mirabili; ad aliorum arbitrium, ac voluntatem, quibuscumq. rebus

bus honestè posset, semper accommodare se, ac fler-
tere; omnibus deniq. in CHRISTI gratiam
omnia fieri: vbi penitus in hominum sensus, ac
voluntates irrepserat, tum demum officiis, ac be-
nevolentia comprehensos, occupatosque, pro suo
quemq. captu, sensim, & cautè progrediens, Chri-
stianæ religionis, & officii præceptionibus excole-
bat. Atq. his fermè artibus, & simul sanctimo-
niæ, ac frugalitatis exemplo, multos, vt diximus, à
turpi ac flagitiosa vita non modò ad sobrietatem,
& continentiam, sed etiam ad contemptum re-
rum mortalium, atq. ad salutaria consilia Christi
conuertit. Complures præterea hereticos graffan-
te iam tum peste Lutheriana, tempestiuis dispu-
tationibus, monitisq. conuictos, ad sacra Quæsto-
rum tribunalia volentes adduxit; & cum Sancta
Romana Ecclesia in gratiam secreta abiurazione
restituit. Iam verò, quod ei vel in primis proposi-
tum initio fuerat, vt aliquos ingenio, doctrinaq.
præstantes, ad suum institutum, ac vitæ rationem
aggregaret; in idipsum per Theologię maximè
tempus incubuit; adiunxitque sibi, Deo bene iu-
uante, iuuenesnouem ex Academia vniuersa le-
ctissimos, quotū primus fuit Petrus Faber Allo-
brox, pago Villareto Gebennensis diœcesis humi-
li natus loco, sed egregiè pius, quippe qui duode-
cimo etatis anno per summum sanctimonii stu-
dium virginitatem Deo voverat; idemq. ad litte-
ras à vita pastorali traductus, tantum ingenio, in-
du-

dustriaque profecerat, ut eum in locis Aristotelis
difficilioribus magister ipse Penna consuleret.
Hunc igitur Ignatius, & studiorum, & contuber-
nii communione sibi coniunctum; licet socium
gloriosi operis ipso initio destinasset, non tamen
continuò illi rem aperuit, neque ad tantam per-
fectionem impellere confessim aggressus est: sed
conscientiam excutere, & in se ipsum quotidie
diligenter inquirere primum edocuit; deinde ad
totius anteactæ vitæ noxas per sacram confessio-
nen expiandas adduxit; postremò, cum iam phi-
losophiæ curriculum exegisset, spiritualibus exer-
citationibus perpoluit: adeò propensum ad pœ-
nitentiam, tantoque animi ardore succensum, ut
hyeme summa, concretum glacie flumen Sequan-
nam plaustris impunè prementibus, in separata
Iacobæi vici domuncula propositas meditatio-
nes, & quidem insidens niui sub dio peregerit,
sexque ipsos dies omni prorsus cibo, potuque ab-
stinuerit, inediā longius utique protracturus,
nisi eum, re animaduersa, consultoque suppliciter
Deo vetuisset Ignatius, & sanè respondit operi
fructus. Cum enim anteā in eligendo certo vitæ
génere Faber mira animi solitudine, variisque
scrupulorum molestiis adeò torqueretur, ut præ
nimio angore fese in auias abdere solitudines,
ibique radicibus herbarū vicitare penè decerne-
ret; ex hac spirituali exercitatione vocari se vna
cum Ignatio ad animorum subsidium non dubiè
fentiens,

sentiens , tantam est pacem , ac tranquillitatem
conscientię consecutus , ut ex vehemētissima tam-
quam agitatione , ac falo , placidum , tutumq;ue
portum se deniq; nactū esse profiteretur . Ex eo-
dem cōtubernio Franciscus quoque Xauerius no-
bilis Cantaber , idemq;ue , non vulgari . eruditio-
ne , quippe qui laurea magistrali donatus Lutetiae
postmodum publicus Aristotelis interpres extite-
rit ; quamquam principio ita non studiosus Ignat-
ii , ut eius pietatem (ut fit) etiam procaciter irri-
deret ; tamen viri tum patientia , tum obsequiis
ad eo delinitus est , ut ad illius ductum , arbitriūq;
se omniō contulerit . Hunc & diuitiarum af-
fluētia , & viuēdo ingenio , & viribus corporis pre-
ferocem , admirabili prudentia , ac lenitate man-
suefecit Ignatius , in eamque rerum humānarum
despicientiam , & caritatis ardorem paulatim ad-
duxit , ut inter ipsa Exercitia spiritualia , tum ad
carnis macerationem quattuor dies ieunus
omnino transegerit , tum verò quod inter iuuē-
num greges defultor eximius , corporis agilitate
sibi nimium placuisse ; ad eius piaculum vanita-
tis , membris valido fune perstrictis non sine acri
sensu doloris , dies aliquot in commentandi , orā-
diique labore , atque attentione perstiterit . Hic
est Xauerius ille , qui non multo deinde post , Ioā-
nis Lusitaniae Regis rogatu , ex auctoritate Ponti-
ficiis Romani missus in Orientem , plenus Aposto-
lico spiritu , tota India maritima summis labori-
bus

bus, ac periculis peragrata, in vltimas Iaponiorum terras Euangeliū lumen primus intulit, atque ingenti infidelium numero ad Christum adiuncto, multis clarus miraculis, in ipso aditu Sinarum excessit ē vita. Porrò Xauerium, & Fabrum imitati sunt Iacobus Laines Saguntinus, qui deinde Societati nostrae proximus ab Ignatio præfuit, vir de Christiana republica in primis optimè meritus; & Alphonsus Salmeron Toletanus, Græcis, & Latinis litteris admodum eruditus: vterque confecto Compluti Philosophiæ curriculo, Parisiosq. partim Theologiæ causa, partim etiā Ignatii noscendi gratia profecti, de cuius laudibus iam in Hispania, constanti hominum sermone multa cognouerant. Accessit ad hos etiam Nicolaus Bobadilla Palentinus, doctus iuuenis, & philosophiam publicè professus in oppido Hispaniæ Pintia: itemque præstanti indole Simon Rodericus Lusitanus, & post aliquanto, Claudius Iaius, & Ioannes Codurius Gebennenses, Paschafiusq. Broetus Ebredunensis, Fabri præcipue item Allobrogis (cuius iam erat nomen Parisis celebre) monitis, & exemplo permoti. Hi omnes, impulsu planè diuino, cum alter alterius consilium ignorarent post exactissimam totius vitæ cōfessionem spiritualibus exercitiis ab Ignatio perquam diligenter exculti, vehementi quadam spiritus motione fese, non quidem in vimbram, ac solitudinē, sed in solem, ac puluerem euocari ad prælia Do-

G

mini

mini prælianda senserunt; nec fuit è nouem vllus ferè, quin ad propitiandū cœleste numen, eiusq. voluntatem suppliciter exquirendam, præter cæteram abstinentiam, & incommoda voluntaria tridui, vt minimum, totius inediā sponte pertulerit, nimis audaci fortasse consilio; nisi eos, & multorum exempla, & feruor simul ætatis, ac pietatis excuset. Hosce igitur socios Dei beneficio natus Ignatius (quorum tres erant superstites, hęc scribente me, Salmeron, Rodericus, & Bobadilla) quod iam diu moliebatur, & agitabat animo, re ipsa aggredi primo quoque tempore statuit; vt Hierosolymas Pontificis maximi permisfu repeteret; gentesq; finitimas Christiana quondam religione præstantes, deinde Mahometis nefaria superstitione deceptas, uel à miserabili errore ad veritatem Euangelii reuocaret, vel certè (quod erat proximum) sanguinem ac uitam in causa tam pia, tamq; glorioſa profunderet. Neque sanè difficile fuit, ceteros iam sponte currentes, & Dei amore incensos, in eamdem sententiā, & propositum adducere: & quia pleriq. Theologiae studia nondum absoluuerant; ne interim conceptus ardor animi refrigesceret, & simul ut ipso-rum eò gratius diuinę maiestati obsequium esset, quò maiorem sibi met ipsi necessitatē seruitutis, ac religionis imposuissent: implorato beatissimae Virginis patrocinio, ac sancti Dionysii Areopagitæ, cuius in tutela Parisii sunt, in æde suburbana,

na, quę Mons martyrum dicitur, sub confessio-
nis, & Eucharistiae mysteria voto sese obstrinxere
singuli, emensis Theologie spatiis continuo mor-
talibus rebus nuntium remittendi, atque in pau-
pertate perpetua seruiēdi glorię diuinę, salutique
animorum: ac nominatim, ad constitutam diem
Hierosolymam eo consilio nauigandi, ut in con-
uerzionem infidelium toto pectore incumberent;
palmamque martyrii studiosè captarent; id con-
silium si qua re impediretur, anni circumacto spa-
tio denique Romam adirent, suamque operam
summo Pontifici C H R I S T I Vicario ad spi-
rituale proximorum auxilium sine vlla vel premii
paetione, vel temporum aut locorum exceptione
deferrent. Id votum in eo templo vouere ingenti
consensu, & alacritate, anno post C H R I S T V M
natum M. D. X X X I V . decimo octavo Calen.
Septembris, quo die Assumptionis Mariæ Virgi-
nis anniuersaria gratulatio celebratur. idemq.v. vo-
tum eodem loco, dieq.v. pariter anno proximo, ac
tertio renouarunt; atque ea res tum ad conspira-
tionem, ac vinculum animorum, tum ad confir-
mandas in suscepto consilio mentes omnium mi-
rificè ualuit. Incendebant prētereà studium al-
ter alterius omni genere officii, & caritatis, duce,
ac moderatore simul Ignatio, quem omnes vt pa-
rentem eundem, & vnicè diligebant, & ualde re-
uerebantur. ac primum spirituales modò apud
hunc, modò apud illum agitare cœtus; ibique sua

G 2 *Uissima*

uissima de rebus diuinis habere colloquia , & sese
mutuo ad Christianam laudem, & decus hortari;
deinde in studiorum difficultatibus, locisque ob-
scurioribus adiuuare inter se , & lucubrations
quisque suas, lumenq;. doctrinę , & ingenii , cum
res exigēret, in commune conferre ; præterea in-
uicem sibi omnibus in rebus adesse certatim , de-
nique à ftequenti sacramentorum vsu , & assidui-
tate præcandi, meditandique nullo paæto recede-
re . quibus rebus , & varias dēmonum insidias ,
tentationesque, conantium eos ab incœpto reu-
care, vicerunt : & breui tanta coaluere concordia,
vt quāmquam è diuersis , nec non infensis inter
se orti nationibus , gratia tamen superante natu-
ram , intra eosdem alti parietes , atque adeo ex
vno propemodum omnes vtero in lucem editi vi-
derentur.

Libri Primi Finis.



DE



DE IGNATII
LOIOLAE
VITA, ET MORIBVS,
LIBER SECUNDVS.



Aeger Hispaniam repetit.

Cap. I.



INTEREA Ignatius graui morbo partim è maximis laboribus, vigiliisque, partim etiam è Parisiensis cœli grauitate contracto: vexatusq. subinde stomachi iam pridem affecti doloribus acerbissimis; post multa remedia in cassum adhibita, iubetur à medicis ad patrium solum, & incunabula se referre; quod vnum ad inueteratas corporis egritudines certissimum perfugium vulgo arbitrantur. Nec recusauit ille, non tam valetu-

G 3 dinis

dinis ratione vel desiderio suorum adductus, quā duabus aliis maximè causis; primum, ut quibus olim in regionibus, malo publico, iuuenilis licentia, ac vanitatis ipsem specimen existisset, ibidē ad spiritualē & dificationē vicissim aliqua Christianæ humilitatis, atque modestiæ documenta præberet: populatesq; suos, & verbo, & exemplo ad studium pœnitentiæ salutaris accenderet. deinde, vt, quoniam sociis aliquā erant in Hispania rei familiaris tricæ, eas eodem itinere, atque opera ipse expediret; neq; per eam causam illi, vel auocarentur à studiis. vel recenti etiam nunc vocatione, & expeditionis tam arduæ, tamq; laborio sæ consilio, patriæ dulcedinis, ac domesticæ tentationis, qua nulla ferè periculosior est aleam subire cogerentur. Simul etiam, è relictis olim in Hispania sociis, cogitabat: si quem in proposito constantem inueniret; secum in eamdem expeditiōnem educere. Ceterum ne quid è suo discessu res Parisiensis caperet detrimenti, primū comitantes ad perseverantiam, ac fidem paucis adhortatus, Petrum Fabrum & annis, & vocatione antiquissimum, illis præposuit; cui interim obtemperarent, quem parentis ducerent loco. deinde tempus certum edixit, iisdem approbantibus, quo tempore cuncti, rebus omnibus, præter viaticum, & necessaria scripta, ex uoto abdicatis, nauigaturi Hierosolymas Italiam peterent: seq; iam antegressum Venetas conuenirent. Dicta

pro-

profec^tioni dies est viii. Kalendas Februarii, anno M. D. XXXVII. ineunte: qua die Apostoli Pauli conuersio beata recolitur. His ita constitutis, anno M. D. XXXV. per Autumni tempus ipse non sine lacrymis, mutuiq. amoris magna significatione singulos in digressu comple xus, cum vellet de more pedibus, quāquam ægro corpore, proficisci, coempto à sociis equo vti coactus est: breuique partim ex ipsa vectatione, locorumq. mutatione, partim etiam à studiorum intermissione morbo leuatus, Pyrenæo superato Guipuzcoam prouinciam attigit. Loiolæ rerum potiebatur eo tempore, Garzia defuncto, Bertramus stirpis maximus: is de patruⁱ aduentu festinè præmonitus ab iis, qui hominem ad Aquas Augustas, quam hodie Baionam appellant, ipsi transitu agnoverant, exemplò, quod regni limes latrociniis infestus esset, armatos homines ad eum excipiendum, tuendumque dimiserat: atque hos primùm Ignatius in Guipuzcoæ finibus, deinde etiam, quæ iam tum erat fama de sanctitate viri, clericos omnes agmine composito, ad oppidum Aspeithiæ honoris causa obuios habuit, cumque ab iis, & ab ingenti præterea granulantium turba deduceretur ad ædes paternas: ille, vt ostenderet quantopere ab eiusmodi fastu pompaque abhorreret; vt primùm potuit, ex eo comitatu sese proripiens, ad publicam hospitalem domum diuertit, victumque continuò emendica.

G 4 re

re ostiatim cœpit; fratriis filio, cognatisque frenem-
tibus, eamq. rem (vt ferè depravata sunt Chri-
stianorum quoque iudicia, & pauci ex animo crū-
cēm amplexantur) sumimi dēdecoris, atque igno-
miniae loco sibi ducentibus. Deinde quāmquam
inuitis iisdem, institit plebem Christianæ doctri-
næ rudimentis imbuere, priuatisq. colloquiis eos,
qui ad se ventitabant, è peccatorum veterno ex-
citare; festis verò diebus etiam conciones habere
tanta hoīinum frequentia, vt, cum eos templa
non caperent, in agrum prodire necessariō coge-
retur, vulgoq. arbores audiendi causa consceden-
tent. Et sanè operæ fructus egregius Dei bene-
ficio constituit. Complures ad virtutem, ac Dei
cultum à vitæ prauitate conuersi, multæ sublatæ
discordiæ, & odia inueterata restincta, cōtra alea-
tores lata publicè lex, pœnæq. propositæ; insti-
tutum prætereà, vt preces pro salute quotidie fun-
derentur eorum omnium, quibus lethalis noxæ
piaculo obstrictis, in singula momenta exitialis
exitus immineret: itemque vt ex Ecclesiæ Roma-
næ consuetudine, salutationis Angelicæ signum
daretur mane, meridie, & vespere. iam verò gra-
uia quædam vitia, quæ non in populum modò,
sed etiam in sacerdotes irrepserant, magna ex par-
te correcta. denique morbo incurabili affectis, &
extrema pressis inopia, ne vel oppido errarent,
vel strati passim in compitis cœlum miserabilis
questu complerent, publico sumptu consultum.

Atque

Atque hæcè leges, moresque custodiēdi, ne (quod ferē fit) bene cœpta propediem obsolecerent; curram, & munus Loioleia familia placata postmodum Ignatio, sibi desumpsit. qui cum in eo xenodochio aliquandiu ità versatus esset, ut satis appareret ipsum exēplo Christi Domini laboribus, & paupertare multo magis quām otio, & rerum affluentia delectari; ad extremum quotidianis propinquorum precibus exoratus, ne cognationi aut nihil omnino dedisse, aut etiam inimicitias palam denuntiasse videretur, in paternam domum ex hospitali se transtulit; ibiq. aliquot moratus dies, restituta domestica disciplina, cunctis ad officium ac pietatem animatis; valentior multò, quām Lutetia discesserat, ad sociorum expedientia negotia proficisci constituit. Atq. hic notum ecce tibi certamen Ignatium inter & cognatos exoritur; cum ille pauperis habitu prorsus, & pedes iter facere destinasset animo, illi contra, quoniam quidem eum apud se diutiū retinere non possent, certè non nisi bene comitatum, & pecunia instructum abire permitterent. Verū certaminis denique is fuit exitus, vt Ignatius ne frustra diutius tenderet, ad vitæ modicum in specie deducise passus, breui domum, & famulos & cetera cuncta remiserit, pedibusque potrò perrexerit; Gallicano eq̄tio ministris valetudinarii iam ante relicto, quem illi deinde in Ignatii memoriam veluti sacrum, & immunem ab opere, vagari
in

in pascuis ad extremum vsq. senium permisere. Ignatius igitur Nauarra primùm, deinde Castella peragrata, mandatisque recentium sociorum exhaustis, de veterum statu, ac voluntate cognoscere nequaquam omisit: verùm illi partim exspectationis, ac moræ tædio viæti, partim etiam aspero virtutis itinere fatigati, in alia ferè omnia dudum abierant. Ioannes tantum Gallus, ne de animi salute periclitaretur, monasticæ se addixerat vite. Callistus ab animorum cura, ad pecuniæ lucrum studio repente conuerso, in Indianam nauigauerat, vnde aliquanto post bene nummatus ingenti omnium admiratione, qui eum antea norant, Salmanticam rediit. Cazeres cum Segouiam patriam petiisset, mollioris vitæ commodis, & domesticorum consuetudine delinitus, otio, ac voluptati sese dediderat. Artiaga, vero curriculum honoris, & ambitionis ingressus, & è Comendatario factus Episcopus, cum aliquandiu in eo dignitatis gradu vixisset, ad extremum ægrotus, epota per imprudentiam veneni laguncula (cum duæ starent, altera salubris aquæ, altera sublimati, quod appellatur, medicamenti) miserabili genere lethi defunctus est.

Venetias

Venetias ingenti labore contendit.

Cap. II.

GNATIUS ergo cum in Italiam pro-
peraret, & hosce, quos dixi, socios tam
longe lateq. dispersos in vnum redigē-
di, atq. ad pristina reuocandi consilia
spes nulla se ostēderet; occulta Dei iudicia secū ex-
pendens, fusis pro ipsorum salute ad superos pre-
cibus, Valentiam venit: vbi videlicet nauē stare
paratam audierat. Ibi dissuadentibus multis ne se
tali tempore mari committeret, quod præter cæ-
teras difficultates, etiā nobilis archipirata Aeno-
barbus loca opportuna, & littorum flexus valida
obsideret classe; nullis terroribus de sententia de-
cessit Ignatius. & nauis prædones quidem effu-
git, veruntamen fœdissima tempestate coorta, cla-
uo diffracto, fusisq. armamentis, cum iam de salu-
te vectores, nautęq. omnino desperassent, lacera,
& quassata fluctibus Genuensem portum egerri-
mē tenuit. Atq. hęc tanta maris incommoda, nō
sanè leuius terrestris itineris discrimen excepit.
Cum enim solus, ignarusq. regionum Ignatius
per Apennini tramites Aemiliā peteret, viam in-
gressus initio spatiosā, sed in arctū deinde magis
magisq. coeuntem; studio procedendi, sensim in
eas penetrauit angustias, vnde sese expedire hu-
mana ope vix posset. Primò igitur solicite vesti-
gium

gium facere, deinde, cum neq. progredi, neq. iam regredi tutum esset, in exilitate salebrosa, & horrenda crepidine, torrente rapido minaciter subterfluente; h[ab]esit aliquantis per stupenti similis, vbi repente sese tot periculis cinctum animaduertit. Sed ad extremum fidenter implorato diuino auxilio; quod vnum reliquum esse videbatur, humili procubuit; & genibus, manibusq. reptando, quadrupedis instar, ac prominentia modò saxa, modò è axis enata virgulta prensando, tandem euasit labore, quos ad eam diem pertulisset, omnium maximo. inde per immensæ altitudinis iuicias rupes, ac solitudines diu errabundus, cum ad radices montium deniq. deuenisset, omnia rursus offendit partim niuum tabe, partim etiam hibernis imbribus impedita. Cumq. nihilominus vrgeret, progrediendi necessitas; via teterima (& est mollis, & cretosus ager, ac semitæ per horum temporum incuriam exiguo munimento, nec vllis vt olim, stratae lapidibus) cum profundo, ac tenaci limo diu, multumq. luctatus, ad Bononiae portas tandem aliquando peruenit. Atq. hic, ne quid deesset ad probandam æquitatem, ac patientiam viri, ad ceteras miseras illud etiam ludibrium accessit; vt in ipso urbis introitu, è ponticulo in fossam, limo cœnoso margine lubricante decideret, emersusq. luto deformatus, ac madidus, ab iis qui tum aderant, non sine ioco, & facitiis (vt sunt procacia in alienis malis hominum

in-

ingenia) rideretur . Sed ille nimis idem exerceri se à patre cœlesti prudenter intelligens , & in gratiarum actione persistens , sole siccatis ut cumq. vestibus , lassitudine , ac fame confectus cū vrbis magnam partem frustrà emendicando perambulasset , in collegium Hispanicæ nationis dum exceptus , ibiq. dies aliquot clementer est habitus . Inde cum itinere iam facili , & certo Venetias peruenisset , exacta pecunia , quam illi per trapezitas eadem Elisabetha Rosella benignè curauerat ; interea dum socios è Gallia præstolatur , in varia pietatis opera ex instituto cœpit incumbere . Nec sanè frustrà : siquidem complures omnium ordinum homines partim Christianæ doctrinæ præceptionibus imbuit , partim ab impura , & flagitiosa vita ad castum Dei timorem , studiumq; virtutis eodem Deo adiuuante conuertit . Quibusdam etiā primariis viris tum patriciis indidem , tum externis , praua animi affectione , ac vitio laborantibus , non sine copioso fructu , spiritualium exercitiorum expertæ virtutis medicinam adhibuit . In iis Didacum Guiam , & Stephanum germanos fratres è præcipua nobilitate Cantabriæ , sibi quondam Compluti famillariter notos , ac tum Hierosolymis redeūtes , earumdem commentationum beneficio tantam ad rerum diuinarum intelligentiam , & humanarum contemptum adduxit , vt omnibus diuitiis , & honoribus abdicatis , CHRISTI consilia omnino sequi de-

decreuerint. Atq. hos imitatus est postmodum Baccalaureus Hozius item Hispanus, Theologiae peritus: qui cum ad easdem commentationes peragendas valde propensus esset, verumtamen ex quibusdam iniquorum sermonibus haberet suspecciam Ignatii doctrinam, ac dogmata; deum se Ignatio exercendum, atq. colendum ita commisit, ut multos in cubiculum, quod secessit, secum afferret libros, quibus Ignatii dicta, scriptaque; ad sanctorum Patrum, & Conciliorum trutinam expenderet. Sed ubi appositas ab Ignatio epulas degustauit; tantum absfuit, ut in iis veneni deprehenderit quidquam, ut etiam ardentí quodam rerum cœlestium amore inflammatus, mortaliibus commodis nuntium sponte remiserit, atq. ultrò ad Ignatii voluntatem, & vitæ rationes adhæserit. Ex Veneta verò nobilitate in primis eo secessit, ac meditatione profecit Petrus Contarenus Zachariae filius, is qui multo post, magna cum integritate, ac sanctimoniac laude Paphensem Episcopatum administravit. Sed & aliorum ex Ignatii consuetudine insignis vitæ morumque mutatione est consecuta. Quæ, quoniam nec ab obscuris hominibus, & in oculis celeberrimæ ciuitatis siebant, breui ut aliis locis antea, sic tum Venetiis Ignatii pietas in crimen, inuidiamque. vocari cœpta, non ferente diabolo tantam sibi prædam è faucibus eripi: statimque vulgatum ab eiusdem emissariis est, Ignatium prauitatis hereticæ semel, ite-

iterumq. conuictum in Hispania , elapsum è custodia , in Galliam profugisse ; ac proinde eius effigie ab Hispanis Inquisitoribus ignominiae causa publicè concrematam . eumdem Parisiis nouas res molientem , inficienteimq. perniciose doctrinæ labo scholasticos ; vbi delatum suum nomen ad sacra tribunalia odoratus fuisset , fuga præuertisse lictorum manus , & consilia magistratuum . Quas criminaciones Ignatius cum non modò in vulgus , iniquorum opera sparsas , verùm etiam ad Legatum Apostolicum Hieronymum Verallum , qui deinde S.R.E. Cardinalis fuit , delatas inaudisset ; non tam de sua , quàm de sociorum existimatione sollicitus , vltro ad Legatum adiit , & acriter institit , vt eorum criminum questio exerceretur . quod ita factum , & veritate comperta , honorificè à Legato est absolutus , incumbente in eius causæ cognitionem Gaspare Docto Legati assiecla ; qui ex eo tempore Ignatiū vnicè dilexit , ac sacratissimæ domui Lauretanæ deinde prepositus , in Societatem vniuersam plurima egregiæ voluntatis officia contulit .



Venetas

Venetias ad Ignatium socij veniunt.

Cap. III.

DVM hæc in Italia gerit Ignatius , inter-
rim bello inter Christianos ingraueſce-
te Reges, cum exercitu formidabili Cœ-
ſar per Inſubrum , & Allobrogum fines
in Galliam irruperat . Ea fuit sociis Ignatii cau-
ſa , & profectionis maturandæ , & itineris p Thu-
lingiam , seu Lothoringiam , atque Germaniam ,
ſanè incommodo anni tempore faciendi . Igitur
pecunia , rebusq. omnibus , præter viaticum , &
ſcripta , in C H R I S T I Domini gratiam distribu-
tis , mēſe Nouembri , anno circiter post diſceſſum
Ignatii , ſuo quifque baculo innixi pedites viam
capeſſunt , & quidem tanta cum alacritate , ac fer-
uore Spiritus , vt ne à Iacobo quidem Laine , viri-
bus nondum è recenti morbo recuperatis , extor-
queri potuerit quominus , & pedibus ambularet ,
vt reliqui , & inter ambulandum inſuper inualida
membra diſcruciaret hiſpido in primis , & horren-
ti cilicio . Veſtitus erat omnium , & peregrinorū ,
& pauperum , nequaquam elaboratus , & ad mo-
deſtiam ſubmiſſionemq. compositus . pendebat è
ſcapulis mantica ex corio , in qua ſacra Biblia , &
Breuiarium aſſeruabantur , & ſcripta , quæ dixi-
mus , Rosaria verò ad Catholicam fidem vel inter
iſpos hæreticos profitendam , palam geſtabant è
collo

collo suspensa. Hospitium ingressi, primum omnium sine ullo adstantium respectu, nisi omnes genibus Deo gratias agebant; eumdem in egressu pariter sibi propitium precabantur. Sobria, & frugalis erat mensa; oratio, ac meditatio non solum in diuersoriis, verum etiam in ipso itinere plurima. sacerdotibus, qui tres erant, sacrificantibus, ceteri quotidie coelesti reficiebatur pane. sermo, nisi de rebus diuinis, aut necessariis, ferè nullus. in decernendo si quid in deliberationem incidet mira concordia: in superandis viarum difficultatibus, periculisq. summa constantia, & equitas animi. Autumnales pluuias tota ferè Gallia pertulerunt: occurrere mox Alpes penè obstructæ niuibus, multa fuere subinde famis, frigoris, defatigationis incommoda subeunda: nihil se illis obiecit tam arduum, aut tam extimescendum, quod eorum quemquam à concepta religione, officioq. dederet. Atque hac disciplinæ, pacisq. custodia, cum omnibus, per quorum fines transierunt, populis, bonus odor in C H R I S T O fuisse; cunctis non catholicis modo, sed etiam hereticis nouum, ac religiosum agmen magna cum approbatione mirantibus, ad tertium Idus Ianuarias anni M. D. X X X V I I . Venetas ingenti omnium gaudio, & mutua gratulatione sospites ad Ignatum peruererunt. Atq. vbi paululum è longa contentione, ac lassitudine quietis est captum; statim Hierosolymitanæ prouinciae cōsilia renuantur.

uantur. primum omnium , rati gratiōra superis
fore sua studia , si ad ea summi totius Ecclesiæ Pa-
storis auctoritas , & consensus accederet ; simul
atq. hyems remitteret, tunc vel maximè seu, Ro-
mam ire constituunt , & à Pontifice maximo ius ,
tum ad sacros ordines , titulo volūtarię paupertatis ; tum ad mansionem Hierosolymitanam , &
prēdicationem Euangelii, sine ullo interdicti me-
tu suppliciter petere . Interēa Venetiis ne cessa-
rent, atq. adeò, vt quedam quasi rudimenta futu-
re militię ponerent , publicis valetudinariis inter-
se distributis , egrotos , ac pauperes omni ope adiu-
uare institerunt . Confessionis , & Eucharistię
sacramento gratis ministrare qui per sacerdotium
poterant : cateri solari iacentes ; afflīctos mōeren-
tesque spe cœlestium honorū erigere ; adesse ani-
mam agentibus ; cunctos deniq. ad patientiam ,
fidemque adhortari ; nec modo spiritualibus of-
ficiis fungi certatim ; sed ne vilissima quidem ac
seruilia corporibus pauperum curandis , defugere
ministeria : sternere lectulos , euerrere fordes ; pur-
gare scaphia ; cadauera defunctorum ritè curata
humi condere ; interdiu pariter noctuq. omni-
bus presto esse tanta cum alacritate , ac diligentia :
vt cuncti obstupecerent ; vulgatoq. rumore , prin-
cipes etiam viri ad spectaculum conuenirent .
Quibus in officiis cum aliorum omnium , tum
Xauerii prēcipue caritas , ac virtus enituit . Is
cum in quedam incidisset morbo Gallico misere-
re

rè deformatum , atq. ad eius aspectum exhorruis-
set ; vt ea re infringi , ac debilitari sensit caritatem
in proximum , ita repente in semetipsum excāduit
egregius C H R I S T I miles , vt manantem sa-
niē ex viceribus purulentis (cuius rei vel mentio-
nem aures delicate refugiant) obfirmato animo ,
semel iterumq. non dubitarit ex fugere . qua re nō
modò se ipsum in p r e s e n t i a p r e c l a r e v i c i t , sed
etiam in omne tempus propriam quādām , atq.
perpetuam in elephantiacos , atq. vlcerosos clemē-
tiam , & misericordiam est cōsecutus : quam dein-
de vbi cumq. terrarum fuit , quotiescumq. se dedit
occasio , diligenter exercuit . Quidam etiam è so-
ciorum numero , pauperem lepra toto corpore co-
opertum , cum p r e f e c t u s nosocomii non admitte-
ret , in suum lectum accepit ipse : cumq. manē sur-
rexisset cunctis ingemiscētibus eadem ipse quoq.
morbi fœditate correptus ; postridie non sine mi-
raculo prorsus ille sus , atq. intactus apparuit .
Hęc & alia eiusmodi verę pietatis , & officii do-
cumenta cum in ea vrbe dedissent (quorum ibi
grata in multos annos deinde memoria viguit)
appetente iam vere , vii condixerant , Romani
cuncti ferè p r e t e r Ignatium , discessere . Ipse tum
ad parta in Domino retinenda , tum ad expedien-
da , quę ad nauigationem pertinerent , ibidein in-
tereà substituit . Atq. illi quidem eadem ferè di-
sciplina , quam supra diximus , iisdemque im-
brium difficultatibus , iter ingressi ; ad superiorem

H 2 parcimo-

parcimoniam, ac frugalitatem illud etiā addidere, ut neq. vlo prorsus uiatico, diuinę tantum prouidentię, bonitatisq. fiducia, Rōmam usq. contenterent: & quia tum Cineralium, seu Quadragesimę tempus erat, quotidie, quāmquam in tantis laboribus, ritu catholico ieunarent. Nec sanè defuit illis: & exercendę spei, & CHRISTI Domini inopiam, ac perseuerantiam aliqua saltem ex parte imitandi materies acciditq. aliquando, ut cum panis duntaxat frustulum singuli manè sumpsissent, imbre densissimo stagnantibus latè campis, ut alicubi pectore tenuis aqua pertingebret, nullo prēterea cibo, millia passuum fermè triginta nudis pedibus uno die peregerint, & quidem incredibili modo tranquillitate animi, sed etiam hilaritate psallentes. Diuersoriis uero cum propter inopiam excluderentur, & ad publica xenodochia de more confugerent, quāuis oppidò lassi, tamen iis, quę supra diximus, caritatis muneribus fungebantur: seq. ipsi domare, ac vincere magis magisq. nitebantur in dies. Sanè Rauennę quidā ex iis cū hospitalis lectuli sordes: ac manantia tabe stragula nauseabundus vitasset, quę prima deinde occasio data est suimet puniédi, non prētermisit. In pago nescio quo pauper phthiriasi consumptus ē vita migrauerat. cum in eum pagum nostri vénissent, distributisq. cubilibus nullum iam supereret, nisi quod phthiriacum fouerat; Pater ille amissam nuper palmam recuperare

recuperare vehementer exoptans, nudus illico per summum animi ardorem eosdem subiit loidices, ibiq. sese identidem versans, cum ingentes animalium greges ea tota pauisset nocte: ad sudorem vsq. defatigatus, non leues ab se prioris fastidii, ac deliciarum poenas exegit. Deniq. sanctam Vrbem ingressi, ut sacra Apostolorum limina, & precipue religionis templa castè obierunt; à Petro Ortizio Hispano Cæsarlis procuratore ad Pontificem maximum introducuntur. Is erat eo tempore Paulus III. è gente Farnesia, cuius nomini plurimum vtiq. nostra Societas debet. Confuerat autē super mensam non fabulatores, aut mimos inducere, sed præstantes philosophos, atq. Theologos; & ipsem et veritatis indagandæ, atq. illustrandæ cauſa ponere de quo inter se disputerent. ea erat grauiſſimi ſenſis, & prudētiſſimi principis oblectatio. Ad has ergo diſputationes post pedū oscula Patres adhibiti, cū egregiū quā Christianæ humilitatis, atq. modestiae, quā eruditio niſi & ingenii ſpecimē præbuiffent, nō modò que volabant de ſacerdotio, deq. Hierosolymitana prouincia, libenti atque approbante Pontifice impetrarunt, ſed insuper pecunia ab eodem inſtructi, & fauſta cum prece dimiſſi ſunt. Ad quam deinde pecuniam cum ē nationis maximē Hispanię collatione accessiſſet quod aureorū amplius ducentorum ſummam expleret; ſocii ne quid ex eo uiatico prēterquam in uſum uotiuę nauigationis

H 3 attin-

attingeret, apud mensarios pecunia omni deposita, & Romę uiētum emendicantes, admirabile dedere spectaculum iis, qui corā Pontifice differentes illos audierant: & deinde quemadmodum venerant, sic Venetias proſus egentes, ac vacui reuerterunt.

*Sacris initiatur Ignatius; & de rebus ab
eodem, & socijs in Veneta ditione
gestis. Cap. IV.*

IOST hæc, diligenti adhibita præparatione, cum ad eiusdem Legati Verali pedes perpetuae paupertatis, & castimoniæ nuncupassent vota diuini amoris igne succensi, mirante, ac maiorem in modum approbante populo, sese denuo ad pristinos illos labores, & assidua pauperum ministeria reulerunt. Deinde in exitu mensis Iunii diuī Ioannis Baptista die natali, Ignatius, & reliqui laici per omnes ordinum gradus ad apicem sacerdotii ab Arbensi Episcopo euecti sunt, tanta non modò ipsorum, sed etiam Episcopi lætitia, & animi voluptate, vt sese inter eiulmodi cæremonias nihil vimquam simile sensisse affirmaret. Interea Patribus neque in eam diem vlla fuerat in Palestina transmittendi facultas, & eo ipso tempore cum graue bellū ex fœdere Christianorum Prin-

cipum

cipū, Venetos inter & Solymanum Turcam exar-
sisset, sublato repente commercio, omnis non
modò peregrinorum, sed etiam institorum nau-
gatio conquieuit. vt satis appareat, cœleste nu-
men iratum gentibus iis, quæ creditum sibi regnū
Dei per summum olim scelus, negligentiamque
amisere; Apostolicum hunc, deuotumq. sibi ma-
nipulum, in alias longè nationes, atque prouin-
cias iusto iam ante iudicio destinasse. Itaque
propter eam, quam dixi, causam, spe traiiciendi
sublata, quāquam voti religione soluti videri
propemodum poterant, tamen ne quis omnino
scrupulus animis insideret, finem anni vertentis,
vti Parisiis ante decreuerant, prorsus expectare,
seque interim tum ad sacerdotii primitias diuinæ
maiestati libendas omni diligentia comparare,
tum etiam post multam precationem, & absti-
nentiam, proximis operam ex instituto nauare
constituunt. Id quò liberiūs, atque commodiūs
facerent, ex tantæ vrbis celebritate, ac frequen-
tia, in finitima eiusdem ditionis oppida aliò, at-
que aliò, recepere sese: vt si forte (quod tamen
in præsentia vix fieri poterat) bello sedato præter
opinionem transitus patuisset, è propinquo Ve-
netias cuncti simul accurrerent. Franciscus er-
go Xauerius, & Salmeron, ad Montem Celsum
(id vico nomé ab vrbe Patauio millibus passuum
fere x v.) secessere; Ioannes Codurius, & Hosius,
Taruism; Claudio Iaius, & Simon Rodericus

H 4 Bassa-

Bassanum, Oppidum agri Patavini; Paschiasius, & Bobadilla, Veronam; Ignatius vero, Faber, & Laines cum Vicetiam petiissent, hanc vitæ rationem iniere. Erat extra urbem domunculam ruinosa, & deserta, nullis foribus, aut fenestrarum obicibus, vento cuilibet peruria. id sibi diuersorium, ne cui molestiam exhiberent, atque ut ab urbane strepitu remoti liberius vni Deo vacarent; memor res insuper stabuli, quod regem ipsum angelorum nostra causa nascentem olim exceperat, vnanimes delegerunt, quotidianis muneribus ita inter se distributis; ut unus ad custodiam diuersorii, & paucula victus ministeria remaneret (qui fermè erat Ignatius, quod propter nimiam lacrymarum copiam grauiter ex oculis laboraret) reliqui duo urbem ingressi, cibum in singulos dies emendicarent: quod ab ea functione superesset otii, totum id omnes cœlestium rerum contemplationi, & predicationi tribuerent. In hoc vitæ genere cum quadraginta iam dies non minori cœlestium donorum copia, & animorum voluptate, quam corporum vexatione, & carnis incommodo perstitissent, quanto nimirum spatio temporis, Christum ipsum Dominum ac magistrum, ante quam turbè fese committeret, abstinuisse cibo, & in eremo cum bestiis latitasse meminerant; ad eos reuisendos Taruisio repete Codurius affuit. cuius accessu leti, cum spiritus vehementiam ex ea solitudine, assiduitate precandi, ieconiisque conceptam diutiùs

diutiūs cohibere non possent; ad CHRISTI gloriam ex umbra in arenam prodire, & quę diuinus acceperant bona, cum proximis cōmunicare constituunt. Nec mora: Vicetiam ingressi descriptis inter se celeberrimis oppidi partibus, eadem omnes hora de rebus diuinis ad populum dicere incipiunt, nullo prorsus, aut loci apparatu, aut pompa verborum. In triuiis, plateisue, prout cuique locus obtigerat, desumpto ex aliqua fortè officina scanno pro suspectu vtebantur. populum elata voce, & in gyro acto supra verticem pileo, ad concionem inuitabant. sermo, ut peregrinorum, & hospitum, ex variis linguis ferè mixtus, ac minimè proprius. Veruntamen is erat orationis impetus, adeò graues, ac verę sententię, tanta in omni gestu, atque habitu pietas denique is ardor in oculis emicabat, ut peritissimus quisque rerum estimator hos demū esse Christianos concionatores, germanosq. præcones Euangelii dictitaret; multi etiam qui rei nouitate illecti cū cæteris initio per iocū, lasciuiaq. ludibrii cōfluxerant, prudentissimis eorum preceptis, & dicendi grauitate permoti, deposita paulatim petulantia longè alii quām accesserant, dimissa concione recederēt. Quod si quis deinde seorsum ad Patres adiret, veritatis & officii studiosior: hunc verò humanissimè acceptum, pro ipsis ingenio priuatis institutionibus ad omnem virtutem, ac religionem informabant. Illud verò

præci-

præcipuè rem adiuuabat, quòd neq. inanes plau-
sus, vt diximus, fucata oratione captarent; neq.
inter ipsam concionem, aut vbi peroratum esset,
quāquam in summa rerū omnium inopia, quid-
quam à circumfusa multitudine vel peterent ipsi,
vel etiam vltro delatum acciperent. breuiq. con-
stare cœpit, paupere tecto, ciboq. contentos, &
ab omni auaritia, & vanitate abhorrentes, non
aures populi scalpere, sed vulneribus omni ratio-
ne mederi; nec suum potius, quām Dei, proximo-
rumq. negotium agere. Atq. haud sane dissimi-
lis fuit cæterorum Patrum in sua cuiusq. prouin-
cia probitas, & industria; ut etiam aliqui ex ma-
gnis laboribus, & incommodis extremum adie-
rint vitæ discrimen. Neq. ita multo post, cum
euocati ab Ignatio vt de rebus communibus age-
rent, cuncti Vicetiam conuenissent; tanta animo-
rum inclinatio, ac benevolentia populi Vicetini
erga peregrinos apparuit, vt, qua nuper in vrbe
tribus dumtaxat, cibarii panis, ac ferè mucidi
quotidiana vix circuitione colligebatur quod sa-
tis esset ad vitam ægerrimè tolerandam; in eadem
ipsis iam vndecim, ex uoluntariis ciuium eleemo-
synis omnia ad victum, cultumq. necessaria largè,
ac benignè suppeterent. Ibidem igitur primas cli-
uinæ maiestati hostias immolauere noui sacerdo-
tes, vno Ignatio excepto, quippe qui ad se compa-
randum amplius adhuc temporis sibi sumpserat,
& Romæ postea sacrificandi fecit initium ad ip-
sum

sum Præsepe, & incunabula CHRISTI Domini, quæ in æde sacratissima beatæ MARIAE ad Niues religiosè coluntur.

*Ignatio Romam appropinquanti C H R I S T V S appareat : & unde Societati I E S V nomen inditum fuerit
Cap. V.*

ET QVONIAM expeditioni transmarinę præfinitum anni spatium erat in exitu; & infestū adhuc classibus mare; quid proinde agendum esset, Patres inter se deliberant: nec dubiū fuit, quin, vti Lutetię vouerant, cuncti sese ad fiducię catholicę propagationem, & animarū auxilium, Sedis Apostolicę cultui, & Romani Pōtificis obsequio manciparēt. Cuius officii procuratio (quoniam satis id esse videbatur) Ignatio, & duobus primariis patribus Fabro, & Laini mandata est; Romā adirent, & (quod bene verteret) CHRISTI Vicario hęc sociorum studia, ac vota quāmprimū exponerent. Interea reliqui, ne conceptus ē diurna meditatione, & sacrificiis feruor ac Spiritus euanesceret, non modò se ipsi diligentissimè custodire, sed etiā p̄ fidii diuini fiducia proximis omni ratione optimari decernunt. ac p̄cipuis verbibus inter se descri-

ptis

ptis , pr̄sertim in quibus litterarū studia flore-
 re , & frequentissimam iuuentutem versari cognouerāt ; Codurius , Hoziusq . Patauium , Rodericus ,
 & Iaius Ferrariam , Xauerius , & Bobadilla Bononiām , Paschafius , & Salmeron Senas profecti ; ea-
 dem fermē ratione quā paulo ante Vicetię adhi-
 bitā diximus , & priuatim , & publicē cū homini-
 bus agere , eosq . ē lethali flagitorū veterno excita-
 re , atq . ad contemptum rerum mortalium , & co-
 gitationum futuri seculi omni conatu , atq . artifi-
 cio impellere , atq . adhortari cœperūt . Cumq . ip-
 sa nouitatem rei omnium in se oculos , atq . ora ver-
 tissent , paucis mensibus , Deo adspirante , non mo-
 dò id effecere quod maximè optabant , vt magni
 animorū motus , & insignes ad C H R I S T V M
 conueriones existerent ; sed etiam , quod minimè
 laborabant , vt ipsorum nomen , ac fama Italianam
 ferè totam ingenti cum admiriratione perua-
 deret . At Ignatius Romam duobus quos dixi co-
 mitibus recta contēdens , & ab eorum altero quo-
 tidie corpus C H R I S T I religiose , casteq . susci-
 piens ; M A R I A Virgine potissimum preside ,
 atq . adiutrice , se ad sacrum suo tempore facien-
 dum , ac multa pro C H R I S T I nomine subeun-
 da , dies , noctesq . simul intēta quadam animi cu-
 ra , simul inestimabili Spiritus dulcedine , & noua
 diuini luminis copia préparabat . Etenim ex quo
 primum Hierosolymis rediens ad litterarū stu-
 dia in C H R I S T I gratiam animum adiecerat ,

de

de rerum cœlestium contemplatione, ut diximus, non sine magna difficultate remiserat multū, seq. ipse Domini caritate, spirituali consolationi, deliciisq. sponte subduxerat. Sed studiorum exacto curriculo, deinceps & Venetiis, & in Vicetino secessit, & in hoc de quo dicebamus itinere, tam crebra diuinitus lumina, tā liquidas animi voluptates, eadem scilicet Virgine farente, percepit, ut in antiquum statum illum Minoressanum (quē posteā ob singularem & eximiam illius temporis in se Dei benignitatem religioso ioco primituam suam Ecclesiam appellare consueuerat) nō solum ex integro, sed etiam cum fœnore sibi restitutus esse videretur. Sed preter cætera, quę quod mortalem naturam exsuperant, verbis exequi difficillimum est; quo die Romam accessit, res ei contigit vel ad memoriam posteritatis insignis, vel ad confirmandam in proposito Ignatium, ceterosque haud mediocriter efficax. Etenim orandi causa non longe ab Urbe templum ingresso, qualia passim imposita militari vię cernuntur, statimq. ut sepe solebat, abstracto à sensibus, atque alta quadam animi contemplatione defixo clarissima in luce per speciem illi sese Deus pater ostendit, I E S V filio baiulanti crucem, & crudelissimis affecto suppliciis presentem Ignatium, sociosque commendans; quos ille cum in fidem, ac patrocinium libentissime receperisset, ad Ignatium placido, & sereno vultu conuersus, hęc ipsa effa-

ri

ri verba dignatus est; EGO VOBIS ROMÆ PROPOSITIVS ERO. Quo tanto, tamq. diuino solatio mirum in modum erectus, & confirmatus Ignatius, ac socios deinde compellans: Quid nobis, ait, Romę futurū sit fratres; in crucem ne, an in rotam agi nos velit Deus, ignoro. vnum scio, quidquid eueniat, Iesum Christum nobis propitium fore; ac simul totius visionis ordinem exposuit. Quę res non in pr̄sentia tantum illos insolita quadā lētitia, & voluptate perfudit, sed etiam in posterum cōtra omnes difficultates, atque péricula magnoperè corroborauit, ac muniit: atque idipsum vel in primis fuit causę cur Ignatius confirmatę postmodum Societati salutare porissimum IESV nomen indiderit. quam tamen deinde verbo, scriptoq. mīnīmā vocare solitus est; quod reliquis religiosorum familiis (quas item Societates IESV licet optimo iure appellare) cūcētis omnino tum de splendore, tum de antiquitate concederet.



Igna-

*Ignatius Romæ Christianæ rei dat operam:
in Casinati monte animam Hozij cœlum
intrantem videt. Cap. VI.*

GIT VR tam secunda numinis volūtate, tamq. liberali promissō mirum in modū lāti, sic tamen, vt nō sine mysterio CHRISTVM Dominum crucifixi maximè habitu apparuisse apud se reputarent, cum gratiarum actione; ac prece sanctam Vrbem ingressi, nihil antiquius habuere, quām vt viatici nomine sibi numeratam anno priore pecuniam, quoniam quidem nauigationis consilia in irritum cecidissent, prorsus ad nummū iisdem à quibus acceperant, redderent; quæ, vtpotè sacra, in alio's pietatis vsus, & opera expendebantur. Deinde, quemadmodum ante conuenerat, suam, & reliquorum operam Pontifici Maximo in Apostolicis præcipue functionibus, citra honoris titulos, & dignitatis insignia, detulere. Neque aspernatus est pia Patrum studia Christi Vicarius: atque in præsentia, donec eiusmodi aliqua seſe offerret occasio, iussi Faber, & Laines in almo Sapiētiæ Gymnasio sacras litteras profiteri. quo munere dum alter in Bibliis explicandis, alter in scholaſtica Theologia, vt appellant, pari cū eruditioñis, ac pietatis laude perfunguntur, atque etiam ſaþe coram ipſo Pontifice de grauibus re-

rum

rum diuinarum quæstionibus disputant; interim
 Ignatius proximorum saluti de more operam na-
 uabat cum aliis artibus, tum verò spiritualibus
 præsertim exercitationibus, quippe ad curandas
 perturbationes admodum efficaci, virtutisq. iam-
 pridem experte remedio: quibus ille per eos dies,
 præter cæteram turbam, insignes aliquot viros di-
 ligenter excoluit. in iis Galparèm Contarenum
 Cardinalem, grauissimum Senatorem, eumdèq.
 temporibus illis (quod eius varia monimenta pre-
 clarè testantur) ingenii, & doctrinæ facilè prin-
 cipem. Is, Ignati prudentia, & consuetudine
 vñq. adeò captus est, tantumq. eius præceptis, con-
 filiisq. profecit, ut qualem dudum optauerat ani-
 mi regendi, moderandiq. magistrum, deniq. se-
 fe Dei beneficio nactum esse affirmaret. idemq.
 tradita sibi Exercitia (quod exemplum apud here-
 des hodieq. asseruari perhibent) sua ipse manu
 perquam accuratè descripsit. Hunc imitatus Cæ-
 faris procurator (de quo supra dictum est) Petrus
 Ortizius Theologiæ doct̄or insignis, easdem ex-
 ercitationes ad CHRISTI Domini gloriam,
 & suam salutem omnino experiri constituit. Id
 quò liberius simul, & fructuosius faceret, procu-
 ratione interim vicariis delegata, cū paucis quo-
 tidianæ vitæ administris, & Ignatio præceptore
 in montem Casinatem secessit, quo in monte an-
 tiquissimum, & nobilissimum cernitur sancti Be-
 nedicti cœnobium. Ibi, remotis arbitris, maxi-
 ma

ma diligentia dies ipsos quadraginta pia meditatiōni ex Ignatii præscripto vacauit; idq. tāto cum animi fructu, rantaq. accessione virtutis, ut quām quam Christianam philosophiam multo ante professus, tamen se tum demum verè philosophari cœpisse fateretur. ac parum abfuit, quin grandis iā natu vir, & Imperatoris legatus, illico mortali bus rebus abiectis magno animo fese ad laboriosum Ignatii vitæ genus adiūgeret. sed cum id neque per ætatem liceret, neque per suscepta negotia; certè quod proximum fuit, egregiè præstítit, vt & sanctimoniaz, ac pietatis exemplo in posterrum sui ordinis hominibus præluceret, & Societatem deinde nostram quibuscumque posset rebus, perquām studiosè ornaret, atque defenderet. Non omittenda videtur hoc loco res memorabilis, quæ Ignatio in illa Casinati commemoratione diuinitus accidit. Dum enim pro salute Baccalaurei Hozii, quem grauiiter ægrotare cognouerat, Domino supplicaret, repente vidi in spiritu (quod ipsum ibidem Diuo Benedicto fertur olim in obitu Germani Episcopi cōtigisse) animam socii luce clarissima radiantem, deducētibus Angelis in sublime ferri, atque ipsa demum cœli beatissima regna cōscendere. eidemq. Ignatio, paulo post, cum ad aram sacrificaturus accederet, in ipso Missæ introitu, Sanctis omnibus ritè appellandis, lucidissimum cœlestium agmen subito apparuit, sic, vt in iis Hoziū eximio ful-

I gore

gore incantem sine villa dubitatione dignosceret.
Qua ex utraque visione tanto est gaudio delib-
tus, ut multos dies præ dulcedine lacrymis tem-
perare nequiesceret. Huic Hozio Patauum (ut
diximus) prouincia nuper obtigerat. ubi dum in
officio, singulari cum industria, & fide versatur,
ex ipsa rei nouitate suspectus, & coniectus in car-
cerem ab Antistite Patauino, moxq. ab eodem di-
missus perthonorifice fuerat. cumq. acris denuo
in proximorum salutē incubuisse, è magnis diut-
nis, nocturnisq. laboribus lethali morbo correptus,
ex hac vita migrauerat, cum aliis mira cuius
dam sanctimonie relictais indiciis, tum verò quod
qui ante obitum subniger fuisset, ac vultu defor-
mior, in eiusdem demortui facie tantus repente-
nitor, ac venustas apparuit, vt eo spectaculo Co-
durius consors prouinciae animuim exsaturare, &
præ latitia fletum cohibere non posset. Huius
igitur tam felici exitu maiorem in modum gau-
sus Ignatius, è Casinate Romam vna cum Ortizio
peracta commentatione regrediens; obuium ha-
buit in itinere Francicum Stratam Hispanum,
præclaræ indolis iuuenem, sibi anteà non igno-
tum: qui cum è cuiusdam principis viri familia,
pertæsus aulicæ vitæ, militandi causa Neapolim
peteret, vno Ignatii congressu, atque sermone
(quæ hominis erat in dicendo vis) à seculi stipen-
diis ad CHRISTI vexilla facili negotio tradu-
ci se passus est; ac variis deinde locis, eiusdē Ignati

tii missu, & Societati nostræ, & rei Christianæ
vniuersæ concionator egregius haud mediocriter
profuit. Hoc igitur auctus commilitone Romam
Ignatius reuertit: ad quem deinceps aliquot etiā
alii rebus gerendis idonei diuino impulso paucis
diēbus adiuncti sunt.

Rōmam Patres vniuersi conueniunt: vete-
rem plebis erudienda morem, & frequen-
tem usum Confessionis, & Euchari-
stiae restituunt. Cap. VII.



V AE dum ardēs C H R I S T I amore
diligenter agit Ignatius, interim Patres
cæteri, suā quisq. prouincia bene gesta,
Romani (vti decreuerant) circa media
Quadragesimam conuenere. Is fuit annus post
C H R I S T V M natum M. D. XX XVIII.
Tecto recepti sunt à Quirino Garzonio ciue Ro-
mano, ad villam Minimorum fratrum cœnobio
proximam. Ibi in summa omnes egestate preca-
rio vicitantes, communi consilio ad rem Chri-
stianam pro viribus adiuuādam aggressi, permis-
suq. Antistitum varia Vrbis templa soriti, concio-
nibus primūm ciuitatem ad omne officium, atq.
virtutem vehementer accendere; deinde etiam
veteri Ecclcsiae instituto plebē, puerosque Chri-

I 2 stiana

stiana catechesi (quæ iamdiu obsoleuerat) vicatim erudire institerunt. Ac licet piis eorum studiis dæmoni omni conatu se opponeret; tamen partim exemplo vitæ; partim assiduitate diæendi, hortandiisque, cum alia multa propediem assecuti sunt, tum verò præcipue, ut sacra Confessio-
nis, & Eucharistie frequens usus (quo nihil est humano generi salutarius) diaboli fraude iampridè extinctus, magno utique Christianæ Rœp. commido in principe, magistraque orbis terrarum Ecclesia reuiuisceret: ex quo deinde paulatim effectum est, iisdem scilicet adiutoribus, non solum ut in Italia, Gallia, Hispania, ceterisque catholicis Europæ regionibus, verum etiam ut in ipsa India, atq. adeò in ultimis terris, ubi paulo ante ferales dæmonum dapes, & nefaria sacra viguerant, iam nunc, ingenti bonorum gaudio, per pœnitentiæ sacramentum frequenter elutis animi sordibus, diuina passim coniuicia celebrentur.

Falsis criminibus circumuenitur

Ignatius, & absolvitur.

Cap. VIII.



VÆ nimirum satanas futura præsagiens, ipsis rerum initiis per se, suosque satellites obuiam ire non distulit. Augu-
stinus quidam erat ex Eremitana fami-
lia

lia concionator prorsus indignus eo nomine , atque ordine . Is Lutheris impii sectator occultus , per ambages idētidei perniciosa dogmata spar- gebat è pulpito : ac miris artibus auditores à re- cta in Deum fide , atque à Romani Pontificis au- citoritate sensim abducere conabatur . Id autem eō fidentiūs , quod per eos fortè dies Pontifex aberat , maximis de rebus quae ad salutem Eccle- siæ pertinebant , in fines Galliæ Narbonensis , Nicæam usque profectus . Hanc rem odorati ē Patribus quidam ; ne ad perniciem animorum latius manaret ; communi consilio totam ipsi co- gnoscere , atque inuestigare non dubitant , ad eum concionatorem audiēdum cum cætera mul- titudine semel , iterumque conueniunt : quæ ratio disputandi sit , qui scopus totius orationis , dili- genter attendunt . neque verò , peritos dogma- tum , quæ per id tempus in controversiam voca- bantur , diabolici ministri fefellit astus , ac latens lupi sub ouis pelle rapacitas . Itaque satis iam cō- perta atque explorata re , primū ex Euangelii præceptis priuatim ad hominem adeunt : quid ad se delatum , quid auribus ipsimet suis deinde per- ceperint , iis potissimum verbis exponunt ; quibus non de populi modò salute fese , verū etiam de ipsius , qui populum pestifera contagione infice- ret , pro Christiana caritate sollicitos esse deino- strent : rogan , hortantur , denuntiant , praua dog- mata corrigat , ambiguè dicta , quæque ad cōtem-

ptum Sedis Apostolicæ; & Ecclesiasticarum traditionum, ac rituum facile trahi possint, ad Conciliorum decreta, normamq. sinceræ fidei quām primum interpretetur: vtique à deprauanda Romana ciuitate, atque à perturbando ipso veritatis fonte in posterum abstineat. Ille (qui fastus hereticorum est) homines nimirum idiotas ex habitu ratus, eorum dicta primò eleuare, & eludere: deinde vbi se variis vrgeri, ac premi argumentis, & rationibus vidit, versante animum simul ira, metuque, pauca præfatus, quæ ad occultandam in præsētia improbitatem yalerent; cum inanibus promissis Dei famulos ab se dimisit. Deinde vt se à timore collegit: diabolicis actus furii, & amicorum opibus fretus, quos ille sibi multos, potentesque parauerat, ad institutam agendi cōsuetudinem pari scelere, atque impudetia rediit. Quod vbi sensere Patres, in re tam atroci, tamque periculosa nequaquam lenibus rati opus esse remediis; cōsilium cōpere dignum hominibus diuinæ gloriae studiosis, dignum sacræ Theologiæ doctoribus; vt improbi cōcionatoris, mendacia palam, & ex superiori loco suis ipsi cōcionibus refutarent. Id ergo cum facere instituissent, bonis maiorem in modum approbantibus; cognita re Lutheranus vehementer excanduit; vocatisque ad se confestim amicis rabiem, doloremque suum impertit, etiam atque etiam obtestans; ne tantam, ac tam insignem injuriam inul-

inultā esse paterentur. Illi, & eadē laborantes opinio[n]ū insan[ia], & magistri ignominia valde commoti, facta conspiratione, Ignatiū, & socios omni dolo per fas, ac nefas euertere, nec modò fama, sed et, si res procedat, vita spoliare constituant. Primum igitur tota Vrbe fictis criminibus dissipant, Ignatiū, sociosque omni scelerum genere cooperatos, tū in Hispania, tum in Gallia, quin etiā nuper Venetiis false religionis, & probri, flagitiisq. damnatos, & elapsos ē iudicū manibus, ad corrumpendā iuuentutem specie pietatis Rōmā se contulisse; ibi, quod bonis artibus nequeant, id, alios criminando, accusandoq. per summā iniuriā querere, ut sibi apud imperitū vulgus famā sanctitatis, eruditio[n]isq. concilient. Cum aures nocti secundas, hæc & alia id genus quām appositissimè ad veritatis imaginem, & per se ipsi, & per emissarios oppido sererent; tantam in inuidiam, & odiū breui seruos Dei adduxerunt, ut eos multi iam quasi facinorosos, ac fugitiuos horrerent: ipsorumq. congressum, & consuetudinem vulgò refugerent. Cumque iam res ē sententia flueret, lāti successu aduersarii, prætereà promissis ingentibus onerāt, subornantq. qui iisdē ferè nominibus quæ sparsa in vulgus fuerant, apud Vrbis Praefectum insontes accuset. Has verò partes inexpiabili scelere sibi desumpsit Michael Hispanus quidam, qui iam ante Parisiis in Ignatium debacchatus, ac deinde singularibus ab eodem Ignatio lucrādi fratrib[us] mi-

rabiliter cupido prouocatus officiis , egregiam vi-
ri beneficentiam (vt ferè fit) minimè vulgari per-
fidia , atque impietate rependit ; atque vt Ignatiū
& Socios familiariter nouerat , confictis quām
maximè ad similitudinem veri criminibus , apud
Prefectum sanè magnam in suspicionem cunctos
adduxit . Omnino res erat insigni infamia ; nec
modò in Vrbe vulgi sermonibus terebatur , sed
apud exteris quoque nationes , atque provincias
aduersariorum nuntiis , ac litteris percrebuerat ,
Ignatianos cum suo capite , denique manifestorū
scelerum , hæresisq. conuictos teneri : videlicet ,
vt quas noxii variis locis effugissent pœnas , eas
iusto Dei iudicio Romæ in celeberrimo totius or-
bis terræ theatro persoluerent . Interēta Ignatius
totius machinationis nequaquam ignarus : fretus-
que tum præclaro conscientiæ testimonio , tum
etiam C H R I S T I promissis , qui se illi Romæ
propitium ipoponderat fore ; omnes inimicorum
impetus , totamque belli procellā inuitō animo
fustinebat ; Deumque vnā cum sociis pro aduer-
sariorum salute precabatur assiduè . Iamque cau-
ſæ dicendæ tempus appropinquabat ; cum inci-
dit in eius manus epistola , quam anteā Michael ,
recentibus quibūdam Ignatii meritis delinitus
(quippe vel ferrea pectora interdum patientia , &
caritate flectuntur) ad amicum nescio quem sum-
ma cum Ignatii , & sociorum laude prescripsérat .
Ea videlicet epistola , delatoris causam iugulauit .

nam-

namque ubi iudicii aduenit dies, citato ad Tribunal Ignatio, multa in eius vitam, ac mores improbè mentitus est Michael. ad quæ cum Ignatius admodum sedatè respondisset, prolata ad extremum epistola, ac recitata institit ab aduersario quererere, nunquid earum rerum meminisset? num chirographum agnosceret: Tum ille re inopinata perculsus, victusq. conscientia, repente pallescere, titubare, frigido sudore perfluere. quod ubi animaduertit Præfectus (is erat Benedictus Conuersinus, vir prudens, & in causis cognoscendis apprimè versatus) confessim suspicatus coitionem, ac dolum, data opera Michaelem diligenter interrogat; cumque non obscuris vestigiis ad ipsa fraudis cubilia peruenisset, seuerum calumniæ vindicem sese præbuit: ac multis verbis increpitum calumniatorem (quamquā Ignatio pro ipsius periculo deprecante) insuper multauit exilio. Post hæc Ignatius flagitare & urgere, ut duo cōspirationis nefariæ principes, quorum alter Mudarra, alter Barreria vocabatur, Hispani ambo, quæ priuatim in circulis, cœtibusq. iactarant, eadem coram Præfecto palam, ac legitimè exponerent, ut sibi diluendi crimina, & se, sociosq. purgandi copia fieret. Misso igitur viatore, vadimonium obire coguntur. At illi veteratores, & callidi, & cum in foro iudiciisq. diu multumq. versati: tum etiam recenti Michaelis malo facti cautores, ubi ad tribunal adsuere, per-

sum-

summam dissimulationem se de Ignatio, ac sociis,
 & sentire quām optimē, & ad eam diem sensisse
 respondent: neque vllum esse crimen, quod ipsi
 quidem in eorum vitam, moresque coniiciant.
 Atque hęc, & alia eiusmodi coram iudice: rati
 nimur fore, vt Ignatius præclarę secum aetum
 existimans, quod imminens calumnię periculum
 evasisset; tā illustri præsertim accepta satisfactio-
 ne proinde quiesceret. At ille multa, ac magna,
 quae ad iuuandam Ecclesiam pertinerent, mēte, ac
 cogitatione complexus, veritusq; ne si quid su-
 spicionis incommoda, aut si qua dedecoris nota
 nascenti Societati adhæresceret, vel omnes in po-
 sterum ipsius conatus irritos redderet, vel certe
 magnum rebus gerendis impedimentum afferret;
 à Præfecto etiam atque etiam postulare, ne fictę
 aduersariorū palinodię fidem haberet: eos quippe
 alia tum sermonibus, tum per epistolās longę,
 lateq; vulgasse, ac quae tunc ad tempus accommo-
 data, iudicii metu perterriti dixerint, quae nisi à
 magistratibus ritę cognita, & quæsita publicè
 coarguantur, malo videlicet publico per summi
 nefas hæsuram in Societate magnam infamiam.
 proinde iure se postulare, vt in sua dicta, vitāque
 omnem diligenter inquirat; se suosq; ad causam
 usque cognitam in vinculis habeat, ac prout re ip-
 sa compererit, ita prouuntiet. Hac igitur, &
 alia id genus, Ignatius. Contra aduersarii, veriti-
 ne si quæstio perageretur, ingenti suo periculo,

ac

ac damno paterent ipsorum artes, atque mendacia, per se suosq. omni ope contendere, ac niti, ^{ve} Præfектus ab instituta cognitione desisteret. Iaq. I. ut potè qui plurimum opibus, & gratia poterant; in suam sententiā non modò Præfectum, sed Legatum etiam, qui Vrbi pro Pontifice summo cum imperio præerat, Cardinalem Neapolitanum ad duxerant. quinetiam ex ip[s]i met[us] Ignatii sociis nō deerant, qui, aduersariis iam à suscepta actione deterritis, & sponte cedentibus, non vltra instantium, virandas lites, paci et quieti consulendū es- se censerent. At yero Ignatius in posterum longe prospiciens, eoque iudicio non tam suam quā C H R I S T I Domini eausam agi prudenter animaduertēs, nullis neque minis, neque promissis, nec suasionibus de sententiā deduci se passus est, cumq. omni ad eam rem conatu non semel adhucbito, propter aduersariorum gratiam, atque potentia nihil planè proficeret; non dubitauit, consulto per sacrificia, præcesque Deo, ad ipsiusmet Pontificis maximi fidem, opemq. confugere, qui Nicæa per eos dies adulta iam æstate redierat, & in Tusculano secessu valetudinis causa morbaruntur. Facili ergo ad Principem aditu, quo die venit, admisus Ignatius, Latino sermone (quippe qui nondum satis Italicè nosset) eidem ex fide re-tulit, quo consilio à militari vita sese ad animosq. auxilium, atque ad litterarum studia translusisset; ac dum rem Christianam pro virili parte admini- strat

strat quoties, quot locis, quibusue nominibus accusatus, & absolutus fuisset. Nuper etiam ab Hierosolymitana peregrinatione bello prohibitu (quod Pontifex ipse non ignoraret) se, cæterosq. eiusdem instituti laborisq. sociis, qui se, vitamq. suam ad Christianæ religionis amplificatione Sedis Apostolice mancipassent, cum maxime in Urbe Roma populum docere insistunt, paratiq[ue] in omnem quamuis arduam, atque longinquam expeditionem, eiusdem Pontificis redditum, nutuq[ue] audie præstolantur; circumuertos repente iniquorum insidiis, & summam in inuidiam non modò in urbe, sed etiā apud remotas nationes adductos ne id quidem à magistratibus obtinere posse, ut iacta in suos mores vitamq. criminis in cognitionem vocentur. Sibi quidem propriæ utilitatis, & nominis rationem (quamuis ea per se negligenda non sit) minus antiquam esse: sed quoniam eodem iudicio, & ipsorum existimatio, & animarum salutis agatur (omnium enim, qui ad rem publicam accedant, rationes, non veritate solum, sed etiam fama niti) petere se, & orare, ne grauetur pro sua sapientia, ac potestate perficere, ut Praefectus Urbis incohatam quæstionem primo quoq[ue] tempore peragat; ne in Urbe totius æquitatis parente, contra paucorum factionem, opesque nullum inopie, ac solitudini præsidii fuisse videatur. Sub hæc auditâ Pontifex bono esse animo iubet Ignatium: & collaudata (quod antea fecerat) ipsius

&

& sociorum industria, & pietate, Præfecto per codicillos imperat, iudicium yisque reddat Ignatio, causam ritè cognoscat, feratque pro veritate sententiam. Evidem hoc loco adesse, mihi animis velim eos, qui Deum res humanas negligenter circa cœli cardines otiani, non minus ineptè, quām impiè fabulantur. ex iis quippe quæ consequuta sunt, nemo sanus, paternam cœlestis numinis curam, ac prouidentiam in suos, non clare perspiciat. Cum enim tota aduersariorum actio ea maximè calumnia niteretur; Ignatiū, sociosque variis locis iure damnatos, ambustosque iudicii flamma per dolum effugisse; cumque longum, & operosum esset, nemine præsertim necessaria in eam rem impendia subeunte, ex tam remotis, disiunctisque prouinciis rei gestæ seriem litteris cōsignatam, testibusque firmatam ex foresi formula petere; planè diuinitus factum est, ut quotquot in Italia, Gallia, Hispania Ignatii iudices existissent, sub ipsum ferendę sententię tempus Romanam ferè omnes alius alia de causa conuenerint. Ioannes Figheroa, quondam Archiepiscopi Tolletani Vicarius, is, qui Compluti primum de Ignatii fama, capiteque cognorat, grauibus de causis Neapolim à Cæsare missus, in redditu commodum Romæ substiterat. Venerat eodem è Gallia Parisiensis Inquisitor Mattheus Ori Dominicanus, apud quē Ignatius, ut supra dictum est, semel iterumque ab improbis fuerat accusatus. Denique

in

in tempore Gaspar etiā doctus à Venetiis adfuit, qui habite in ea urbe in Ignatium questioni p̄fuerat. Hi omnes in iudicium adducti, aduersariorum commenta detexere, cum summa testificatione virtutis, ac pietatis Ignatii. Præterea litteræ ciuitatum, apud quas Italia tota Patres aliquandiu vixerant, per idem tempus allatae magnum pondus ad illustranda ipsorum merita, & refellendas iniquorum calumnias attulere. Iam vero Hercules quoque, secundus hoc nomine, Dux Ferrariæ, qui patribus familiariter usus, iisdemq. peccata ritu Christiano confessus, ex eorum etiam manib⁹ corpus Domini sumperat; libentissime fecit non modò, vt per Epistolam, sed etiam vt per legatum perspecte ipsorum innocentie, ac sanctitati debitum testimonium laudesque tribueret. Quibus rebus adductus Vrbis Praefectus, urgente præsertim Pontificis iussu, quamquam aduersariis omni studio contra nitib⁹, deniq. sua sententia Ignatium, & socios omnī non modò culpa, sed etiam culpæ suspicione liberavit verbis amplissimis, eiusq. sententiæ, ad vindicandam in socium famam, varias in provincias testato discripta exempla dimisæ. quibus ex rebus dici vix potest quantum Patribus vbiq. honoris, & existimationis acceferit. Atque hac maximè ratione diu suppressa atq. occultata veritas extulit aliquando se, ac malitia superata, processit in medium: quæq. machinamenta diabolus.

ad

ad teneram adhuc Societatem deformandam ,
atq. adeò præfocandam artificiose parauerat , ea
ipsa, moderante rem numine, in eius maximè de-
cus, & incrementa cessere . At verò insidiatorum
longè dissimilis fuit exitus . Namq. administer
consceleratæ calumniæ Michael, fraude patefacta
(quemadmodum dicebamus) in exilium actus
est : Mudarra yero , & Barreria , factionis & co-
tionis duces, cum deinde manifestis hæreticarum
opinionum criminibus tenerentur ; alter mature
sibi fuga consuluit, effigiemque suam pro se iudi-
cibus concremandam reliquit ; alter autem com-
prehensus, & causa cognita perpetuo carceri addi-
ctus, ad extremum tandem morte iam imminen-
te resipuit ; eidemq. animam agenti quidam è So-
cietate ad extremum usq. spiritum assedit ; quæq.
illi tempori tribui solent, pietatis, & caritatis offi-
cia praefudit . Porrò Lutheranus ille conciona-
tor , qui totam conſpirationē, scelusq. conflat ,
intra catholicorum castra per fraudem aliquan-
diu versatus, cum religionis, ac pudicitiae simula-
tionem ultra sustinere non posset, larua deposita ,
palam fidei , & continentiae bellum indixit , atq.
ad optata hæreticorum lustra, popinasq. se con-
tulit .

Igna-

paia

*Ignatius, & cæteri Patres de constituen-
da Societate deliberant.*

Cap. IX.

AC igitur falsæ accusationis procella Ignatius sociiq. defuncti, primum omnium (vt æquum erat) ingentes & vniuersi communiter, & singuli priuatim egere diuinæ clementiæ gratias: deinde, partim quod aliqui subinde ad Ignatii institutum aggredabantur; partim etiam quod inaudierat, aliquot è suo numero varias in vrbes atq. prouincias iam tum rogatu Principum à summo Pontifice destinari; visum est faciendum, ut de stabilienda quām maximè ad Dei gloriam, salutemque animarum Societate, primo quoque tempore inter se consulerent. ad eam quippe diem, communi tatum officio, ac pietate ducti, sine certis & propriis legibus, ac magistratibus vixerant. Ergo precationibus, iejuniis, & sacrificiis in eam rem quām accusatissimè adhibitis, quotidianæ vita munera, laboresq. ita partiti sunt, vt diurna tempora Dei verbo, consuetisq. functionibus, nocturna vero priuatis inter se colloquiis, & necessariæ consultationi darent. Prima igitur nocte quæsitus est, vtrū Pontificis iussu digressi, prout se daret occasio, suam quisque sine aliorum consensu, vel respectu rem agere; an potius, quāmquam corporibus, locisq.

cisq. disiuncti , animorum tamen conspiratione ,
& meritorum communione , ut adhuc fuerant , sic
in posterum coniuncti esse deberent . Dictisq. si-
ne variatione sententiis , nullum fuit dubium , quin
tam suavis , tamq. arcta societas , Dei prorsus mu-
nere ex tam diuersis moribus , linguisq. coalita ,
omni conatu , studioq. retinenda foret ; tum ne qua
Spiritui Sancto iniuria fieret , à quo diuinitus fue-
rant in eam confessionem adducti ; tum verò , ne
concordia , atq. ynitatis bonum amitteretur , quo
nihil est ad res magnas , atq. arduas moliendas , &
obstantia quæque perrumpenda , valentius . Cum
hæc , & alia multa in eam sententiam ingenti ala-
critate , & gaudio spirituali pro se quisque dixi-
set , magnoperè incensis ad mutuam caritatem ,
& benevolentiam animis , cœtus ille dimittitur .
Proximo deinde confessu de religione relatum
est , placeret ne ad vota duo Paupertatis , Castita-
tisq. ritè suscepta , tertium perpetuè item Obe-
dientię adiungere , & è suo corpore eligere , qui
ceteris ampla cum potestate præcesset . In eam rē ,
quod maioris momenti videbatur , esse diem pro-
ferri placuit , spatiūque seorsū singulis ad deli-
berandum dari , atque interim instauratis preca-
tionibus , & sacrificiis , diuinæ sapientiæ lumen ,
opeiq. diligenter exposci . Ut igitur eius con-
sultationis dies aduenit , omnium in ynum con-
gruere sententiæ , quandoquidem CHRISTVM
Dominum , ac magistrum sibi pro viribus imitan-

K dum

dum cuncti susceperant; quoniam ille se se perfec-
tum atque integrum holocaustum Deo parenti
pro salute humani generis obtulisset; prorsus
oportere, ut ipsi quoq. pro suo modulo Christum
effingerent: ac quemadmodum singulorum cor-
poris bona per voluntariam inopiam, corpus ipse-
sum per castimoniam Deo immolatum esset; sic
animus quoque ante cœlestes aras, per obedienti-
am spiritualis victimæ caderet, praesertim cū hoc
sacrificio nullū diuinæ maiestati gratius, aut sua-
uius esse constaret. Ergo sine controvërsia deli-
gendum videri, cui omnes in terris tamquam
CHRISTO parerent; cuius in verba iurarent;
deniq. cuius sibi nutum, ac voluntatem instar di-
uini cuiusdam oraculi ducerent. His ita consti-
tutis, deinceps quæsitum de huius ipsius potesta-
te, vtrum certo dierum spatio definitam, an verò
perpetuam esse oporteret. Perpetuam esse placuit
omnibus, idq. cum alias ob causas, quas comme-
morare hoc loco necesse nō est, tum verò vt nego-
tia grauiora, quæ ad conficiendum non modò
plenæ libertatis, verùm etiam longi ferè temporis
indigent; leniter, & ex animi sui lententia posset
ad exitum sine vlla trepidatione perducere. Ad-
ditum ad hæc, vt Societatis candidati, cum aliis
experimentis; tum verò præcipue spiritualibus
exercitationibus, peregrinatione, & infimis pu-
blici alicuius valetudinarii ministeriis probaren-
tur. Itemque, ut quicumque Societatis instituta

pro-

profiterentur, ii ad tria solemnia vota, quæ nobis cum aliis dicatis Deo familiis ferè cōmunia sunt, quartum nominatim adiungerent; quascumque fidelium vel infidelium terras Christianæ rei causa Pontifici maximo ipsos mittere placuisset, eò sine vlla tergiuersatione, atque adeò sine vlla non modò mercede, sed ne viatici quidem petitione proficisci. ac simul, concepta verborum formula sese obstringerent, puerili ætati per catechesim erudiendæ; quod hoc remedio, nullum ferme efficacius foret ad intemeratam fidem tuendā, ac prauæ religionis prohibenda contagia. Atque hoc maximè quarto voto à ceteris religiosis minima Societas nostra distinguitur. Hæc igitur, & alia id genus nonnulla per eos dies ab Ignatio, patribusq. decreta sunt: eidemq. Ignatio negotium datum, vt ea in summam redacta, Pontifici maximo primùm Apostolica auctoritate sancienda, atque approbanda proponeret; deinde vt eadem ipse postea per otium fusiùs explicaret; ordinaretque, & quām accommodatissimas ad Societatis vocationem, & spiritum leges, canonesq. prescriberet.



*Patres in varia loca Pontificis iussu di-
scendunt. Cap. X.*

SVR V.B hēc fermē decreta, Pontifex Maxi-
mus aliquot operarios ab Ignatio in va-
rias agri Ecclesiastici vineas postulauit.
Id nostrę Societati fuit Apostolicę pere-
grinationis exordium. Rainutio Farnesio Cardi-
nali, eximia spe summe virtutis adolescenti (qui
multo deinde post, matura virtute vir, Bononien-
sis Episcopus obiit) per eos dīes cuius amplissima
potestate legatio Parmensis obuenérat. Huic,
Pontificis iussu, legationis comites, & rerum spi-
ritualium administri duo, Petrus Faber, & Iaco-
bus Laines ab Ignatio dati: Senas verò in Etruriā,
Paschasius ad instaurandam sacri cuiusdam cœ-
nobii disciplinam ab eodem Pontifice missus est.
In Aenariam, seu Inarime insulam, pacifica-
tionis gratia non leuis momenti, Nicolaus Boba-
dilla: Brixiam in Cenomannos ditionis Venetæ,
Claudius Iaius grauibus item de causis abiit. Ac
per idipsum tempus etiam in extremas terras pri-
mūm Societati patuit aditus. Brasilicam oram, &
prēterea quidquid inter inaccessum olim Bone-
spei promontorium, vltimosq. Sinas interiacet
maritimi tractus, Indo, & Gange superato, Lusi-
tani, armatis classibus, ante annos aliquot, ingen-
ti ausu, & labore, èquè fortiter, ac feliciter aperue-
rant.

rant. neque Ioanneum hoc nomine tertium Lusitanię Regem insigni virtute, ac pietate virum, vlla
 magis angebat cura, quām vt barbaras illas natio-
 nes à misera dēmonū seruitute ad vnius veri Dei
 notitiam, cultumq. traduceret. atque ob idipsum,
 quos in ea mitteret loca prēcones Euangelii, &
 moribus, & eruditione prēstantes, tota Europa
 impendio conquiebat. Eius rei conscius Iaco-
 bus Gouea, is, qui Parisiis in ipso virgatum per-
 culō singularem Ignatii fidem virtutemque, in-
 genti cum admiratione cognorat, proculdubio
 statuit, illum, & socios ad Indicam expeditionē
 fore quām accommodatissimos; quoniam quidē
 ab Hierosolymę accessu bello impediti, quemad-
 modum audierat, in Italia substitissent. Neque
 tamen quidquam eius consilii ratus impertiendū
 Regi antequam ipsius Ignatii voluntatem explo-
 rasset: pro amicitia ad illum scribit, quām libente
 Lusitanię Rege, quām spatiösus bonorum indu-
 striæ, pietatique campus in India pateat. sibi qui-
 dem, quando illum, & socios ab Hierosolymita-
 na curatione arceat bellum, sanctissimis ipsorum
 studiis prouinciam in primis aptam videri. Si
 conditio placeat, vltro semet apud Regem totius
 negotii fore interpretem pollicetur. Ad ea, cum
 gratiarum actione rescripsit Ignatius, neque se,
 neque socios esse iam sui iuris, quippe qui summo
CHRISTI Vicario semetipsi perpetuo nexu
 Obedientię mancipassent. proinde agendum es-

K 3 se

se cum Romano Pontifice. quidquid ille iussisset,
id verò sine mora facturos. Quo accepto responso
Gouea , cum facile speraret à Pontifice impetrari
posse ; rem totam Regi suo per litteras aperit , ip-
sumq. exemplar epistole Ignatii ad eum mittit cū
summis illius, & sociorum laudibus , etiam atque
etiam suadens , vt eiusmodi virorum opera potis-
simū vtatur , neu tam preclarām occasionem
elabi patiatur ē manibus , cui similem fortasse nul-
lam sit in posterum habiturus . Haud incassum
adhibita hortatio . quippe Rex , & sua sponte iam
incitatus , & Gouę talis viri monitis , & auctori-
tate permotus , confestim Petro Mascarenę , suo
apud Pótificem Maximum Oratori mandat mox
in Lusitaniam redituro , det operam vt quam plu-
rimos ex Ignatii disciplina secum deducat , Euan-
gelii causa mittendos in Indiam , eaq. de re cum
Ignatio quamprimum agat : si res cum illo minus
procedat , omni conatu cum ipso Pontifice transfi-
gat . vtique , ne sine tali comitatu reuertatur ad se .
Hoc tam seuero mandato legatus accepto sine cū-
statione Ignatum conuenit ; ac pauca prefatus (ut
fit) conciliandę benevolentię ; mandatum sui
Regis exponit , Patresq. minimum sex in missio-
nem Indicam postulat . Ad quem ille submissa
oratione , tam honorifico Regis de se iudicio gra-
tias cum egisset , eadem fermē , quę ad Goueam
respondit : quod ab se petatur , totum id ē summi
Pontificis voluntate , imperioq. pendere . qui ta-
men ,

men , si , quid ego sentiam , queris (inquit Ignatius) vnum , aut alterum fortasse tibi concesserit , plures vero nequaquam . At ille cum nihilominus in eodem postulato persisteret , Dei fidem , & hominum testans , nusquam operā collocari fructuosiùs posse ; tum Ignatius , quasi futura presagiens , familiari , ac placido vultu : Deus , inquit meliora , clarissime orator , quippe si è tam exiguo numero , sex vnam dumtaxat in prouinciam demas , quantulum , queso , reliquo terrarum orbi sepererit ? Neque tamen idcirco ille ab incepto desistit . quoniam Ignatium flecti posse diffidat , ad ipsum adit Pontificem , narrat quid sibi ab Rege mandatum sit , suppliciter etiam atque etiam obsecrans , ne in tam honesta causa , tamque pia , frustrari se , Regemque suum concepta per opportunity subfudii spe patiatur . Hic Pontifex , quamquam letus ab urbe Roma potissimum , vt par erat , peti sacri Euangelii nuntios , & insuper , tanto Regi , tamque de Romana Ecclesia bene merito gratificari vehementer exoptans ; tamen , vt in tali negotio , ne videlicet seruis Dei ad omne paratis obsequium abuti pro potestate videretur (qua erat lenitate , ac sapientia vir) auditore legato , rem ipsam probauit , de numero ad arbitriū reiecit Ignatii . Is proinde (sanè quam egrè ferente Mascarenia , neque tamen aspernante quod datum est) post multas in eam rem fusas ad superos preces , quemadmodum anteā significauerat , duos dum-

K 4 taxat

taxat glorioſo muneri destinauit : Simonem Ro-
 dericum Lusitanum , & Nicolaum Bobadillam ,
 qui cū idcirco Romā euocatus , grauiter iſchia-
 de laboraret : neque legatus Rēgius maturo iam
 reditu expectare diutius posset ægro Bobadille ,
 ſibi quē vicem erectam dolenti , Franciſcus Xau-
 erius repente ſufficitur . Erat omnino laborioſa
 prouincia , iterque longinquum : & cum ferè nul-
 lam in ſpem reditus , tum verò in apertum penè
 quotidie vitę diſcriben̄ . Sed quae alios ab eius-
 modi conſilio retardaffen̄ , ea ipſa incitamenta
 fuere Patribus , cum ſe quisque tali ſorte p̄cē-
 teris beatum exiſtimaret . Ac Simōn quidem pa-
 rata in Lusitaniam naui celeriter anteceffit , ac de-
 inde Regis Lusitanię iuſſu , procerumq. roga-
 tu , quamuis inuitus , in eadem prouincia ſubſtitit .
 Xauerius autem , vti delatum ad eum eſt , confe-
 ſim exiluit gaudio , datoq. ſibi tempore , vix quod
 ſatis eſſet ad laceram , attritamq. tunicam reſar-
 ciendam , & ſalutandos fratres ; cum legato po-
 ſterā die profectus eſt , immortales agens Domi-
 no gratias , quod ſe denique voti compotem effe-
 ciffet . Perpetuas quippe clades pereuntium ex
 ignoratione Dei , in ultimis regionibus , animarū ,
 iam ante miserari , & messis potiſſimū Indice
 magnitudinem crebris conſueuerat uſurpare ſer-
 monibus . Quin etiam per quietem non ſemel
 erat ſibi viſus Aethiopem in humeros ſuſtuliffe
 vſque adeo ponderofum , ut ipſa oneris magnitu-
 dine

dine excitaretur è somno mirè defatigatus, membrisq. omnibus dolens: continuoq. rem omnem Iacobo Laini patefaciebat eiusdem cubiculi socio. Hęc igitur fuere nostris hominibus Pontificię missionis initia: Patresq. in varia deinceps loca profecti, maiorem in modum aucta Societate, institutisque supplementi causa tota ferme Europa collegiis, domibusq. res eas Deo duce, atque adiutore gessere, quę proprio, & quidem iusto volumine ipse per se ad enarrandum indigeant.

Ignatius plebi fame periclitanti succurrit.

Cap. XI.

NE Q V E verò Ignatio & cæteris, qui remanserant Romę, negotiū defuit. Erat annus à Virginis partu M.D.XXXVIII. insignis annonae caritate, ac per hysmen præcipue tanta frugum inopia, ut passim iacentes in publico pauperes frigore, fameq. confecti, miserandum in modum exspirarent. Quo spectaculo commotus Ignatius, tantæ calamitati sibi omni ope subueniendum putauit. Iamq. ē Garzonii villa, cum suis in Vrbis frequentiora loca migrauerat, laxiore sibi ab amicis domo conducta, ad circum Flaminium, in ea regione, quæ sancti Angeli ad forum Piscarium hodie dicitur. In eius igitur domus ampla cœnatione fœno, stra-

gulisq.

gulisq. dispositis, &c in pauperū alimēta eleemosy-
 nis vndique corrogatis, in oēs partes dimisit, qui
 in id hospitium, vt quemq. periclitantem extre-
 ma inopia inuenissent, vel inter manus, prout res
 ferner, vel gestatoria sella deuherent. Cum stre-
 nuē curaretur, adhibitis etiam, vbi opus esset, adiu-
 toribus, baitulisque, breui numeris decumbentiū
 ad quadringētos ascendit. Hic verò, eodem Ignat-
 iō preside ac duce, Patrum, fratrumq. sese ca-
 ritas, ac virtus exercuit. Diluculò quotidie in teati
 omnes ad imperia accipienda prestatō aderat. Inde
 ad sua quisq. officia discurrere sine illa perturba-
 tione, vel tumultu; alii recens illatos pauperes
 clementer exuere, & calida elutis corporum sor-
 dibus in lectulo collocare; alii assidere languenti-
 bus, eosdemq. amicissimis consolari verbis. hi ci-
 bos aut domi excoquere diligenter, aut aliunde
 missos instruere; illi fercula inferre, & longa iné-
 dia propemodū enectis pretiosa instillare liqua-
 mina; hi cubilia sternere, illi scopis pauiimēta pur-
 gare: deniq. certatim omnes munere suo ita fūgi,
 vt preclarè testarentur, in minimis illis agnoscere
 se Regem regum, & dominum dominatiū, ne-
 que verò corpora solūm egentiū, sed animi quo-
 que eadem opera curabantur. Plurimi quippe
 rudes, Christianę doctrinę preceptis probè insti-
 tuti, multi à turpi questu, fraudibusq. deterriti; &
 quod caput est, sacra omnes confessione expiati,
 ac pane cœlesti lōgo interuallo refestī sunt. Dein-
 de,

de, vt aliqui conualuerāt, succedentibus inticem
 aliis, cū tegumentis ad frigus arcendū, & certo pe-
 cunię subsidio dimittebātur. Ea res per Vrbē vul-
 gata, magnā populi benevolentia conciliauit Ignati-
 o. atq. ad eā Christianę humilitatis caritatisq. of-
 ficiā visendām interdiu promiscua turba, noctu-
 verò ēt viri principes vētitabant; ac tāta fuit exem-
 pli vis, vt quidam, cum p̄sentes non suppeterent
 sibi nummi, depositis illico in v̄sus pauperū vesti-
 mētis domum seminudi reuerterint. Alii ēt san-
 cta emulatōne incitati, eiūsdē conditionis homi-
 nes, quorū nō deerat passim copia, hospitio susce-
 ptos benignē curarūt. Multi p̄tērēa proceres, in
 glorioſi operis perfectionē, Ignatio pecunię sum-
 mā vltro detulere non leuē. Quia in re Margaritę
 Austriacę Caroli V. filię, Octauio Farnelio nu-
 ptę, Placentinorum, & Parmensium hodie Duci,
 pietas, ac beneficentia vel in primis enituit. Atq.
 eiūs pecunię, cum Ignatius intelligeret: se vel ma-
 xima eorum qui contulerant voluntare, partem
 aliquam in suas, & suorum necessitates erogare
 posse; tamen tanta fuit religione uir, ut ne obolū
 quidem, nīsi in externorum pauperum commo-
 da insumpserit, relatis in codicem accuratē nomi-
 nibus, ut omnium prorsus ratio constaret. Atq.
 hunc maximē in modum labor ad exactam usq.
 hyemem secunda ciuitatis admurmuratione per-
 ductus. ac uere deum ineunte, frumenta par-
 tim ab iis, qui suppresserant, sponte prolata; par-

bols

tim

tim à magistratibus aliunde conuecta sunt. Ea re non mediocriter annona laxauit; grauiq. perfūcta periculo plebs, Deo addiuuāte, ad solitos queſtus, & opificia rediit.

Confirmatur à Pontifice maximo Societas.

Cap. XII.

INTEREA, cum ad Ignatium studio religionis aliqui subinde ſe adiungeant; nequaquam immemor ille, quod ad Societatem confirmādam attinebat, negotii paulo ante ſuscepti; quidquid à publicis occupationibus otii datum eft, in eam ipſam rem diligentissimè contulit. ac primūm totius instituti formulam (fusius poſtē explicandam) ad certa capita dilucidè redegit, ac breuiter. deinde natus opportunitatem, quod Pontifex maximus per autumni ferias ē turba, negotiisq. Tibur ſeceperat; eam formulam auctoritate Apostolica ſanciendam eidem Pontifici ſuppliciter obtulit per Gasparem Contarenum Cardinalem, de quo ſupra dictum eft, ob egregiam virtutem, ſapientiamq. Principi in primis acceptum, nostriq. ordinis amicissimum. quam ille vbi perlegit; confeſtim, Spiritus, inquit, Dei eft hic. Ac multa preterea in eam ſententiam adiunxit, quare confideret recētem huiusc manupuli ardorem tali tem-

pore

pore diuinitus excitatum , afflctis Ecclesiæ rebus
non leui tum præsidio, tum ornamento futurum .
Verumtamen , vt in tanta re ne minus consultè
quidpiam statuisse videretur, totum negotium de
legauit tribus viris è sacro collegio Cardinalium,
apud quos minimum loci fore putauit gratiæ . In
iis fuit Barptolomæus Guidicionius Lucensis, uir
diuini , humaniq. iuris apprimè peritus . idemq.
nouaruni religionum adeò non amicus , vt de iis
ad certum numerum redigendis librum etiam
conscriptissime dicatur . Is , preiudicata iam causa ,
collegas nequaquam propensos in Ignatium, faci-
le in suam sententiam adduxit , certamq. prope-
modum confectamque rem, consilio, & auctorita-
tate sua penè discussit . Quod ubi sensit Ignatius ,
parum præsidii ratus in hominibus esse , ad opem
diuinam de more configit . ac præter ieunia, sup-
plicationes , cæteraq. ad numen propitiandum
adhiberi solita , cœlestes insuper hostias eo tantū
nomine per se , & per amicos immolauit ad tria
millia . qua procuratione, intra finem anni verté-
tis, cum ceterorum, tum præcipue Guidicionii ita
immutata voluntas est , vt cum de multitidine
religionum cohibenda idem quod anteà omni-
no sentiret , huic tamen refragari se vltra nega-
ret posse , diuino videlicet monitu, & occulta spí-
ritus operatione vehementer instinctus . Ita , qui
diu valde anxious habuerat Patres , eorumq. spem
variis frustrationibus propemodum extinxerat ,
idem

idem vnà cū ceteris collegis repete placatus, ac fa-
uens, rem vltro suscepit, commendauitq. Ponti-
fici, Tibure denuo commoranti; qui libentissi-
mo animo & Societatem ipsam, & Societati in-
ditum nomen ritè, sancteq. approbauit V. Non.
Octobris, anno M. D X L . idq. testatum voluit
esse publicis litteris eodem die, locoq. datis; cum
eo tamē, vt in vniuersum socii ne plures saxagin-
ta numerarentur. Ea videlicet fuit nouellæ So-
cietatis quædam quasi probatio. siquidem trien-
nio post, cum variis locis, atq. prouinciis Deo ad-
spirante constaret egregius operæ fructus; ab eo-
dem Pōtifice limes ille omnino sublatuſ est, libe-
rumq. Ignatio, & successoribus relictum, cuilibet
petenti Societatem dare. quod item apparet
diplomate dato pridie Idus Martias, anno
M. D. X L I I I .

Præpositus generalis creatur Ignatius.

Cap. XIII.

TITVR post multas difficultates ap-
probata deniq. Societate; gratia pri-
mū (vt equum erat) acte superis, quo-
rum benignitate res bene, feliciterque
vertisset: deinde, quoniam in dies à Pōtifice mis-
sio Patribus imminebat; è suo corpore Præpositū
Generalem (sic enim qui cunctis præcesser appell-
mobi
lare

lare placuerat) primo quoq. tempore deligere vi-
 sum est. Societatis autem status per id tempus
 erat eiusmodi. Franciscus Xaverius, & Simon
 Rodericus in Lusitaniam erant profecti. Petrum
 Fabrum Cæsaris legatus Ottizius ad Vormatiensem
 conuentum Pontificis permisso in Germaniam
 adduxerat. Iacobus Laines Parmæ; Claudi-
 us Iaius Brixiae, Senis Paschalius agebant. In Bru-
 tios Nicolaus Bobadilla discesserat. Cum Ignatio
 Romæ dumtaxat è Patribus versabantur, Salme-
 ron, & Codurius tyrones verò, qui nomen dede-
 rant Societati, partim apud Ignatium erant, par-
 tim studiorum causa ab eodem Parisios missi, ne-
 cessaria ad bellum spirituale arma enixè para-
 bant. quidam etiam ad res domesticas compo-
 nendas in Hispaniam profecti; & concionibus
 iam tum, & colloquiis, ingenti hominum ap-
 probatione, Societatis nomen longè, lateq. vul-
 gauerant. Hoc Societatis statu, cum Präpositi
 eligendi tempus adesset, Patres qui quide[m] in
 Italia erant, per litteras moniti, quod rei Christia-
 næ commodo facere possent, creandi Präpositi
 causa ad Urbe[m] accederent; sub initium Quadra-
 gesime anni M. D. XL I. conuenere omnes,
 vno clemente Bobadilla, quē in oppido Bisiniano
 tum maximè res gerentem, abduci rursus ab ope-
 re Pontifex noluit. Is, & ceteri, qui longius abe-
 rant, suum quisq. in schedula suffragium ritè
 obsignatum, partim in discessu reliquerat Romę,

partim

partim deinde misere inclusum epistolis, ac pri-
mū tridui supplicatio indicta, vetitumque inter
ipsoſ de Prepoliti electione colloquiū est, dein-
de coniectis in vnam schedulis, triduum insu-
per continuatē preces: ac septimio denique die le-
gitimē extractis, recitatisque suffragiis, Prepoſi-
tus declaratur Ignatius, nemine preter ipsum Igna-
tium discrepante: namq. is consulto, ne vnu no-
minatim ex omnibus deligendo, ceteros quodā-
modo notaſſe videretur, in schedula ſcripſerat, ſe-
ad eum accedere, in quem plurima suffragia con-
uenirent, vno ſe dunitaxat excepto. Igitur explo-
rata iam numinis voluntate, ad Ignatium venera-
bundi accurrunt Patres. at ille, parendi nimirū
longē, quam imperandi cupidior, ſeuero uultu
iubet eos abſistere, negatque ſe munus uiribus
impar ſuis ulla ratione ſubiturn: multaq. ſerio
diſputat, cur alium potius quemlibet ſibi ſufficere
debeat. Sed videlicet quibus rebus pūtabat volun-
tates Patrū aliò poſſe trāſferri, eę ipſe vel maximē
ſtudia eorū incendebat, nihil enim ad concilian-
dos homines equè yelet, atque animi moderatio
atque ſubmissio. quo factū eſt, ut nihil eorū que
ad munus detrectandū Ignatius afferebat, aliquā-
diu non modò ad animū admitteret, ſed ne ad au-
res quidem. Sed post multam denique alterca-
tionem egrē Ignatius tenuit, ut amplius in tertiu
diem obſecratione protracta, rursus in ſuffragium
iretur. quo die cum idem prorsus omnium con-
ſensuſ

mitisq.

sensus exstaret, neque iam locus tergiuersationi videretur esse; tum Ignatius: Quandoquidem vos in me potissimum eligendo perstatis, inquit, ego " autem, meæ conscius infirmitatis, vestro iudicio " salua religione assentiri nequeo; reliquum est, ut " huiuscè controuersiæ arbitrum deligamus eum, " qui mihi à confessionibus est; quoque, ut scitis, " vtor diuinę voluntatis interprete. (is erat ante " conditam Societatem frater quidam Theodosius ex ordine Minorum, cœnobii quod ad Sancti Petri in Monte aureo, qui fuit olim Ianiculus, appellatur.) quod, ne frustra diutius tenderent Patres, eò facilius concessere, quod minimè dubitat, quin ipsorum suffragii prærogatiuam ille quoque sua sententia comprobaturus esset. neque eos fellit opinio. Cum enim rem totam ad eum detulisset Ignatius, imbecillitatem suam corporis, animique commemorans, dein etiam atque etiā obtestans, ut se tanto onere leuatum vellet; ille, cognita re, tantum absfuit vt precibus Ignatii cederet, vt etiam obiurgauerit hominem, quod tam explorata diuina voluntate, Spiritui Sancto diutius restitisset; & simul, ne disimulationi esset locus, vltro adiit Patres, ac de suo responso certiores fecit. Quibus rebus deniq. vixtus Ignatius omnis in uno Deo rei bene gerendæ reposita, dedit manus, diemque constituit x. kal. Maii, quo die ad auxilium diuinum implorandum, præcipua septem Vrbis templa simul omnes obirent, & in

L diui

diu Pauli potissimum (quoniam eius maxime
 Apostoli vestigia sequerentur) solemini professio-
 ne suæ religionis vota susciperent . Ut igitur ea
 dies adfuit , in eo templo ad facellum beatæ Vir-
 ginis , ubi tum Eucharistia custodiebatur , quod
 facellum ad imos gradus est aræ maximæ , sub ip-
 sam cœlestis panis communionem , ipse primum
 qui sacrificabat Ignatius , tum cæteri sua quisque
 vota clara voce descripto ex Apostolici diploma-
 tis formula nuncuparunt . deinde sumpto ex Igna-
 tii manibus corpore Domini , post gratiarū actio-
 nem , sacratissima eius ædis loca religiosè cū adiis-
 sent , circa aram maximam sub qua Petri , & Pauli
 Apostolorum ossa condita sunt , cuncti consistunt ,
 flentesque præ gaudio , & suavissimè amplexantes
 inter se , gratulantur denuo superis , quod cœptis
 adfuerint , suamque Societatem arctiori vinculo
 colligarint : deinde reliqua templa pari lætitia , ac
 pietate circumveiunt . Quibus rebus ingenti om-
 nium consensu , & conspiratione peractis magi-
 stratum Ignatius init , ac primum omnium , ad
 constituendam domesticam disciplinam adiecit
 animum , quæ digna tali instituto , digna Christia-
 nae philosophiæ professoribus haberetur . Itaque
 ad cæteros prouocandos , atque ad iacienda in ty-
 ronum animis veræ humilitatis fundamenta , in
 sordidis culinæ ministeriis aliquandiu versatus
 est ipse , tanta cum alacritate , ac diligentia , quasi
 tum ptimum ad suam ipsius emendationem vitæ

162

I

spi-

spiritualis curriculum esset ingressus. neque tamē
interea grauioribus negotiis deerat, temporibus
ita distributis, vt quantum liceret, vtriq. muneri
satisfaceret. accedebat ad hæc, summis pauper-
tatis amor, summa in victu, cultuq. frugalitas; pre-
terea in singulorum officiis exigendis, erratisque
puniendis admirabili mista lenitate severitas: in
subleuandis verò omnium, & animi & corporis
necessitatibus, cura, & vigilantia plusquam pater-
na. cumq. ad ea caritatis officia, prout res postu-
labat, oportunas insuper adhortationes, & pu-
blicè, & priuatim adhiberet; haud sanè difficile
fuit, in animos, recentissimo tum Societatis Spi-
ritu, sponte incensos officio, ac religione, eos mo-
res eamq. viuendi rationem inducere; vt (si cœ-
lestibus terrena comparare fas est) intra illa tecta,
parietesque, angelorum in humanis corporibus
quidam conuictus videretur esse. nullæ tum que-
rimoniae, nullæ dectrationes, nulli susurri quibus
incommoda suspiciones excitantur, & disiungū-
tur animi; sed acerrimum sui cuiusq. deprimenti-
di, submittendiq. certamen; in superiorum iussis
excipiendis exsequendisq. alacritas ingens; mirus
in communicando interpretandoque candor, at-
que simplicitas; oculorum, ac sensuum intenta
custodia; studium precationis, ac solidæ virtutis
ardens; quæque ex his rebus necessariò prouenit,
admirabilis in magna nationum, ætatum, inge-
nierorum varietate concordia. Itaque coniectis, ut

L 2 fit,

fit, omnium oculis in ordinem nouum; breui non ad nostros tantum, verùm ad exteros etiam, salutaris exempli manare vtilitás cœpit. Adolescens quidam, egregiis naturae adiumentis, è Septentrionali plaga Romam aduenerat, non modo Lutheriana tabe infectus ipse, verùm etiam mirè cupidus eiusdem longè, latequé vulgandæ. Is cum ex occasione sese in hominū cœtus insereret, nerbisq. venenatis clericorum vitam, ac mores summam in inuidiam vocaret primùm, deinde abducetis à sacerdotum reverentia mentibus, praua dogmata sensim instillare quotidie pergeret; patefacta re, iussu magistratum comprehenditur. qui cum & ipsi per se, & sacræ Theologie magistris adhibitis, illum ab opinionum insania reuocare frustra conati essent; ne quid intentatum relinquerent, extatē, & ingenium miserati, prius quā in eum lege ageretur, accersito Ignatio rem totam exponunt. quoniam ipsorum neque adhortationes, neque minæ proficiant: habeat illum aliquādiu apud se, videat etiam atque etiam, ut errantem ouiculam ad Ecclesię caulas aliqua ratione traducat. Ille clementer acceptum hæreticum domum adducit. neque verò sapientes iudices frustrata spes est; siquidem adolescens ab Ignatio sociisq. amicissimè habitus; eorum dictis, factis, institutis accuratè obseruādis paulatim affici, atque immutari Dei beneficio est cœptus; et quam anteā respuerat medicinam, libentius in dies accipere: ac demum

demum per seuerantibus patrum officiis, & diligenteris curatione, eo processit res, ut euulsis
 lethalium dogmatum fibris, priorem pertinaciam
 gemebundus agnosceret: nec ante à salutari in-
 cœpto destitit, quām voluntaria abiurazione de-
 testatus errores, ingenti bonorum tum admiratio-
 ne tum gaudio, cum Ecclesia sancta in gratiam
 rediit. Is deinde, quērentibus viris grauibus, cur,
 qui anteā tot machinis oppugnatus per uicacissi-
 mè restitisset, Ignatii denique, & Patrum hospi-
 tio, & consuetudine vinci se passus esset; sine
 cunctatione respondit, se illorum non tam dispu-
 tationibus, argumentisq. (licet in eo quoque ge-
 nere valerent plurimum) quām spectatæ sancti-
 tati, virtutiq. cessisse: quod ita apud se prope ne-
 cessariò statuisset, à tam incorruptis moribus, à
 tanta pace, atque concordia, à tam bonis operi-
 bus rectā in Deum fidem abesse nullo modo pos-
 se. Quæ res documento esse potest hominibus
 nostris; licet ad conuertēdas ad CHRISTVM
 animas ingenii, ac doctrinæ præsidia requiran-
 tur, tamen conspecta vitæ, morumq. innocentia,
 plus multo quām litteris, aut concertationibus
 profici. Alius quidam filius familias, desertis li-
 beralibus studiis, ac repudiata omni disciplina,
 prorsus indomitus, & effrænis, cum neque à pa-
 rentibus iam, neque à magistris regi ullo modo
 posset, Ignatio traditur. cuius lenitate, itemque
 cæterorum Patrum præceptis, atque institutis ac-

L 3 curatissimè

curatissimè excultrus, posita paulatim ferocia, pétulantiaque, cunctis admirantibus, ita pudicos, modestosque induit mores, ut vix minimum in illo virtutum reprehenderes. Multi præterea omnium ætatum, atque ordinum, quos præcepis in omnem licentiam natura, cupiditasque corrupserat, Ignatii consuetudine, exemplisque incitati, collegere sese, atque ad bonam frugem Deo adiuuante rediere.

Generalis Ignatius denuo Catechista munere fungitur. Cap. XIV.

RER eos dies nomen Societati dederat è Pontificia familia Petrus Codatius Laudenfis, vir honoratus, & opulento sacerdotio prædictus. Is, diuino prorsus instinctu, diuitiis, & commodis omnibus propter CHRISTVM abdicatis, Marthæ munus in Societate sibi ultro depoposcit, & ægregiè præstitit; in alimēta Patrum (erat autem vrbe tota notissimus, & apud principes grātiosus) eleemosynis vndique corrogandis. quę res Ignatium, & socios magna molestia liberauit; quippe quos in spiritualem proximorum salutem omni studio intentos, temporarię cura ad eam diem valde impedierant. Eiusdem Petri opera templum etiam proprium Societas nacta est Sancte Mariæ à Stra-

te,

ta, non satis amplum illud quidem , aut commo-
 dum, sed tamen in celeberrima Vrbis regione, &
 ad Societatis functiones in primis idonea : cuius
 loco, dum haec scriberemus, Alexander Farnesius
 Cardinalis, Pauli III. Pontificis Maximi nepos,
 ædem nomini IESV magnificentissimam regio-
 sumptu extruebat . Ei templo deinde adiuncta
 domus est , quam hoc tempore Patres incolunt ,
 Philippi Archinti beneficio , Salassiorum Episco-
 pi, qui tum Pontificis vices in diœcesi Urbana ge-
 rebat, viri de Societate vniuersa in primis optimè
 meriti . In eo igitur templo Ignatius, professionis
 lege , sex & quadraginta diebus Christianæ cate-
 chesi operam dedit e loco superiore , magna , &
 assidua non modo plebis, verum etiam prestantiū
 virorum frequentia : prorsus, ut quidam ex opti-
 matibus palam gloriarentur, beatosq. le ferrent,
 quod nullā omnino ex Ignatii cōcionibus omisi-
 sent . Agendi autem rationem sequebatur eiū-
 smodi . Fidei præcepta , & mysteria cognitu ne-
 cessaria, primum ad vulgi captum explanabat,
 iterabatque, vbi opus esset, eadem saepius: deinde
 opportunis digressionibus certos interim locos
 tractabat fusiūs , non tam ad ingenii , vel doctri-
 ne ostentationem, quam ad pietatem excitādam ,
 populūq. permouendū accommodatos . idq.
 tam veris, graibusq. sententiis , tam ardenti vul-
 tu, oculisque , vt diuini amoris ignem vndique
 spirare videretur ; minimè fucatè eloquentiè vir-

temporali

L 4 nec

nec in singulas voces , numerosq; solicite , sed ingenti animo , prout impetus tulerat , sua sensa prosequentis . Itaque perorationem eius , non ineptus populi plausus , aut stulta facundię commendatio sequebatur , sed alra suspiria , gemitusque , & anteacte uitę detestatio salutaris : ut uel defixis humi oculis tristes , ac sibimet irati discederent : uel etiam illoco se ad sacerdotum pedes abiicerent confitendi causa tanto cum fletu atque singultibus , ut linguam soluere , aut uocem in uerba formare uix possent .

Societas augetur , distribuuntur prouinciae .

Cap. XV.

IN T E R hęc Societas maiorem in modum crescere , sublatisq; Pontificis decreto cancellis , quos initio idem Pontifex (ut dictum est) illi probandę prefigerat , multi certatim ad militiam spiritualem Ignatio dare nomina . Cumq; noui ordinis fama , bonusq; odor instituti operis manaret quotidie latius ; Patres variis orbis terre locis vehementer expetebātur . Itaque ab Romana domo tamquam à metropoli , disiunctissimas in regiones , ciuitatum , Regumq; inuitatu missę colonię , dominusq; vel collegia ingenti approbatione constituta : primum omnium in Lulitania , atq; adeo in ipsamet

ipsamet India, sumptu ac munificentia Regum Lusitaniæ; tum aliorum pietate in Hispania, Galia, Germania, Italia. sed cum aliç pleriq; nationes audiè Societatem amplexè sunt, tum verò Sicilia, & inuitauit perhonorificè, & permisso Pontificis maximi acceptam, in primis copiose, ac benignè tractauit: adnitente presertim Ioanne Vega Hispano (qui regnum illud pro Cæsare administrabat) præstanti non minus religione, quam prudentia uiro, cuius etiam antea, dum Romæ legatus Cæsaris ageret, plurima, & maxima in Ignatium, & socios egregie cuiusdam benevolentiae documenta constiterant. Itaq. tam latè iam fusa Societate, non modò collegiis, dominibus rectorum præficere, vt antea, sed etiam Provinciales præpositos quos appellant, cum ampla potestate in singulas nationes describere coactus Ignatius est. Ac primum Lusitaniæ præposuit Simonem Rodericum, deinde Hispaniæ Antoniū Araozium Cantabrum, Italiæ Iacobum Lainem, Indiae Franciscum Xauerium, Germaniæ Petrum Canisium, Galliæ Paschasium Broetium, aliisq. deinceps alios. Nam Vrbanam prouinciam, nisi si quando grauiori valetudine premeretur, ad extreum sique ipse administravit. Interea de Societatis vniuersæ progressu mirè solicitus, à singulis Provincialibus per litteras pensum exigere; vnicuiq. mandare diligentissimè, quæ è recomuni essent; Romę verò, præter domesticæ di-

sci-

sciplinæ curam, de qua dictum est, cæterasq. functiones, multas, & grauias quæ ad incrementum, ac defensionem catholicae fidei pertinerent, partim cum summo Pontifice, Cardinalibus, legatisq. Principum, coram, partim etiam cum iplis Regibus, atque Principibus per epistolas, & interpres agere. Accedebat ad hec sollicitudo ingens, atque indefessus labor in subleuandis pauperum difficultatibus; orborum, orbarumq. educatione, ac pudicitia procuranda, tuendaq. & perditis mulierculis à turpi quæstu ad frugem, & continentiam traducendis.

Variæ in Ignatium tempestates excitantur

Cap. XVI.



VIBVS ille rebus dum CHRISTI causam agit intrepidè, multorum, ut fit, odia similitatesque contraxit. In iis aulicis quidam (cuius nomini parcitur) eo tempore potens, & gratiosus, cum abductam à se mulierculam, quam miserè deperibat, & in male nuptarum, vt appellant, cœnobio collocatam ferre non posset; sauiore in dies concepta rabie, quam libido, & amor incédebat, ita demum exarsit, vt penè furere videretur. Ac primùm, facta manu, fenestras cœnobii lapidibus petere, custodes infestare, minari: deinde in Ignatiū

tiū auctorem, & socios, in circulis, cœtibusq.
omnia maledicta conferre, quin etiam ex occurſu
probris, & contumeliis eosdem incessere; deni-
que ad eos funditus euertendos, improbissimas
in ipſorū vitam calumnias dissipare; quæ domos
primū nobilium circumlatæ, celebratæq. ser-
monibus (quos partim prona in deterius persua-
ſio, partim vœſani illius artificium, dolorq. exci-
tabat) ad Cardinales etiam, atq. adeò ad ipsum
Pontificem peruererunt. Igitur vulgus, ut est
pluma & folio leuius, quos nuper ſumma cū ap-
probatione ſufpexerat, eosdem repente contem-
nere, & acerbiore in dies odio exſecrari, & singu-
lorum caput dira imprecatione defigere; prorsus
ut iam non niōdò cum proximis agere, ſed ne pe-
dem quidem ianua tutò efferre poſſent. Principes
verò, licet magna ex parte fictas criminaciones
putarent, tamē rati ſubeffe profecto neſcio quid,
quod tantè inuidiæ flammam foueret; vel immu-
tata, vel certè labefactata in Ignatiū voluntate vi-
debantur. At Ignatius, quamuis à ſua, ſuorumq.
consuetudine multos abduci non ſine rei Chri-
ſtianæ iactura cerneret; tamen ratus mitigari ho-
minis ferociam poſſe, primò rem diſſimulare, atq.
adeò officiis cum improbitate certare: deinde ubi
malum ſerpere quotidie latiùs, & i pſa patientia
corroborari audaciam ſenſit; non tam priuato do-
lore, quām rei publicæ detimento permotus, ad
Sumimum Pontificem adiit, ab eoq. ſuppliciter

im-

impetravit, ut criminum, quæ sibi suisq. denuo obicerentur, acre iudicium exerceretur ab Archin-
to Vicario, & Francisco Michaelio Urbis præfe-
cto. Ii, citatis omnibus ad quos criminum vel
suspicio, vel conscientia pertinebat, ac per diligē-
tem inquisitionem calumniatoris fraude comper-
ta, Ignatium & socios non modò absolverunt la-
ta sententia; sed etiam debit is laudibus, & hono-
re verborum extulerunt, increpito valde aduersa-
rio, pœnaq. proposita non leui, nisi à petulantia
maledictisq. desisteret. nam, ne grauius in eum
animaduerteretur, Ignatio in primis deprecatore
perfectum est. ita, quod anteā semper, tūm quoq.
Ignatii sanctitatem illustrauit hominum iniuria,
& Deo duce, virtus ac veritas, dum violatur, efful-
sit. Iisdem ferè insidiis postmodum appetitus
Ignatius est à sacerdote quodam, qui cum domū
cathecumenorum administraret, ferre non pote-
rat in ea regenda familia maiorem à loci præsidib-
us Ignatii rationem haberi, quam sui. Sed mi-
ser, Ignatio silente ac pro eodem orante, breui
perfidiæ pœnas dedit; atrocibus enim anteauctæ
vitæ sceleribus iusto Dei iudicio patefactis, quæ
ad eam usque diem astutè suppresserat: sacerdotio
spoliatus, & perpetuo carceri addictus est.

Regimen

Regimen fœminarum à Societate depellit

Ignatius. Cap. XVII.

¶ N T E R E A Elisabetha Rosella Barci-
¶ I nonensis: quæ Ignatii prima litterarum
¶ studia fouerat, Societatis I E S V coali-
tæ, & confirmatae fama commota, Ro-
mam ex Hispania contulit sese, partim ut Ignati-
um longo interuallo reuiseret; partim etiam, ut
vnâ cum quibusdam aliis piis fœminis ad normā
illius, atq. præscriptum ageret vitam. Atq. Ignati-
us quidem, sospitem aduentum mulieri de se
optimè meritæ gratulatus est, & omnia officia de-
tulit, quæ saluo religionis instituto præstare pos-
set: curam verò fœminarum suscipere sese negavit
posse, plurimis, grauissimisq. occupationibus im-
peditum. At illa nihilominus instare; sanctissi-
ma veteris amicitiae iura testari; postulati æquita-
tem obtendere; deniq. vbi magis magisq. obfir-
matum vidit Ignatium, ad aulicas configuit artes.
atq. vt erat nobili nata loco, per viros principes
facilè tenuit ut Pontifex maximus Ignatio munus
idipsum, quod recusabat, iniungeret. Sed ea res
magnum in Societatis commodum vertit, præter
spem: ac nostros non solùm in præsens, verùm eti-
am in posterum à tam periculosa prouincia libe-
rauit. Etenim Ignatius, Pontificis iusu ea procura-
tione suscepta, paucis diebus tantam difficulta-

tem,

tem, ac laborem sensit, dum querimonias mulierum audire, superstitiones euellere, inanibus, & curiosis questionibus respondere identidem cogitur; vt penè plus ei negotii paucæ fœminæ, quam Societas vniuersa faceret. Itaq. licet Elisabethę, pro eius in se promeritis gratificari admodum cuperet, tamen reputans apud se, quātum ex huiusmodi tricis detrimenti respublica pateretur, simul etiam cogitans fore, vt harū exemplo aliae deinceps religiose mulieres, uirginesue idem à Societate in posterum expeterent; ne quāquam ignarus quam periculosa, & suspicionibus plena sit ea consuetudo; priuati officii rationem posthabere communi vtilitati, ac totum hoc genus administrationis à Societate prohibere omnī ratione constituit. Igitur adhibita(quod in omnibus grauioribus causis faciebat) préparatione diligenti, imploratoq. per iteratas preces, & hostias cœlesti præsidio, ad Pontificem accessit, verbisq. supplicibus demonstrauit, ex onere sibi nuper imposito, quam exiguo cum fructu, quantum laboris, ac molestię pertulisset. ea ipsa re monitū quam aliena sit à Societatis instituto eiusmodi præfectura, petere se, & orare, vt non ab illis modo, sed ab omnibus in perpetuum fœminarum collegiis gubernandis immunem Societatem esse iubeat; non defuturos aliorum ordinum idoneos homines, qui id munus libenter, & cum fide obeant: sibi quidem, & suis prouinciam videri minimè

minimè accommodata in. neq. verò equum esse,
qui se se ad omnium gentium auxilium, sine villa
regionum, aut locorum exceptione, CHRISTI
Vicario mancipauerint, eorum operam & indu-
striam, non sine graui publicè rei clamore, paucis
regendis mulierculis implicari. Quibus rationi-
bus ita permotus est Pontifex, ut supplicant om-
nia large, ac prolixè concesserit. Itaq. Societati
ab eiusmodi munere vacatio in perpetuum data,
eiusq. vacationis auctoritas testata est trinis dein-
de litteris Apostolicis: que tempore procedente
magno usui fuere nostris hominibus ad eius ge-
neris pericula, & molestias abigendas.

*Honoribus in Societatem nostram Ignatius
aditum obstruit. Cap. XVIII.*

¶¶¶¶ T QVE iis difficultatibus perfundita
¶ A ¶ Societas, prosperum Dei beneficio
¶¶¶¶ cursum tenere videbatur, cum noua
rursus in eam coorta tempestas est, èo
quidem grauior, & periculosior, quò in speciem
lenior, blandiorq. In iis, qui per Germaniam va-
riis locis Domini vineam excolebant, Claudius
Iaius è primis Patribus unus, uirtutem, & sancti-
tatem suam cum genti uniuersè, tum Romanorū
Regi Ferdinando ita probauerat: ut eo Rex nul-

luna

lum prorsus ad curandas animas, atq. ad pástorále munus aptiorem existimaret. Is pro sua sapiētia cum preclarè intelligeret, regni causam cum causa religionis ita esse coniuinctam, ut quantum de catholica religione detraheretur, tantum de obsequio multitudinis, & de imperii maiestate decederet, contra sequentem eo maximè tempore Lutheranam pestem, uelut unicum remedium, quām optimos animarum pastores, & Episcopos omni diligentia conquirebat. Igitur vita functo per eos dies Tergestinorum Episcopo, quē ciuitas est Istriæ, (cui tum prouincię, quam dixi, lues, propter vicinitatem Germanię imminebat) circumspectis diligenter omnibus, & personis, & rebus, denique ecclesiam illam Claudio Iao perspecte sibi uirtutis, & doctrinę uiro tradere, ac de mandare constituit. Sanè, vt vulgo expetuntur huiusmodi sacerdotia, minimè timendum videbatur esse, ne delatum vltro præsertim honorem Claudio repudiaret. Siquidem Tergestina catedra, cum in primis eius regionis ampla, & honorifica est, tum verò (quod potissimum hodie quæri solet) vestigialibus haud sanè contemnen-dis instructa. Verumtamen Rex, ne quid inscio Claudio cum Pontifice maximo ea de re transigeret; primum omnium litteras ad ipsum Claudiū dat Venetiis tum fortè rei Christianæ causa commorantem, ac nihil cogitantem minus. quārum erat sententia, Tergestinum gregem orbum

spi-

spirituali custode, circumquaque frementibus lupilis, in maximo versari discrimine, dignam esse vigiliam caritate Iaii, studioq. hominum seruandorum; petere se, ut si à Pontifice Maximo id ei muneris oneris úe imponatur, ne recuset subire; & populo vtilem, & sibi gratam operam vehementer fore. Periculus inopinata re Iaius, primo cohorruit: non quò detestandum quid sit oblatū putaret, sed quòd Episcopus, qua curam gerit animarum, diuinam penè virtutem, & omnibus numeris absolutam postulet sapientiam: qua gradus honoris est (& quidem ad continendam in officio multitudinem ferme cum splédore, opibusq. coniunctus) à spiritu humilitatis, ac paupertatis, quem profitetur Societas I E S V, vehementer abhorreat, deinde, ut se ex pauore collegit, fuisse in preces, lacrymasque, etiam atque etiā obtestatus est Deum, vt ab se tatum discrimen auerteret; neu se primum quasi ianitore speciosos titulos honoresúe in Societatem ad id tempus intactam inuehi sineret. tum rescrispit ad Regem, multis rationibus ei suadens, vt tam honorifico iudicio decoraret alium dignorem; longè imparem suam imbecillitatem esse oneri: ac demum ita cōclusit epistolam, vt omīnis ambagibus, quod petebatur, praeclisē negaret. Quæ res iam satis incensum studium Regis, multo vehementius inflammauit, quòd ita statueret, tantam in summa virtute, & eruditione modestiam, nequaquam

in priuatæ vitæ quasi tenebris delitescere, sed in editissimo fastigio, ut luceret omnibus, colloca-
ri opportere. Ergo cum ex litteris Claudiī dif-
fideret vllis aut precibus, aut promissis flecti eius
animum posse; per Pontificem ipsum, inconful-
to ultra Claudio, rem confidere statuit. Ad
eum igitur quām accuratissimè scripsit, quanto in
periculo Tergestina ciuitas versaretur Episcopo
destituta: se quidem pro sua parte diligenter cir-
cumspexisse, quem nominaret aptum ei muneri:
nec vllum inuenisse aptiorem Claudio Iao., So-
cietas IE SV presbytero, cuius innocentiam,
doctrinamq. exquisitam plurimis rebus esset ex-
pertus; sed frustra per litteras tentasse eius animū,
in studio Christianæ humilitatis ita defixum, &
ab honorum insignibus admittendis usque adeò
alienum, vt nisi pro potestate cogatur, nulla sit
spes laborantis illius Ecclesiæ tam opportuno pre-
sidio subleuandæ. proinde suppliciter se etiam
atque etiam orare, & obsecrare, vt Claudiū pro
imperio iubeat, delata sibi gubernacula, munus-
que sine tergiuersatione recipere; quoniā vt quic-
que de se ipse minimè alta sentiat, ac proinde stu-
diosè lateat, ita Ecclesiasticis functionibus, & ip-
so Episcopatu dignissimus sit. Hæc igitur, &
alia id genus multa, ad Pontificem. & simul Di-
daco Lasso mandat oratori suo, vt id ipsum, &
cum Pontifice, & cum quibus opus fuerit, quām
diligentissimè curet, prorsusq. conficiat. Eius
rei

rei fama cum per aulicos quosdam ad Ignatium
peruenisset : priuò haud ita sanè commotus est .
nam & Claudi constantiæ , & Pontificis æquita-
ti , ac sapientiæ confidebat ; & eiusmodi petitio-
nes iam ante Societas , Deo adiutore , non semel
eluserat . Verumtamen ut quid esset rei clariùs
cerneret ; continuò Bernardinum Maffeium (qui
tum erat Pontifici ab Epistolis , ac posteà in Car-
dinalium numerum cooptatus est) vltro conue-
nit , ac tota de re familiariter pro amicitia sciscita-
tur . Ille haud sanè grāuatè ipsam Epistolam Re-
gis ostendit , ad Pontificem summis cum Claudi
laudibus , & vehementi contentionē perscriptam .
qua lecta confessim Ignatius eadem de causa ad
Regis oratorem Didacum Lassum adit ; qui litte-
ras item ad se propriè datas demonstrat , & qui-
dem magna ex parte ipsius Regis chirographo ,
etiam atque etiam postulantis , mandantisque , det
operam , vt Episcopatus ab se in Claudio colla-
ti primo quoque tempore auctor fiat Pōtifex ma-
ximus ; eiusq. auctoritatis diploma rite confectū
ad se transmittat . His cognitis Ignatius , vbi tam
isthiquo loco rem vidit esse , pertinuit ; sed ita , vti
nequaquam animo caderet , ac licet se talibus ad-
uersariis longè imparem sciret esse , tamen fiducia
numinis omni ope sibi contra nitendum existi-
matuit . atque in ptaentia Didaco suadere cona-
tur , vt ab actione rationi Societatis tam aliena de-
sistat ipse , & simul ab ea mente Regem aliquo pa-

Et o deducat, quibus verbis cum nihil proficeret,
 quin potius ab homine rideretur, domum regres-
 sus quam intentissimas preces, & sacrificia de mo-
 re suis indixit: deinde nactus opportunitatem,
 facilemque aditum, Pontifici demonstrauit quâ-
 to res ea damno esset futura, & Societati nostræ
 priuatim, & Ecclesiæ vniuersæ communiter, non
 quo dignitatis gradus, ac tituli ipsi per se mali at-
 que improbandi sint, quippe ad Ecclesiam regen-
 dam, & ordinum discrimina retinenda induc̄ti
 diuinitus: sed quod & perfectos viros requirant,
 quales pauci admodum omnibus seculis exte-
 rint, & insuper ab huius minime Societatis institu-
 tuto valde alieni esse videantur. Etenim qui-
 bus artibus, quoé spiritu excitata, & conflata sit,
 eodem profecto alendam, & conseruandam esse;
 non amplitudinis, & splendoris nimirum, sed
 humilitatis, & parcimonie. Quod si aditus in
 Societatem honoribus pateat, multum utique de
 vera caritate imminutum iri, quæ nihil omnino
 habet in vita propositum, nisi vnius gloriam Dei.
 nam (vt sunt hominum ingenia) & complures
 fortassè ad hanc religionem accessuros opum cu-
 piditate magis, quam diuini obsequii studio: &
 qui nuper adscripti sint, magnitudine laboris, &
 discipline asperitate defatigatos, vt primùm pre-
 sentis præmii commodum affulserit, mutato re-
 penente cursu, nouæ spei velificaturos; atque vt ma-
 xime in officio cuncti persistant, tamen nisi pre-
 fenti

fenti iacturæ eatur obuiam , sine dubio Societati
 exitialem (quòd Deus auerteret) exitum immi-
 nere . Id adeò , vel inde facilè perspici posse , quòd
 paucis illis annis , quattuor viris ex ea familia pre-
 cipuis totidem Episcopatus delati sint , quos nisi
 fortiter ab sese Patrum virtus , & constantia reie-
 cisset , videlicet alio deinceps atq. alio dilabente ,
 breui miseram Societatem ipfis luminibus cari-
 turam fuisse . Atq. hęc quòd priuatim ad conser-
 uationem ipsius religionis attineat . Iam si com-
 munem spectemus vtilitatem , niemini dubium
 esse quantum ex ea re detrimenti res publica per-
 ceptura sit . nihil enim omnibus etatibus æquè
 deplorandum fuisse , atq. in tanta messis copia
 tantam operarum inopiam ; atq. ex ea ipsa pauci-
 tate , qui unicuiquam agro addicti , affixique sint ,
 longà minus utiq. proficere , quām qui Apostolico
 ritu soluti , ac liberi omnes ecclesias peruagentur ;
 ad eamq. potissimum reipublicæ Christianæ par-
 tem subleuandam currant , quām maximè labo-
 rare cognouerint . Prætereà , ad faciendam popu-
 lis fidem , & animos permouendos , nihil esse effi-
 cacious uitę , ac morum exemplo . itaq. adhuc Socie-
 tatem (absit verbo inuidia) Ecclesiæ non medio-
 criter profuisse , propterea quòd minimè ab eius
 dictis facta dissenserint . nunc autem si ad id fasti-
 gium extollantur Patres quomodo fieri posse , vt
 apud multitudinem insciam arcanorum , ambitio-
 nis , ac leuitatis crimen effugiant ? qua porrò fron-

M 3 te,

te, quo vultu, repente aucti, ac decorati ipsi honorum insignibus, de imitatione C H R I S T I, de fugienda gloria, de voluntario sui contemptu, ac submissione verba facturi sint? Hisce, aliisque de causis Pontificem Maximum etiam, atque etiam obtestari, atque obsecrare, ut quam Societatem primus auctoritate, & benignitate sua confirmauerit, ornauerit, auxerit, eamdem ab omni suspicione incommoda vellit esse liberam, suaque in eam beneficia tam periculoſo præsertim tempore tueatur. Audit Ignatium Pontifex perbenigne, vt solebat; sic tamen, vt integritatem hominis admiraretur potius, quam consilium approbaret. Itaque collaudata initio ipsius fide, ac probitate, sensim flexit orationem, & contra sententiā Ignatii cum alia multa differuit, tum verò ex veteri oraculo: Cor, inquit, regis in manu Domini: quasi diceret, in Claudio eligendo tantam Ferdinandi Regis contentionē planè diuinitus extitisse; ac proinde clariorē esse numinis voluntatem, quam vt obsisti vltra oppoteret. Quæ cum Ignatius grauiter, ac dolenter accipere videretur: Pontifex, qua erat lenitate, ne Dei famulum tristem, ac moerentem ab se diuitteret, ad extremū iubet illum super ea re amplius consultare, precesque ad Dominum fundere; se quoque idem esse facturum. Interea Didacus orator negotium vrgebat acerrimè. iamque instabat dies, quo die in Senatu de Tergestina Ecclesia referendum erat.

qua

qua re Ignatius cognita confessim Cardinalium penè omnium domos, quarum erant multe longis interuallis inter se disiunctæ, ingenti diurno, & nocturno labore circumiit, singulis eadem illa ferè proponens, quæ paulo ante Pontifici Maximo. Sed videlicet eoru[m] m[ea]t[us] iam ante occupauerat orator. Itaque mirè obsfirmatos offendit in Claudii electione approbanda; partim q[uod] tanti Regis voluntati fauerent; partim etiam quod vigiles, & custodes Claudii maximè similes, tam formidoloso tempore, in Ecclesiæ propugnaculis. atque speculisi plimel collocandos putarent. Hac quoque spe deiectus Ignatius, vnum reliquum videbat esse remedium, si Ferdinandum ipsum Regem à suscepto consilio per litteras auocaret, quem pro ipsius pietate, virtuteque ita in se suosque animatum inuerat, ut minimè dubitaret, quin cognita re salutem Societatis, Tergestino-rum rationibus antelaturus esset. Sed ne illa quidem ratio habebat exitum: quippe in sequenti luce de Tergestina cathedra Senatus erat futurus. Ignatius igitur exclusus angustiis temporis, numquam intermissis ad Deum precibus, quasi ad extremum in rebus humanis perfugium sese contulit ad Margaritam Austriacam Cæsaris filiam, de qua supra dictum est, fœminam per id maximè tempus gratia, & opibus florentissimam. Hanc pro spirituali necessitudine (erat enim illi à confessionibus) edoctam quanto in periculo

M 4 Socie-

Societas esset, infimis precibus obsecrat, ut Societatis causam in se recipiat; & imminentem relationem auctoritate sua interposita tamdiu differat, quoad Regem ipse per epistolam alloquatur, & ab eo responsum accipiat. Fecit illa quod rogabatur, & illico datis ad Pontificem codicilis, optatam dilationem impetravit. ea demum res aliquid laxamenti dedit Ignatio: etenim spatium noctis, ad Regem scripsit litteras, deprecationis, & querimoniarum plenas; illum etiam atque etiam per CHRISTVM obsecrans, ne Societatem nuper ad gloriam Dei tanto labore conflatam, sine causa perditum iret: non ita de ipsis maiestate, regnisq. & se, & socios esse meritos, vt ab eo nulla eorum existimationis, famæ salutis deniq. ratio habenda esset. non defore idoneos viros, qui rem Tergestinam capessant. sineret modò sui ordinis homines, quaccepissent paupertatis, & humilitatis via, ad CHRISTI gloriam, & salutem animorum sine offensione pergere: id si (ut sperabat) permetteret, sese, & socios immortali beneficio Regi obstrictos fore, precesq. pro ipsis maiestate, saluteq. numquam intermissuros. Hiscè, aliisq. id genus incensis officii religione rationibus, precibusq. minimè restitit Rex: & quāquam inuitus, tamē suis rationibus amicorum utilitati posthabitit, quod vix fieri videbatur posse, per epistolam iussit orationem suum ab instituta, vel potius penè confecta actione

actione desistere. Quæ res vulgata, & Pontificem
 maximū facilè in Ignatii sententiam adduxit: &
 Ignatium ipsum, ac socios affecit ingenti lœtitia.
 Itaque & in posterum supplicationes decretæ, &
 in præsētia solemnis hymnus in gratiatum actio-
 nem publicè persolutus est. Ac pari deinde con-
 stantia sese Ignatius idem opposuit, cum nostris
 hominibus pinguia sacerdotia, quibusdam verò
 Cardinalatus etiam deferretur, ac nominatim
 Francisco Borgiæ Hispano dynastæ, qui amplissi-
 mis in eo regno perfunditus honoribus, diuino in-
 stinctu post vxoris obitū rebus mortalibus valere
 iussis, & sponte deposito Gandiensi Ducatu, ma-
 gna hominum admiratione Societati se addixe-
 rat. Quàmquam in Aethiopica legatione, quæ
 postmodum Lusitanæ Regis rogatu à summo
 Pontifice nostris iniuncta est; cum ad eam fun-
 ctionem Ecclesiasticæ dignitatis insignia, & ho-
 norum tituli necessariò quærerentur, imperanti
 pro potestate Vicario Dei, resisti non potuit. præ-
 fertim cum periti rerum æstimatores argutè cōci-
 cerent, nouam hanc manum, non ad opes, & co-
 pias, verùm ad labores, & aperta vitæ pericula de-
 stinari. Neque eos fefellit opinio, liquidè ex iis
 qui in illā expeditionē abiere, aliqui multis incō-
 modis agitati ex itinere mortui sunt: Andreas
 verò Ouedus Aethiopiae patriarcha, qui talem
 titulum reiicere ab sese omni ope contenderat, in
 ea loca summo labore delatus, inter Aethiopica
 bella

bella captus à Turcis , ac mirè vexatus , Lusitanorum denique benignitate redéptus est. idemq. deinde, vt exiguae in iis regionibus catholicorum reliquias tueretur, in summa rerum omnium egestate, paratis bobus, agro suis ipse manib⁹ colendo tolerabat vitam.

Confirmatur à Iulio III. Societas.

Cap. XIX.

O S T hæc, Paulus III. Pontifex maximus senio, curisq. confectus, è vita migravit, comitiaq. novo creando Pó-tifici, in magna studiorum, ac voluntatum varietate in aliquot menses extracta sunt. Quo ipso tempore cum Vrbs, vt in diuturno interregno, annoq. difficultate vehementissimè laboraret, nostrisq. numero in dies auctis, extrema fames adesse videretur; Ignatius cum aliorum, tum præcipue sacri Collegii Cardinalium eximiam in se, suosq. benignitatem expertus est. quippe in summis occupationibus Patres augustos pia nostrorum hominum recordatio subiit: communiq. consilio ad eorum inopiam subleuandam nō leuis pecuniae summa ex ipso Conclavi transmis sa est: enixè in primis fauente, atque adiuuante Rodulpho Pio Carpensi, quem Ignatius iam ante sibi sociisq. patronum, ac protectorem, vt appellant,

lant, è summi Pontificis auctoritate delegerat. Ac rebus diu, multumq. agitatis, Pontifex denique declaratur Iulius, eo nomine tertius, qui quòd in Synodo Tridentina Legatus, Fabrum, Lainem, & Salmeronem Theologos Apostolicos familiariter nouerat, multaq. tum ex iis, cum ex aliis de Societatis instituto didicerat, Ignatio supplicanti multa in Societatis incrementum, ac rem, admodum liberaliter tribuit. nec enim solum prioris Pontificis de ordine nostro iudicia, & acta, firma, rataq. voluit esse; verùm etiam eundem ordinem nouis in super ipse testimoniis, atq. decretis ornauit. Cuius rei publica diplomata extant yerbis amplissimis.

Magistratus se abdicare conatur Ignatius.

Cap. XX.

ISCE rebus ità peractis, cum satis in præsentia communis rei consultum esse videretur; Ignatius, qua erat humilitate, vigiliam suam alteri tradere, seq. Generalatu omnino abdicare constituit. Igitur Patribus quotquot communis rei cōmodo potuit Rōmā euocatis; cum in consilium cōuenissent; ne vt olim, sibi fortè coram dicenti reclamaretur, per epistolam disertis verbis exposuit, se, qui vitia nosset sua, et initio inuitum, atque adeò coactum,

.piano

Societatis

Fondo librario antico dei Gesuiti italiani

www.fondolibrarioantico.it

Societatis gubernacula recepisse; & nunc grauiore etiam valetudine, ætateque, multo minus idoneum esse tanto muneri. proinde per CHRISTI Domini sanguinem petere, atq. obtestari sece, ut sine ullo sui respectu, communis utilitati prospiciant, & quamprimum sibi sufficientem virum, & animo, & corpore firmorem. Id quod liberiū faciat,
 » tis, inquit, Ego in nomine Patris, & Filii, & Spiritus sancti, vnius Dei, ac creatoris mei, depono
 » Generalatum simpliciter, & absolutè, meq. abdicando hoc munere, priuoque; & omnibus animis meos
 » viribus obsecro tum professos omnes, tum si quos
 » professi adhibere ad hanc deliberationem volunt, ut huic meo tam iusto desiderio faueant,
 » piamente oblationem libenter admittant. Hac epistola recitata, magnus animorum motus est factus, cum partim viri modestiam, ac submissionem satis admirari non possent, partim etiam pro se quisque metueret, ne quis alias fortassis Ignatii voluntati assentiretur. Verum ut ad suffragia ventum est, idem planè consensus omnium in eo retinendo existit, qui olim fuerat in eligendo: & enixè petenti, præcisè negatum. Denique per internuntium iussus Ignatius alia omnia cogitare. etenim se quidlibet potius, quam alium gubernatorem ipso viuente passuros. Atque haec communiter; dimissò deinde cœtu, priuatim singuli cum eodem expostulare, quod ab inceptis desistere, quod vixdum constitutam Societatem,

omniq.

omniq. custodia egenteim , quasi durus pater teneram adhuc filiam deserere conaretur . pergeret porrò , & publicam rem ordinaret ; legesq. perscriberet : Deum , cuius manus alligata non sit , in posterum quoque , sicut anteà , piis ipsius conatibus adfuturum . Itaq. Ignatius , quāmquam inuitus , & religiosæ quietis , vitæq. priuatæ auidissimus , tamen ne minus dicto audiens videretur esse , Patrum auctoritati , ac precibus deniq. cessit ; seq. ad institutum opus legum scribendarum quām diligentissimè retulit . Ac primùm , vnius Dei gloria , saluteq. animorum sibi proposita , Societatem vniuersam , quo facilius administratio tota constaret , certas diuisit in classes : prouiditque quantum ingenio , & cogitatione assèqui valuit , cum yr cæteris vitiis , tum verò ut ambitioni , & avaritiae , quæ duæ perniciosissimæ sunt mortaliūm pestes , omnino obstrueretur aditus : veræque humilitati , & paupertati , quām maximus , & maximè diuīturnus honos ab omnibus haberetur . Ad hæc , rationem Præpositi Generalis creandi , nec non priuatam , ac publicam disciplinam , quæque alia cœtibus hominum regendis usui solent esse , præscripsit . Nec modò maiora , sed minora quoque ministeria , curationisue certis legibus , ac preceptis quām accuratissimè persecutus est . Has deinde leges , quāmquam longo tempore , summaq. cura elaboratas , & conditas , non tamen continuò pertulit ; sed per idoneos homines tota Societate

- ioddas

cietate promulgandas curauit, vt vſu ipſo, & ma-
gistra rerum experientia probaretur: satis ne ad
Societatis propositum, atq. ad Apostolicam insti-
tuti formulam conuenirent. neq. ante ratas, si-
xasq. voluit esse, quām in proximo conuentu
Patrum tota re agitata, & plane perspecta, legiti-
mē sancirentur. iisdemque Patribus deinceps ad-
dendi, moderandi, immutandi, ac demendi pro-
ut expedire videretur in Domino, plenum iūs, ac
liberām potestatem reliquit.

Societati in Hispania valde laboranti suc-
curit. Cap. XXXI.

RE idem tempus Societas, videlicet ne
latiore successu intumesceret, vel ad
otium, ignauiamq. delaberetur, variis
in Europæ regionibus diuino permisso
vehementer exercebat. idque partim ab inui-
dis, & obrectatoribus: partim etiam ab iis, qui
temporibus ita periculis tam insolitam concio-
num frequentiam, tam assiduam Sacramentorū
administrationem, & reliqua instituti nostri mu-
niera, genusque doctrinæ suspectum haberent.
Quo in numero in aliis Provinciis alii, sed in Hi-
spania vel acerrimus nostrorum insectator exitit
Ioannes Siliceus Archiepiscopus Toletanus. Is
cum à cæteris Societatis nostræ ministeriis valde

abhor-

abhorreteret; tum Exercitorum spiritualium, quibus nostri eo tempore vel maximè in erudiendis hominibus vtebantur, nomen ipsum pati non poterat. Compluti verò, in sua dicecesi, priorum ciuium liberalitate, Collegium Societatis IESV repente excitatum, quò Academia illa penè tota confluueret, ita ægrè ferebat, ut de nostris è sua ditione pellendis, toto animo dies, noctesq. cogitaret. Sed cum in ipsos palam impetum facere vereretur, partim spectata vitæ innocentia, partim etiam virorum principum gratia, & summi (quod caput est) Pontificis auctoritate subnixos; iracundiæ suæ fulmina in populares suos, familiares nostros, apertè contorquet. Ac primùm, quòd è suo clero complures nostra disciplina ac meditationibus imbutos esse cognouerat; edicto minaci, iuris in Ecclesia Toletana dicundi potestate priuat sacerdotes eos, qui è nostra formula spiritualibus exercitationibus operam dedissent. deinde præsenti anathematis pœna proposita, vetat in Academia Complutensi omnino quemquā à nostris hominibus Ecclesiæ sacramenta susciperet. Quæ res, vtpote insigni infamia, varios illico rumores hominum Hispania penè tota commouit: cum alii nostrorum acta, mores, instituta defendenterent; alii contra, non sine graui aliqua, certaque ratione tantum Antistitem ita de Societate statuisse disputarent. Nostri, quamuis Dei clementia, & conscientiæ testimonio freti, re ta-

men

nien tam atroci , tamq;e inopinata perculsi , an-
gebātur animo : neque tam ignominia sua , quām
Ecclesiē damno permouebantur , quod ex tanta
hominum alienatione , tantisque calumniis im-
minere necessariō videbatur . Itaque cum obse-
crationibus , & sacrificiis , & voluntaria corporū
castigatione cœleste numē de more propitiāscent ;
per communes amicos Archiepiscopum docent ,
nihil ab se vel contra Ecclesiē rem , vel contra ip-
sius Archiepiscopi dignitatem esse commisum ,
cur in rebus diuinis occupati , & nihil nisi Dei
gloria , & proximorum salutem ex Apostolica au-
toritate querentes , tantis iniuriis affici , pr̄ser-
tim in dicta causa debuerint . Si quid secus ab
inimicis ad eum delatum sit , se ad purganda cri-
mina , atque ad omnem satisfactionem in Domi-
no paratos esse : tantū ab eo suppliciter petere ,
vti conceptam itam ad causam vīque cognitam ,
pro sua sapientia , ac pietate sustineat . Cum ille
nihil idcirco de acerbitate remitteret , satisq; ap-
pareret , nostri nominis odium altius in eius ani-
mo insedisse , quām vt euelli , aut mitigari vlla ra-
tione posset ; Ignatii voluntatem , atque consiliū
per litteras , quām primum exquirunt . Ille , cir-
cumspēctis rebus omnibus , Deumq; per se , suos
que enixē p̄ecatus , vt ea res ad ipsius gloriam , sa-
lūtemque animarum , bene , ac feliciter eueniret ;
sine vlla dubitatione , si Archiepiscopus in incō-
pto persistat , iubet nostros ad consilium Regium

prōuo-

prouocare; litteras Apostolicas proferre; Societatis causam cum C H R I S T I causa coniunctam æquè moderatè, ac fortiter agere: ipse interea ad Pontificem adit supplex; Archiepiscopi factum exponit, summi tribunalis ope, & auctoritatem implorat, sine vlla tamen grauiore querimonia, vel exaggeratione verborum. Ac nostri quoque in Hispania ex Ignatii præcepto rem ad consilium deferunt; Pontificia diplomata, & iura Societatis legitima ostendunt; obseptum sibi aditum ad proximos adiuuandos expostulant. Quæ cum nulla ipsorum culpa ab Archiepiscopo acta esse constaret; eum denique exitum habuit res, vt & Regii consilii decreto, & acri Pontificis obiurgatione, Archiepiscopus edicta sua reuocare, nostrosq. omni molestia, atque ignominia liberare coactus sit. Quæ res lætitiam bonis omnibus attulit eò maiorem, quò magis ad eum diem de nostra existimatione, ac fama solicii fuerant. Atq. haud ita multa post, Archiepiscopo vita functo, nostri à Toletana ciuitate benignè inuitati, & in iis ipsis ædibus publicè collocati sunt, quas idem Archipiscopus paulo áte clericis quibusdam edificauerat. vt ab iis, qui diuinam prouidentiam ex rerum humanarum euentis obseruant, non sine causa animaduersum fuerit, omnes tanti Præfulis in Societatem impetus, & conatus eò deniq. recidisse, vt cum maximè nostros, opinionis errore deceptus, ex vniuersa Hispania pulsos cuperet,

N tunc

tunc ipsum in sua Toletana metropoli domum illis exstrieret, ornaretque. Eiusmodi fuit igitur Hispaniensis illius procellæ transitus. Ac pari felicitate in aliis quoq. prouinciis coorta in nos tempestates, Ignatii lenitate, prudentiaq. sedatae sunt: ac Dei beneficio vbiq. ferè Societas maiora in dies incrementa capiebat.

*De Iulii III. obitu; & de Marcelli I.
in Ignatum nostrosq; beneuolen-
tia. Cap. XXII.*

NTER hæc Iulius anno Pontificatus quinto demoritur: cui Marcellus Cervinus Politianus ingēti bonorum omnium gaudio suffectus est. quidquid enim erat spei de publicis rebus, id penè totum eius Pontificatus annis vulgo desponderant. Ad hunc Ignatius pro veteri familiaritate cum adorandi, & gratulandi causa venisset, arctè amplexus hominem Pontifex, & suauissimè exosculatus, multa cum eo inambulans de fidei Christianæ propagatione, deq. restituenda Ecclesiastica disciplina seriò contulit: atq. ob id ipsum nonnullos ab eo petiit viros, quos haberet apud se consilii causa. Cæterū in primis dilexit Iacobum Lai-

nem

nem, & Martinum Olafium, quorum videlicet
vtriusq. virtutem, ac sapientiam optimè nouet.
nam de Francisco Xauerio, cuius fama, rebusq.
gestis valde permovebatur, iam ante exorauerat,
vt illum omnino Romam ex India reuocaret:
quod tanti viri vidēdi, ruendique in eius ample-
xum miro quodam desiderio teneretur. quineti-
am nostros quotquot ea tempestate Romæ versa-
bantur, ad se in palatium adduci iusserat: quod
hasce copolas recensere, & singulos coram quasi
bonus imperator milites vellet inspicere. deniq.
multis de nostra Societate verbis vltro, citroq.
habitisi: Tu bellatores (inquit Pontifex) confice;
nos vt emur. Cum ab eo congressu, aliisq. dein-
de colloquiis latus admodum discessisset Ignati-
us, optima spe Societatem implesset; breui ea leti-
tia cunctis euanuit. siquidem Marcellus altero
& viceximo die, quam Pontifex declaratus fuerat,
febri extinctus; ingenti omnium luctu Christianam
republicam orbam, ac debilitatam reli-
quit.



Non Ignatius

Ignatij obitus. Cap. XXIII.

SVCESSIT Marcello Paulus eo nomine quartus, qui, cum propter nō nullas interpositas offenditores acerri-
mus nostri ordinis inimicus fore puta-
retrum, hominum opinionem longē sefellit. Nam
& in Ignatium ipsum, cunctis admirantibus, per-
honorificum fese præbuit; & Societatem multis
rebus decorauit, auxitque; & nostrorum homi-
num opera maximis in rebus Ecclesiæ plurimum
vsus est; & de fundando collegio, seu Academia,
quam in Vrbe Ignatius magno reipublicæ Chri-
stianæ bono instituerat, seriò cogitauit. Hunc
Pontificem inter, & Philippum Catholicum Re-
gem exorto graui, & periculo bello, quod breui
deinde compositum est; cuncta miseri; compleri
armatis Vrbis, tympanorum, ac tormentorum hor-
rifico strepitu omnia personare; pacis artibus pa-
rum admodum loci esse. Quocirca Ignatius per-
tæsus temporum, & Societatis rebus vtcumque
compositis, contemplandi studio secessit in vil-
lam, quam non longè ab æde sanctæ Balbinæ, ad
Thermas Antonianas in vsum præcipue Romani
Collegii, amicorum benigitate nuper extruxerat.
Ibi, vel tectorio, noui operis male acceptus, vel vr-
gente iam senio, lethalem in febrem incidit; sic,
vt cum eius intima vrerentur præcordia, nullus
in facie pallor, nulla in toto corpore signa mortis
existe-

existerent. tantum insolita quædam lassitudo in
 membris, ac motu apparebat. Itaq. domum re-
 latus, in lectulo collocatur. accersiti cōfestim me-
 dici bono animo iubent nostros esse. At ille cum
 sibi ultimum diem instare sentiret mirantibus ce-
 teris, misit, qui à summo Pontifice sibi decedenti
 salutarem expiationem, & Indulgentiam ritu ca-
 tholico precaretur. deinde cū ad multam no-
 etem de more vigilasset, quinetiam nōnulla cum
 domesticis in rē Collegii transegisset sopori se de-
 dit; itemque qui aderant, cubitu discessere, nihil
 admodum periculi suspicentes. at ecce mane po-
 stridie duo è fratribus, eius viræ quotidiane ad-
 ministri, cubiculum visendi Patris causa introeūt;
 ad lectulum sensim accedunt, ac præter omnium
 opinionem vitali spiritu penè defecatum offen-
 dunt. Accurritur illico ad socios: alii ad medicū
 aduolant: alii interea ad refocillandas vires(vt as-
 solet) iuscum porrigunt: quibus ille cum nihil
 iam opus esse dixisset, I E S V M intermortuis vo-
 cibus identidem appellans; placidissimè afflauit
 animam hora post solis ortum prima, feria sexta,
 pridie Kalendas Augusti, āno post CHRISTVM
 natum M. D. L VI. Qui verò ad Pontificem
 pridie sub vesperam fuerat destinatus, quod nihil
 tale metueret, re in proximam lucem dilata, cum,
 quod volebat, statim impetrasset libente Pontifi-
 ce, & verbis amicissimis Ignatium prosequente;
 grauiter deinde semet incusans, tempori non oc-

N currit.

currit. Defuncti corpus tum inspiciendi, tum exenterandi causa dissectum, summam viri abstinentiam, & sobrietatem loquidò comprobauit, siquidem & stomachus, venterq. prorsus inanis, & præ siccitate diuturna mirè contractus apparuit: & iecur ea ipsa de causa ita obduratum, aridumque, ut penè lapidesceret. Sanè Realdus Columbus, egregius ea tempestate sector, qui aperiendo interfuit, in hepatis vena, quæ Porta dicitur, lapides tres sese inuenisse testatur in suo de Anatomia lib. vt pro miraculo non leui habitum sit, vitalibus adeo affectis, ac propemodum exustis, hominem tamdiu viuere potuisse, præsertim hilari semper eodemq. vultu exequētem Præpositi Generalis officia, & munera. Mortuus est autem anno ætatis quinto & sexagesimo, suæ conuersonis ferme trigesimo quinto, confirmatæ verò Societatis sextodecimo, quam ille tam exiguo temporis interuallo tam longè lateq. propagatam reliquit; vt iam tum ab ipso constitutæ numerantur provinciæ duodecim, & in iis varia nostrorum domicilia fere centum. Vulgata eius morte, ingens confestim hominum concursus visendi causa domum est factus, atq. hi manus, hi pedes certatim exosculari: alii rosaria, quæ vocantur, applicare corpori, multi etiam pilei, vestimenta, quibus vti consueuerat, frustulum aliquod enixè rogare: quibus tamen modestiæ gratia nihil à nostris est datum. Corpus in eodem cubiculo

vbi

ubi exspirauerat, biduo fermè seruatum, Sabato sub vesperam inclusum arcæ, post exsequias mira populi frequentia celebratas, in templo nostro ad dextrum latus aræ maximæ humatum est, ac statim præsentem opem ex Ignatii patrocinio nostri sensere. Non enim, ut multi putarant, orba tali parente Societas mœrori se dedit, aut concidit: quinimo stetere animis Patres; perque omnes ordines insolita quædam suauitas spiritus, & mentium

vigor ad subeundos C H R I S T I causa labores, & cœpta strenuè promouēda per uasit.

Libri Secundi Finis.



N 4 D



DE SIGNATII LOIOLAE VITA, ET MORIBVS, LIBER TERTIVS.



ACTENVS Ignatii toto vitæ cursu proposito , nunc præcipua quædam de ipsius factis , dictis , ac moribus , & quidem , quò magis in promptu sint , per species exsequemur . Ac primùm de studio precandi , meditandique , quā laude in primis Ignatius floruit .

De orandi assiduitate , & studio pietatis .

Cap. I.

INITIO conuersionis , vt ante diximus , precandi , contemplandiisque causa magnam sibi vim intulit , partim in verum caducarum , quibus assidueuerat ,
vitan-

vitanda recordatione; partim etiam in scrupulorum molestiis abigēdis. Procedente deinde tempore, tūm magis in dies à contagione corporis, Deo adiutore, se abstraxisset, tantam eius generis facultatem adeptus est, non modò vt è cœli, siderumq. aspectu, quo maximè capiebatur, sed etiā vt ex intuitu floris, aut hærbæ, aut leuissimæ cuiuslibet rei, cofestim in Dei cogitationem, amoremq. suauissimè raperetur. Idque nostris hominibus cupiebat esse familiarissimum, vt in singulis creatis rebus, quoad eius fieri posset, creatoris potentiam, sapientiam, bonitatem agnoscerent. Eosdem monebat, vt contra quotidianas dæmonum insidias, ne circumuenti repente in fraudem inducerentur; vel instructo, quod aiunt, agmine semper incederent, vel certè dissipatis in varias curas, & negotia viribus animi tamquam receptui canerent statis horis diei; & in semet ipsi descenderent, suaquæ omnia dicta, facta, cogita-
ta, coram Deo quām diligentissimè reputarent, adhibito etiam monitore, si opus esset, vel memoriae, vel etiam notitiæ causa: denique omnia probè contemplati, contra id vitium maximè pugnam capesserent, quo vitio se præcipue vrgeri, & laborare sentirent; nec ante desisterent, quām Deo duce debellatum esset. Sanè ipse quām quam se habebat semper in potestate, & ex Diui Bernardi præcepto, non se rebus tradere, sed commodare consueuerat; tamen, qua erat dili-

gen-

gentia, in singulas horas vltro inquirebat in se: idque, propter diurnam exercitationem, nullo negotio: magisque ac magis in spiritu proficere nitebatur, diem cum die, ut supra diximus, hebdomadam cum hebdomada conferens: qui cursus ad candorem animi, ac perfectionem certissimus est. neque id solum, sed etiam statim quotidie temporibus, erepto ex summis occupationibus otio, contemplationi vacabat. quam ad rem aliquoties à domesticis clam obseruatus est hoc maximè modo se comparans. Ut enim superiorē ascenderat ædium partem, vnde liber esset prospectus ad sidera; stabat aliquantis per oculis in cœlum defixis: tum prouolutus in genua, totius huiuscē pulchritudinis conditorem suppliciter adorabat; deinde propter imbecillitatem, humili scabello simul atque consedisset, continuò ex oculis vberes lacrymarum riuuli profluebant; idque nullo prorsus vel singulu, vel strepitu. Atq. in hunc ferè modum, æquè animo, & corpore immotus excipiebat diuini luminis radios; ac patri cœlesti mira quadam spiritus dulcedine iungebatur. Neque verò ad beatos hosce congressus, tantummodo sub orationis horam componebat ille se, verū in perpetua quadam erat vigilia contra omnes rerū mortalium illecebras, & otiosam mētis euagationem. nec minus accuratè animum ab omni labore tuebatur, quam qui pretiosis ornati vestibus, via lutulenta coguntur incedere.

inten-

intenta erat custodia sensuum; quotidiana cuiuslibet omissionis confessio; iugis recordatio beneficiorum Dei: in aliorum factis, dictisq; interpretandis nulla temeritas. dehinc summa obseruabat cura quidquid ad Christi gratiam vel tuendam, vel augendam quoquo modo pertinere intelligeretur. Mortalium rerum curas, ac principiū quæ ad affines, cognatosq; pertinerent, omnino refugit, illud Apostoli dictum reputans apud se: Nemo militans Deo implicat se negotiis secularibus. Erat ei proneptis ex fratre, Virgo, quæ deinde Ioanni Borgiæ nupsit hodie Philippi Regis apud Cesarem legato, de hac in matrimonio collocanda cum ad eum subinde referretur; totam ille rem semper ad cognatos fecerit, nec adduci vñquam potuit, ut vel minimæ eius negotii partem attingeret. Oranti aliquando per hyemem clauso cubiculo, allatas è Guipuzcoa litteras ianitor festinè reddidit; ratus gratissimas fore, quod nimirum longo, & locorum, & temporum inter- uallo afferrentur, at ille fasciculum, ut erat ligatus, illico in ignem abiecit, re ipsa ianitorem admonens: qui sese coelesti militiae addixerit, huic esse mortalia negligenda. Peregrinis hominibus, cōditionem, ipso interprete (quod multum apud principes auctoritate valeret) in aula querentibus, negabat sibi nisi cum summi Regis aula rem esse; ad eam si aditum optarent, daturum se operam, quantum labore, ac precibus assequi posset,

set, ut essent in intimis Regis amicis, ac familia-
ribus. quo responso vulgato, minus multi iam in
eo generē molestiam illi exhibebant. Nihil ma-
ioris momenti aggrediebatur vñquam, nisi at-
tentē consulto, ac propitiato Deo, nec vllum
quamuis leue religionis obibat officiū, quin eius
animi ardor, ex toto corporis habitu, ac præter-
tim ex fronte, atque oculis emicaret. ex quo fa-
cile existimari potest, qualē ille se in horaria pre-
catione, psalmisque, & in sacrificio Missæ præ-
stiterit. Sanè, cum initio sacerdotii, in medio
Lateranensi templo CHRISTI natalitia cele-
braret ad aram sacris Apostolorum Petri, Pauli, &
Andreas reliquiis inclytam; tanta est repente spí-
ritus dulcedine delibutus, vt inter diuinam rem
peragendam lacrymas tenere nulla vñquam ra-
tione potuerit. quo tam insolito spectaculo com-
motus è circunsusa multitudine quidam, ac rem
longè secus interpretatus, Francisco deinde Stra-
te Ignatii administro in aurē insuffranc: Facino-
rosum nempe vitum, inquit, Sacerdote in istum
tuum, & omnibus flagitiis coopertum, qui con-
scientiæ stimulis agitatus, crimina sua toto penè
sacro defleuerit. Visionum præterea exstat lib-
bellus, ac lumen, quæ illi fermè sacrificanti
obuenere, quo maximè tempore Societatem or-
dinabat: quas visiones ipsem pietatis, & me-
moriæ causā in ephemeridem retulit. Eum li-
bellum qui attentius legat, clare perspiciat, qua

præ-

præparatione, quo spiritu ad Sacramentum Alta-
ris accedere consueuerit. Septem etiam Vrbis,
templa, & religione, & Pontificum indulgentiis
celeberrima, certis anni temporibus diligenter,
& castè visebat pedes, & quidem per hyemem la-
cernatus, haud sine mantelo : nec vlla corporis
lassitudine, aut cæteros exemplo suo destitui, aut
se tantorum bonorum communione fraudari pa-
tiebatur. Piacularia verò grana quæ dicuntur, &
cereas agni coelestis effigies, pictasq. Sanctorum
iconulas, & alia id genus, quæ ab impiis irriden-
tur, ita studiose tuebatur, & caras habebat, vt in
eius scrinio post mortem nihil ferè aliud apparue-
rit. Pro Ecclesia Catholica, ac nominatim pro
Christianis Regibus, atque Principibus, quoti-
die ardenter orabat : pro summo verò Pontifi-
ce nunquam sine vberrimis lacrymis. Et quonia
denuo lacrymarum incidit mentio ; non omittē-
da videtur hoc loco res memorata digna. In cæ-
teris ornamentis, ac beneficiis, donum etiam la-
crymarum Ignatius à C H R I S T O Domino ac-
ceperat, sic, vt in singulas preces illico fletus erū-
peret. qua consuetudine eò denique adductus
est, uti propter acrimoniam humoris pauplatim
exesa luminis vi, aciem oculorum penè amiserit.
hac ille iactura, quod ad ipsum priuatim attine-
bat non sanè mouebatur : quinimo triumphabat
se in obsequio C H R I S T I oculos perdere.
Sed quoniam id fieri sine magno communis rei
de-

detrimento non poterat; suorum præsertim accedente impulsu, precari Dominum institit, ut sibi liceret interdum à lacrymis temperare. nec frustra. siquidem ex eo tempore tantum in lacrymas ius, & arbitrium obtinuit, ut earum quasi habendas, prout vellet, adduceret idem, atque remitteret. Quæ res cuipiam fortasse veritatis fidem excedere videatur: sed nobis vtique in tam recēti memoria mentiendi causa non est.

Quod eius fuerit de perfectione iudicium. Cap. II.

CLICET precatione vsq. adeò deditus esset, tamen eo studio, se vel à publica re administranda, vel à caritatis, cæterarumque virtutum officiis minime patiebatur abduci. & quāmquam certum vnicuiq. spatiū temporis quotidie necessarium esse dicebat ad se colligendum, viresq. diuinitus impetrandas; tamen eos non ita laudabat, qui dulcedine solitudinis, & diuinæ familiaritatis illecti, in arenam descendere, & sua primū virtutia euellere, deinde etiam proximos adiuvare neglicerent. quinimmo, pluribus doctus experimentis, aiebat, qui minus in eo genere sibi temperant, eorum plerosq. (nisi periti cuiuspiam ductum

ductum sequantur, vel præcipuo Dei fulciantur auxilio) partim dæmonum illusionibus obnoxios esse, partim etiam contumaces, & sibi placentes, & in sua sententia mirè obstinatos, ac peruicaces euadere:qua peste nulla propemodum esset hominum cœtibus capitalior. itaq. suorum ille profectum, non tam ex continuata precatio-ne, vel diuturno secessu, quām è solidæ virtutis officiis, ac præsertim ex mansuetudine, atq. ani-mi æquitate spectabat. Cum è familiaribus, ne-scio quis, fratrem præstanti religione collaudans, ad Ignatium cum admiratione dixisset: En hominem iugiter precationi vacantem: immo verò, mutata voce, en, inquit Ignatius, hominem sibi met acriter imperantem. Alium quempiam, quod stomachosior esset natura, & subinde in amara verba prorumperet, sese fratribus consuetu-dini alieno tempore subtrahentem, Ignatius blâ-dè compellans: Quin te, inquit, statutis horis in fratribus consuetudinem das? cum ille iracundi-am naturæ, bilemq. prætenderet; Næ tu vehe-menter erras, ait Ignatius: etenim hæc, & huiu-modi vitia, non fugiendo, sed resistendo vincuntur. Deniq. licet piæ precationis laude præcelle-ret ipse, vt dictum est, semper tamen spiritum, quem vocant mortificationis, spiritui speculatio-nis antetulit. nam, vt in eloquentiæ studio, cum & ars, & usus ipse sit necessarius, longè plus ta-men à sapientibus viris usui quām præceptioni tribui-

tribuitur; sic in parandis virtutibus cum & commentatio, & actio requirantur; multo plus tamen agendo, & pugnando, quam speculando, vel cogitando proficitur.

De caritate ipsius in Deum.

Cap. III.



ARITATE in Deum fuit, quanta pars est eum esse; qui ipsius Dei gratia rebus humanis nuntium sponte remiserit. neq. solùm eatenus Dominum amabat, ut præ illo reliqua omnia nihili duceret, quæ virtutis huiusc præcipua est pars; verum inerat in amore voluptas mira: prorsus ut quantilibet pressus curis, ac molestiis fatigatus, in vnius Dei recordatione, & quasi amplexu, per summam delectationem acquiesceret. CHRISTVM verò Dominum, ac liberatorem videndi sicuti est, tanta flagrabat cupiditate, ut eam ipsam ob rem solui corporis vinculis vehementius in dies optaret. Itaque si quando grauiorem incidisset in morbum; concepta migrandi spe, abstrahebatur illico à sensibus non sine magno valetudinis detrimento: quocirca mentem à cœlestibus rebus interim auocare etiam atque etiam iubebatur à medicis. & quoniam acerbissima CHRISTI mors pro salute humani generis obita Ignatio sé-

per

per obuersabatur; vicissim ille pro C H R I S T O
 per summos cruciatus quotidie cupiebat emori
 millies. Quoties verò ingesta in illum conuitia,
 & ludibria reputaret apud se; non modò rei atrocitate
 permouebatur vt multi, sed etiam accende-
 batur generoso quodam imitandi studio; atque
 in semetipsum quasi tanti sceleris auctorem acer-
 rimè exardescet: ac nisi eum cohibuisset existi-
 mationis ratio propter salutem aliorum, simulata
 dementia, ad plebem in se concitandam, nudus,
 onustusq. cornibus, aut alio fœdo corporis habi-
 tu prodire non dubitasset in publicum; & incer-
 fentes cœno, vel stercore pueros, vocesq. impro-
 bas, & sputa, & omnes alias insanæ multitudinis
 contumelias libentissimè pertulisset. Sed quoni-
 am eiusmodi nulla se dabat occasio; certè quod
 erat proximum sedulo faciebat, vt immortalia
 Domini beneficia in se, memoria coleret sempiterna;
 & in eiusdem vel indaganda voluntate, vel
 gloria querenda, suas omnes curas, cogitationesq.
 consumeret, cuius rei vel hoc fatis magno argu-
 mento sit. Inter ipsam negotiorum molem per-
 ditas meretriculas tanto studio conabatur ab impuritate auocare, vt siqua ex iis resipisceret, seq.
 intra pudicitiae septa recipere vellet, grandis iam
 natu vir, & Prepositus Generalis, antecedere ipse-
 met, ac perductoris quodammodo munere fungi, C H R I S T I causa non erubesceret. In quo
 cum admoneretur à quibusdam, frustra tempus.

O

ac

ac labore in insumi, quippe insanabiles esse eiusmodi fœminas, ac licet in præsentia poenitentiam ostenderent, breui tamen ad ingenium reddituras; Ego verò, inquit ille, cuiuslibet istarum, vnius dumtaxat noctis impeditse flagitia, & iniurias in Deum, omnis opera, ac vigilantiæ pretium duxerim.

De caritate in proximos.

Cap. IV.

X. HOC tam incenso in Deum amo-
re, egregia nimirum illa caritas in ho-
mines redundabat. quos quoniam pre-
tioso eiusdem sanguine redemptos, ac
proinde carissimos illi sciebat esse, quidquid in
Deum non poterat nullius egentem rei, omne id,
ipsius gratia, in proximos conferebat. Ut pri-
mum è peccatorum cœno emersit, confessim ad
cateros ex eodem cœno extrahendos incubuit:
atque ob id ipsum (vt supra dictum est) ingenti
labore, & incommodo litteris operam dedit: &
in Societate instituenda nihil spectauit aliud, ni-
si vt errantes animos ad rectum salutis iter omni
ratione reduceret. Barcinone, cum in gram-
maticæ studio versaretur, eodemq. tempore, ani-
morum quoq. salutem acerrime procuraret; vir-
ginum quoddam collegium, cuius nomen con-
fultò

sultò reticeo; soluta admodum disciplina, corrup-
tisq. moribus, ad veterem sanctimoniam, ac so-
brietatem oīni studio reuocare nitebatur: suade-
batq. illis præcipue frequentem usum sacrè Con-
fessionis, & Eucharistie. Quam ad rem, tempo-
ribus illis insolitam, quò faciliùs eas adduceret,
præire ipse met illis palam decreuit, adhibito ad
id Moysè Puialto sacerdote, quo ipse ad confes-
siones vtebatur, spectatæ virtutis, ac sanctitatis
viro. Igitur ex eius manu corpus Domini cum
subinde sumpsisset, fœminis ex odore spectanti-
bus; tam preclaro exemplo, & assiduis hortationi-
bus incitatæ, pleræq. ad salutarem pœnitentiam
officiumque traductæ sunt. quod nefarii quidam
amatores vbi sensere, aditumq. sibi ad optata fla-
gitia magis in dies obseptum videre; in extremam
efferati rabiem, Ignatium, & Puialtum ex insidiis
adoriri constituerunt: ac die quodam è templo re-
deuntem utrumq. fustibus ita male acceperunt:
vt Puialtus paulo post è vulnerum dolore sit mor-
tuus: Ignatius verò dies aliquot in lecto iacuerit.
sed vixdum receptis viribus, nec alterius nece, nec
suo malo perterritus ad instituta caritatis officia
rediit alacer. cumq. eum vulgo monerent, ac per
Deum obtestarentur amici, ne denuo in capitib
discrimen daret se: Quid mihi optatius, inquit
ille, quām pro CHRISTO Domino, meisq.
proximis emori? Parisiis, amicum à turpi cuiusdā
fœminæ cōsuetudine frustra sæpe reuocare cona-

O 2 tus,

tus , cuius ille flagitii causa vicum subinde pétébat , non longè ab vrbe positum ; deniq; egressus hominis , & itinera dissimulanter explorans , de terreni eius consilium tale commentus est . stagnum erat pròpter viam qua transiendum erat illi de more ; eò mature p्रauertens Ignatius , tempestate perfrigida sese nudus aquis collo tenuis immersit ; ibiq; salutares amico tetendit insidias . nam , vt appropinquantem aspexit , Deum precatus , vt ea res vtrique feliciter eueniret , horribili repente in aduersum intonuit voce . Quò , quò miserrimè properas ? nonne intentum in te diuinæ iustitiae gladiū vides ? Perge porro , perge nefariā istā explere libidinem . Ego me hic tandiu tua causa macerabo , quoad coelestes iras meo malo auertam abs te . At ille subita voce percussus , atque ad Ignatii aspectum veluti deprehensus obstupuit : demiratusq; caritatem viri , nec dubio , pudore concepto , retulit pedem ; & in posterum , Deo adiuuante , sese ab illa pestifera familiaritate continuit . Alius quidam Ignatii alumnus , pràstanti vir ingenio , magnos in virtute processus effecrat , ac deinde (quæ humana fragilitas est) labore victus , dæmone solicitante , circumspiciebat fugā . quod vbi sensit Ignatius , variis ad eum retinendum hortationibus , monitisq; incassum adhibitus , eò deniq; descendit , vt pro discipuli sanitate totum triduum omni cibo , potuq; abstineret , pre cesq; .

tesq. cum lacrymis ad superos funderet. qua pena, tamquam remedio, languenti animo applicito: resipuit ille, suumque errorem gemebundus agnouit: ac deinde in suscepto genere vitae cum laude perstigit. Parisiis, ut anteā dictum est, deposita pecunia fraudatus à contubernali, sic, ut ad se se alendum stipem emēdicare deinde cogetur magno studiorum detimento; non modò iratus amico non est, verùm etiam insigni beneficio rependit iniuriam. Cum enim fraudator ille posteā Hispaniam repetens, graui morbo ex itinere implicitus Rhotomiagi substitisset (quę vrbs tridui ferme itendistat Lutetia) ingrauescēte valetudine paulatim ad omnium rerum inopiam est redactus; cumque, ut ignotus in alieno solo, spem nullam subsidii cerneret; licet prēterita meminisset, ac prēclarè sibi esset conscius, quām malè de Ignatio meritus fuisset: tamen tantam opinionem de eximia viri bonitate conceperat, vt non dubitauerit illum de suo casu per litteras facere certiorem; & aliquid opis ab eo suppliciter petere. Tum Ignatius, quasi hereditas aliqua sibi obuenisset, sic alacer, nulla interposita mora, se in viam dat: Deū pro amici salute etiam atque etiam obsecrans; quinetiam (quod longè mirabilius est) ad propitiandum illi numen, iter illud totum peditibus nullo prorsus cibo, potuque, ingenti celeritate confecit. Vrbem ingressus, conquisitum hominem amicissimè inuisit, affectum, semianimem-

01109

O 3 que

que sedulo ministerio recreauit. atque ubi morbo leuatus est, litteras ei commendatitias ad amicos in Hispaniam dedit; & mendicato ab se viatico instructum in nauem imposuit; cum ille simul pudore, gaudioque confusis, dextram Ignati tenens, Deum, superosque omnes inuocaret ad gratiam illi pro se referendam: satisque mirari non posset, senescente iam mundo, tantum caritatis exemplum in terris existere. Per idem studiorum tempus, tametsi multum de spirituali functione remiserat, numquam tamen potuit se contine re quominus eruptu ex litterariis occupationibus quotidie tempus aliquod in proximorum salute consumeret. itaque, & condiscipulos ad virtutem, ac pietatem ex occasione incitabat: & ex collatitia pecunia multorum subleuabat in opia; & ægrotos visendo, recreandoque humanissime solabatur. In iis cum ad quendam adiisset, gravi, & contagioso vlcere laborantem; & ministrandi causa, vt sit, decubentem subinde attrectasset; in discessu metus Ignatium subiit, ne ex eo contaetu dextra pestilentiam contraxisset; quæ suspicio cum solicitaret hominem vehementius, eumque ab eiusmodi caritatis officio in posterum auocaret: ille cognita fraude cofestim in semetipsum exarsit; dextramque in os identidem inserens, increpuit vltro: Qui de una manu tam anxius es, quid vniuerso corpori facies? Atque hac fortitudine, & præsentem depulit metum, & ad eadem porro

porrò exequenda pietatis opera se se vegetum , at-
 que hilarem præsttit . Atque hanc ægrotos ad-
 iuuandi consuetudinem non modò priuatus , ubi-
 cumque terratum fuit , verùm etiam Societati
 Præpositus diligentissimè tenuit . Nam è nostris ,
 vt quisque in morbum inciderat , cuiuslibet esset
 ordinis , exemplò acciri medicum imperabat , ac
 nihil pro rō omitti eorum quæ illi præscripsisset ,
 oppigneratis etiam diuendit isq . si opus esset
 lancib⁹ , stragulisque , & cætera suppellectili .
 Sane , cum ex laicis adiutoribus quidam sc̄na con-
 flictaretur febri : ad eumque refocilandum deli-
 catori cibo opus esset , quidquid nummulorum
 domi erat , denarios tres eam vnam in rem insumi
 iussit , ac resistenti paulisper obsonatori , nihilque
 præterea pecuniaæ ad cæteros alendos superesse
 dicent : Atqui nos quidem , inquit ille , valemus :
 atido pane contenti esse poterimus . atque ita lan-
 guenti coemptum obsonium est . Ipsos verò de-
 cumbentes inuisebat subinde ipse met , confirmas
 vnumquemque , verbis planè diuinis atque cœle-
 stibus ; dabatque operam , vt omni deposita soli-
 citudine , superioribus esse curæ se suamque salu-
 tem , sine vlla dubitatione sentirent . Homines
 vel de se ipso priuatim , vel de Societate commu-
 niter bene meritos diligentissimè coluit ; nullūq.
 in eos neque viuos , neque mortuos grati , ac me-
 moris animi officium prætermisit . quippe non
 in modò pro ipsorum salute Dominum per se , suos-

que precabatur assiduè; sed etiam, dum viuerent,
sæpe domum veniebat salutandi causa, eosdemq.
aduenient ad se quāmquam alieno tempore, acci-
piebat in primis hilariter, deoque Societatis pro-
gressu, ac rebus præsertim Indicis, quarum ipsa
longinquitas habet delectationem, pergebat ami-
cissimè facere certiores: atque etiam, cum opus
esset, quibus rebus poterat, benignè adiuuabat.
Hieronymo quidē Arzio, Hispano doctori (qui
cum erat ei magna necessitudo) non modò graui-
ter ægrotanti frequens adfuit ipsem, sed etiam
fidelibus famulis destituto, probos, & industrios
è Societate viros ministrādi gratia submisit. An-
dreas Lipomanus patritius Venetus, quem Trini-
tatis Priorem appellabant, vir non pietate minus,
quām genere nobilis, Collegio nostrorum homi-
nūm constituendo Patauī, optimum sacerdotiū
eiusdem vrbis addixerat, dimidia tantum parte
victigalium sibi, quo ad viueret, reseruata. At verò
Ignatius, ne se vinci pateretur officio; patentibus
litteris eum vltro perpetuum sacerdotii admini-
stratorem declarauit: neque è vectigalibus attigit
quidquam, nisi quod ab ipso Priore quotannis ad
paucos è nostris alendos per eleemosynam præbe-
retur. quinetiam eius fratrī filio pensionem de-
creuit annuam aureorum ad quadringentos: quā
tamen bonus ille Prior nequaquam admisit. ac
ceteros item, quorum beneficiis prouocatus esset,
eximio quodā studio, & obseruāit psequutus est.

Man-

Mansuetudo eiusdem, & comitas.

Cap. V.

B^o omni fastu, & moribus imperiosis
 A^o vehemēter abhorruit. vestigium in eo
 contumaciæ cerneret nullū. &, quod
 difficillimum est, lenitatem ita cum
 grauitate miscebat, vt neque facilitas de auctoritate,
 neque severitas quidquam de suavitate de-
 traheret. Parisiis per iocum inuitatus à nobili
 quodam, vellet ne trudiculis ludere (quibus in
 oblonga mensa per angustum fornicem, eburnea
 pila traicitur) Ego verò ludam, inquit Ignatius.
 At enim qua sponsione, subiicit ille, qui pecunia
 careas? Tum Ignatius: Hac sponsione, respondit,
 vt certò utique dierū numero tibi deteruiam: ve-
 rumtamen, arbitratu tuo, si viceris tu; meo, si su-
 perior ipse discessero. Cum ea cōditio placuisset:
 Age sanè. in certamen descenditur. cumq[ue]
 nihil minus calleret Ignatius, diuinitus factum
 est; vt in singulos omnino traiectus victor euade-
 ret: subinde exclamāte aduersario, se meritò ple-
 cti, qui Ignatium prouocasset: seque diuinum iu-
 dicium prorsus agnoscere. Peracto deinde cer-
 tamine, victum victor ab inanibus curis, & oc-
 cupationibus, in aliquot dies abductum, è spon-
 sione, spiritualibus exercitationibus diligenter
 excoluit: torpentemq[ue] situ, ac deliciis animum
 ipsius

ipſius, ad ſalutarem Dei metum, æternæque viꝫ cogitationem excitauit. Venetiis Patauium pedibus cum iter haberet, domesṭica, eaꝫe admodum attrita lacerna ob inopiam induitus, Iacobo Laine comite; pecuariuſ quidam puer, qui à via non longè armenta paſcebat, conſpectis eminuis peregrinis, ad eos repente propius aduolat; habituſque fortaffe nouitate perniotus, defixis proœciter in Ignatiū oculis, cachimhos tollere, ei de quaue licentiū cœpit illudere. cumquaue Ignatiū vultu placido ſubſtitueret couersus ad eum comes Quin, ait, acceleras gradum pater, tequaue iſtius pueri petulantia ſubtrahis? Immo verò, inquit ille, cur puerum oblata ſibi præter ſpem hac tanta oblatione fraudemus? Itaque consultò etiam diutius hæſit in iſdem veſtigiis, ac ſe curioſius in- tuendum, riſendūque affatim proteruo adoleſcentulo præbuit: plus nimirum ex hoc qualitūq. ſui contempi, ac ludibrio hauriens voluptatis, quam alii ex vulgi plauſu, fauſtaq. acclamatione percipiunt. Atque hunc mansuetudinis tenorem diligenter in omni vita ſeruauit: ac ſatis conſtat, annis ipſis triginta, quibus C H R I S T V M ſequutus eſt, neminem proſuſ ab eo fuſſe non modò contumelioſe tractatum, ſed ne appellatu quidē acerbius. Si quid præcipereſet; roganti erat propior, quam iubenti. Alloquendi verò eius cauſa, nihil erat neceſſe teimpus opportunum, aut molles captare adiutor: qualibet adiutioſes hora, ſitie-

COR-

corpo melius haberet , siue deterius , prosperis
 æquè atque aduersis in rebus , & accipiebat beni-
 gnè , & patienter ad finem usque sine interpella-
 tione audiebat . ac nullum quamuis infimæ fortis
 hominem stare coram se , nedum aperto capite
 patiebatur esse . nec modò ex destinato cogressit ;
 verùm etiam ex occurso fortuito , fratres ita lātis
 intuebatur oculis , vt vel ex hoc ; insistam animo
 in omnes benevolentiam satis ostenderet . Ami-
 cos præterea , tum domesticos , tum externos in-
 terdum ad prandium , aut cœnam , siue ut appell-
 labat ipse , ad pœnitentiam inuitabat ; nec repu-
 diabat si quis vltro se offerret : quinetiam interue-
 nientes cœnæ , vel in ipso iam exitu , nihilominus
 iubebat accumbere ; & frustula panis ipse carpen-
 do , & simulanda appetentia , conuiuum consul-
 tò extrahebat , quo ad nouissimus quisque sine ru-
 bore , aut solitudine , per otium absoluere . Si
 quis ab eo quidpiam , sibi aliisue peteret ; vel da-
 bat hilare , verbis etiam , quod aiunt , munus exor-
 nans ; vel si abnueret , causas afferebat eiusmodi ;
 vt ille se se contemptum nullo modo existimare
 posset . ac tanta ipsius erat in eo genere vel effica-
 citas , vel suauitas , vt qui ad eum legati à quopiā
 venerant , cum id quod volebant , minimè impe-
 trassent , Ignatii rationibus interdum ità vieti , pa-
 catique discederent , vt vltro ipsi mutata ratione ,
 apud eos à quibus missi fuerant , ipsius causam
 pertinacissimè tuerentur .

Graui-

*Grauitas eiusdem, & in custodia discipline
seueritas.* Cap. VI.

B H A C porrò comitate, quemadmo-
dum austерitas, sic etiam leuitas omnis
aberrat, & ineptiae. Ità enim composi-
tus fuit moribus, ut nec manum, vel
oculum, membrumue aliquod sine causa, & ra-
tione mitteret; & in statu, incessu, accubatione,
sessione, decorum teneret. Iam in loquendo
fuit adeò consideratus, & parcus, ut nullum pla-
nè verbum nisi consulto, ac meditato proferret.
neque figuris vel amplificationibus vtebatur, sed
rei gestæ seriem, & rationum momenta sine fuso
exponebat. qua simplicitate plus valebat in per-
suadendo, quam alii calamistris, & lenociniis. De
se ipso, deque suis rebus, nisi necessitas cogeret,
vel Dei gloria postularet, nihil dicebat umquam.
ab aliorum vero factis, dictisue exquirendis, nisi
ad suam curam spectarent, omnino abstinebat.
Consueuerat etiam eos reprehendere, qui de so-
luta Ecclesiæ disciplina, deque emendandis Prin-
cipum moribus temerè disputarent: quam tenta-
tionem se fugasse dicebat consideratione extremi
iudicii, & eorum, quæ tali tempore à semetip-
so propriè exigenda forent. quæ si pro se quisque
reputaret, haud ita facilè homines in aliorum vi-
tam inquisituros. Denique tanta inerat in eius
ser-

sermone prouisio , tarditasq. longo vſu parta , vt
cum biliosus , ac præferuidus eſſet natura , pitui-
tosus ob id ipsum , ac lensus haberetur à medicis .
Atque hi mores , cum admirabili vītā sanctitate
coniuncti , incredibile eſt ; quantum illi concilia-
rent venerationis . nam vt quisque intimus erat
Ignatio , ita ſuſpiciebat eum maximè . Ludouicū
quidem Consaluum Lusitanum , qui domus Ro-
manæ minister aliquamdiu vixit , magno rerum
vſu , magna prudentia virum , dicere ſolitum ac-
cepimus : antequam cū Ignatio corā egiffet , præ-
clarè ſeſe vtiq. de illo existimare ſolitū , qui tali So-
cietati p̄eſſet . at verò , poſtquam ipſo familiariter
vſus eſt ; Societatē magnificere cœpiffe , quā Deus
tali preſide , ac moderatorē donaſſet . Iacobus
verò Laines , qui proximus ab illo Societatis gu-
bernacula tenuit , ceteriq. Patres , quamuis huma-
nissimè cum illis Ignatius ageret , tamen eximiā
viri virtutem ita reuerebantur , vt bene moratos
vel parenti liberos , vel magistro diſcipulos , adsta-
re diceret . Quòd ſi quando(quod tamen perra-
rò ſiebat)rei neceſſitate coactus , vultum indueret
ſeuerorem , & aliquem increparet asperiūs ; tanta
erat viſ , pondusq. verborum , vt contra ne hiscere
quidem auderet quisquam . idq. preſertim in cau-
ſa viri cuiusdam inſignis apparuit ; qui cum turbu-
lētior eſſet , quām vt eum diutiū ferri oportet ;
cumq. eius animum Ignatius blandis monitis ,
præceptisq. nequidquam fanare tentaſſet ; ad ex-
tremum

tremum oratione contusa, diuinam testatus iustitiam, ac celestis iræ minas intentans, tantum ardorem spiritus præ se tulit, ipsi ut parietes, eteaq. non dubio motu nutare & concuti viderentur. quo terrore percussi qui aderant, illico procumbentes Dei pacem precibus, ac votis exposceret. ipse vero qui accusabatur, exanimis ad pedes Ignatii sese confessim abiecit, ac supplex confusa voce, culpe veniam petiit, seq. post hac in officio fore pollicitus est. Continebat autem in disciplina, cum cæteros omnes, tum eos maximè, qui vel insigni eruditione, vel generis nobilitate, præstaret: quippe quorum dicta, facta ad exemplum in omnes partes valeant plurimum. Otium vero, ut omnium vitiorum somitem, ac seminarium, in primis oderat: itaque duos tresue rei familiaris adiutores, cum ad ianuam alieno tempore confabulantes è superiore loco aspexisset, illico iussit, aceruum lapidum in proximo situm, in summam eedium contignationem sine cunctatione transferre. eosdem tertio post mense cum ibidem iterum otiantes animaduertisset, illam ipsam lapidum congeriem, ut in eundem locum referrent, vnde alportauerant, imperauit. amicè insuper admonens, nihil in Dei famulatu periculosius esse desidia. Cum quendam in tradito sibi munere valde remissum, atque oscitantem inuenisset, quæsivit ex eo, cui nam in tali ministerio daret operam, Deo ne, an hominibus? cum ille se

Deo

Deo utique deseruire dixisset: Plecteris igitur,
 inquit Ignatius; nam in rebus humanis minus
 accurate versanti, iure forsan ignouerit quispi-
 am; at immortali Deo ministrati negligenter, id
 verò nullo pacto ferendum est. Spectaculis pu-
 blicis, quamvis alioqui licitis, vel etiā sacrī, ades-
 se nostros non ita facile permittebat: quod si qui,
 facta potestate, se ad ea conferrent; eos etiam at-
 que etiam iubebat, sine ullo arrogantiæ, seu leui-
 tatis indicio modestiam, ac submissionem tenere
 cedere omnibus; & infimum semper locum (nisi;
 aliter à circumstantibus cogerentur) eligere. Cum
 è Romano ab se nuper instituto Collegio, adole-
 scentes quosdam solutiū in publico ambulantes
 vidisset; castigandos curauit palam, hortandosq.
 graui oratione, ut quem haberent insitum animis
 pudorem, ac verecūdiā, eum externo item cor-
 poris habitū præ se ferrent: & quoniam Apostolo
 teste spectaculum facti essent omnibus, cauerent
 etiam atque etiam, ne superuacanea, locutione,
 curioso oculorum obtutu, alioq[ue] incondito ge-
 stu, motuq[ue] corporis quemquam offendenter;
 præsertim cum eo de genere toto, multa cum pre-
 catione, lacrymisq[ue] conscripta pulcherrima ipse
 præcepta paulo ante edidisset. Nihil noui moris
 in Societatem induci se inscio est passus; princi-
 piisq[ue] vigilanter, & acriter obstatit: quippe qui
 exempli vim nosset, & rerum incrementa fallen-
 tia. Quosdam, qui ad vineam iniussu luderant

pila

pila, laicūm etiam sapone manus lauantem, haud
impunē abire permisit. seditiosos verò, & alienę
laudis obrectatores, & rerum nouarum cupidos,
non diu tulit: sed omnia expertus, quæ ad reuo-
candam dubiam indolem, & peiore loco positam
facere viderentur; si parum proficeret, ad extremū
è Societate pellebat. nec vñquam carcerem, com-
pedesue in Societatis mores induci permisit, ne-
gans, qui vinclis constringendi forent, eodem
esse ad nostrum institutum idoneos. itaque cu-
stodiæ loco ianuam ostentare consueuerat. acci-
ditq. aliquando, ut iusta de causa complures adō-
lescentes exauictoratos vñā dimiserit. atq. huiu-
simodi ferè (quod silentio prætereundem non est)
è Societate pulsī homines, exitialem exitum sorti-
ti sunt, fatisq. constat, alios inter symphoniam la-
sciuè saltantes repente occidisse, alios contracta
rixā imperfectos, alios denique alio miserabilis le-
thi genere periisse. In puniendo autem id seque-
batur in primis, vt noxæ responderet animaduer-
sio, & in suo quisque vitio plecteretur; superuaca-
nea verba silentio; ignauiam labore; honoris cu-
piditatē ignominia lueret. ac ferme anima-
duersionum Ignatii genus erat illud: circulum
humi describere, ex quo noxii ne iniussu excede-
rent: colloquiis certorum hominum nominatiū
interdicere; verberationes ad præfinitum tem-
poris spatium iniungere, & alia eiusmodi. Noxas
autem leuiores, & quotidianas intelligo; cuius-
modi

modi in homines etiam studiosos perfectionis cadunt: nam grauiores Ignatius minimè tolerasset. Solebat etiam sōntibus, ad humilem mensam in triclinio accumbentibus, obiurgatorem inducere, infimæ plerumque conditionis hominem, sed ingeniosum & acrem; qui cunctis audientibus, vitia reorum increparēt, exprobraretq. religionis annos, & negligentiam: idemq. cæteros carptim, nec opinantes repente perstringeret; nimirum edomandæ superbiæ causa, mentisq. è pigritiæ veterno excitandę. Sed qui deliquerant, priusquam ex consuetudine punirentur, quām lenissimè operam dabat, vt suam ipsi culpam agnoscerent; atque vltro sibimet multam irrogarent: quę tamen si grauior videretur, confessione contentus, ita moderabatur, vt multum sēpe de acerbitate minueret.

*Eiusdem animi submissio, & quid de
virtute Obedientiæ senserit.*

Cap. VII.

NE G A B A T, suo quidem iudicio, quemquam probè intelligere quām vehementer in se quisque diuinę bonitatis operationem impeditat: quantaue illius beneficia, & dona per socordiam, ignauiamq. corrumpat. quo criminē sese accusabat in

P primis.

primis. atq. ita de suis rebus demissè, & humili-
ter sentiebat, ut se mortalium omnium infimum,
& opis diuinę maximè egentem putaret: sibi que
ceteros omnes ad uirtutem, pietatemq. & exem-
plu, & incitamento fateretur esse. Priuatę verò
uite quanto desiderio teneretur, & initio declara-
uit in recusando magistratu; & deinde, cum vt re-
digeretur in ordinē, aliusq. sibi succederet, omni
ope contendit. quod tametsi consequitus non
est; tamen obedientię studium quibuscumqne re-
bus potuit, semper ostendit.. Romano quidem
Pontifici, cuius in uerba pręcipuo sacramento iu-
rauerat ita erat pręsto, ut ad ipsius nūtum sese pa-
ratum exhiberet, confecta iam etate, unius baculi
adminiculo, pedibus quocumque opus esset, pe-
regrè proficiſci, uel etiam nauigium ascendere
planè exarmatum, seq. eodem Pontifice iubente,
mari, uentisq. sine ulla dubitatione committere.
Quem ipsius animū uir quidā primarius cū haud
satis probaret, & in eiusmodi re consiliū, pruden-
tiamq. requireret; prudentiam quidem, non obe-
dientis, uerū imperatis esse respondit Ignatius.
Et sanè, cum in Societate nostra uirtutem hāc cę-
teris omnibus anteferret: tūm nihil huic laudi tā
contrarium dicebat esse, quam in superiorum ius-
sis, & consilio examinando moram, v̄el potius
arrogantiam . negabatq. obedientis nomine di-
gnum haberi oportere, qui legitimo superiori nō
cum uoluntate iudicium quoque submitteret. Id
enim

enim demum esse D^eo gratissimum holocaustū, cum omnes animi vires, ac pr̄sertim intelligētia, & mens, quę summum in homine obtinēt locum in obsequium C H R I S T I coguntur. qui verò inuiti, ac dissentientes, actu exteriore duimtaxat, iussa pr̄positorum exsequerentur; hos inter vilissima mancipia, vel pecudes potius numerandos aiebat. Extat eius epistola ad socios Lusitanos in hanc sententiam scripta, (qua nihil ego quidem in eo genere uidi subtilius) quam qui accuratè perlegerit, facilè intelliget, quām iure Ignatius tantum huic uni mentis, & rationis obsequio tribuendum putari. Quinetiam in sermone quotidiano s̄apissimè usurpare consueuerat; qui ad superioris nutū, uoluntatis propensionem solummodo, non etiam iudicii consensionem accommodarent: eos alterò tantūm pede intra religioni septa uersari. Neque tierò eiusmodi pr̄cepta uerbis tantūm explicabat ille; sed, quantum eres, & persona concéderet, etiam factis. Medico quidem, quoties ægrotaret, ita se dictō audientē pr̄bebbat, ut eius monita pro oraculis duceret, ac quodammodo prudentiā penitus exuisse, & omnem suæ salutis curam, & solicitudinem in eundē proiecisse uideretur. Cum stomacho grauissimè laboraret aliquando, ex nimio uidelicet hepatis calore, ut supra diximus; adhibitus medicus, quo domus eo tempore utebatur adolescente nec peritissimo; frigidę corporis constitutioni causam

P 2 illico

illlico tribuit . nec mora quidquid excogitare posuit ad corpus , & p̄cordia calefacienda , prescripsit . ac primum fenestras , foresque cubiculi , ne quid afflaret aure , obserari diligenter iussit ; deinde languentem multa sub ueste continere se se ; postremo quam calidissimo cibatur , & exiguo mero , sed quam austerissimo refici . quæ omnia Ignatius licet sibi nō leuibus argumentis , minimè accommodata sentiret , ac medicum ipsum nec litteratissimum , neque exercitatissimum sciret esse ; tamen , ne cum extremo quidem vitæ periculo , contra eius edicta nihil umquā effatus est . Astas erat summa : calores , vt in Urbe , maximi : ingenti stromatum pondere premebatur Ignatius : manabat è membris omnibus tanta sudoris copia , vt culcitrae , ac uestes maderent ; ac nihilominus ex p̄cepto se intra calida fomenta cohíebat egrotus . ardebat siti ; nihil omnino poscebat ; discruciatabant doloribus acerbissimis , nullam edebat vocem ; linquebatur animo interdum , neque ramen significabat ; denique peruersa curatione eó adductus est , vt cum ultimum sibi discrimē adesse intelligeret , Societatis administratione Patribus delegata , aditu cubiculi domesticos prohibebat omnes , uno excepto valetudinarii curatore : atque id demum exstítit signum , desperata iam valetudine , se ad vitæ exitum comparantis . Itaque Patres in re tam subita consilio habito , cum non decessent qui medici p̄serrim junioris plati

cita

cita reprehenderent; Alexandrum Petronium, ætate prouectuuirum, & medicæ artis laude prestantem, exemplò acciri iubent. Is ut inspexit Ignatum, genusq. & ordinem adhibitæ medicinæ cognovit; per summam indignationem uociferatur, hominem calore necatum esse: pandi confessim fenestras & ostia; leuari stragulis lectum; frigida haustus affatim dari æstuanti imperat: quæ res prioris medici inscitiam planè coarguit; siquidem refrigerato hepate, uentriculi tormenta quietuere; & obedientiæ meritis Pater auctus, pristinam insuper ualetudinem breui recepit. Rursus, cum ieunia cineralia, seu Quadragesima in, quamvis affecto corpusculo, perseueranter nihilominus obseruasset; ipsa denique feria quarta sanctioris hebdomadæ, febri correptus est; nec dubitauit idem Alexander, quin totum id ex imbecillitate nimia proueniret; quo circa pulli gallinacei esum ad uesperam illi prescripsit, abiitque admodum incertus animi, utrum Ignatius tali tempore iussa facturus esset.redit deinde postridie, queritq. sollicitus, num se refecerit pullo. cum annuisset Ignatius: Fatebor, inquit Alexander, ingenuè id quod res est. Cum plures non custodita solemni abstinentia, nihilominus hoc triduo in morbum incidere. quibus ego cum accersitus, carnium cibatum indixerim, uix, egreq. ab iis impetraui, ut obtemperarent. propterea quod per hos dies carnis uesci, nimis

graue piaculum ducerent . tu contra, peracto iam penè curriculo , ad ipsas metas meo monitu non recusasti desistere . hoc ego , Pater , satis mirari non possum . Ad ea Ignatius serena fronte , quę animi tranquillitatem indicaret : Atqui obedendum est , inquit . nec plura in eam sententiam effatus est . quo responso mirificè delectatus Alexáder , & sanctitatem uiri magis , magisque suspicens , totam rei gestę seriem ipsem mihi deinde narrauit . Atq. ad sapientem hanc , sanctamque stultitiam cæcæ , vt ipse appellabat , obedientiæ ; suos , vt essent ad subita , ac seria promptiores , interdum fictis etiam in rebus erudiebat . Sacerdos quidam , edito iam signo , paratus ad sacrificium , & calicem tenens , cum è vestiario pedem efferret : per nuntium ab Ignatio qui totam rem è propinquo obseruabat , repente iubetur , sacro deposito ornatu , pallium sumere prodeundi causa . Paruit ille sine tergiuersatione , ac palliatus Patri confessim apparuit . Tum Ignatius quærit ex homine ; sitne ægrè passus , in procinctu iam ad immolandum , subito se iuberi sacra deponere vestimenta , remque diuinam omittere ; Cum ille , se , ne , tantulum quidem esse commotum affirmaret ; Atqui me , scito (inquit Ignatius) non quò te in præsentia opus habeam , sed periclitandi tui obsequii gratia id fecisse de industria . & sic habeto ; plus te sacrificio deferendo esse meritum , quām si id ipsum , vt destinaueras , illlico peregisses : nam & si

altaris

altaris mysterium tanti apud Deum est, quanti profectò est: tamen, vt scriptum legimus, melior est obedientia quàm victimæ. Quemdam etiam, cum maximè confessionem nobilis cuiusdam exciperet, consultò vocari ad se iussit, cum ille se peracto mysterio mox affuturum dixisset; accersit eum denuo: at ipse nihilominus confitentis rogatu hæsit paululum, ac venienti demum Ignatius: Itane verò; iterum, inquit, euocandus es? Et grauioribus verbis accepit hominem; non quò illius tum quidem opera egeret: sed obseruantiam, & agilitatem experiri voluerat. Sic enim aiebat: cupere se quemadmodum cæteræ Deo dicatae familiæ, ex instituto aliæ paupertatem, aliæ silentium, aliæ psalmodiam, aliæ deniq. aliud præcipuo studio colerent; sic in Societate, nihil haberi prius, aut potius alacritate, amoreq. parendi: & maximè proprium insigne nostrorum hominum esse Obedientiam; quippe quæ diu Gregorio teste, virtus vna cæteras omnes animo virtutes inferat, insertasq. custodiat. Hiscè ergo artibus, & huiusmodi, subinde alumnos exercere consueuit: vt ad quamlibet præfecti vocem, aut significationem parati, vel inchoatum apicem in scribendo relinquerent: seq. expeditos ubi opus esset, illico sisterent.

Paupertas eius, & castimonia.

Cap. VIII.

VOLUNTARIAM paupertatem
 (quam ille religionis murum appella-
 bat) ad extremum usq. constantissimè
 coluit; nec modò ipse proprium habuit
 nihil, sed ne alios quidem quamuis nobi-
 les, ac deliciis olim assuetos, quidquam habere
 permisit, quinetiam quemquam è professâ domo
 apud Germanicum, Romanumque Collegium,
 nisi admodum raro, & iusta de causa prohibuit
 vesci: quò nimirum, si opus esset, iurare verius
 possit, nihil omnino ad ipsam domum ex Colle-
 giorum fructibus peruenisse. Pauperem autem
 spiritu eum sibi deniq. aiebat videri, qui erga ea
 quibus vteretur, sic esset affectus animo, ut instar
 statuæ cuiusdam videretur esse, quæ nullo pacto
 resistit, recusatue, quominus omni quamuis pre-
 tioſo amictu & ornatu confestim exuatur. Ca-
 stitatis vero laudem Dei beneficio tantam adep-
 tus est, ut ex quo die se in beatæ Virginis fi-
 dem, ac patrocinium contulit voto; nullam, ut
 initio dictum est, deinde, quamuis præferuidus
 natura, carnis tyrannidem senserit. Porro in So-
 cietate nobilissimam hanc virtutem tanto studio
 custodiri volebat, ut nihil omnino neque in di-
 ctis, neque in factis lascivum, aut petulans appa-
 rere rateret:

reret: ac quoad fieri posset, nostri cœlestem vitâ in terris agerent ab omni corporis contagione seiuncti. Quinetiam in scholis Terentium explicari (ni perpurgatus esset) quâmquam optimum Latinitatis auctorem, & Romanæ comœdie principem venuit nominatim, quod eum videlicet parum verecundum, ac parum pudicum arbitrarentur. Noluit igitur ea lectione puerorum animos imbui, ne plus moribus noceret, quâm prodesset ingenii. ex quo facile existimari potest, in ceteris rebus quâm acer, & vigilans custos pudicitiae fuerit.

Aequitas animi, & constantia eiusdem.

Cap. IX.

DVERVS ea, quæ videntur acerbâ, & contra omnes varietates, quæ in vita versantur, animo fuit semper ita præsenti, ut numquam vel à statu naturæ, vel à religioſi dignitate discederet. Romæ cum apud nobiles quosdam, vt solebat, de rebus diuinis familiariter ageret, instituto iam sermone, trepidus ab domo nuntius ei repente in aurem insuffrât, lictores in domesticam suppellectilem à creditoribus immissoſ, cuncta miscere, & euertere: vix ab eis impetratum sustinerent tâtiper, dum ipſe tota de re certior fieret. His audi-

ditis Ignatius : Benè habet , inquit : & inchoatam disputationem admirabili trāquillitate animi absolvit . Quārentibus dein amicis quid subita rei accidisset : Noster , inquit , œconomus ad necessariam ædificationem ære alieno contracto , in præsentia soluendo non est . impatientes moræ creditores ad auferenda pignora ministerium forense miserunt . ii perturbare dicūtur omnia : sed me res non mouet . nam strata si abstulerint , humili pro nostra paupertate cubabimus . vnum vereor , ne inter tumultum , commentarii de religione pereant magna cura , & labore confecti . Hos ego sanè velim saluos : cætera negligo . Tum ii , qui aderant , patris patientiam admirati , facinus indignum exclamant ; domum nostram aduolat ; prædesq. pro Ignatio facti , satellitum proteruitatem magno conuicio cohibent . neque ea res cuiquam amicorum fraudi fuit : siquidem aureis ducentis ab Hispano doctore , cuius modò meminimus , Hieronymo Arzio , & quidem quid accidisset ignaro , postera die submissis , nullo ipsorum incommodo æs alienum est perfolatum . Susceppta negotia in finem vsque perseveranter vrgebat ; neque verò , quos sibi socios expeditionū assumpserat , torpere patiebatur . Vbi necessarium iter , vel quid aliud grauioris momenti destinasset in diem certam , præsertim si postularet occasio , nulla vi tempestatis , aut alia quauis difficultate deterreretur , quominus ad constitutum tempus co-

gitata

gitata perficeret. In adeundis principibus viris, quod ille necessariò, & sàpe faciebat; cunctas aulae molestias, & indignitatem, & aulicorum contumaciam, deliciasq. vorabat alacritate mirabili. acciditq. aliquando, vt aditu exclusus, commodam admissionē horas ipsas quattuordecim ieiunus obsederit. Si quid, re benè perspecta, consiliariis etiam adhibitis, decreuisset; haud ità facile se ab eo deduci patiebatur. Ad Ecclesiasticam disciplinam pro sua parte adiuuandam, statuerat ne quis ex aliis Ordinibus transfuga quamuis eruditioне, aut eloquentia, aut alia qualibet laude clarus, in Societatem admitteretur. Obtulere se multi; nec prece, nec gratia vñquam adductus est, vt quemquam reciperet. quinetiam si quis per nostrorum imprudentiam irrepserat, qui vel diem vnum in alienis castris fuisse, contra nitentibus interdum aduenæ propinquis, amicisq. gratiosis, remittebat ad pristina signa, vel si minus pareret, certè è Societate pellebat; ne cæteri nimurum Ordines de nobis conqueri possent; aut Societas quasi quoddam perfugium desertoribus esse putaretur. Neque minorem animi fortitudine præsttit in iis tuendis, quos, probato ipso rum spiritu, & vocatione, in societatem adscripsisset. quorum constantia cum à parentibus (vt fit) per amplissimos etiam viros acerrimè interdum oppugnaretur; Ignatius, vbi opus fuit, coram summo ipso Pontifice, suorum causam con-

tra opes & gratiam, diuino fretus auxilio, sine vlla dubitatione metuue, non solum defendit, sed etiam obtinuit. Itaque principes etiam viros Iulius III. Pontifex maximus festiuè admonebat, ne cum Ignatio contendenter; vtique ni vellent è certamine victi discedere. Cum lege cauisset, ne quis è nostris vel exsequiarum, vel sacrificii, vel cuiuspiam omnino ministerii nomine pecuniam aut eleemosynam vllam acciperet, nedium cogeret; eam ipse legeim diligenter, sancteq. in omni vita seruauit; neque commisit vñquam, vt fidem suam, in rebus præsertim sacris, temerè obligaret; vel (quod vitandum est maximè) specie piætatis quæstum facere videretur, quo in genere illud insigne memorant. Grauiter egrotabat etate iam deuixa, idem Hieronymus Arzius, ad hunc, visendi causa (fuit enim in colendis amicitiis diligenterissimus) cum venisset Ignatius, hominemq. benigno, & spirituali alloquio recreare conatus esset; ille de futura vita sollicitus, aureos ducentos ad piacularia sacra pro se facienda sudario inuolutos institutus Ignatio obtrudere. quos cum obfirmato animo reiecisset Pater, quòd diceret se alieno periculo doctum, ab huiusmodi conuentis iampridem abstinere, neque plus oneris velle suscipere, quām quantum præstare cum fide posset; admiratus ille sanctimoniam, & integratatem viri, eam ipsam summam paulo post ad eundem sine vlla conditione transmisit. Tum Ignatius spō-

te

te complures hostias ad expianda amici peccata decreuit: neque in officii, & caritatis certamine vinci se ab laico passus est. Pacem, & concordiam (quoad officium, & Dei gloria pateretur) non modò cum suis verum etiam cum alienis oranti cura studioque retinuit semper; & cauit, ne, aut per se, aut per suos facto, dictione quemquam offendere. Cum Martinus Olavius, qui Collegio Romano annos aliquot magna cum laude praeftuit, excellenti vir ingenio, doctrinaque, theses aliquot de more proposuisset, in quibus erat caput de Immaculato, ut appellant, Conceptu Beatæ Virginis; licet ea de re Ignatius pro sua egregia in Deum, & Virginem pietate minimè dubitaret, tamen ne Fratres Dominicani, qui ad disputationem inuitabantur, id ægrè ferrent, sequè nominatim prouocari putarent, (contrariam enim sententiam auctore D. Thoma tuentur eorum plerique) eam thesem, quamquam ingeni sciente Olauio, induci tollique omnino imperavit. Anno C H R I S T I nati M. D. LIII. cum Societas in Hispania, Deo adiuuante, maiorem in modum cresceret; grauia in nostros criminis repente conficta ab inquis, & Exercitorum spiritualium præcipue liber in suspicionem apud sacros Inquisidores magno apparatu, artificioque vocatus est. quo nuntio Romam allato, multi autores Ignatio fuere, ut se, suosque omni ope tueretur; accusatorum calumnias, & improbitatem

monib[us]

in

in tanto præsertim suæ existimationis, ac famæ periculo redargueret. At ille conscientiæ testimonio, ac Dei bonitate subnixus, nihil extimuit, remque totam sine ullo tumultu Magistratibus cognoscendam reliquit. quorum opera, & veritas breui patuit omnibus, & ex eo tempore Societas in iisdem prouinciis feliciores in dies habuit progressus. Nec minor anno in sequente in nostris qui in Gallia versabantur, procella deseuit. Siquidem graui ab aliquot illustribus Theologiae doctoribus, decreto proposito, usque adeò lacera-ta, ac tantam in inuidiam adducta Societas est, ut eam non modò profanum vulgus, verùm etiam concionatores ipsi quotidianis probris, & conuiciis è superiore loco proscinderet. Ei decreto, criminibusq. scripto refutandis cum se aliquot è nostris Ignatio paratos offerrent; ac res indigna, minimeq. toleranda cunctis videretur esse; verbis ex Euangelio desumptis Ignatius: Pacem, inquit, do vobis, pacem meam relinquo vobis: neque certamen cum aduersariis ullo pacto suscipi est passus; quod diceret, proculdubio fore, ut ipsa dies & nostrorum innocentiam satis probaret, & inimicorum cogitationes, & consilia frangeret. Id quod non ita multo post, Dei beneficio est factum; nam & accusatio tota breui consenuit, & ipsis criminacionibus illustrata Societas radices, in iis regionibus egit altiores. Admirabilem vero facilitatem, vel potius animi altitudinem

tudinē Romæ ostendit Pater in acerbissimis vici-
ni cuiusdam iniuriis perferendis . namq. is , vt
nóstros in proximam sibi domum , quæ Petri Co-
datii fuerat , immigrasse cognouit ; cum Ignatium ,
sociosq. vt alii multi , sine causa pessime odisset ,
vna re valde latatus est ; quod vendendi suas èdes ,
quippe nostris valde oportunias , & conficiendæ
pecuniae præclaram sibi occasionem oblatam pu-
taret . Ergo , vt peregrinum ad conditiones quam-
libet iniquas cogeret , variis artibus patientiam
hominis exercere constituit . ac primum in atrii
cuiusdam interiacentis , quod finibus nostris con-
tineri constabat , possessionem impudenter inua-
sit : neque tamen Ignatius , eam rem iudicio perse-
cutus est . In id atrium deinde paunes , & alia
demisit altilia ; quæ obuersis in eam partem cubi-
culis nostris molestissimo clangore diu , noctuq.
obstreperent ; nequaquam expostulauit Ignatius .
eidem triclinii parietes in eam partem luminis
causa perforare volenti , per summam contume-
liam restitit ille : nihilominus quieuit Pater , at-
que ob id ipsum cæco aliquot annos triclinio est
vsus . Cum hæc maximè ageret vicinus , vltro
Ignatium , ac socios tota Vrbe instituit criminari ;
bipedumque nequissimos , & cupidissimos dice-
re ; qui in alieno solo , non contenti male parta in-
genti pecunia , domibusque per fallam religio-
nem occupatis , possessiones in dies continuare ,
seque ipsum patriis ædibus penè per vim extur-

bare

bare contulerent. Que res cum delatae ad Ignatium essent non modo sedato animo tulit, ut cetera, sed etiam ex eo die Dominum deprecari pro aduersario coepit ardentius. Denique cum ille diuturna importunitate nostros ad quamlibet iniquum pretium perduxisset, & piorum subsidis domus tandem esset coempta; ita ex ea migravit, ut, quasi mox aequanda solo esset, sic omnia inde ferramenta, fores, fenestrarum obices, atque adeo elaborati lapidis quidquid potuit secum asportauerit, neque tamen grauius ea de re que-
stus Ignatius est, neque tali homini, aut ulli omnino mortalium ullo inquam nomine litem intendit. Neque vero ab hominibus tantum, sed etiam ab ipsis penè temporibus, inuictum animū prestitit, siquidem nulla inquam vel domestica inopia, vel publica annona caritate adduci potuit, ut contra C H R I S T I consilium de crastino solitus esset; aut, qui nomen Societati profiterentur, modo ad institutum idonei forent, eos, quamquam ingenti preslus familia, repudiaret. Atque id, eò magis homines mirabantur, quod eo ipso tempore viri locupletes, ac principes, inopia metu, multos è domesticis coniuctoribus non sine rubore dimitterent. Itaque cum ex Ignatio quidam è familiaribus pro amicitia sciscitaretur, quid ita alii diuites, & pecuniosi, in tantis annoe difficultatibus familiam sumptusque minuerent; contra ipse nullis vestigalibus, nullo certo redditu
 fultus,

fultus, eamdem augeret? Non satis attendis, inquit ille, quæ sit vis, ac natura virtutis illius, quam in Theologicis virtutibus secundam Apostolus numerat; cui, certis, & exploratis in rebus locus esse qui potest? Spes enim, ut idem ait, quæ videtur, non est spes nam quod quis videt, quid sperat? Neque verò timendum esse, ne qui aues cœli pascit, & agri lilia splendidissimo vestit ornatu, quæ neque serunt, neque nent, neque in horrea congregant; idem suis operariis in Ecclesię vinea nullo stipendio laborantibus, necessaria ad exigēdam vitam alimenta deesse patiatur. Quod ille videlicet, cum iam inde ab ipsa conuersione multis documentis præclarè didicisset; tum verò post suscep̄ta Societatis gubernacula, magis, magisque experiebatur in dies, quo in genere, ne sim longior, nonnulla subiectam. Cum in sumptus quotidianos aliquando esset opus præsenti pecunia; atq. ad nescio quid coemēdum Ioannes Cruceius rei domesticæ curator exisset, incerta etiam tum luce quidam ei repente sacculum auro plenum obtulit, ac nihil effatus illico se se è conspectu propriuit. Ioannes verò, qua erat simplicitate, ut auri speciem vidit, illusionem, ac præstigias diaboli suspicatus, in proximam ædem beatę Marię supra Mineruam se recipiens, diuinam opem suppli- citer implorauit. domum deinde regressus, pecuniam inspectam, & forma, & materia probam reperit: Deiq. clementiam, ac benignitatem admisit.

Q

rans, in ea quæ destinauerat; sine cuiusquam danno, vel molestia insumpsit. Idem, cum in magnis rei familiaris angustiis Deo, superisq. in Laterano supplicasset; in reditu ad Colosseum theatrum illi subito vir quidam ignotus aureos centum in manu dedit, ac statim apparere desit. Quare Ioannes non tam lætitia, quam horrore perfusus, pecuniam domum attulit. Ignatius vero gratias quidem egit Domino, sed talibus iam pridem assuetus, nihil rei nouitate commotus est. Rursus nostris pecuniæ inopia laborantibus, quidam è Patribus dum nescio quid exquirit in arcula tormento, scrutisque vilissimis plena; nihil minus oppinanti venit in manus chartaceum inuolucrum aureis refertum ita nitidis, atque micantibus, ac si tum primum ex officina prodirent: quam insperato subsidio præsenti egestati peropportune subuentum est. Quodam die sub uesperam, cum domi panes, vinum, ligna penitus defecissent; postridie mane, præter omniu[m] exspectationem, à nobili matrona vehes lignis onusta submittitur, ea ligna dum in cella vinaria, ut sit, condit anitor; iauiam domus in Capitolium eo tempore obuersam, parentem reliquit imprudens: recordatus deinde, cum ad occludendum accurisset, repente modios aliquot frumenti, & vini cados in ipso vestibulo reperit: neque adhibita quantauis diligentia vñquam rescire potuit, quis ea dona misisset. Hæc igitur, & alia eiusmodi sub
bindē

binde accidebant, quæ politico superficio reæstimenti friuola cuipiam fortasse videantur: sed certè, & paternam in famulos, Dei prouidentiam satis declarant; & Ignatii securitatem, atque fiduciam ab omni stultitiæ, vel temeritatis infamia vindicant.

Eiusdem ratio gubernandi.

Cap. X.

N Consilio capiendo, & rebus gerendis, cum Deum semper, ut dictum est, accurata supplicatione consulteret, tum verò (quod mirum fortasse cuipiam videatur) non pietatis gustum, sed rationis dictum præcipue sequebatur: ut, non rationem spiritus dulcedo præiret, sed dulcedinem ratio. Hoc enim aiebat uno maxime belluis homines antecellere, quod hi ratione utantur, illæ nequaquam. Idem ad exsequenda consilia, quoad fas esset, omnes artes, & humana presidia sic adhibebat, quasi omnem spem in iis depositam haberet; rursus ita Deum orabat, & ex eo pendebat uno, ac si nihil omnino in rebus humanis opis, aut perfugii collocaret. atque hoc pacto (quod longè optimum, ac perfectissimum est) prudentiam cum pietate iungebat; ipsaque negotia tamquam onera paribus examinata ponderibus, quamvis difficili, ac lubri-

co itinerè ad optatos plerumq. exitus perducebat. Ad consultandum autem , illud , obseruabat in primis, vt in quaq. re semper eius rei peritissimos adhiberet; qua communicatione , ac lenitate nimirum assequebatur , vt & rationes iniret optimas, neque in arte sua se quisquam ab eo vel preteritum , vel contemptum , iure conqueri posset. Ac cæteris etiam in rebus videbat etiam atque etiam, vt vniuscuiusq. dignitatis, ætatis, ac meriti ratio haberetur . Petronius erat Pisaurensis , qui ante aliquot annos mortuus est , egregia pietate & virtute presbyter . is , cum tres minores natu germanos fratres ad Societatem suis adhortationibus perduxisset; eum semper Ignatius adolescentulis loco parentis, ac præfidis voluit esse: neq. de iis gratius , quidquam, nisi ex illius auctoritate , ac sententia statui pastius est . Ad officia vel negotia , quæ per se obire non posset , cum viris principibus transigenda , viros eligebat , rerum vsu , ac dicendi copia præditos , atque iis ita vel scripto , uel uerbis mandata dabat , ut liberum iis omnino relinqueret , cum in rem presentem ue- nissent , sine ullo ipsius respectu omnia ex re , & ex tempore moderari . Idemq. sub uesperam ad se redeunti cuiquam ex iis, cum rei gestæ rationem ab eo reposceret , primum omnium : Satin' (aiebat) ex animi tui sententia? quæ liberalitas hominis, & ipsi cause multum proderat; & suorum illi mirè deuinciebat animos ; & eosdem ad exsequēda

da negotia perquam alacres, promprosq. reddebat. Anno post Christum natum M. D. LIII. cum ad res in Lusitania componendas Michaelem Turrianum legaret; haud ita pridem in Societate admisum; licet ei varias præceptiones; ac monita ediderit consignata litteris; tamen cum probè nosset fidem, ac prudentiam viri, non modò permisit, ut cum in prouinciam peruenisset, suo arbitratu consilia rebus aptaret; sed etiam per multa ei dedit folia pura, suo munita chirographo, quibus ille, prout opus esset, quidquid videatur, inscriberet, ac deinde obsignatas epistolas cuicunque expediret, ipsius nomine redderet. Atq. hanc consuetudinem laxè cum procuratoribus, ac nuntiis agendi, semper magno cum emolumento retinuit. Quin etiam præfectis inferioribus minime maligne suum cuiq. ius, ac potestatem impertire consueuerat: cauebatq. diligenter, ne, que per eos agenda forent, usurparet ipse; vel ea re quidquam omnino apud subiectos de illorum auctoritate, vel existimatione minueret. Verum tamen iis ita laxabat habenas, ut easdem adduceret, quoties vellet; nec non in eorum instituta, morisque, & administrandi genus dissimulanter inquireret. Exstat Epistola ipsius ad Præpositum prouinciæ Lusitaniæ, in hanc sententiam scripta, cuius mihi parté hoc loco inserere visum est: Neque vero Prouincialis aut Generalis Præpositi officium est, inquit, minuta queque, ac temporaria

„ præsertim, in administrando securi, sed cum ad
 „ personæ dignitatem honestius, cum ad tranquilli-
 „ tatem animi tutius est, ea präfectis inferioribus
 „ delegare, & rei confectæ rationem ab eis deinde
 „ repetere. Evidem in meo fungendo munere id
 „ ipsum sequor, atque huiusce consili maiores in
 „ dies fructum capio, quippe cum & labore, & so-
 „ licitudine leuari me magnopè sentiam. ac tibi
 „ quoque valde sum auctor, ut curas, & cogitatio-
 „ nes tuas defigas in commodis, & salute potissimum
 „ vniuersæ provinciæ: & in rebus quidem singulis
 „ ordinandis, ac disponendis, cum opus est, & ipse
 „ versere, & hominum tuo iudicio peritorum sen-
 „ tentiam exquiras; cæterum ab iisdem rebus per te
 „ curandis, transigendisq. ut plurimum abstineas:
 „ sed instar excelsi cuiusdam motoris, orbes tibi
 „ subiunctos æquabiliter, & cum grauitate ciere
 „ pergas; à quibus deinde, ut à proximis causis,
 „ propria ciuisque effecta proueniant: quod si fe-
 „ ceris, & plura, & magis tuo muneri conuenientia,
 „ sine tumultu, ac trepidatione conseceris. Præte-
 „ rea illud est in hac ratione cōmodi, quod si quid
 „ in agēdo peccetur, eius peccati p̄stat in tuis ad-
 „ ministris, quam in te residere culpam; ac multo
 „ magis decet quidquid ipsi deliquerint, corrigi abs
 „ te, quam si tu erraueris (quod per facile est singula
 „ curiosius persequenti) te ab inferioribus emenda-
 „ ri. Qued reliquum est, nobis Dominus I E S U S
 „ C H R I S T U S, ad ipsius voluntatem, & clarè
 „ intelli-

intelligendam, & ritè exsequendam pro sua benignitate lumen, ac vires impertiat. Romæ XI.
 ” Kal. Ianuarias M. D. LII. Hanc igitur Societatis gubernandæ regulam instinctu planè diuino tenebat Ignatius; eamque in omnes partes plurimum aiebat valere. Primum, quod inferiores prefecti, quò plùs credi sibi, & quò liberalius tractari se vident, eò libentius, ne videlicet humilitate vincantur, vltro ipsi cum iuperiore communicent. deinde, quòd multo acrius, ac studiosius versentur in opere: nam ut quisque maximè suum habet negotium, ita summatum in eius procuratione vigilantiam prestat. accedit, ut maior sit in dispiciendo, ac statuendo claritas, maius auxilium DEI; quippe sicut in rebus communibus, cum universaliter Preposito numen cœlestis precipuo fauore conspirat; sic idem propriis cuiusq. prefecti munéribus, suo quodam, ac peculiari munere assistit, quorum si facultas, & auctoritas à superioribus nimis arctè circumscribatur, & que per hosce tractanda sunt illi suscipiant; primum ipsa diffidentia odiosa est, &c, vt in alienis quodammodo rebus, continuò languescit industria. deinde per eam cupiditatem, & ambitionem, peculiaris ille, de quo dictum est, diuinę gratię quasi concursus amittitur. præterea, cum ad rem benè gerendam, & facultas, & scientia necessario requirantur; scientia plerumque inest ei, qui rem ipsam ex officio tractat, habetque subiectam

oculis. huic si minuatur ius , & superior ipse ,
causa non æquè benè cognita , rei transigendæ se
immisceat ; ingenti prorsus malo potestas à co-
gnitione seiungitur ; atque hinc nimirum in om-
ni cœtu suspiciones , discordie , rixæ , cum recto-
res , & curatores non contenti suo munere alter
in alterius partes inuidunt : perq. summam con-
fusionem tollitur discrimen officiorum , & ordo
ille , quo nihil est in hac rerum vniuersitate pre-
stantius . Ad hæc , ubi is , qui destinatus est quò-
piam , certis alligatur preceptis , rarum est , ut
quidquam è sententia possit efficere . magna
enim consilii pars est in tempore , & nouis quoti-
die casibus interdum ipsa negotiorum species im-
mutatur : quibus in rebus dum religione occupa-
tus animus hæret , dum fluctuat apud se , dum
cogitur ad absentes referre ; interim , irreparabili
l sæpe damno videlicet , occasionis præteruolat
opportunitas . Quæ cum præclarè Ignatius nos-
set , cum suis adiutoribns , procuratoribus ué , nisi
res aliter postularet , ea , quam dixi , facilitate
vtebatur . Itaque & in magnis , & arduis ple-
rumque actionibus voto respondebat euentus ; &
tanta erat ipso regente concordia , is ordinum
consensus : vt Societas tota uno eodemque spiritu ,
ductuque agi videretur . Benevolentiam , & cari-
tatem suorum erga se , non solum affabilitate má-
fuetudine , cæterisque virtutis , verùm etiam indu-
stria quadam alebat : cauebatq. diligentissimè , ne

quid

quid admitteret, cur eorum quispiam ab illo se minus vel diligi, vel probari putaret. Quod & in creando primum Generali Præposito seruauit, ut dictum est; ac deinde retinuit in sufficiendo sibi, cum ægrotaret, Vicario Generali; nec non in eligendis, qui Marcello Pontifici maximo, ut item supra dictum est, Pontificis ipsius iuslū, in Palatio adfisterent. quam nominationem ad ipsorum Patrum consilium reiecit; ne certos ipse appellando, cæteros ad eiusmodi munera minus idoneos iudicasse videretur. Prætereà, si quid pro imperio asperius exsequendum esset; eius inuidiam ad inferiores administros reiicere solitus est ipsis videlicet non inuitis, communemq; parentem piè, ac religiosè tuentibus. Qui hominibus cum potestate præsunt, hos cum alię fraudes, & mala circumstant, tum illud in primis, de quo sanctus Bernardus ad Eugenium: Est item vitium, inquit, cuius si te immunem sentis, inter omnes, qui Cathedras ascenderunt, sedebis me iudice solitarius, quia veraciter, singulariterq; leuasti te supra te, iuxta Prophetam. Facilitas credulitatis hēc est; cuius callidissimè vulpeculè, magnorum neminem comperi satis cauisse versutias. Ab hoc igitur scopulo, sicut à ceteris, magnoperè Ignatius declinabat; quippe satis ad omnem animaduerctionem ipsa varietate suorum temporum eruditus, ac delatoribus ita vnam aurem præbere consueuerat, ut semper alteram reo reseruaret absenti.

Quinetiam

Quinetiam accusatoris ipsius, inter dicendum, gestus, oculos, vultusq. omnes attentè obseruabantur: crebrisq. ac minutis interrogationibus, veritatis eliciendæ gratia fatigabat hominem: totam deinde rem, si opus esset, per se & per idoneos viros omnibus vestigiis indagabat leniter, ac sine tumultu. cauebatq. nō modò ne quemquam damnaret indicta causa, verùm etiam ut ne quid omnino præiudicati ad causæ cognitionem afferret. Illud etiam, in rebus præsertim grauioribus, obseruabat interdum; vt accusatorem iuberet sua manu scribere, quæ deferret: primùm, quod hominum naturam pronam esse ad maledicendum intelligeret, & stylum, quam linguam longè facilitius contineretur etiam, vt si quod mendacium, vt sit, tempore procedente exitisset, id, ipso delatoris chirographo teneri, & coargui posset. atque hoc temperamento siebat vt neque, si quid grauius accidisset, ignoraret Ignatius; neque innocentes per calumniam, aut per factionem circumveniri, vel opprimi sineret. Idem omnes reipublice partes vigilanter curabat; neq. committebat (in quo grauiter à magistratibus ferè peccatur) vt dum vnam amplectetur, desereret alteram. Verumtamen præcipua quadam fuit obseruatione in hominibus ad Societatem adscribendis, quam ille rem tanti momenti ducebat esse, vt cum aliquia è custodia corporis euolare quam primum optaret, hanc vnam ob causam in aliquot annos

propa-

propagari sibi vitæ spatia cuperet; quoad nimilum tyrocinii formula, ac disciplina, ad Societatis usum, & institutum probè constituta foret. Tyrones autem ille non à naturali quiadam bonitate, vel potius tarditate: sed à vigore magis ingenii, & rerum gerendarum adiumentis, legebat; negabatque, qui ad populi negotia factus non esset, eundem esse ad ministeria Societatis idoneum. Quod si quis bardum quempiam eo nomine obtruderet, quod ipsum utiq. è seculi naufragio dicceret euasurum, nihilominus recusabat Ignatius, neminem affirmans è Societate I E S V dicendum esse, qui ad suam unius non etiam ad aliorū salutem, & acriter, & scienter posset incumbere. Quos autem ad probationem admiserat, eorum spirituum dabat operam ut quam plurimis experimentis cognoseret penitus: neq. illos tantum ad suauem quemdam sensum pietatis (quo imperiti omnia metuntur) sed ad ueras ac solidas uirtutes erudiebat; ac præsertim (quod saepe iam diximus) ut ad nullius rei quamuis cæterò qui laudabilis, amore tamquam ad scopulum adhaerescerent: sed ab omni alia cupiditate, vel etiam propensione soluti ac liberi, ex uno tantum superiorum nutu, ac voluntate penderent; neq. assuecerent abditos eorum sensus exquirere, vel imperia sciscitari; vel quem, quibusue de causis, iisdem aut supra cæteros tollerent, aut etiam infra, suo arbitratu deprimenter; sed illis omne iudicium,

& consilium à superis datum ; sibi simplicitatis ,
& obsequii gloriam esse relictam putarent , el-
sentque proinde ad omnia quāmuis ardua , &
absurda , & subita paratissimi . Omnes omnium
querimonias perbenignè audiebat : ac solabatur
verbis humanissimis . atque etiam diligenter cu-
rabat , vt salua religionis disciplina , & Præfecto-
rum dignitate , vnicuique satisficeret . Neque ve-
rò minori vigilantia , & seueritate Præfectos ip-
pos , quām reliquos omnes in officio continebat ;
quinetiam tantò plura , maioraq. ab illis , quām ab
his exigere solitus est , quantò superiores inferiori-
bus , gradus , & virtutum insignibus antecellunt .
Idem in respondendo , agendoque , simplicitatem
ita cum cautione coniunxit , vt satis appareret , al-
teram alteri non modò impedimentoò non esse ,
verùm etiam ornamento ; atq. præsidio . Suspen-
sa , vel ambigua , vel obscura verba , perplexum de
industria , incertumq. sermonem , vti barbaras ar-
tes , & subdola mendacii tegumenta , fideique ac
societatis humanæ perniciem , semper est detesta-
tus : ac suo monstrauit exemplo veritatis cultor
eximius , quantum inter prudentiam , & callidita-
tem intersit .

Eiusdem

Eiusdem ratio proximos adiuuandi.

Cap. XI.

MIRÆ fuit solertie in solicitandis mortalibus, et à diaboli seruitute ad Christi Domini obsequium traducendis. ac, quibus artibus dæmon ad animarum perniciem vtitur, easdem ipse (quoad liceret, ac fas esset) ad hominum salutem, ac beneficium transferebat. Voluntates, ac naturas eorum quibus cū ageret, festinè odorari; ambitionis splendida, auaris vtilia, voluptuosis iucunda proponere; & suo, quod aiunt, hamo vel esca quemque piscari. Iam in congressu, maximè Principum, id obseruabat in primis, vt sermonis initia illis daret, extrema referuaret sibi: cauebatq. ne de rebus etiā diuinis ineptè, vel ad satietatem, ac fastidiū ageret. Tristem verò, & horridam sapientiam (vtique postquam in lucem hominum prodit) semper vitauit: cumq. Philosophiae nomen ipsum, intelligeret, etiam si modestè tractetur, tamen satis odiosum esse per se; nihil in habitu suo, vel in genere vitiæ, rarum aut notabile conspici voluit: ac semper sese, quibus rebus honestè, ac religiosè potuit, ad communem consuetudinem accommodauit: neque commisit, vt quod ipse non faceret, id in aliis reprehendere putaretur: prorsus, vt eius mores prima fronte, vel eminus intueuti,

END

intuenti, vnum aliquis ē populo videretur esse : verūm quō propius illum inspiceres, quō diutiū, ac familiariū vterere : eò magis præstantiam, virtutesque viri tamquam odorem ex affrictu, sentires. atque id ipsum est causæ, cur nostris nullam in vestitu ornatulie religionis initinxerit notam : sed quō facilius in hominum cœtus, & consuetudinem irreperent, ac tempestiuſis colloquiis vnuſque inque adiuuarent; vbi cumque gentium versarent, quam modestissimo eius gentis habitu iuſſit incedere : neque ullum dare signum animi à sensu communī vel ab humanitate abhorrentis. Idem valde vituperabat moderatores animarum eos, qui vel vna, eademque via, ac ferme quam ipsi tenuissent, ceteros etiam ad studiū virtutis conāretur adducere ; vel, dumtaxat si quis ad pietatem esset sua sponte propensus, formandum, regendumque susciperent : sed ipse nimirum vel ferros, & barbaros homines non dubitabat aggredi, sic, vt à singulis quod dabatur acciperet : & quos ad consilia CHRISTI prouehere non posset, certè ad precepta sensim alicere nitebatur. atque vt bonus agricola non tantum rectas, & fructuosas arbores, sed etiam deprauatas, neque ita fertiles colit ; easq. vel admixtulis erigit, vel circumcidendo castigat, vel sub alie na latentibus umbra cœlum aperit, vel telluris vitio laborantibus mutat locum ; sic ille, rerum difficultate nequaquam exterritus, dispiciebat in primis quod ingenium

qua

qua ratione tractandū esset: iisdemque sēpe morbis, pro varietate naturæ, non diuerſas modo, sed etiam cōtrarias inter se medicinas adhibere conſueuerat. Quod si quem, omnia expertus, tamen ē cœno peccatorum extrahere nequiuifset; non ideo contrahebat animum, vel ſe angori dabat; quaſi oleum, & operam perdidifſet; ſed conſcienciarum, & officii fructu contentus, acquiescebat in alto Prouidentiæ diuinę consilio. De ſpirituum diſcretione (quā ille ſcientiam habuit maximam) deq. moderandis affectibus, multa præcepit egreſie: quæ quoniam extant ſcripta (quemadmodū initio diximus) nihil eſt quod à nobis hoc loco ingerantur.

Vita eius quotidiana, & domestica.

Cap. XII.

SOCIETATI Pr̄epositus, deuexa iam aetate, viuendi priuatim hanc ferme normam tenebat. Mane, ut primum euigilasset certum tempus dabat precatiōni, & contemplatiōni bonorum cœleſtiū; deinde, ſi ſacrificandum illi eſſet, (quod munus propter ſummam animi attentionem, & corporis imbecillitatē, ſæpe intermittere cogebatur) ſacro, ſub vesperam pridie, ad Vrbis cōſuetudinem ordinato, & accuratè præcognito, rem diuinam faciebat:

faciebat: quæ recitanda forent, vel in priuato sa-
 cello, nemine præter administrum adstante, con-
 tra morem Hispaniensem elata pronuntians vo-
 ce. vsque adeò Ecclesiæ Romanæ ritus omnes, &
 cæremonias adamauerat. A psallendo, quāmq;ā
 inuitus abstinebat, quod ei propter vim lacryma-
 rum, & frequentem ecstasim, qua corpus mirè af-
 fligebatur, eiusmodi officio summus Pontifex no-
 minatim interdixerat. A sacro, si cuius negotii
 causa prodeundum esset, comite uno prodibat; si
 minus, admittendis, audiendisq; vel domesticis,
 vel externis operam dabat, serena parique sem-
 per, vt diximus, fronte: minime suspiciosus ille
 quidem, aut timidus; attamen apprimè circum-
 spectus, ac prouidus: vt illi non facilè quisquam
 posset imponere. Actiones autem omnes, è D.
 Basili; precepto, condiebat tacite precationis sa-
 le: seque ipsum, vt dictū est, excutiebat subinde,
 ne quid labis ex quotidiano mortalium rerum
 vnu contraheret. A prædio, post gratiarum actio-
 nem, remissionis causa, de rebus haud ita seriis,
 molestisq; sermones habebat iucundos: qui tamē
 vt plurimū, ad agendi, & gubernandi scientiā fa-
 cerent. Inde vel actibus publicis, vel subscriptio-
 ni, lectionique epistolarum, tempus dabat, ac
 multa etiam prout res exigeret, sua manu exara-
 bat ipse. tum si hora suppeteret, suorum acta re-
 cognoscet, à cœna verò, in sequentis diei nego-
 tia disponebat: accessitisq; administris, vel pro-
 curatoribus,

curatoribus, sua cuiq. separatiim dabant mandata; deinde cū eo, quem sibi à secretis elegerat, per otium agebat: eo dimisso, ad multam noctem solus inambulabat innixus baculo, inaiorem in modū attentus, meditansq. apud se: postremò quod supererat temporis, necessariæ tribuebat quieti: id erat spatium horarum circiter quattuor. Cubiculo usus est perangusto, ac tenebricoso; cuius formam ne successores quidem adhuc, religionis, ut puto, causa mutarunt. cibi, potusq. fuit adeo parcus, ut gustatum funditus perdidisse videatur: nisi si quando pauculis vesceretur castaneis; quibus patro more puer olim assueuerat. nulli umquam ferculo quamuis famelicus, ac ieunus, arrisit; nullum edulii, vel condimenti genus cuiquam indixit; nihil umquam inter edendum est questus; licet per adiutorum inscitiam, incuria uecibaria male cocta, conditaq. ue, vinum etiam fugiens, aut acidum præberetur. nihil denique sibi proprie apponi. umquam est passus: & grauite administrum aliquando puniit, quod uxæ racemum vni sibi præter cæteros attulisset. quæ sane peritus rerum aëstimator haud ita leuia duxerit, si hominis vel ætatem ipsam, cui multa dantur, vel infirmitatem valetudinis plura imperantem, vel denique summam inter suos potestatem, & licentiam, ut ita dicam, suo arbitratu viuendi consideret. Munditas in vietu, cultuq. dilexit, sed faciles, & nequaquam exquisitas: cuiusmodi, &

Sacerd

Fondo librario antico dei Gesuiti Italiani

www.fondolibrarioantico.it

R

viato-

viatorem , & CHRISTI famulum decent ; placuitque ei semper , ad alliciendos præsertim homines , ut dictum est , non incompta frugalitas . Ac de Ignatio quidem (quod me non fugit) alia id genus multa narrantur ; verum singula persequi necesse non est , tantum ad viri mores , virtutemque intelligendam , hæc pauca libauimus .

Pietatis opera publicè per eum instituta .

Cap. XIII.

IN T E R ipsam Societatis administratiōnem , cui potissimum seruiebat non exiguum partem curarum aliis quoque rebus impertiit ; atque iis maximè , que ad salutem , & coimodū populi , atque ad splendorem , ac dignitatē Sanctæ Romanae Ecclesiæ pertinerent . De curandis ægrotis , & pœnitentiā Secramento , Innocentii Tertii Papæ lex est : *Ægrotos nisi peccata ritè confessos à prima inspektione medici neūe adeunto , neūe curato .* Ea lex cum ipsa desuetudine propemodum antiquata esset , perfecit Ignatius , ut salutaris illa consuetudo , longo interullo reuocaretur , visendi tamen spatio in alteram usque vicem extracto : qua moderatione videlicet , simul , & publicæ existimatio ni , & singulorum animis , corporibusque consultum est . Mulierculas à maritis cum pudicitiæ , ca-

pitisue periculo dissidentes matronis ditioribus
 in officio continendas, ac sustentandas diuidere
 consueuerat: sed cum cresceret numerus: ne cui
 grauior esset impensa, locum iisdem recipiendis,
 alendisq. publice parare constituit. suumq. con-
 silium impertit primoribus ciuitatis. quibus rem
 ita probantibus, vt nemo tamen se profiteri vellet
 tam glorio si operis principem, hanc ratione Ignatius
 iniit rei ad exitum perducendę. Ex area tem-
 pli nostri Petrus Codatius procurator lapides in-
 gentes effoderat, cuiusmodi multi ruinis veteri-
 bus continentur. hos igitur lapides in magna rei
 familiaris inopia vendi, & summam ex iis confici
 aureorum centum Ignatius imperauit; eam pecu-
 niam cum ad opus incohadum primus in medio
 posuisset, tantum reliquis ardorem iniecit (insita
 mortalibus natura properè sequendi, quæ inchoa-
 re piguit) vt ex voluntaria collatione institutum
 sit cœnobium, quo eius generis fœminæ sese re-
 ciperent, ibiq. securè tamdiu delitescerent, quoad
 compositis controuersiis in gratiam cum maritis
 redirent: atque idcirco cœnobium (vt supra di-
 ximus) Male nuptarum vulgo appellatū est. Ad
 eius autem loci custodiam, atque administratio-
 nem Ignatius piorum hominum sodalitatem ad-
 hibuit, prudenti sanè consilio. Etenim in com-
 munem utilitatem intentus, ne uno dumtaxat
 munere implicitus teneretur, vt quodque opus
 absoluerat cōfestim eius operis procuraione cer-

tis, atque idoneis hominibus demandata, ipse animum, & cogitationem ad alia deinceps, atque alia transferebat. Parthenonem etiam Sanctæ Catherinæ, cui à Funariis, vel à Rosa cognomen est, Ignatius idem instituit, quo in Parthenone puellæ forma eleganti, quarum pudicitia periclitaretur ob angustias rei familiaris, magna præsectorum diligentia conquisite, interdum etiam pro pœtestate, si res exigat, e complexu parentum abreptæ, hodie ad cœtum & quinquaginta sub claustris, & sanctimonialium foeminarum disciplina, magno labore, & impensa educantur: eademque, simul atque maturum, est, vel perpetuæ religioni, & castitati sponte se consecrant; vel idoneis viris dantur nuptiæ, dote à loci praefidibus persoluta. Non minus laudabile quod sequitur. Cum plurimi bonæ interdum indolis pueri, & puella, ut in Urbe plena peregrinis & aduenis, destituti vel orbi parentibus, miserandum in modum per plateas, & compita semipudi, & egentes errarent; utriusq. sexus, & commodis, & saluti eodem Ignatio suadente, prouisum est: itaq. ex eo tempore duabus in ædibus, hoc est sanctæ Mariæ in Aquiro, & sanctorum quattuor Coronatorum masculi seorsum, ac foeminae, & gratis aluntur, & rudimentis Christianæ fidei, ac partim litteris, partim etiam necessariis ad usum reipublicæ artibus, atque opificiis imbuuntur. Utriusque autem sexus est hac tempestate numerus capitum amplius

amplius ducentorum, quorum illi præter dome-
sticas exercitationes, ad funera quoque prosequé-
da psallentes, & candidati procedunt; hæ, vbi ador-
leuerint, vel maritantur, vel in sacratarum virgi-
num collegia sese conferunt. Quinetiam, quod
olim in patria sua perfecerat, si dipsum Romæ
quoque molitus est, ut vleerosi, ac mendici per
compita misere quiritantes, ynum in locum coa-
ctis publica impala ex censu, & collationibus ale-
rentur, eamque rem ingenti ciuitatis approbatio-
ne ad exitium perduxisset, ni pauci potentes, ne-
scio quo spiritu impulsi, huic tam præclaræ actio-
ni obstitissent. Ad hæc, è quisquiliis Hebræorum
si cuiquam Euagelii lumen affulserat, hunc hospi-
tio confessim acceperum Ignatius pro sua tenuita-
te liberaliter, ac benignè tractabat, quoad Chri-
stianis præceptionibus eruditus baptismatis fonte
renasceretur. neque à procurandis neophytorum
commodis áte destitit, quām ex auctoritate sum-
mi Pontificis ædes paratæ sunt, quas Catechume-
norum appellant: quibus in ædibus hodie masculos
seorsum, ac fœminas, cum aliorum, tum præ-
cipue Gregorii XIII: Pontificis maximi munifi-
cientia largè sustentat. atq. etiam (quod expre-
sus caritatis argumentum est) baptizati ex eo lo-
co non ante mittuntur, quām aut litterarum præ-
sidio, quas interim edocentur, aut artis cuiuspi-
am, necessaria sibi in reliquam vitam adiumenta
parauerint, quo pietatis officio multi ex eadem

secta permoti, magno bonorum gaudio, sese quotannis ad CHRISTVM adiungunt. Illud vero optimum, quod ad catholicae fidei reliquias in Septentrionali plaga fouendas, augendasque, auctore, atque adiutore in primis Ioanne Morono Cardinale amplissimo, Seminarium clericorum in Urbe condidit, dato negotio nostris hominibus, qui conquisitos bonaे indolis adolescentes Romanum ex iisdem regionibus mitterent. atq. id Seminarium, siue Collegium Germanicum, ut appellant, acerbissimis deinde tempestatibus, ingenti labore, ac perseverantia tutatus Ignatius est; præstissimis e tota Societate doctoribus ad eam iuuentutem & litteris, & moribus instruendam adhibitis: quod opus & Ecclesiæ Romanæ ornamento, & Germaniæ magno adiumento & fuisse, & esse hodie vel maxime constat, cum in eius penè collapsi instaurationem, & amplificationem, idem Gregorius XIII. pro sua præcipua in eas nationes clementia, & voluntate vehementer incubuit. Nec Germanicæ modò, sed cæterarum quoq. gentium pueros, & adolescentes Ignatius, piis, ac liberalibus disciplinis imbuendos (quam vinam expeditissimam emendandi generis humani rationem ducebat esse) perse, suosque admotitu planè diuino suscepit. atque ob id ipsum, gymnaſia, quibus æquè infirmi, ac summi gratis erudirentur, non Romæ solum, sed etiam toto penè terrarum orbe constituit, summa adhibita cu-

ra, ne quid professores nostri, quamuis acutum, & plausibile afferrent peregrini vel noui dogmatis, nedum ab orthodoxa fide abhorrentis, verum in singulis quæstionibus celeberrima quæque, & probatissima doctorum placita sequentur.

Quædam de Ignatio mira.

Cap.

XIV.

IRÆTERea, quæ superioribus libris Ignatio diuinitus accidisse retulimus, non pauca de eodem admirabilia prædicantur: quorum aliqua nobis hoc loco exponere visum est. Recentis conuersione, Hierosolymam petens, dum Barcinone transmissionem exspectat, interea diuinam rem, sacras conciones, & alia religionis officia, quam accuratissimè obire non destitit. Accidit autem aliquando, ut cum in templo verbum Dei audiret; conspicata hominem fœmina princeps, peregrini habitu fæci plebis immistum; videre sibi viisa sit eius caput, ac faciem eximio quodam fulgorre splendetem, idque tanta sua cum animi voluptate, ut quamquam inuita, ac repugnans modestię causa, tamē ab eo aspectu oculos nulla ratione posset auertere. Igitur concione dimissa, nihil ei fuit antiquius, quam ut mariti permisso, peregrinum per idoneos homines oppidò conquisitum

hospitio acciperet. qui domum ingressus, per-
 cinctantibus illis, quis aut cuias esset, peregrina-
 ri se Hierosolymam dixit, neque de se ipso ver-
 bum ultra addidit: verum enim vero sermonem
 de rebus diuinis instituens, omnes qui aderant,
 cœlesti quodam solatio lætitiaq. perfudit. Qua-
 re vehementius etiam perimoti, operam dedere,
 vt nobilis quidam vir, ipsorum propinquus, in
 Italianam traiecturus, vna cum Ignatio conscede-
 ret, rati, nauigium vtique tali vectore perire non
 posse. neque eos fecellit opinio: siquidem alia
 nauis cum eodem fere tempore vela fecisset, non
 longe à portu vi tempestatis absorpta est: at vero
 qua Ignatius vehébatur, celerrimo cursu Caietan
 incolumis tenuit. Post reuersionem vero, dum
 Barcinone, vt initio dictum est, Grammaticæ ru-
 dimentis operam dat, res accidit ad viri sanctita-
 tem illustrandam haud leuis momenti. In parœ-
 cia Beatæ Mariæ, cui à Mari cognomen est, ad
 plateam Lullianam, Lyssani duo fratres de patti-
 monio diutius litigauerant. Ac denique à iudi-
 cibus lata sententia, is qui causa ceciderat, præ ni-
 mio dolore ad ultimam desperationem redactus,
 impulsu dæmonis è cubiculi trabe laqueo se su-
 spendit: ea re cognita vicini ad tetrū illud specta-
 culum confluunt, mirantes hominis facinus, mi-
 serantes insaniam. Id simul atque Ignatius audi-
 uit, confessim adiuuat, pendentem ex infelici ti-
 gillo restem praecidit; hominem, vel cadauer poti-

us

us collocari iubet in lectulo, deinde seorsum nixus genibus pro salute ipsius Deum orare non sine lacrymis institit. Res mira, deprecante Ignatio, cunctis qui aderant in lectulum obuersis, & exspectatione suspensis; miseri ille repente sustulit oculos, vocisq. usum eatenus dumtaxat recepit, quoad vocato celeriter in id sacerdoti peccata ritè confessus est, ac demum expiatus, animam è Tartari fauicibus ereptam Domino reddidit, cuius rei fama totam urbem, finesque illos magna cum omnium admiratione peruersit: & supersunt hodie, qui neminerint: a quibus ego id ipsum Barcinone diligenter quaesiui. Ac multo post, Romæ, constituta iam Societate aliud non minus mirum Ignatio contigit. Cum Alexandro Petronio, cuius ante meminimiis, & medico, & Philosopho insigni magnum usum amicitiamq. contraxerat. Ad eum ægrotum aliquando vicissim ipse, visendi causa cum adiisset, quamquam alieno tum tempore, tamen pro familiaritate à domesticis introductus, occlusis fenestrulis in lectulo quiescentem intuenit, & ex tenebris ratus hominem sopori sese dedisse, suspeso vestigio tacitus adrepens, puluino sensim assedit. ac nihilominus Alexander è somno excitatus, & repente Felicitatem uxorem inclamans; *Quis nouus hic splendor, que tanta; inquit, lux cubiculum complet?* At illa simpliciter, id quod erat, vnum Ignatium introisse respondit. *Tuum Alexander, homo grauis;* & prudens,

dens, non dubio arguento viri sanctitate in-
 terpretatus, ex eo die Ignatium tamquam huma-
 no fastigio celsiore magis, magisq. suspexit: ro-
 tamq. deinde rem ipse mihi aliisq. seriò exposuit.
 Parisiis, Michael quidam Hispanus, quem Rome
 deinde falsæ criminatiois ministruum in Patres
 fuisse diximus, impatienter ferens patronum su-
 um Franciscum Xauerium è medio honorum
 cursu ad studium humilitatis Christianæ tradu-
 ctum fuisse, ira percitus, Ignatium, ut pote eius rei
 auctorem, interficere omnino constituit: cumq.
 in hospitium ipsius vltro inuasisset, strictoq. iam
 gladio scalas furibundus ascenderet, diuina repē-
 tè voce perterritus: *Quò tendis infelix?* retulit
 gradum, totamque rem conscientia victus post-
 modum ipse confessus est. Anno à Virginis par-
 tu M. D. LIV. Rodulphi Pii Cardinalis ope-
 ra, Societatis collegium ad Lauretanam èdem in-
 stitutum est: acceditque, vt domus nostris ad ha-
 bitandum attributa, lemurum terroribus, & fau-
 norum laudibriis admodū esset infesta: cumque,
 noctu præsertim, modò hi, modò illi detraictis è
 cubili stragulis, vel insolito quodam cachinno ex-
 citati per cæcas tenebras trepidarent: ad eam pe-
 stem auertendam multa nequidquam experti, de-
 niique per epistolam ad sacrificia, & preces Igna-
 tii, tamquam ad sacram anchoram communi con-
 sensu configiunt. Ille re cognita, Deum attente
 precatus, rescripsit sociis bono essent animo, ac
 diuino

diuino præsidio freti (quod in tali re fecerat ipse non semel) dæmonum terriculamenta nihil ducerent. Mirum dictu. recitatis litteris omnes confessim ea molestia, spectrisque non modò in præsens, verùm etiam in posterum liberati sunt. Cum Ignatii defuncti corpus exsequiarum causa iaceret in feretro, Bernardina quædam Romana, filiam diuturno morbo laborante quam arte nulla medici sanare valuerant, ad osculandas mortui manus admouere vehementer optabat; certain ex eo contactu, filiæ valetudinem libi pollicita: sed cum prætura, impetu sàpe capto; puerilla nūni quam ad feretrum accedere potuisset, denique mater, quippe quam filiæ caritas valentiorem, audiacioremque reddebat, non ante destitit, quam ex Ignatii vestimentis frustulum abscidit. id frustum virginis collo simul atque alligatum est, tamquam præsenti numinis ope morbus euanuit; cuius miraculi rumor cunctis, ut par est, admiran- tibus longè, lateque manauit. Ac ne prophetæ quidem insigni dono caruisse putandus Ignatius est, siquidem aliqua partim abdita aperuit, partim longè à conspectu remota monstrauit: partim etiam multo post futura, sine vlo errore prædictis. In iis qui Barcinonæ Ignatium maximè coluere, ac præcipuum ex eius consuetudine, & monitis fructum, vtilitatemque, cepere; vidua quedam fuit nomine Agnes, è Paschala familia. hęc cum cetera caritate Ignatium adiuuit, eiusque susten-

rauit inopiam, tum Parisios proficiscentem ad usque templum Sancti Andree tria millia ab urbe passuum, officii causa persecuta est, yna cum Ioanne filio, optima spe summae virtutis, ac pietatis adolescentulo. Hunc in digressu cum oculare-
 tur Ignatius, eiq. precepta in reliquam vitam pa-
 terna daret: Cur, inquit ille, cum alii abs te excul-
 ti, tuisq. monitis incitati, vel C H R I S T I con-
 filia sint sequitri, vel certe in virtute magnos pro-
 gressus effecerint, me viuum, parens optime, ru-
 dem, informemque destituis? Quid misero mi-
 hi te absente futurum est? Atqui bono animo
 esto fili, respondit Ignatius, nequaquam tibi dee-
 rit exercende patientię, deque Deo bene merendi
 materies, namq. vbi adolescentis, uxorem duces,
 multisque incommodis afflictaberis, que te sol-
 ui deliciis, &c in auxilio diuino implorando tor-
 pere minime patientur. Neque absuit dicto fi-
 des, siquidem post aliquot annos ille contracto
 matrimonio multos suscepit liberos; cumq; haud
 ita diues esset, debitotum fraude, quibus non exi-
 guam pecunię summam crediderat, rei familiaris
 naufragium fecit, hodieq. confecta iam etate se-
 nex, seq. familiamq. suam quotidianis laboribus
 egre sustentat. Eius deinde Agnetis mortem Bar-
 cinone sanctissimè obitam, Romę Dei monitu
 presensit Ignatius, vt littere Antonii Araozii, qui
 morienti vidue affuerat, nihil ei super illa re noui
 postmodum attulerint. Petro Fabro defuncto,

quem sibi propter egregias viri virtutes successorem, animo, & spe destinauerat, aperte vaticinatus est, se decem ipsos annos ei superstitem fore; neque fecellit euentus: quippe Faber seculi huius anno sexto & quadragesimo, Kalendis Sextilibus; Ignatius (ut dictum est) ipso quinquagesimo sexto, pridie Kalen. decepsit. Quidam haud ita pridem in Societate versatus, cu ex imposito sibi munere tanta molestia afficeretur, ut somnum capere vix posset, ac de repetendo seculo cogitaret; Ignatius rem diuinitus odoratus adolescentem nocte intempesta è lectulo vocari ad se iussit; alioqui fratrum necessitatibus mirum in modum parcere solitus. Is cum animo valde perturbato venisset; ficta persona quiescuit ex eodem Ignatius, si quis hac, vel illa tentatione solicitaretur, quidnam ei consilii daturus esset: ac per eam sermocinationem omnes illi obstupecenti sensim eius animi recessus, ac latebras patefecit simul, & perturbationes admirabili dexteritate sedauit, eodemque caritatis officio erga alios quoque multos pari perspicacitate perfunditus est; qui cu suos morbos propter inscitiam aperire non posset, vltro iis ipsem et ante medicinam, & genus egitudinis, & causas detegebant. Vicetię, Fabro & Laine comitibus, dum ex voto finem anni ventris exspectat, ceteris item Patribus ob id ipsum Veneta ditione dispersis, repente assertur, Simonem Rodericum, Bassani, gratissima febri cor-

reptum,

reptum, in extremo versari vita discrimine, quo
 nuntio perculsus Ignatius, licet ipse quoque fe-
 bricula teneretur, tamen illico surgit, ac Iacobi
 Lainis, qui grauius laborabat, cura piis homini-
 bus demandata, sequente Fabro se pedes in viam
 dat, eodemque die passuum octodecim ferè mil-
 lia confecit ea quidem celeritate, ut precedentem
 vix Faber consequi posset. Cumque ex itinere
 de Simone sollicitus, orandi causa paululum è se-
 mita diuertisset, supplicatione peracta, sensit au-
 ditas preces; atque ad Fabrum rediens, pro certo
 affirmauit, Simonem è morbo euasurum. ad que
 ut venit, arctè complexus hominem, leta omnia
 sperare, & certam sanitatem exspectare iussit. Nec
 sanè frustra; quandoquidem Simon paulo post,
 contra omnium opinionem pristinę valetudini
 redditus est; atque id beneficium, hodieque se-
 cundum Deum Ignatio sese acceptum referre te-
 statur. Haud longè à Bassani mœnibus loco edi-
 to templū cernitur beati martyris Viti, ex quo in
 subiectam conuallem despectus est cum cetero
 cultu visendam, tum crebris aquarum è Medoaco
 amne deriuationibus. Id templum eo tempore
 tuebatur solitarius quidam, Antonius nomine,
 vir doctrinarum expers, & idiota quidem ille, ve-
 rumtamen seuerus, & grauis, & ipso totius corpo-
 ris, atque oris habitu venerabilis; ac proinde apud
 illas gentes magna virtutis, & sanctitatis opinio-
 ne. Is Ignatium nihil insigne preferente, elati-

to supercilio (ut ipse posteà fatebatur) contemnere apud se cœpit, ac parui facere; quoad inten-
tiùs aliquando supplicanti demonstrare dignatus
est Dominus, qui uir, & quantus esset Ignatius,
quamque multorum adiumento, & saluti diuina
prouidentia destinatus. ex quo suam ille temeri-
tatem dolenter accusans, Ignatum studiosè dein
colere, atque obseruare instituit. Per eosdem for-
tè dies quidam ex Ignatii sociis, partim anacho-
retę consuetudine, partim etiam ipsius loci amœ-
nitate captus, ita cogitare cœpit apud se: Hę Ignatii
comites, uexatis tanto labore, tanta rerum om-
nium difficultate corporibus, de animorum insu-
per salute periclitamur. raro, quam extulimus do-
mo, mentem, spiritumque referimus: nimium
pulueris, sordiumque campestri hoc opere, &
exercitatione colligimus: ac ceteris quidem ma-
ior forsati gratię diuinę fiducia, plus uirium fuerit
ad obuiā quęque superanda: mihi uero meę infir-
mitatis preclarę conscio, nonne conducat, procul
negotii, tu multibusque cœlestem in terris vitam
unā cum hoc sancto eremi cultore transigere? &
abiectis multiplicibus curis uni Deo vacare? Hęc
apud se identidem reputanti, occursabant ex al-
tera parte, Ignatii caritas, dulcedo sociorum, cœ-
pta communia, datae dexteræ, & deferendi nefas.
Eiusmodi cogitationum æstibus cum aliquandiu
fluctuasset, denique, consultandi causa ad ana-
choretam ipsum adire constituit. sed nequaquam

101010

cessit

cessit illi res è sententia, quippe vixdum extra oppidum extulerat pedem, cum ei unius spectrum est obiectum, armatus vir, trucibus oculis, stricto gladio minitās. Exterruit primō ea species hominem: dein impetu capto cum nihilominus pergetet; iratis ille, ac furens in obiūm irruere vi-
 sus. Tum yefò peregrinus haud dubiè terga dat,
 ac sine respectu in oppidum auolat, mirantibus
 incolis, quòd tam effusè fugientem aspicerent,
 nemine persequente. At ille à præcipiti cursu
 non ante destitit, quā in ipsius Ignatii diuersori-
 um sese cum insana trepidatione coniecit.
 Cui renidens Pater (totam quippe rem Deo reue-
 lante cognorat) Siccine titubas? inquit, Modica
 fidei, quare dubitasti? Quia ille interrogatio-
 ne & in praesentia valde compunctus, & in posterum
 ne ab instituto deficeret, magnopere confirmatus
 est. Cum Ioannes Codurius, e primis Patribus
 vnis, è graui morbo in ultimum vitæ periculum
 esset adductus: ad rem diuinam pro locii salute
 faciendam Ignatius ædem sancti Petri in Monte
 aureo petiit: cuius & loci, et Apostoli, ut supra
 diximus, præcipua quadam religione tenebatur:
 cum ad medium ferè peruenisset pontem Ianicu-
 lensem, qui Sixti pons hodie dicitur, sublatiss, in-
 tentisq. repente in cœlum oculis, retulit pedem
 attonito similis: ac deinde conuersus ad comitem
 (is erat Baptista Viola Parmensis, ex quo hæc ipsa
 cognoui) Domum redeamus, inquit, Codurius
 noster

noster migrauit è corpore. Creditus est Ignatius ex illo stupore, & siderum intuitu, & repentina reuersione, vt olim Hozii, sic tum Coduri animam vidisse cœlum intrantem; licet iustis fortasse de causis de hoc celauerit, quod iustas item ob causas de illo nōn reticuerat. nam & id ipsum alius aspexisse ferebatur, & ex horarum ratiōe compertum est, eo ipso temporis momento Codurum exspirasse: & alioqui non fuit, cur amicissimi viri cognito excessu, domum exemplò reuertetur, vel ad piaculare sacrum eius causa de more faciendum, recta pergere omitteret. Id autem, accidit anno post Virginis partum M. D. X L I . quarto Kal. Septembbris. Eodem ferè loco deinde quiddam aliud accidit non absimile. Cum Stephanus Baroelius Nouocomensis, qui viuit adhuc, periculo morbo implicitus teneretur, & cunctis de illius vita sollicitis, Ignatius pro viri valetudine in eadē illa, quam diximus, æde Sancti Petri in Monte aureo perlitassem; in reditu comitem lāto vultu compellans (is fuit Petrus Ribadeneria Toletanus, qui hæc ipsa mandauit literis) non moriturum ex eo quidem morbo Stephanum constanter assuerauit. nec vana fuit prædictio: siquidem haud ita multo post, egrotus non sine magna omnium admiratione conualuit. Cum Patauii, nostris ad gymnasium, & reliqua Societatis munera, Sanctæ Mariæ Magdalena templum, & eius templi yectigalia tibuisset

Andreas Lipomanus egregia pietate vir, cuius mentionem anteā fecimus; de adeunda loci possessione graue certamen à nobilissimis viris injectum est. Venetiis tum Laines, & Salmeron Societatis causam agebant. ii ad rem perficiendā omni conatu nequidquam adhibito, cum aduersariorum potentia valde premerecūt, ac penè ab incēpto desistere decreuissent; postremo (quod vnum reliquum videbatur esse pr̄fugium) per litteras totam rem Ignatio commendauit. ille, cum quinta circiter feria litteras accepisset, postridie (qui dies erat natalis Deiparæ Virginis) re diuina peracta, respondit C H R I S T I causam ne desererent, eodem adiuuante, uoti compotes fore. nec vana fuere promissa: quippe, re in Senatu diu, multumque agitata, denique possessio nostris adiudicata est cunctis ferme suffragiis: atque à peritis rerum astimatoribus non leue miraculum est habitum, in eiusmodi ciuitate, à duobus ignotis, & peregrinis hominibus, clarissimum ciuium opes, & gratiam superatam fuisse. Paulo IV. Pontifice Maximo, cum inter bellicos tumultus vir quidam Princeps, qui nuper est moriūs, Collegii Germanici tutelam, ac patrocinium, oneris, & impendii grauitate defatigatus, abiicere cogitaret; idemque auctor esset Ignatio, ut, ne in re iam desperata, ac penè collapsa, diutius operam, & oleum perderet; sanè fortiter Ignatius illi respondit, Faceret ipse quod uellet; tē quidem,

quoad viueret, eam procriptionem numquam
esse depositurum, neque vero dubitare se, quin
tam preclarè inchoatum opus diuina prouidentia
conseruatura esset: ac datura aliquādo Pastorem,
qui non modò necessariis, verū etiam copiosis
ad vicinius cultusque vectigalibus id Collegium
instrueret. Per eadem fere tempora vir quidam
pecuniosus, templi nostri miseratus angustias, ede
nobis adificare voluit laxiorem, sed cum is de-
scriptionem quamdam suam sequeretur, cum di-
gnitate quidem illam, & elegantia, vertuntamen
ad religionis nostræ usus parqm idoneam; Ignatius
piam viri voluntatem utique accepit, egitq.
ut debuit, gratias; rem verò ipsam animo fidenti
rejecit: quod sibi compertum esse diceret, non
defuturum olim, qui templum nostris muneribus
accommodatum extrueret. Quarum duarum
præsensionum alteram Grégorii XIII. Pontifi-
cis Maximi summa, ut dictum est, pietas, atque
benignitas alteram Alexandri Farnesii Cardina-
lis amplissimi eximia religio, & regia planè ma-
gnificentia comprobauit. Alia item de Ignatio
miranda narrantur; quæ, quia mihi haud satis ex-
plorata sunt, necesse non habui adscribere, præ-
sertim quod clarorum hominum sanctitas, nom-
tā signis, atque miraculis, quam caritate in Deum,
& virtute innocentia continetur.

. S I N I S .

Eiusdem forma, & statura corporis.

Cap. XV.

ST. A T V R A fuit modica; grato et pleno dignitatis aspectu; colore inter album, & aquilum: exorrecta, lataq. in fronte; viuacibus oculis; oblongo, & incuruo naso, quam vel in primis certam prudenter notam Metoposcopi existimant. claudicauit nonnihil ē vulnere olim in propugnatione Pom pelonensis arcis accepto, sed citra vllam deformitatem; vt nemo ferē nisi curiosus animaduerte ret. Effigies circumfertur illius, non admodum ad viuum, vt familiares affirmant; siquidem ex mortui demum facie, gypso imaginem expresse re plastę; quoniam ipse, dum viueret, quāquam multorum precibus fatigatus, neque pingi, neque singi se passus est, omnibus in rebus humanę glo rię contemptor egregius; ac dignus profectō cuius vitę sanctimoniā, prēstantissimā, & simasque virtutes, pia posteritas, tanti parentis memor, in omne tempus imitetur, & celebret.

F I N I S.

Errata sic corrige.

Pagina	Versus	Lege
18	26	dubiatret
20	7	memini
26	3	et anni
27	17	sacordiam
27	25	assuerat
38	26	debitori
119	16	libendas
120	4	domunculam
131	25	sortiti
191	4	piorum
193	20	multa
198	3	loquidò
216	29	obseruāait
248	28	virtutis
266	21	laudibrijs
267	2	nihil

Fathers of College.



Cinquecentina

n. 771
26

La Pia

Fondo librario antico dei Gesuiti italiani
www.fondolibrarioantico.it

126

M.

126

126

126

126

126

126

126

126

126